

পাঠ-সঞ্চয়




শ্রীরবীন্দ্রনাথ ঠাকুর

১৩১৯

কলিকাতা

মূল্য এক টাকা



২১১নং কর্ণওয়ালিস্ ষ্ট্রীট, কলিকাতা, ব্রাহ্মমিশন প্রেসে,
শ্রীঅবিনাশচন্দ্র সরকার দ্বারা মুদ্রিত ও প্রকাশিত।

দুচীপত্র

	বিষয়		পৃষ্ঠা
X১।	বন্ধিমচন্দ্র	...	১
X২।	স্বাধীন শিক্ষা	...	২
X৩।	গঙ্গার শোভা	...	২৪
X৪।	মল্লযাত্রা	...	৩০
৫।	যুরোপের ছবি	...	৩৬
X৬।	লাইব্রেরী	...	৪১
X৭।	প্রার্থনা	...	৪৪
৮।	বিলাসের কাস	...	৫০
৯।	ছোট নাগপুর	...	৫৮
১০।	উৎসবের দিন	...	৬৫
১১।	আমেরিকার একটি বিদ্যালয়	...	৭৫
X১২।	অনধিকার প্রবেশ	...	৮২
১৩।	লামার প্রাগদণ্ড	...	৯০
১৪।	গুপ্তধন	...	৯৪
১৫।	পরিবারাশ্রম	...	১২৩
১৬।	সাক্ষী	...	১২৭
১৭।	রোগশত্রু	...	১৩৩
১৮।	কাবুলিওয়ালা	...	১৩৯
১৯।	উন্নতি	...	১৫৪

বিষয়	পৃষ্ঠা
২০। বাগান ...	১৫৮
২১। মানুষ সৃষ্টি ...	১৬১
২২। ভূগর্ভস্থ জল ও বায়ু প্রবাহ ...	১৬৬
✓ ২৩। অভ্যাসজনিত পরিবর্তন ...	১৭৫
২৪। আদিম আর্থানিবাস ..	১৭৯
✓ ২৫। দান প্রতিদান ...	১৮৫
২৬। গোটের উক্তি সংগ্রহ . .	১৯৭

পাঠ-সংখ্যে

বঙ্কিমচন্দ্র

যেকালে বঙ্কিমের নবীনা প্রতিভা লক্ষ্যরূপে সুধাভাণ্ডে হস্তে লইয়া বাংলাদেশের সমুখে আবির্ভূত হইলেন, তখনকার প্রাচীন লোকেরা বঙ্কিমের রচনাকে সম্মান আনন্দের সহিত অভ্যর্থনা করেন নাই।

সেদিন বঙ্কিমকে বিস্তর উপহাস বিদ্রূপ গ্রামি সহ্য করিতে হইয়াছিল। তাঁহার উপর একদল লোকের সুতীব্র বিদ্বেষ ছিল। এবং ক্ষুদ্র যে লেখকসম্প্রদায় তাঁহার অনুকরণের বৃথা চেষ্টা করিত, তাহারাই আপন স্বয়ং গোপন করিবার প্রয়াসে তাঁহাকে সর্বাপেক্ষা অধিক গালি দিত।

আবার এখনকার যে নূতন পাঠক ও লেখকসম্প্রদায় উদ্ভূত হইয়াছেন, তাঁহারাও বঙ্কিমের পরিপূর্ণ প্রভাব হৃদয়ের মধ্যে অনুভব করিবার অবকাশ পান নাই। তাঁহারা বঙ্কিমের গঠিত সাহিত্যভূমিতেই একেবারে ভূমিষ্ঠ হইয়াছেন, বঙ্কিমের নিকট যে তাঁহারা কতরূপে কতভাবে স্বাধীন তাহার হিসাব বিচ্ছিন্ন করিয়া লইয়া তাঁহারা দেখিতে পাইতেছেন না।

কিন্তু বর্তমান লেখকের সৌভাগ্যক্রমে আমাদের সহিত

যখন বঙ্কিমের প্রথম সাক্ষাৎকার হয় তখন সাহিত্যপ্রভৃতিসম্বন্ধে কোনরূপ পূর্বসংস্কার আমাদের মনে বদ্ধমূল হইয়া যায় নাই এবং বর্তমান কালের নূতন ভাবপ্রবাহও আমাদের নিকট অপরিচিত অনভ্যস্ত ছিল। তখন বঙ্গসাহিত্যের যেমন প্রাচীন-সন্ধ্যা উপস্থিত আমাদের সেইরূপ বয়ঃসন্ধিকাল। বঙ্কিম বঙ্গ-সাহিত্যে প্রভাতের সূর্য্যোদয় বিকাশ করিলেন, আমাদের স্বপ্নময় সেই প্রথম উদ্ঘাটিত হইল।

পূর্বে কি ছিল এবং পরে কি পাইলাম, তাহা দুইকালের সন্ধিস্থলে দাঁড়াইয়া আমরা একমুহূর্ত্তেই অনুভব করিতে পারিলাম। কোথায় গেল সেই অন্ধকার, সেই একাকার, সেই স্থপ্তি, কোথায় গেল সেই বিজয়বসন্ত, সেই গোলেবকাগুলি, সেই বালক-ভুলানো কথা—কোথা হইতে আসিল এত আলোক, এত আশা, এত সঙ্গীত, এত বৈচিত্র্য! বঙ্গদর্শন যেন তখন আষাঢ়ের প্রথম বর্ষার মত “সমাগতো রাজবহ্নতধ্বনিঃ।” এবং মুঘলধারে ভাববর্ষণে বঙ্গসাহিত্যের পূর্ববাহিনী পশ্চিমবাহিনী সমস্ত নদী নিষ্করিনী অকস্মাৎ পরিপূর্ণতা প্রাপ্ত হইয়া যৌবনের আনন্দবেগে ধাবিত হইতে লাগিল। কত প্রবন্ধ কত সমালোচনা কত মাসিকপত্র কত সংবাদপত্র বঙ্গভূমিকে জাগ্রত প্রভাত-কলরবে মুখরিত করিল তুলিল। বঙ্গভাষা সহসা বাল্যকাল হইতে যৌবনে উপনীত হইল।

আমরা কিণোরকালে বঙ্গসাহিত্যের মধ্যে ভাবের সেই নবসমাগমের মহোৎসব দেখিয়াছিলাম; সমস্ত দেশ ব্যাপ্ত করিয়া

যে একটা আশার আনন্দ নূতন হিল্লোলিত হইয়াছিল, তাহা অনুভব করিয়াছিলাম ; সেই জন্ত আজ মধ্যে মধ্যে নৈরাশ্র উপস্থিত হয়। মনে হয় সে দিন হৃদয়ে যে অপরিমেয় আশার সঞ্চার হইয়াছিল তদনুরূপ ফললাভ করিতে পারি নাই। সে জীবনের বেগ আর নাই। কিন্তু এ নৈরাশ্র অনেকটা অমূলক। প্রথম সমাগমের প্রবল উচ্ছ্বাস কখনও স্থায়ী হইতে পারে না। সেই নব আনন্দ নবীন আশার স্মৃতির সহিত বর্তমানের তুলনা করাই অন্তায়। বিবাহের প্রথম দিনে যে রাগিণীতে বংশাবনি হয় সে রাগিণী চিরদিনের নহে। সেদিন কেবল অবিমিশ্র আনন্দ এবং আশা, তাহার পর হইতে বিচিত্র কর্তব্যমিশ্রিত দুঃখসুখ, ক্ষুদ্র বাধাবিঘ্ন, আবর্তিত বিবহমিলন—তাহার পর হইতে গভীর গভীরভাবে নানাপথ বাহিয়া নানা শোকতাপ অতিক্রম করিয়া সংসারপথে অগ্রসর হইতে হইবে, প্রতিদিন আর নহবৎ বাজিবে না। তথাপি সেই একদিনের উৎসবের স্মৃতি কঠোর কর্তব্যপথে চিরদিন আনন্দ সঞ্চার কবে।

বঙ্কিমচন্দ্র স্বহস্তে বঙ্গভাষার সহিত যে দিন নবযৌবনপ্রাপ্ত ভাবের পরিণয় সাধন করাইয়াছিলেন সেই দিনের সৰ্বব্যাপী প্রফুল্লতা এবং আনন্দ উৎসব আমাদের মনে আছে। সে দিন আর নাই। আজ নানা লেখা নানা মত নানা আলোচনা আসিয়া উপস্থিত হইয়াছে। আজ কোন দিন বা ভাবের স্রোত মন্দ হইয়া আসে, কোন দিন বা অপেক্ষাকৃত পরিপুষ্ট হইয়া উঠে।

এইরূপ হইয়া থাকে এবং এইরূপই হওয়া আবশ্যক। কিন্তু

কাহার প্রসাদে এরূপ হওয়া সম্ভব হইল সে কথা স্মরণ করিতে হইবে। আমরা আত্মাভিमानে সৰ্বদাই তাহা ভুলিয়া যাই।

ভুলিয়া যে যাই তাহার প্রথম প্রমাণ, রামমোহন রায়কে আমাদের বর্তমান বঙ্গদেশের নিষ্কারণকর্তা বলিয়া আমরা জানি না। কি রাজনীতি, কি বিদ্যাশিক্ষা, কি সমাজ, কি ভাষা, আধুনিক বঙ্গদেশে এমন কিছুই নাই রামমোহন রায় স্বহস্তে যাহার সূত্রপাত করিয়া যান নাই। এমন কি, আজ প্রাচীন শাস্ত্রালোচনার প্রতি দেশের যে এক নূতন উৎসাহ দেখা যাইতেছে রামমোহন রায় তাহারও পথপ্রদর্শক। যখন নবশিক্ষাভিमानে স্বভাবতই পুৰাতন শাস্ত্রের প্রতি অবজ্ঞা জন্মিবার সম্ভাবনা, তখন রামমোহন রায় সাধারণের অনধিগম্য বিস্তৃতপ্রায় বেদপুরাণতত্ত্ব হইতে সারোদ্ধার করিয়া প্রাচীন শাস্ত্রের গৌরব উজ্জ্বল রাখিয়াছিলেন।

বঙ্গদেশ অথ সেই রামমোহন রায়ের নিকট কিছুতেই হৃদয়ের সহিত কৃতজ্ঞতা স্বীকার করিতে চাহে না। রামমোহন বঙ্গ-সাহিত্যকে গ্রানিটস্তরের উপর স্থাপন করিয়া নিমজ্জন দশা হইতে উন্নত করিয়া তুলিয়াছেন, বক্রিমচন্দ্র তাহারই উপর প্রতিভার প্রবাহ ঢালিয়া স্তরবদ্ধ গলি মৃত্তিকা ক্ষেপণ করিয়া গিয়াছেন। আজ বাংলাভাষা কেবল দৃঢ় বাসযোগ্য নহে, উর্বরা শস্যশ্রামলা হইয়া উঠিয়াছে। বাসভূমি যথার্থ মাতৃভূমি হইয়াছে। এখন আমাদের মনের ঋণ প্রায় ঘরের দ্বারেই ফলিয়া উঠিতেছে।

মাতৃভাষার বক্ষ্যদশা ঘুচাইয়া যিনি তাহাকে এমন গৌরব-শালিনী করিয়া তুলিয়াছেন তিনি বাঙালীর যে কি মহৎ কি

চিরস্থায়ী উপকার করিয়াছেন সে কথা যদি কাহাকেও বুঝাইবার আবশ্যক হয় তবে তদপেক্ষা দুর্ভাগ্য আর কিছুই নাই। তৎপূর্বে বাংলাকে কেহ শ্রদ্ধাসহকারে দেখিত না। সংস্কৃত পণ্ডিতেরা তাহাকে গ্রাম্য এবং ইংরাজি পণ্ডিতেরা বর্বর জ্ঞান করিতেন। বাংলা ভাষায় যে কীর্তি উপার্জন করা যাইতে পারে সে কথা তাঁহাদের স্বপ্নের অগোচর ছিল। এই জন্ত কেবল স্বীলোক ও বালকের জন্ত অনুগ্রহপূর্বক দেশীয় ভাষায় তাঁহারা সরল পাঠ্যপুস্তক রচনা করিতেন। সেইসকল পুস্তকের সরলতা ও পাঠযোগ্যতা সঙ্ক্ষেৎ বাঁহাদের জানিবার ইচ্ছা আছে তাঁহারা রেভেরেণ্ড ক্লফ-মোহন বন্দ্যোপাধ্যায়-রচিত পূর্বতন এণ্ট্রান্স-পাঠ্য বাংলাগ্রন্থে দস্তগুট করিবার চেষ্টা করিয়া দেখিবেন। অসম্মানিত বঙ্গভাষাও তখন অত্যন্ত দীন মলিনভাবে কালযাপন করিত। তাহার মধ্যে যে কতটা সৌন্দর্য, কতটা মহিমা প্রচ্ছন্ন ছিল তাহা তাহার দারিদ্র্য ভেদ করিয়া স্ফুর্তি পাইত না। যেখানে মাতৃভাষায় এত অবহেলা সেখানে মানবজীবনের গুরুতা শূন্যতা দৈত্য কেহই দূর করিতে পারে না।

এমন সময়ে তখনকার শিক্ষিতশ্রেষ্ঠ বন্ধিমচন্দ্র আপনার সমস্ত শিক্ষা সমস্ত অমুরাগ সমস্ত প্রতিভা উপহার লইয়া সেই সঙ্কুচিত বঙ্গভাষার চরণে সমর্পণ করিলেন; তখনকার কালে কি যে অসামান্য কাজ করিলেন তাহা তাঁহারই প্রসাদে আজিকার দিনে আমরা সম্পূর্ণ অমুমান করিতে পারি না।

তখন তাঁহার অপেক্ষা অনেক অল্পশিক্ষিত প্রতিভাহীন ব্যক্তি

ইংরেজীতে দুইছত্র লিখিয়া অভিমানে ক্ষীত হইয়া উঠিতেন। ইংরেজী সমুদ্রে তাঁহারা যে কাঠবিড়ালীর মত বালির বাধ নিৰ্ম্মাণ করিতে-ছেন সেটুকু বুঝিবার শক্তিও তাঁহাদের ছিল না।

বঙ্কিমচন্দ্র যে সেই অভিমান সেই খ্যাতির সম্ভাবনা অকাতরে পরিত্যাগ করিয়া তখনকার বিদ্বজ্জনের অবজ্ঞাত বিষয়ে আপনার সমস্ত শক্তি নিয়োগ করিলেন ইহা অপেক্ষা বীরত্বের পরিচয় আর কি হইতে পারে? সম্পূর্ণ ক্ষমতা স্বেচ্ছা আপন সমযোগ্য লোকের উৎসাহ এবং তাঁহাদের নিকট প্রতিপত্তির প্রলোভন পরিত্যাগ করিয়া একটি অপরীক্ষিত অপরিচিত অনাদৃত অন্ধকার পথে আপন নবীন জীবনের সমস্ত আশা উদ্যম ক্ষমতাকে প্রেরণ করা কত বিশ্বাস এবং কত সাহসের বলে হয় তাহার পরিমাণ করা সহজ নহে।

কেবল তাহাই নহে। তিনি আপনার শিক্ষাগর্বে বঙ্গভাষার প্রতি অমুগ্রহ প্রকাশ করিলেন না, একেবারেই শ্রদ্ধা প্রকাশ করিলেন। যত কিছু আশা আকাঙ্ক্ষা সৌন্দর্য্য প্রেম মহত্ত্ব ভক্তি স্বদেশানুরাগ, শিক্ষিত পরিণত বুদ্ধির যত কিছু শিক্ষালব্ধ চিন্তাজাত ধন রত্ন সমস্তই অকুণ্ঠিতভাবে বঙ্গভাষার হস্তে অর্পণ করিলেন। পরম সৌভাগ্যগর্বে সেই অনাদর-মলিন ভাষার মুখে সহসা অপূর্ণ লক্ষ্মীশ্রী প্রফুটিত হইয়া উঠিল।

তখন পূর্বে বাহারা অবহেলা করিয়াছিলেন তাঁহারা বঙ্গভাষার যৌবনসৌন্দর্য্যে আকৃষ্ট হইয়া একে একে নিকটবর্ত্তী হইতে লাগিলেন। বঙ্গসাহিত্য প্রতিদিন গৌরবে পরিপূর্ণ হইয়া উঠিতে লাগিল।

বন্ধিম যে গুরুতর ভার লইয়াছিলেন তাহা অল্প কাহারও পক্ষে
 দুঃসাধ্য হইত। প্রথমত, তখন বঙ্গভাষা যে অবস্থায় ছিল তাহাকে
 যে শিক্ষিত ব্যক্তির সকল প্রকার ভাবপ্রকাশে নিযুক্ত করা যাইতে
 পারে ইহা বিশ্বাস ও আবিষ্কার করা বিশেষ ক্ষমতার কার্য্য।
 দ্বিতীয়ত, যেখানে সাহিত্যের মধ্যে কোন আদর্শ নাই, যেখানে
 পাঠক অসামান্য উৎকর্ষের প্রত্যাশাই করে না, যেখানে লেখক
 অবহেলাভরে লেখে এবং পাঠক অমুগ্রহের সহিত পাঠ করে,
 যেখানে অল্প ভাল লিখিলেই বাহবা পাওয়া যায় এবং মন্দ লিখিলেও
 কেহ নিন্দা করা বাহুল্য বিবেচনা করে, সেখানে কেবল আপনার
 অন্তরস্থিত উন্নত আদর্শকে সর্বদা সম্মুখে বর্তমান রাখিয়া, সামান্য
 পরিশ্রমে সুলভ খ্যাতি লাভের প্রলোভন সম্বরণ করিয়া, অশ্রান্ত
 যত্নে অপ্রতিহত উদ্যমে দুর্গম পরিপূর্ণতার পথে অগ্রসর হওয়া
 অসাধারণ মাহাত্ম্যের কর্ম্ম। চতুর্দিক্‌ব্যাপী উৎসাহহীন জীবনহীন
 জড়ত্বের মত এমন গুরুভার আর কিছু নাই; তাহার নিয়ত
 প্রবল ভারাকর্ষণশক্তি অতিক্রম করিয়া উঠা যে কত নিরলস চেষ্টা
 ও বলের কর্ম্ম তাহা এখনকার সাহিত্যব্যবসায়ীরাও কতকটা বুঝিতে
 পারেন। তখন যে আরও কত কঠিন ছিল তাহা কষ্টে অনুমান
 করিতে হয়। সর্বত্রই যখন শৈথিল্য এবং সে শৈথিল্য যখন
 নিন্দিত হয় না তখন আপনাকে নিয়মত্রিতে বদ্ধ করা মহাসঙ্ক
 লোকের দ্বারাই সম্ভব।

বন্ধিম আপনার অন্তরের সেই আদর্শ অবলম্বন করিয়া প্রতিভা-
 বলে যে কার্য্য করিলেন তাহা অত্যাশ্চর্য্য। বঙ্গদর্শনের পূর্ববর্তী

এবং তাহাব পরবর্তী বঙ্গসাহিত্যের মধ্যে যে উচ্চনীচতা তাহা অপরিমিত। দার্জিলিং হইতে যাহারা কাঞ্চনজঙ্ঘার শিখরমালা দেখিয়াছেন তাঁহারা জানেন সেই অভ্রভেদী শৈলসম্রাটের উদয়-রবিরশ্মিসমুজ্জল তুষারকিরীট চতুর্দিকের নিম্নস্থ গিরিপারিবদবর্গের কত উর্দ্ধে সমুখিত হইয়াছে! বঙ্কিমচন্দ্রের পরবর্তী বঙ্গসাহিত্য সেইরূপ আকস্মিক অত্যাশ্চর্য লাভ করিয়াছে; একবার সেইটি নিরীক্ষণ এবং পরিমাণ করিয়া দেখিলেই বঙ্কিমের প্রতিভার প্রভূত বল সহজে অনুমান করা যাইবে।

বঙ্কিম নিজে বঙ্গভাবকে যে শ্রদ্ধা অর্পণ করিয়াছেন অত্রও তাহাকে সেইরূপ শ্রদ্ধা করিবে ইহাই তিনি প্রত্যাশা করিতেন। পূর্বে অভ্যাসবশত সাহিত্যের সহিত যদি কেহ ছেলেখেলা করিতে আসিত তবে বঙ্কিম তাহার প্রতি এমন দণ্ড বিধান করিতেন যে দ্বিতীয়বার সেরূপ স্পর্ধা দেখাইতে সে আর সাহস করিত না।

তখন সময় আরো কঠিন ছিল। বঙ্কিম নিজে দেশব্যাপী একটি ভাবের আন্দোলন উপস্থিত করিয়াছিলেন। সেই আন্দোলনের প্রভাবে কত চিত্ত চঞ্চল হইয়া উঠিয়াছিল, এবং আপন ক্ষমতার সীমা উপলব্ধি করিতে না পারিয়া কত লোকে যে এক লক্ষ লেখক হইবার চেষ্টা করিয়াছিল, তাহার সংখ্যা নাই। লেখার প্রয়াস জাগিয়া উঠিয়াছে অথচ লেখার উচ্চ আদর্শ তখন দাঁড়াইয়া যায় নাই। সেই সময় সব্যসাচী বঙ্কিম এক হস্ত গঠনকার্য্যে এক হস্ত নিবারণকার্য্যে নিযুক্ত রাখিয়াছিলেন। একদিকে অগ্নি জ্বালাইয়া

মাথিতেছিলেন আর-একদিকে ধূম এবং ভস্মরাশি দূর করিবার ভার নিজেই লইয়াছিলেন।

রচনা এবং সমালোচনা এই উভয় কার্যের ভার বন্ধিম একাকী গ্রহণ করাতেই বঙ্গসাহিত্য এত সত্ত্বর এমন দ্রুত পরিণতি লাভ করিতে সক্ষম হইয়াছিল।

এই দুই ব্রতানুষ্ঠানের যে ফল তাহাও তাঁহাকে ভোগ করিতে হইয়াছিল। মনে আছে, বঙ্গদর্শনে যখন তিনি সমালোচক পদে আসীন ছিলেন তখন তাঁহার ক্ষুদ্র শত্রুর সংখ্যা অল্প ছিল না। শত শত অযোগ্য লোক তাঁহাকে ভীষ্ম করিত এবং তাঁহার শ্রেষ্ঠত্ব অপ্রমাণ করিবার চেষ্টা করিতে ছাড়িত না।

কণ্টক যতই ক্ষুদ্র হৌক তাহার বিদ্ধ করিবার ক্ষমতা আছে। এবং কল্পনা প্রবল লেখকদিগের বেদনাবোধও সাধারণের অপেক্ষা কিছু অধিক। ছোট ছোট দংশনগুলি যে বন্ধিমকে লাগিত না, তাহা নহে কিন্তু কিছুতেই তিনি কর্তব্যে পরায়ুখ হন নাই। তাঁহার অজ্ঞেয় বগ্ন, কর্তব্যের প্রতি নিষ্ঠা এবং নিজের প্রতি বিশ্বাস ছিল। তিনি জানিতেন বর্তমানের কোন উপদ্রব তাঁহার মহিমাকে আচ্ছন্ন করিতে পারিবে না, সমস্ত ক্ষুদ্র শত্রুর বৃহৎ হইতে তিনি অনায়াসে নিষ্কমণ করিতে পারিবেন। এইজন্ত চিরকাল তিনি অম্লানমুখে বীরদর্পে অগ্রসর হইয়াছেন, কোন দিন তাঁহাকে রথবেগ থর্ক করিতে হয় নাই।

নির্মল গুহ সংঘত হাস্য বন্ধিমই সর্বপ্রথমে বঙ্গসাহিত্যে আনয়ন করেন। তৎপূর্বে বঙ্গসাহিত্যে হাস্যরসকে অগ্রসরে

সহিত এক পংক্তিতে বসিতে দেওয়া হইত না। সে নিম্নাসনে বসিয়া শ্রাব্য অশ্রাব্য ভাষায় ভাঁড়ামি করিয়া সভাজনের মনো-রঞ্জন করিত। এই প্রগল্ভ বিদুষকটি যতই প্রিয়পাত্র থাকে কখনও সম্মানের অধিকারী ছিল না। যেখানে গম্ভীর ভাবে কোন বিষয়ের আলোচনা হইত সেখানে হাস্যের চপলতা সর্ব-প্রযত্নে পরিহার করা হইত।

বঙ্কিম সৰ্ব্বপ্রথমে হাস্যরসকে সাহিত্যের উচ্চ শ্রেণীতে উন্নীত করেন। তিনিই প্রথম দেখাইয়া দেন যে, কেবল প্রহসনের সীমার মধ্যে হার্যরস বদ্ধ নহে; উজ্জল শুভ্র হাস্য সকল বিষয়কেই আলোকিত করিয়া তুলিতে পারে। তিনিই প্রথম দৃষ্টান্তের দ্বারা প্রমাণ করাইয়া দেন যে, এই হাস্যজ্যোতির সংস্পর্শে কোন বিষয়ের গভীরতার গৌরব হ্রাস হয় না, কেবল তাহার সৌন্দর্য্য এবং রমণীয়তার বৃদ্ধি হয়, তাহার সৰ্ব্বাংশের প্রাণ এবং গতি যেন সুস্পষ্টরূপে দীপ্যমান হইয়া উঠে। যে বঙ্কিম বঙ্গসাহিত্যের গভীরতা হইতে অশ্রু উৎস উন্মুক্ত করিয়াছেন সেই বঙ্কিম আনন্দের উদয়শিখর হইতে নবজাগ্রত বঙ্গসাহিত্যের উপর হাস্যের আলোক বিকীর্ণ করিয়া দিয়াছেন।

কেবল সুসঙ্গতি নহে, স্মৃতি এবং শিষ্টতার সীমা নির্ণয় করিতেও একটি স্বাভাবিক সূক্ষ্ম বোধশক্তির আবশ্যক। মাঝে মাঝে অনেক বলিষ্ঠ প্রতিভার মধ্যে সেই বোধশক্তির অভাব দেখা যায়। কিন্তু বঙ্কিমের প্রতিভায় বল এবং সৌকুমার্য্যের একটি সুন্দর সংমিশ্রণ ছিল। নারাজাতির প্রতি যথার্থ বীর-

পুরুষের মনে যেকল্প একটি সসঙ্গ্রম সন্ধানের ভাব থাকে তেমনই স্মৃতি এবং শীলতার প্রতি বঙ্কিমের বলিষ্ঠ বুদ্ধির একটি ভ্রোচিহ্ন বীরোচিত প্রীতিপূর্ণ শ্রদ্ধা ছিল। বঙ্কিমের রচনা তাহার সাক্ষ্য। বর্তমান লেখক যে দিন প্রথম বঙ্কিমকে দেখিয়াছিল, সে দিন একটি ঘটনা ঘটে যাহাতে বঙ্কিমের এই স্বাভাবিক স্মৃতিচিহ্নপ্রিয়তার প্রমাণ পাওয়া যায়।

সে দিন লেখকের আত্মীয় পূজাপাদ শ্রীযুক্ত সৌরীন্দ্রমোহন ঠাকুর মহোদয়ের নিমন্ত্রণে তাঁহাদের মরকতকুঞ্জে কগেজ-রিয়ানিয়ন্ নামক মিলন সভা বসিয়াছিল। ঠিক কত দিনের কথা ভাল স্মরণ নাই কিন্তু আমি তখন বালক ছিলাম। সে দিন সেখানে আমার অপরিচিত বহুতর যশস্বী লোকের সমাগম হইয়াছিল। সেই বৃধমণ্ডলীর মধ্যে একটি ঋজু দীর্ঘকায় উজ্জলকৌতুক প্রফুল্ল মুখ গুচ্ছধারী প্রৌঢ় পুরুষ চাপকানপরিহিত বক্ষের উপর দুই হস্ত আবদ্ধ করিয়া দাঁড়াইয়া ছিলেন। দেখিবামাত্রই যেন তাঁহাকে সকলেব হইতে স্বতন্ত্র এবং আত্মসমাহিত বলিয়া বোধ হইল। আর সকলে জনতার অংশ, কেবল তিনি যেন একাকী একজন! সেদিন আর কাহারও পরিচয় জানিবার জ্ঞান আমার কোনরূপ প্রয়াস জন্মে নাই, কিন্তু তাঁহাকে দেখিয়া তৎক্ষণাৎ আমি এবং আমার একটি আত্মীয় সঙ্গী একসঙ্গেই কোতূহলী হইয়া উঠিলাম। সন্ধান লইয়া জানিলাম তিনিই আমাদের বহুদিনের অভিলষিতদর্শন লোকবিশ্রুত বঙ্কিম বাবু। মনে আছে প্রথম দর্শনেই তাঁহার মুখশ্রীতে প্রতিভার প্রখরতা এবং বলিষ্ঠতা এবং সর্বলোক হইতে

তাঁহার একটি সুদূর স্বাতন্ত্র্যভাব আমার মনে অঙ্কিত হইয়া গিয়াছিল। তাহার পর অনেকবার তাঁহার সাক্ষাৎলাভ করিয়াছি, তাঁহার নিকট অনেক উৎসাহ এবং উপদেশ প্রাপ্ত হইয়াছি, এবং তাঁহার মুখশ্রী স্নেহের কোমলহাস্যে অত্যন্ত কমনীয় হইতে দেখিয়াছি, কিন্তু প্রথম দর্শনে সেই যে তাঁহার মুখে উত্তম খড়্গের ত্যায় একটি উজ্জ্বল স্মৃতিষ্ক প্রবলতা দেখিতে পাইয়াছিলাম, তাহা আজ পর্য্যন্ত বিস্মৃত হই নাই।

সেই উৎসব উপলক্ষে একটি ঘরে একজন সংস্কৃতজ্ঞ পণ্ডিত দেশানুরাগমূলক স্বরচিত সংস্কৃত শ্লোক পাঠ এবং তাহার ব্যাখ্যা করিতেছিলেন। বঙ্কিম এক প্রান্তে দাঁড়াইয়া শুনিতেছিলেন। পণ্ডিত মহাশয় সহসা একটি শ্লোকে পতিত ভারতসন্তানকে লক্ষ্য করিয়া একটা অত্যন্ত সেকেলে রসিকতা প্রয়োগ করিলেন, সে রস কিঞ্চিৎ বীভৎস হইয়া উঠিল। বঙ্কিম তৎক্ষণাৎ একান্ত সঙ্কুচিত হইয়া দক্ষিণ করতলে মুখে ব নিম্নাঙ্গ ঢাকিয়া পার্শ্ববর্তী দ্বার দিয়া দ্রুতবেগে অগ্ন ঘরে পলায়ন করিলেন।

বঙ্কিমের সেই সমস্কেচ পলায়ন দৃশ্যটি অতীবধি আমার মনে মুদ্রাঙ্কিত হইয়া আছে।

বিবেচনা করিয়া দেখিতে হইবে, ঈশ্বর গুপ্ত যখন সাহিত্যগুরু ছিলেন বঙ্কিম তখন তাঁহার শিষ্যশ্রেণীর মধ্যে গণ্য ছিলেন। সে সময়কার সাহিত্য অগ্ন যেকোন প্রকার শিক্ষা দিতে সমর্থ হউক্ ঠিক সুরচিহ্নিকার উপযোগী ছিল না। সে সময়কার অসংযত বাক্যুদ্ধ এবং আন্দোলনের মধ্যে দীক্ষিত ও বর্জিত

হইয়া ইতরতার প্রতি বিদ্বেষ, স্বরূচির প্রতি শ্রদ্ধা রক্ষা করা যে কি আশ্চর্য্য ব্যাপার তাহা সকলেই বুঝিতে পারিবেন। দীনবন্ধুও বন্ধিমের সমসাময়িক এবং তাঁহার বান্ধব ছিলেন কিন্তু তাঁহার লেখায় অল্প ক্ষমতা প্রকাশ হইলেও তাহাতে বন্ধিমের প্রতিভার এই স্ফুটিতা দেখা যায় নাই। তাঁহার রচনা হইতে ঈশ্বর গুপ্তের সময়ের ছাপ কালক্রমে ধোত হইতে পারে নাই।

আমাদের মধ্যে যাহারা সাহিত্যব্যবসায়ী তাঁহারা বন্ধিমের যে কি চিরঞ্জে আবদ্ধ তাহা যেন কোন কালে বিস্মৃত না হন। একদিন আমাদের বঙ্গভাষা কেবল একতারা যন্ত্রের মত এক তারে বাঁধা ছিল, কেবল সহজ স্বরে ধর্ম্ম সঙ্কীর্ণন করিবার উপযোগী ছিল; বন্ধিম স্বহস্তে তাহাতে একটি করিয়া তার চড়াইয়া আজ তাহাকে বীণাযন্ত্রে পরিণত করিয়া তুলিয়াছেন। পূর্বে বাহাতে কেবল স্থানীয় গ্রাম্যসুর বাজিত আজ তাহা বিশ্বসভায় শুনাইবার উপযুক্ত প্রবপদ অঙ্গের কলাবতী রাগিণী আলাপ করিবার যোগ্য হইয়া উঠিয়াছে। সেই তাঁহাব স্বহস্তসম্পূর্ণ স্নেহপালিত ক্রোড়সঙ্গিনী বঙ্গভাষা আজ বন্ধিমের জন্ত অন্তরের সহিত বোদন করিয়া উঠিয়াছে। কিন্তু তিনি এই শোকোচ্ছ্বাসের অতীত শান্তিধামে দুহর জীবনযন্ত্রের অবসানে নির্বিকার নিরাময় বিশ্রাম লাভ করিয়াছেন। মৃত্যুর পরে তাঁহার মুখে একটি কোমল প্রসন্নতা, একটি সর্ব্বদুঃখতাপহীন গভীর প্রশান্তি উদ্ভাসিত হইয়া উঠিয়াছিল—যেন জীবনের মধ্যাহ্নরৌদ্রদগ্ধ কঠিন সংসারতল হইতে মৃত্যু তাঁহাকে স্নেহ-সুশীতল জননীক্রোড়ে তুলিয়া

লইয়াছে। আজ আমাদের বিলাপ পরিতাপ তাঁহাকে স্পর্শ করিতেছে না, আমাদের ভক্তি-উপহার গ্রহণ করিবার জন্ত সেই প্রতিভা-জ্যোতির্শ্ময় সৌম্য প্রসন্নমূর্তি এখানে উপস্থিত নাই। আমাদের এই শোক এই ভক্তি কেবল আমাদেরই কল্যাণের জন্ত। বহুদিন সাহিত্যক্ষেত্রে যে আদর্শ স্থাপন করিয়া গিয়াছেন এই শোকে এই ভক্তিতে সেই আদর্শ প্রতিমা আমাদের অন্তরে উজ্জ্বল এবং স্থায়ী রূপে প্রতিষ্ঠিত হউক। প্রস্তরের মূর্তি স্থাপনের অর্থ এবং সামর্থ্য আমাদের যদি না থাকে, তবে একবার তাঁহার মহত্ত্ব সর্বতোভাবে মনের মধ্যে উপলব্ধি করিয়া তাঁহাকে আমাদের বঙ্গহৃদয়ের স্মরণ-স্তুভে স্থায়ী করিয়া রাখি। রাজনৈতিক, সমাজনৈতিক মতামত সহস্রবার পরিবর্তিত হইতে পারে; যেসকল ঘটনা যেসকল অমুঠান আজ সর্বপ্রধান বলিয়া বোধ হইতেছে এবং যাহার উন্মাদনার কোলাহলে সমাজের খ্যাতিহীন শব্দহীন কর্তব্যশুলিকে নগণ্য বলিয়া ধারণা হইতেছে কাল তাহার স্মৃতিমাত্র চিরমাত্র অবশিষ্ট থাকিতে না পারে; কিন্তু যিনি আমাদের মাতৃভাষাকে সর্বপ্রকার ভাবপ্রকাশের অমুকুল করিয়া গিয়াছেন তিনি এই হতভাগ্য দরিদ্র দেশকে একটি অমূল্য চিরসম্পদ দান করিয়াছেন। তিনি স্থায়ী জাতীয় উন্নতির একমাত্র মূল উপায় স্থাপন করিয়া গিয়াছেন। তিনিই আমাদের নিকট যথার্থ শোকের মধ্যে সান্ত্বনা, অবনতির মধ্যে আশা, শ্রান্তির মধ্যে উৎসাহ এবং দারিদ্র্যের শূন্যতার মধ্যে চির-সৌন্দর্যের অক্ষয় আকর উন্মোচিত করিয়া দিয়াছেন। আমাদের মধ্যে যাহা কিছু অমর এবং

আমাদিগকে যাহা কিছু অমর করিবে সেইসকল মহাশক্তিকে ধারণ করিবার পোষণ করিবার প্রকাশ করিবার এবং সর্বত্র প্রচার করিবার একমাত্র উপায় যে মাতৃভাষা তাহাকেই তিনি বলবতী এবং মহীয়সী করিয়াছেন।

রচনাবিশেষের সমালোচনা ভ্রান্ত হইতে পারে—আজ আমাদিগের নিকট যাহা প্রশংসিত কালক্রমে শিক্ষা রুচি এবং অবস্থার পরিবর্তনে আমাদের উত্তর পুরুষের নিকট তাহা নিন্দিত এবং উপেক্ষিত হইতে পারে, কিন্তু বঙ্কিম বঙ্গভাষার ক্ষমতা এবং বঙ্গসাহিত্যের সমৃদ্ধি বৃদ্ধি করিয়া দিয়াছেন; তিনি ভগীরথের শ্রায় সাধনা করিয়া বঙ্গসাহিত্যে ভাবমন্দাকিনীর অবতারণা করিয়াছেন এবং সেই পুণ্যস্রোতস্পর্শে জড়ত্বশাপ মোচন করিয়া আমাদের প্রাচীন ভয়রাশিকে সঞ্জীবিত করিয়া তুলিয়াছেন;—ইহা কেবল সাময়িক মত নহে, এ কথা কোন বিশেষ তর্ক বা রুচির উপর নির্ভর করিতেছে না, ইহা একটি ঐতিহাসিক সত্য।

এই কথা স্মরণে মুদ্রিত করিয়া সেই বাংলা লেখকদিগের গুরু, বাংলা পাঠকদিগের সুহৃৎ, এবং সৃজনা সুফলা মলয়জ্ঞানীতলা বঙ্গভূমির মাতৃবৎসল প্রতিভাশালী সন্তানের নিকট হইতে বিদায় গ্রহণ করি, যিনি জীবনের সায়াহ্ন আসিবার পূর্বেই, নূতন অবকাশে নূতন উদ্যমে নূতন কার্যে হস্তক্ষেপ করিবার প্রারম্ভেই, আপনার অপরিমিত প্রতিভার শিখা সংহরণ করিয়া বঙ্গ-সাহিত্যাকাশ ক্ষীণতর জ্যোতিষ্কমণ্ডলীর হস্তে সমর্পণ-পূর্বক গত শতাব্দীর বর্ষশেষের পশ্চিম দিগন্তসীমায় অকালে অন্তমিত হইলেন।

স্বাধীন শিক্ষা

পঞ্চাশ বৎসর পূর্বে এমন দিন ছিল, যখন ইংরেজি পাঠশালা হইতে আমাদের একেবারে ছুটি ছিল না। বাড়ি আসিতাম, সেখানেও পাঠশালা পশ্চাৎ পশ্চাৎ চলিয়া আসিত। বন্ধুকেও সম্ভাষণ করিতাম ইংরেজিতে, পিতাকেও পত্র লিখিতাম ইংরেজিতে, প্রাণের কথা বলিতাম ইংরেজিকাব্যে, দেশের লোককে সভায় আহ্বান করিতাম ইংরেজিবক্তায়। আজ যখন সেই পাঠশালা হইতে, একেবারে না হউক, ক্ষণে ক্ষণে ছুটি পাইয়া থাকি, তখন সেই ছুটির সময়টাতে আনন্দ করিব কোথায়? পাঠশালার বাহিরে সমস্ত দেশের মধ্যে আমাদের শিক্ষালাভের কি কোনো স্বাধীন ক্ষেত্র নাই?

যুরোপের ছায় যে দেশে নানা আলোচনা, নানা বাদপ্রতিবাদের ভিতর দিয়া পাঠ্যবিষয়-গুলি প্রত্যহ প্রস্তুত হইয়া উঠিতেছে, যাহারা আবিষ্কার করিতেছেন, সৃষ্টি করিতেছেন, প্রকাশ করিতেছেন, তাহারাই যেখানে শিক্ষা দিতেছেন, সেখানে শিক্ষা জড় শিক্ষা নহে। (সেখানে কেবল যে বিষয়গুলিকেই পাওয়া যায়, তাহা নহে, সেই সঙ্গে দৃষ্টির শক্তি, মননের উদয়, সৃষ্টির উৎসাহ পাওয়া যায়) এমন অবস্থায় পুঁথিগত বিদ্যার অসহ জুলুম থাকে না, ওহু হইতে যেটুকু লাভ করা যায়, তাহারই মধ্যে একান্তভাবে বদ্ধ হইতে হয় না।

আমাদের দেশেও পুঁথিকে মনের রাজা না করিয়া মনকে

পৃথিবীর উপর আধিপত্য দিবার উপায় একটু বিশেষভাবে চিন্তা ও একটু বিশেষ উদ্যোগের সহিত সম্পন্ন করিতে হইবে।

বাংলাদেশের সাহিত্য, ইতিহাস, ভাষাতত্ত্ব, লোকবিবরণ প্রভৃতি যাহা-কিছু আমাদের জ্ঞাতব্য, সমস্তই আমাদের বিশেষ ভাবে অধ্যয়ন ও আলোচনার বিষয়। দেশের এই সমস্ত বৃত্তান্ত জানিবার ঐচ্ছিক্য আমাদের পক্ষে স্বাভাবিক হওয়া উচিত ছিল— কিন্তু তাহা না হইবার কারণ, নিজের দেশ আমাদের কাছে অস্পষ্ট এবং পরের দেশের জিনিষ আমাদের কাছে অধিকতর পরিচিত হইয়া আসিয়াছে। কেননা আমাদের দেশের যথার্থ বিবরণ আজ পর্য্যন্ত প্রস্তুত হইয়া উঠে নাই, সেইজন্য যদিও আমরা স্বদেশে বাস করিতেছি, তথাপি স্বদেশ আমাদের জ্ঞানের কাছে সর্বাপেক্ষা ক্ষুদ্র হইয়া আছে।

জ্ঞানশিক্ষা নিকট হইতে দূরে, পরিচিত হইতে অপরিচিতের দিকে গেলেই তাহার ভিত্তি পাকা হইতে পারে। যে বস্তু চতুর্দিকে বিস্তৃত নাই, যে বস্তু সম্মুখে উপস্থিত নাই, আমাদের জ্ঞানের চর্চা যদি প্রধানত তাহাকে অবলম্বন করিয়াই হইতে থাকে, তবে সে জ্ঞান দুর্বল হইবেই। যাহা পরিচিত, তাহাকে সম্পূর্ণরূপে যথার্থভাবে আয়ত্ত করিতে শিখিলে, তবে যাহা অপ্রত্যক্ষ, যাহা অপরিচিত, তাহাকে গ্রহণ করিবার শক্তি জন্মে।

বস্তুর সহিত বহির সহিত আমরা মিলাইয়া শিখিবার অবকাশ পাই না। আমাদের অধিকাংশ শিক্ষা যে সকল দৃষ্টান্ত আশ্রয় করে, তাহা আমাদের দৃষ্টিগোচর নহে। আমরা ইতিহাস পড়ি

—কিন্তু যে ইতিহাস আমাদের দেশের জন-প্রবাহকে অবলম্বন করিয়া প্রস্তুত হইয়া উঠিয়াছে, যাহার নানা লক্ষণ, নানা স্থিতি আমাদের ঘরেবাহিরে নানাস্থানে প্রত্যক্ষ হইয়া আছে, তাহা আমরা আলোচনা করি না বলিয়া ইতিহাস যে কি জিনিষ, তাহার উজ্জল ধারণা আমাদের হইতেই পারে না। আমরা ভাবাতত্ত্ব মুখস্থ করিয়া পরীক্ষায় উচ্চস্থান অধিকার করি, কিন্তু আমাদের নিজের মাতৃভাষা কালে কালে প্রদেশে প্রদেশে কেমন করিয়া যে নানা রূপান্তরের মধ্যে নিজের ইতিহাস প্রত্যক্ষ নিবদ্ধ করিয়া রাখিয়াছে, তাহা তেমন করিয়া দেখি না বলিয়াই ভাবারহস্য আমাদের কাছে স্পষ্ট হইয়া উঠে না। এক ভারতবর্ষে সমাজ ও ধর্মের যেমন বহুতর অবস্থাবৈচিত্র্য আছে, এমন বোধ হয় আর কোনো দেশে নাই। অমুসন্ধানপূর্বক, অভিনিবেশপূর্বক সেই সেই বৈচিত্র্য আলোচনা করিয়া দেখিলে সমাজ ও ধর্মের বিজ্ঞান আমাদের কাছে যেমন উদ্ভাসিত হইয়া উঠিবে, এমন, দূরদেশের ধর্ম ও সমাজসম্বন্ধীয় বই পড়িলামাত্র কখনো হইতেই পারে না।

ধারণা যখন অস্পষ্ট ও হ্রস্বল থাকে, তখন উদ্ভাবনাশক্তির আশা করা যায় না; এমন কি, তখনকার সমস্ত উদ্ভাবনা অবাস্তব অদ্ভুত আকার ধারণ করে। এইজন্যই আমরা কেতাবে ইতিহাস শিখিয়াও ঐতিহাসিক বিচার তেমন করিয়া আয়ত্ত করিতে পারি নাই; কেতাবে বিজ্ঞান শিখিয়াও অভূতপূর্ব কালনিকতাকে বিজ্ঞান বলিয়া চালাইয়া থাকি; ধর্ম, সমাজ, এমন কি, সাহিত্য সমালোচনাতেও অগ্রমত, পরিমাণবোধ রক্ষা করিতে পারি না।

অতএব এ কথা যদি সত্য হয় যে, প্রত্যক্ষবস্তুর সহিত সংশ্লিষ্ট ব্যতীত জ্ঞানই বল, ভাবই বল, চরিত্রই বল, নিষ্কর্ষ ও নিষ্ফল হইতে থাকে, তবে আমাদের ছাত্রদের শিক্ষাকে সেই নিষ্ফলতা হইতে যথাসাধ্য রক্ষা করিতে চেষ্টা করা অত্যাৱশ্যক।

বাংলাদেশ আমাদের নিকটতম—ইহারই ভাষা, সাহিত্য, ইতিহাস, সমাজতত্ত্ব প্রভৃতির প্রতি যদি ছাত্রেরা লক্ষ্য রাখে তবে প্রত্যক্ষবস্তুর সম্পর্কে ছাত্রদের বীক্ষণশক্তি ও মননশক্তি সবল হইয়া উঠিবে এবং নিজের চারিদিকে, নিজের দেশকে ভাল করিয়া জানিবার অভ্যাস হইলে অল্প সমস্ত জানিবার যথার্থ ভিত্তিপত্তন হইতে পারিবে।

ছাত্রেরা কেবল পরের কাছ হইতে শিক্ষা করিবে কিন্তু শিক্ষার বিষয়কে নিজে গড়িয়া তুলিতে পারিবে না একরূপ ভীকৃত্য যেন তাহাদের মনে না থাকে। (দেশের সাহিত্য রচনায় সহায়তা করিবার ভার তাহারাও গ্রহণ করিতে পারে।) বাংলাদেশে এমন জেলা নাই, যেখান হইতে কলিকাতায় ছাত্রসমাগম না হইয়াছে। দেশের সমস্ত বৃত্তান্তসংগ্রহে ইহাদের সেই ছাত্রেরা কিরূপ সাহায্য করিতে পারে ও তাহার কতদূর প্রয়োজনীয়তা, তাহার দুই একটা দৃষ্টান্ত দেওয়া যাইতে পারে।)

বাংলাভাষার একখানি ব্যাকরণ এখনো রচিত হয় নাই। কাজটি সহজ নহে। কেননা, এই ব্যাকরণের উপকরণসংগ্রহ একটি দুরূহ ব্যাপার। বাংলাদেশের ভিন্ন ভিন্ন অংশে যতগুলি

উপভাষা প্রচলিত আছে, তাহারই তুলনাগত ব্যাকরণই যথার্থ বাংলার বৈজ্ঞানিক ব্যাকরণ। আমাদের ছাত্রগণ সমবেতভাবে কাজ করিতে থাকিলে এই বিচিত্র উপভাষার উপকরণগুলি সংগ্রহ করা কঠিন হইবে না।

বাংলায় এমন প্রদেশ নাই, যেখানে স্থানে স্থানে প্রাকৃত-লোকদের মধ্যে নূতন নূতন ধর্মসম্প্রদায়ের সৃষ্টি না হইতেছে। শিক্ষিত-লোকেরা এগুলির কোনো খবরই রাখেন না। তাঁহারা এ কথা মনেই করেন না, প্রকাণ্ড জনসম্প্রদায় অলক্ষ্যগতিতে নিঃশব্দচরণে চলিয়াছে, আমরা অবজ্ঞা করিয়া তাহাদের দিকে তাকাই না বলিয়া যে তাহারা স্থির হইয়া বসিয়া আছে, তাহা নহে—নূতন কালের নূতন শক্তি তাহাদের মধ্যে পরিবর্তনের কাজ করিতেছেই, সে পরিবর্তন কোন্ পথে চলিতেছে, কোন্ রূপ ধারণ করিতেছে, তাহা না জানিলে দেশকে জানা হয় না। শুধু যে দেশকে জানাই চরম লক্ষ্য, তাহা আমি বলি না—যেখানেই হোক না কেন, মানব-সাধারণের মধ্যে যা-কিছু ক্রিয়া প্রতিক্রিয়া চলিতেছে, তাহা ভাল করিয়া জানারই একটা সার্থকতা আছে,—পুঁথি ছাড়িয়া সজীব মানুষকে প্রত্যক্ষ পড়িবার চেষ্টা করাতেই একটা শিক্ষা আছে; তাহাতে শুধু জানা নয়, কিন্তু জানিবার শক্তির এমন একটা বিকাশ হয় যে, কোনো ক্লাসের পড়ায় তাহা হইতেই পারে না। ছাত্রগণ যদি স্বস্থ প্রদেশের নিম্নশ্রেণীর লোকের মধ্যে যে সমস্ত ধর্মসম্প্রদায় আছে, তাহাদের বিবরণ সংগ্রহ করিয়া আনিতে পারেন, তবে মন দিয়া মানুষের

প্রতি দৃষ্টিপাত করিবার যে একটা শিক্ষা, তাহাও লাভ করিবেন এবং সেই সঙ্গে দেশেরও কাজ করিতে পারিবেন।

আমরা নৃতত্ত্ব অর্থাৎ ethnologyর বই যে পড়ি না, তাহা নহে, কিন্তু যখন দেখিতে পাই, সেই বই পড়ার দরুণ আমাদের ঘরের পাশে যে হাড়ি'-ডোম, কৈবর্ত, পোদ্-বাগি রহিয়াছে, তাহাদের সম্পূর্ণ পরিচয় পাইবার জন্য আমাদের লেশমাত্র ঔৎসুক্য জন্মে না, তখন বুঝিতে পারি, পুঁথিসম্বন্ধে আমাদের কত-বড় একটা কুসংস্কার জন্মিয়া গেছে—পুঁথিকে আমরা কত-বড় মনে করি এবং পুঁথি যাহার প্রতিবিম্ব, তাহাকে কতই তুচ্ছ বলিয়া জানি। কিন্তু জ্ঞানের সেই আদিনিকেতনে একবার যদি জড়ত্ব ত্যাগ করিয়া প্রবেশ করি, তাহা হইলে আমাদের ঔৎসুক্যের সীমা থাকিবে না। আমাদের ছাত্রগণ যদি তাঁহাদের এই সকল প্রতিবেশীদের সমস্ত খোঁজে একবার ভাল করিয়া নিযুক্ত হন, তবে কাজের মধ্যেই কাজের পুরস্কার পাইবেন, তাহাতে সন্দেহ নাই।

(সন্ধান ও সংগ্রহ করিবার বিষয় এমন কত আছে, তাহার সীমা নাই।) আমাদের ব্রতপার্কণগুলি বাংলার এক অংশে যেরূপ, অল্প অংশে সেরূপ নহে। স্থানভেদে সামাজিক প্রথার অনেক বিভিন্নতা আছে। এ ছাড়া গ্রাম্যছড়া, ছেলে ভুলাইবার ছড়া, প্রচলিত গান প্রভৃতির মধ্যে অনেক জ্ঞাতব্য বিষয় নিহিত আছে।

“আইডিয়া” যত বড়ই হোক, তাহাকে উপলব্ধি করিতে হইলে একটা নির্দিষ্ট সামাবক জারগায় প্রথম হস্তক্ষেপ করিতে হইবে। তাহা ক্ষুদ্র হোক, দীন হোক, তাহাকে লক্ষ্যন করিলে চলিবে না।

দূরকে নিকট করিবার একমাত্র উপায় নিকট হইতে সেই দূরে যাওয়া। ভারতমাতা যে, হিমালয়ের দুর্গম চূড়ার উপরে শিলাসনে বসিয়া কেবলি করুণস্বরে বীণা বাজাইতেছেন, এ কথা ধ্যান করা নেশা করামাত্র—কিন্তু ভাবতমাতা যে আমাদের পল্লীতেই পঙ্কশেষ পানাপুকুরের ধারে ম্যালেরিয়াজীর্ণ প্লীহারোগিকে কোলে লইয়া তাহার পথের জন্ত আপন শূণ্যভাণ্ডারের দিকে হতাশদৃষ্টিতে চাহিয়া আছেন, ইহা দেখাই যথার্থ দেখা। যে ভারতমাতা ব্যাস-বশিষ্ঠ-বিষ্ণুমিত্রের তপোবনে শমীবৃক্ষমূলে আলবালে জলসেচন করিয়া করিয়া বেড়াইতেছেন, তাঁহাকে করজোড়ে প্রণাম করিলেই যথেষ্ট, কিন্তু আমাদের ঘরের পাশে যে জীর্ণচীরধারিণী ভারতমাতা ছেলোটাকে পড়া মুখস্থ করাইয়া চাকরির উমেদারিতে প্ররত্ত করাইবার জন্ত অন্ধাশনে পবেব পাকশালে রাঁধিয়া বেড়াইতেছেন, তাঁহাকে ত অমন কেবলমাত্র প্রণাম করিয়া সারা যায় না।

ছাত্রগণ, আজ তোমাদের তাকণ্যের মধ্যে আমার অব্যবহৃত প্রবেশাধিকার নাই; তোমাদের জ্ঞাশা, আকাঙ্ক্ষা, আদর্শ যে কি, তাহা স্পষ্টরূপে অনুভব করা আজ আমার পক্ষে অসম্ভব—কিন্তু নিজেদের নবীন কৈশোরের স্মৃতিটুকুও ত ভস্মাবৃত অগ্নিকণার মত পঙ্ককেশের নীচে এখনো প্রচ্ছন্ন হইয়া আছে। সেই স্মৃতির বলে ইহা নিশ্চয় জানিতেছি যে, মহৎ আকাঙ্ক্ষার রাগিণী মনে যে তারে সহজে বাজিয়া উঠে, তোমাদের অন্তরের সেই সূক্ষ্ম, সেই তীক্ষ্ণ, সেই প্রভাতসূর্য্যরশ্মিনির্মিত তন্তুর গ্রায় উজ্জ্বল তন্ত্রীগুলিতে এখনো অব্যবহারের মবিচা পড়িয়া যায় নাই—উদার উদ্দেশ্যের প্রতি

নির্দিষ্টভাবে আত্মসমর্পণ করিবার দিকে মানুষের মনের যে একটা স্বাভাবিক ও সুগভীর প্রেরণা আছে, তোমাদের অন্তঃকরণে এখনো তাহা ক্ষুদ্র-বাধার দ্বারা বারংবার প্রতিহত হইয়া নিস্তেজ হয় নাই ; তোমাদের সেই অনাঘাত পুষ্পের মত, অখণ্ড পুষ্পের ভায় নবীন হৃদয়ের সমস্ত আশা-আকাঙ্ক্ষাকে আমি আজ তোমাদের দেশের সারস্বতবর্গের ন্যায় আহ্বান করিতেছি, দেশের কাব্যে, গানে, ছড়ায়, প্রাচীন মন্দিরের ভগ্নাবশেষে, কীটদষ্ট পুঁথির জীর্ণপত্রে, গ্রাম্য পার্কণে, ব্রতকথায়, পল্লার কৃষিকুটীরে, প্রত্যক্ষ বস্তুকে স্বাধীন চিন্তা ও গবেষণার দ্বারা জানিবার জন্ত, শিক্ষার বিষয়কে কেবল পুঁথির মধ্য হইতে মুখস্থ না করিয়া বিশ্বের মধ্যে তাহাকে সন্ধান করিবার জন্ত, তোমাদিগকে আহ্বান করিতেছি ; এই আহ্বানে যদি তোমরা সাড়া দাও তবেই তোমরা যথার্থ বিশ্ববিদ্যালয়ের ছাত্র হইতে পারিবে ; তবেই তোমরা সাহিত্যকে অনুকরণের বিড়ম্বনা হইতে বক্ষা করিতে পারিবে এবং দেশের চিন্তাজিকে দুর্বলতার অবসাদ হইতে উদ্ধার করিয়া জগতের জ্ঞানিসভায় স্বদেশকে সমাদৃত করিতে পারিবে ।

গঙ্গার শোভা

শান্তিপুরের দক্ষিণ হইতে আরম্ভ করিয়া গঙ্গাতীরের যেমন শোভা এমন আর কোথায় আছে ! গাছপালা ছায়া কুটীর—নয়নের আনন্দ অবিরল সারি সারি দুইধারে বরাবর চলিয়াছে—কোথাও বিরাম নাই । কোথাও বা তটভূমি সবুজ ঘাসে আচ্ছন্ন হইয়া গঙ্গার কোলে আসিয়া গড়াইয়া পড়িয়াছে, কোথাও বা একেবারে নদীর জল পর্য্যন্ত ঘন গাছপালা লতাজালে জড়িত হইয়া ঝুঁকিয়া আসিয়াছে—জলের উপর তাহাদের ছায়া অবিশ্রাম ঢুলিতেছে ; কতকগুলি সূর্য্যাকিরণ সেই ছায়ার মাঝে মাঝে বিকমিক করিতেছে, আর বাকী কতকগুলি, গাছ পালার কম্পমান কচি মন্থণ সবুজ পাতার উপরে চিক্‌চিক্‌ করিয়া উঠিতেছে । একটা-বা নৌকা তাহার কাছাকাছি গাছের গুঁড়ির সঙ্গে বাঁধা রহিয়াছে, সে সেই ছায়ার নোচে, অবিশ্রাম জলের কুলকুল শব্দে, মৃদু মৃদু দোল খাইয়া বড় আরামের ঘুম ঘুমাইতেছে । তাহার আর এক পাশে বড় বড় গাছের অতি ঘনচ্ছায়ার মধ্য দিয়া ভাঙা ভাঙা বাঁকা একটা পদচিহ্নের পথ জল পর্য্যন্ত নামিয়া আসিয়াছে । সেই পথ দিয়া গ্রামের মেয়েরা কলসী কাঁখে করিয়া জল লইতে নামিতেছে, ছেলেরা কাদার উপরে পড়িয়া জল ছোঁড়াছুড়ি করিয়া সঁতার কাটিয়া ভারি মাতামাতি করিতেছে । প্রাচীন ভাঙা ঘাটগুলির কি শোভা ! মাহুষেরা যে এ ঘাট

বাঁধিয়াছে তাহা এক রকম ভুলিয়া যাইতে হয় ; এও যেন গাছপালার মত-গঙ্গাতীরের নিজস্ব। ইহার বড় বড় ফাটলের মধ্য দিয়া অশ্বখগাছ উঠিয়াছে, ধাপগুলির ইঁটের ফাঁক দিয়া ঘাস গজাইতেছে—বহু বৎসরের বর্ষার জলধারায় গায়ের উপরে শেয়ালা পড়িয়াছে—এবং তাহার রং চারিদিকে শ্রামল গাছপালার রঙের সহিত কেমন সহজে মিশিয়া গেছে। মানুষের কাজ ফুরাইলে প্রকৃতি নিজের হাতে সেটা সংশোধন করিয়া দিয়াছেন ; তুলি ধরিয়া এখানে ওখানে নিজের রং লাগাইয়া দিয়াছেন। অত্যন্ত কঠিন সগর্ভ ধবধবে পারিপাট্য নষ্ট করিয়া, ভাঙ্গাচোরা বিশৃঙ্খল মাধুর্য স্থাপন করিয়াছেন। গ্রামের ঘে সকল ছেলে মেয়েরা নাহিতে বা জল লইতে আসে তাহাদের সকলেরই সঙ্গে ইহার যেন একটা কিছু সম্পর্ক পাতান আছে—কেহ ইহার নাতনী, কেহ ইহার মা মানী। তাহাদের দাদামহাশয় ও দিদিমারা যখন এতটুকু ছিল তখন টহারই ধাপে বসিয়া খেলা করিয়াছে, বর্ষার দিনে পিছল খাইয়া পড়িয়া গিয়াছে। আর সেই যে যাত্রাওয়ালা বিখ্যাত গায়ক অন্ধ শ্রীনিবাস সন্ধ্যাবেলায় ইহার পৈঠার উপর বসিয়া বেহালা বাজাইয়া গৌরী রাগিণীতে “গেল গেল দিন” গাহিত ও গায়ের ভূই চারিজন লোক আশে পাশে জমা হইত, তাহার কথা আজ আর কাহারও মনে নাই। গঙ্গাতীরের ভগ্ন দেওয়ালগুলিরও যেন বিশেষ কি মাহাত্ম্য আছে। তাহার মধ্যে আর দেবপ্রতিমা নাই। কিন্তু সে নিজেই

জটাজুটবিলম্বিত অতি পুরাতন ঋষির মত অতিশয় ভক্তিভাজন ও পবিত্র হইয়া উঠিয়াছে। এক এক জায়গায় লোকালয়—সেখানে জেলেদের নৌকা সারি সারি বাঁধা রহিয়াছে। কতকগুলি জলে, কতকগুলি ডাঙায় তোলা, কতকগুলি তীরে উপড় করিয়া মেরামত করা হইতেছে; তাহাদের পাঁজরা দেখা যাইতেছে। কঁড়ে ঘরগুলি কিছু ঘন ঘন কাছাকাছি—কোন কোনটা বাঁকাচোরা বেড়া দেওয়া—দুই চারিটি গরু চরিতেছে, গ্রামের দুই একটা শীর্ণ কুকুর নিকর্ম্মার মত গঙ্গার ধারে ঘুরিয়া বেড়াইতেছে; একটা উলঙ্গ ছেলে মুখের মধ্যে আঙুল পুরিয়া বেগুনের ক্ষেতের সন্মুখে দাঁড়াইয়া অবাক হইয়া আমাদের জাহাজের দিকে চাহিয়া আছে। হাঁড়ি ভাসাইয়া লাঠি-বাঁধা ছোট ছোট জাল লইয়া জেলের ছেলেরা ধারে ধারে চিংড়িমাছ ধরিয়া বেড়াইতেছে। সন্মুখে তীরে বটগাছের জালবদ্ধ শিকড়ের নীচে হইতে নদীশ্রোতে মাটি ক্ষয় করিয়া লইয়া গিয়াছে ও সেই শিকড়গুলির মধ্যে একটা নিভৃত আশ্রয় নির্মিত হইয়াছে। একটা বৃদ্ধি তাহার দুই চারিটি হাঁড়িকুড়ি ও একটা চট লইয়া তাহারই মধ্যে বাস করে। আবার আর এক দিকে চড়ার উপরে বহুদূর ধরিয়া কাশ বন—শরৎকালে যখন ফুল ফুটিয়া উঠে তখন বায়ুর প্রত্যেক হিল্লোলে হাসির সমুদ্রে তরঙ্গ উঠিতে থাকে। যে কারণেই হউক গঙ্গার ধারের ইটের পাঁজাগুলিও আমার দেখিতে বেশ ভাল লাগে;—তাহাদের আশেপাশে গাছপালা থাকে না—চারিদিকে পোড়ো জায়গা

এবড়ো খেবড়ো—ইতস্ততঃ কতকগুলো ইট খসিয়া পড়িয়াছে—
 অনেকগুলি কামা ছড়ান—স্থানে স্থানে মাটি কাটা—এই
 অমুর্করতা বন্ধুরতার মধ্যে পাঁজাগুলো কেমন হতভাগ্যের
 মত দাঁড়াইয়া থাকে। গাছের শ্রেণীর মধ্য হইতে শিবের দ্বাদশ
 মন্দির দেখা যাইতেছে; সম্মুখে ঘাট, নহবৎখানা হইতে নহবৎ
 বাজিতেছে। তাহার ঠিক পাশেই খেয়াঘাট। কাঁচা ঘাট,
 ধাপে ধাপে তাল গাছের গুঁড়ি দিয়া বাধান। আরো দক্ষিণে
 কুমারদের বাড়ী, চাল হইতে কুমড়া ঝুলিতেছে। একটা
 প্রোচা কুটীরের দেয়ালে গোবর দিতেছে—প্রাঙ্গণ পরিষ্কার,
 তক্তক্ত করিতেছে—কেবল এক প্রান্তে মাচার উপরে লাউ
 লতাইয়া উঠিতেছে, আর এক দিকে তুলসীতলা। সূর্যাস্তের
 নিস্তরঙ্গ গঙ্গায় নৌকা ভাসাইয়া দিয়া গঙ্গার পশ্চিম পারের
 শোভা যে দেখে নাই সে বাংলার সৌন্দর্য দেখে নাই বলিলেও
 হয়। এই পবিত্র শান্তিপূর্ণ অল্পপম সৌন্দর্য্যচ্ছবির বর্ণনা
 সম্ভবে না। [এই স্বর্ণচ্ছায় স্নান সন্ধ্যালোকে দীর্ঘ নারিকেলের
 গাছগুলি, মন্দিরের চূড়া, আকাশের পটে আঁকা নিস্তরঙ্গ
 গাছের মাথাগুলি, স্থির জলেব উপরে লাবণ্যের মত সন্ধ্যার
 আভা—সুমধুর বিরাম, নির্ঝাপিত কলরব, অগাধ শান্তি—সে
 সমস্ত মিলিয়া নন্দনের একখানি মরীচিকার মত ছায়াপথের
 পরপারবর্তী সুদূর শান্তিনিকেতনের একখানি ছবির মত পশ্চিম
 দিগন্তের ধার-টুকুতে আঁকা দেখা যায়।] ক্রমে সন্ধ্যার আলো
 মিলাইয়া যায়, বনের মধ্যে এদিকে ওদিকে এক একটা

করিয়া প্রদীপ জ্বলিয়া উঠে, সহসা দক্ষিণের দিক হইতে একটা বাতাস উঠিতে থাকে—পাতা বার্বর্ করিয়া কাঁপিয়া উঠে, অন্ধকারে বেগবতী নদী বহিয়া যায়, কূলের উপরে অবিশ্রাম তরঙ্গ আঘাতে ছলছল করিয়া শব্দ হইতে থাকে—আর কিছু ভাল দেখা যায় না, শোনা যায় না—কেবল ঝিকি পোকার শব্দ উঠে—আর জোনাকিগুলি অন্ধকারে জ্বলিতে নিভিতে থাকে। আরো রাত্রি হয়। ক্রমে কৃষ্ণপঙ্কের সপ্তমীর চাঁদ ঘোর অন্ধকার অশথ গাছের মাথার উপর দিয়া ধীরে ধীরে আকাশে উঠিতে থাকে। নিম্নে বনের শ্রেণীবদ্ধ অন্ধকার, আর উপরে স্নান চন্দ্রের আভা। ঝানিকটা আলো অন্ধকার-ঢালা গঙ্গার মাঝখানে একটা জায়গায় পড়িয়া তরঙ্গে তরঙ্গে ভাঙিয়া ভাঙিয়া যায়। ও-পারের অস্পষ্ট বনরেখার উপর আর ঝানিকটা আলো পড়ে—সেই টুকু আলোতে ভাল করিয়া কিছুই দেখা যায় না; কেবল ও-পারের সুদূরতা ও অক্ষুটতাকে মধুর রহস্যময় করিয়া তোলে। এ-পারে নিদ্রার রাজ্য আর ও-পারে স্বপ্নের দেশ বলিয়া মনে হইতে থাকে।

আমাদের জাহাজ লৌহশৃঙ্খল গলায় বাঁধিয়া খাড়া দাঁড়াইয়া রহিল। স্রোতধিনী খর-প্রবাহে ভাসিয়া চলিয়াছে। কখন তরঙ্গসঙ্কুল, কখন শান্ত, কোথাও সঙ্কীর্ণ, কোথাও প্রশস্ত, কোথাও ভাঙন ধরিয়াছে, কোথাও চড়া পড়িয়াছে। এক এক জায়গায় কূল কিনারা দেখা যায় না। আমাদের সম্মুখে পরপার মেঘের

রেখার মত দেখা যাইতেছে। চারিদিকে জেলেডিঙি ও পালতোলা নৌকা। বড় বড় জাহাজ প্রাচীন পৃথিবীর বৃহদাকার সরীসৃপ জলজন্তুর মত ভাসিয়া চলিয়াছে। এখন বেলা পড়িয়া আসিয়াছে। মেয়েরা গঙ্গার জলে গা ধুইতে আসিয়াছে, রোদ্ পড়িয়া আসিতেছে। বাঁশবন, খেজুর বন, আম বাগান ও ঝোপঝাপের ভিতরে ভিতরে এক একটা গ্রাম দেখা যাইতেছে। ডাঙায় একটা বাছুর আড়ি করিয়া ঐঁবা ও লাঙ্গুল নানা ভঙ্গীতে আফালন পূর্ব্বক একটা বড় ঈমারের সঙ্গে সঙ্গে ছুটিয়াছে। গুটিকতক মানব-সন্তান ডাঙায় দাঁড়াইয়া হাততালি দিতেছেন; যে চন্দ্রখানি পরিয়া পৃথিবীতে অবতীর্ণ হইয়াছিলেন, তাহার বেশী পোষাক পরা আবশ্যক বিবেচনা করেন নাই। ক্রমে অন্ধকার হইয়া আসিল। তীরের কুটারে আলো জ্বলিল। সমস্ত দিনের জাগ্রত আলস্য সমাপ্ত করিয়া রাত্রের নিদ্রায় শরীর মন সমর্পণ করিলাম।

মনুষ্যত্ব

“উত্তিষ্ঠত! জাগ্রত!” উত্থান কর, জাগ্রত হও—এই বাণী উদ্বেষিত হইয়া গেছে। আমরা কে শুনিয়াছি, কে শুনি নাই, জানি না—কিন্তু “উত্তিষ্ঠত, জাগ্রত” এই বাক্য বারবার আমাদের দ্বারে আসিয়া পৌছিয়াছে। সংসারের প্রত্যেক বাধা, প্রত্যেক দুঃখ, প্রত্যেক বিচ্ছেদ, কতশতবার আমাদের অন্তরাশ্বার তন্ত্রীতে-তন্ত্রীতে আঘাত দিয়া যে ঝঙ্কার দিয়াছে, তাহাতে কেবল এই বাণীই ঝঙ্কত হইয়া উঠিয়াছে—“উত্তিষ্ঠত, জাগ্রত,”—উত্থান কর, জাগ্রত হও! আমাদের অপ্রশিশিরবোধে নব জাগরণের জন্ম নিখিল অনিমেষনেত্রে প্রতীক্ষা করিয়া আছে—কবে সেই প্রভাত আসিবে, কবে সেই রাত্রির অন্ধকার অপগত হইয়া আমাদের অপূর্ণ বিকাশকে নিশ্চল নবোদিত অরুণালোকে উদ্ঘাটিত করিয়া দিবে! কবে আমাদের বহুদিনের বেদনা সফল হইবে, আমাদের অশ্রুধারা সার্থক হইবে!

পুষ্পকে আজ প্রাতঃকালে বলিতে হয় নাই যে, ‘রজনী প্রভাত হইল—তুমি আজ প্রস্ফুটিত হইয়া ওঠ!’ বনে বনে আজ বিচিত্র পুষ্পগুলি অতি অনায়াসেই বিশ্বজগতের অন্তর্গত আনন্দকে বর্ণে, গন্ধে, শোভায় বিকশিত করিয়া মাধুর্য্যের দ্বারা নিখিলের সহিত কমনীয়ভাবে আপনাদের সম্বন্ধস্থাপন করিয়াছে। পুষ্প আপনাকেও পীড়ন করে নাই, অথবা কাহাকেও আঘাত করে নাই, কোন অবস্থায় দ্বিধার লক্ষণ দেখায় নাই, সহজ-সার্বকর্তায় আত্মোপাস্ত প্রফুল্ল হইয়া উঠিয়াছে!

ইহা দেখিয়া মনের মধ্যে এই আক্ষেপ জন্মে যে আমার জীবন কেন বিধব্যাপী আনন্দকিরণপাতে এমনি সহজে, এমনি সম্পূর্ণভাবে বিকশিত হইয়া উঠে না? সে তাহার সমস্ত দলগুলি সজ্জিত করিয়া আপনার মধ্যে এত প্রাণপণে কি আঁকড়িয়া রাখিতেছে? প্রভাতে তরুণ সূর্য আসিয়া অরুণকরে তাহার দ্বারে আঘাত করিতেছে, বলিতেছে—‘আমি যেমন করিয়া আমার চম্পক-কিরণরাজি সমস্ত আকাশময় মেলিয়া দিয়াছি, তুমি তেমনি সহজে আনন্দে বিশ্বের মাঝখানে আপনাকে অবাসিত করিয়া দাও!’ রজনী নিঃশব্দপদে আসিয়া শিঙহস্তে তাহাকে স্পর্শ করিয়া বলিতেছে, ‘আমি যেমন করিয়া আমার অতলস্পর্শ অন্ধকারের মধ্য হইতে আমার সমস্ত জ্যোতিঃসম্পদ উন্মুক্ত করিয়া দিয়াছি, তুমি তেমনি করিয়া একবার অন্ধরের গভীর-তলের দ্বার নিঃশব্দে উন্মোচন করিয়া দাও—আম্রার প্রচ্ছন্ন রাজভাণ্ডার একমুহূর্তে বিস্তৃত বিশ্বের সম্মুখীন কর।’ নিখিল জগৎ প্রতিক্ষণেই তাহার বিচিত্র স্পর্শের দ্বারা আমাদিগকে এই কথাই বলিতেছে—‘আপনাকে বিকশিত কর, আপনাকে সমর্পণ কর, আপনার দিক্ হইতে একবার সকলের দিকে ফের।’

কিন্তু বাধার অন্ত নাই—প্রভাতের ফুলের মত করিয়া এমন সহজে, এমন পরিপূর্ণভাবে আশ্বোৎসর্গ করিতে পারি না। আপনাকে আপনার মধ্যেই আবৃত করিয়া রাখি, চারিদিকে নিখিলের আনন্দ-অভ্যুদয় ব্যর্থ হইতে থাকে।

কে বলিবে, ব্যর্থ হইতে থাকে? প্রত্যেক মানুষের মধ্যে যে

অনন্ত জীবন রহিয়াছে তাহার সফলতার পরিমাণ কে করিতে পারে? পুষ্পের মত আমাদের ক্ষণকালীন সম্পূর্ণতা নহে। নদী যেমন তাহার বহুদীর্ঘ তটদ্বয়ের ধারাবাহিক বৈচিত্র্যের মধ্য দিয়া কত-কত পর্বত-প্রান্তর-মরু-কানন-গ্রামকে তরঙ্গাভিহত করিয়া আপন সুদীর্ঘ-যাত্রার বিপুল সঞ্চয়কে প্রতিমূহূর্ত্তে নিঃশেষে মহা-সমুদ্রের নিকট উৎসর্গ করিতে থাকে, কোনোকালে তাহার অন্ত থাকে না,—তাহার অবিশ্রাম প্রবাহধারারও অন্ত থাকে না, তাহার চরম বিরামেরও সীমা থাকে না—মলুষাত্মকে সেইরূপ বৈচিত্র্যের ভিতর দিয়া বিপুলভাবে মহৎ-সার্থকতা লাভ করিতে হয়। তাহার সফলতা সহজ নহে। নদীর ছায় প্রতিপদে সে নিজের পথ নিজের বলে, নিজের বেগে রচনা করিয়া চলে। কোনো কূল গড়িয়া, কোনো কূল ভাঙিয়া, কোথাও বিভক্ত হইয়া, কোথাও সংযুক্ত হইয়া, নব নব বাধা দ্বারা আবর্ত্তবেগে ঘূর্ণিত হইয়া সে আপনাকে আপনি বৃহৎ করিয়া সৃষ্টি করিতে থাকে; অবশেষে যখন সে আপনার সীমাবিহীন পরিণামে আসিয়া উপস্থিত হয়, তখন সে বিচিত্রকে অতিক্রম করিয়া আসিয়াছে বলিয়াই মহান্ একের সহিত তাহার মিলন সম্পূর্ণ হয়। বাধা যদি না থাকিত, তবে সে বৃহৎ হইতে পারিত না—বৃহৎ না হইলে বিরাটের মধ্যে তাহার বিকাশ পরিপূর্ণ হইত না।

ছঃখ আছে—সংসারে ছঃখের শেষ নাই। সেই ছঃখের আঘাতে সেই ছঃখের বেগে সংসারে প্রকাণ্ড ভাঙন গড়ন চলিতেছে—ইহাতে অহরহ যে তরঙ্গ উঠিতেছে, তাহার কতই ধ্বনি, কতই

বর্ণ, কতই গতিভঙ্গিমা । মানুষ যদি ক্ষুদ্র হইত এবং ক্ষুদ্রতাতেই মানুষের যদি শেষ হইত, তবে দুঃখের মত অসঙ্গত কিছুই হইতে পারিত না । এত দুঃখ ক্ষুদ্রের নহে । মহত্তেরই গোরব দুঃখ । বিশ্বসংসারের মধ্যে মহুযাত্ত্বই সেই দুঃখের মহিমায় মহীয়ান—অশ্রুজলেই তাহার রাজ্যাভিষেক হইয়াছে । পুষ্পের দুঃখ নাই, পশুপক্ষীর দুঃখসীমা সন্ধীর্ণ—মানুষের দুঃখ বিচিত্র, তাহা গভীর, অনেক সময়ে তাহা অনির্কচনীয়—এই সংসারের মধ্যে তাহার বেদনার সীমা যেন সম্পূর্ণ করিয়া পাওয়া যায় না ।

এই দুঃখই মানুষকে বৃহৎ করে, মানুষকে আপন বৃহৎসম্বন্ধে জাগ্রত-সচেতন করিয়া তোলে, এবং এই বৃহৎই মানুষকে আনন্দের অধিকারী করিয়া তোলে । কারণ, “ভূমৈব স্নুখং, নান্নে স্নুখমস্তি”, অর্থে আমাদের আনন্দ নাই ।’ যাহাতে আমাদের খর্বতা, আমাদের স্বল্পতা, তাহা অনেক সময়ে আমাদের আরামের হইতে পারে, কিন্তু তাহা আমাদের আনন্দের নহে । যাহা আমরা বীৰ্য্যের দ্বারা না পাই, অশ্রুর দ্বারা না পাই, যাহা অনায়াসের—তাহা আমরা সম্পূর্ণ পাই না—যাহাকে দুঃখের মধ্য দিয়া কঠিনভাবে লাভ করি, হৃদয় তাহাকেই নিবিড়ভাবে, সমগ্রভাবে প্রাপ্ত হয় । মহুযাত্ত্ব আমাদের পরমদুঃখের ধন, তাহা বীৰ্য্যের দ্বারাষ্ট লভ্য । প্রত্যহ পদে পদে বাধা অতিক্রম করিয়া যদি তাহাকে পাইতে না হইত, তবে তাহাকে পাইয়াও পাইতাম না—যদি তাহা সুলভ হইত, তবে আমাদের হৃদয় তাহাকে সর্বতোভাবে গ্রহণ করিত না । কিন্তু তাহা দুঃখের দ্বারা চর্লভ, তাহা যত্নাশঙ্কার দ্বারা চর্লভ, তাহা ভয়-বিপদের দ্বারা

দুর্লভ, তাহা নানাভিমুখী প্রবৃত্তির সংক্ষোভের দ্বারা দুর্লভ। এই দুর্লভ মনুষ্যকে অর্জন করিবার চেষ্টায় আত্মা আপনার সমস্ত শক্তি অম্লভব করিতে থাকে। সেই অম্লভূতিতেই তাহার প্রকৃত আনন্দ। ইহাতেই তাহার যথার্থ আত্মপরিচয়। ইহাতেই সে জানিতে পায়, দুঃখের উদ্বেগ তাহার মস্তক, মৃত্যুর উদ্বেগ তাহার প্রতিষ্ঠা।

এইজন্তই পুষ্পের পক্ষে পুষ্পত্ব যত সহজ, মানুষের পক্ষে মনুষ্যত্ব তত সহজ নহে। মনুষ্যত্বের মধ্য দিয়া মানুষকে বাহ্য পাইতে হইবে, তাহা নিদ্রিত অবস্থায় পাইবার নহে। এইজন্তই সংসারের সমস্ত কঠিন আঘাত আমাদের পক্ষে এই কথা বলিতেছে—“উত্তীর্ণত ! জাগ্রত ! কুরন্ত ধারা নিশিতা হ্রতয়া, দুর্গং পথন্তং কবয়ো বদন্তি ! —‘উঠ, জাগ ! সেই পথ শাগিত কুরধাবের জায় দুর্গম, কবিরী এইরূপ বলেন।’

অতএব প্রভাতে যখন বনে-উপবনে পুষ্প-পল্লবের মধ্যে তাহাদের ক্ষুদ্র সম্পূর্ণতা, তাহাদের সহজ শোভা পরিপূর্ণভাবে বিকশিত হইয়া উঠিয়াছে, তখন মানুষ আপন দুর্গম পথ, আপন দুঃসহ দুঃখ, আপন বৃহৎ অসমাপ্তির গোরবে মহত্তর, বিচিত্রতর আনন্দের গীত কি গাহিবে না ? যে প্রভাতে তরুণতার মধ্যে কেবল পুষ্পের বিকাশ এবং পল্লবের হিলোল, পাখীর গান এবং ছায়ালোকের স্পন্দন, সেই শিশিরধৌত জ্যোতির্ময় প্রভাতে মানুষের সম্মুখে সংসার—তাহার সংগ্রামক্ষেত্র। সেই রমণীয় প্রভাতে মানুষকেই বদ্ধপরিকর হইয়া তাহার প্রতিদিনের দুর্লভ জয়-চেষ্টার পথে ধাবিত হইতে হইবে, ক্রেশকে বরণ করিয়া লইতে হইবে, সুখ-

হুঃখের উত্তাল তরঙ্গের উপর দিয়া তাহাকে তরঙ্গী বাহিতে
হইবে—কারণ, মানুষ মহৎ, কারণ, মহুয়াত স্মৃতি, এবং মানুষের
যে পথ, “দুর্গম পথস্তৎ কবরো বদন্তি ।”

য়ুরোপের ছবি

২৯ আগষ্ট। জ্যোৎস্না রাত্রি। 'এডেন বন্দরে আসিয়া' জাহাজ থামিল। নিস্তরঙ্গ সমুদ্র এবং জ্যোৎস্নাবিশুদ্ধ পর্বতবেষ্টিত তটশোভা আমাদের আলস্যবিজড়িত অর্ধনিম্নীলিত নেত্রে স্বপ্ন-মরীচিকার মত লাগিতেছে। আজ রাত্রেই জাহাজ ছাড়িয়া দিল।

৩০ আগষ্ট। দূর সমুদ্রতীরের পাহাড়গুলি রৌদ্রতাপে ক্লান্ত এবং বাষ্পাকুল দেখাইতেছে—যেন একটা মধ্যাহ্নতন্দ্রার আবেশে জলস্থল অস্পষ্ট হইয়া আসিয়াছে।

বহুদূরে এক আধটা জাহাজ দেখা যাইতেছে। মাঝে মাঝে সমুদ্রে এক একটা পাহাড় জাগিয়া উঠিতেছে—অমুর্কর, কঠিন, কৃষ্ণবর্ণ, দৃঢ় তপ্ত জনশূন্য। অগ্রমনস্ক প্রহরীর মত সমুদ্রের মাঝখানে দাঁড়াইয়া তাহার উদাসীনভাবে তাকাইয়া আছে—সম্মুখ দিয়া কে আসিতেছে কে যাইতেছে তাহার প্রতি দৃকপাত নাই!

[স্থগ্য অন্ত গেল। আকাশ এবং জলের উপর চমৎকার বর্ণবিকাশ হইয়াছে। সমুদ্রের জলতলে একটি রেখামাত্র নাই। দিগন্তবিস্তৃত অবিচ্ছিন্ন নীলাবুরাশি পরিণত যৌবনের মত আপ-নাতে আপনি পরিপূর্ণ। এই সুবিপুল অখণ্ডতা আকাশের একপ্রান্ত হইতে অত্রপ্রান্ত পর্য্যন্ত স্তম্ভিত হইয়া আছে। বৃহৎ সমুদ্র যেন অকস্মাৎ এমন একটি স্থানে আসিয়া থামিয়াছে যাহার

উদ্ধে' আর গতি নাই, পরিবর্তন নাই; বাহা অবিশ্রাম চাঞ্চল্যের পরম পরিণাম। মধ্যাহ্ন আকাশে চিল নীলিমার সর্বোচ্চসীমায় উঠিয়া ছুই পাখা সমতলরেখায় প্রসারিত করিয়া যেমন হঠাৎ গতি বন্ধ করিয়া দেয়, চিরচঞ্চল সমুদ্র যেন সহসা সেইরূপ একটি অপার প্রশান্তির চরম সীমায় আসিয়া পশ্চিম অন্তাচলের দিকে মুখ তুলিয়া একেবারে নিস্তব্ধ হইয়া দাঁড়াইয়াছে।]

১ সেপ্টেম্বর। পূর্বদিকে নবকৃষ্ণপঙ্কের পূর্ণপ্রায় চন্দ্র ধীরে ধীরে উদিত হইতেছে। এই তীররেখাশূন্য জলময় মহামরুর একটি সীমান্তে চন্দ্রের পাণ্ডুর কিরণপাতে যেন কোন্ রহস্যপুরীর আলোক পথ বিস্তীর্ণ হইয়াছে। জ্যোৎস্নাময়ী সন্ধ্যা এক অলৌকিক বৃন্তের উপর স্বর্গের রজনীগন্ধার মত বিকশিত,—লোক লোকান্তরের নক্ষত্র তাহার প্রতি স্থিরভাবে চাহিয়া আছে এবং দূরদূরান্তরের তরঙ্গ তাহাকে বেষ্টন করিয়া অনন্তকালের পুরাতন সামগাথা গম্ভীর স্বরে আবৃত্তি করিতেছে।

৩ সেপ্টেম্বর। বেলা দশটার সময় স্নেহজ্বালের প্রবেশমুখে জাহাজ আসিয়া থামিল। চারিদিকে অপরূপ বর্ণসমাবেশ। পাহাড়ের উপর কোথাও সূর্যালোক, কোথাও ছায়া, কোথাও নীল বাষ্পের আবরণ। ঘন নীল সাগরপ্রান্তে বালুতটে যৌদ্ধহুঃসহ 'গাঢ় পীত রেখা।

৬ সেপ্টেম্বর। এখন আমরা ভূমধ্যসাগরে। বায়ু শীতলতর সমুদ্র গাঢ়তর নীল। চিঠি লিখিতে লিখিতে মুখ তুলিয়া বামে চাহিয়া দেখিলাম অয়েনিয়ান দ্বীপমালা দেখা দিয়াছে। পাহাড়ের

কোলের মধ্যে, সমুদ্রের একেবারে তটপ্রান্তে নহুয়ারচিত যেন একটি খেত মোচাক দেখিতেছি। ইহাই জাস্তি (Zanthe) নগরী। দূর হইতে মনে হইতেছে, পাহাড়টা যেন তাহার প্রকাণ্ড করপুটে এক মুঠা খেত পুষ্প লইয়া সমুদ্রকে অঞ্জলি দিতেছে।

৭ সেপ্টেম্বর। ত্রিন্দিসি পৌছিয়া আজ গাড়িতে উঠিলাম। গাড়ি যখন ছাড়িল তখন টিপ্ টিপ্ করিয়া বৃষ্টি পড়িতেছে। প্রথমে হুইধারে কেবল আঙুরের ক্ষেত—তাহার পর জলপাইয়ের বাগান দেখা দিল। জলপাই গাছগুলো নিতান্ত বাকাচোরা, গ্রাষ্ট ও ফাটল বিশিষ্ট, বৃক্ষের চর্মের মত বলিচিহ্নিত, খর্বাকৃতি। প্রকৃতির হাতের কাজে যেমন একটি অনায়ামনৈপুণ্য দেখা যায় এই গাছগুলোয় তাহার বিপরীত। ইহার নিতান্ত দরিদ্র লক্ষী-ছাড়া, বহুকণ্ঠে বহুচেষ্টায় কায়ক্লেশে অষ্টাবক্র হইয়া দাঁড়াইয়া আছে।

বামে চাষকরা মাঠ শাদা শাদা পাথরের টুকরায় বিকীর্ণ। দক্ষিণে সমুদ্র। সমুদ্রতীরে এক একটা ছোট ছোট লোকালয়। চর্চ-চুড়ামুকুটিত অগ্নানন্ত্র নগরী একটি পরিচ্ছন্ন তরী নাগরিকার রক্ত কোলের কাছে সমুদ্র দর্পণ রাখিয়া নিজের মুখ দেখিয়া হাসিতেছে! নগর পার হইয়া আবার মাঠ। ভূট্টার ক্ষেত, আঙুরের ক্ষেত, ফলের বাগান, জলপাইয়ের বন; ক্ষেতগুলি প্রস্তর খণ্ডের বেড়া দিয়া ঘেরা; মাঝে মাঝে এক একটি বাধা কুপ, দূরে দূরে এক একটি শাদা বাড়ি।

৮ সেপ্টেম্বর। দক্ষিণে বামে তুষাররেখাঙ্কিত সুনীল পর্বত-

শ্রেণী দেখা দিয়াছে ; বামে মিল্কছায়া ঘন অরণ্যমালা । যেখানে অরণ্যের একটু বিচ্ছেদ পাওয়া যাইতেছে সেইখানেই শস্যক্ষেত্র তরুশ্রেণী ও শৈলশিখরখচিত এক একটি নব নব আশ্চর্য্য দৃশ্য উদ্ঘাটিত হইতেছে । পর্বতশৃঙ্গের উপর পুরাতন দুর্গপ্রাসাদ, তলদেশে এক একটি ছোট ছোট গ্রাম । যত অগ্রসর হইতেছি অরণ্য পর্বত ততই ঘনতর হইয়া আসিতেছে । মাঝে মাঝে যে গ্রাম দেখা দিতেছে সেগুলি তেমন উদ্ধত শুভ্র নবীন পরিপাটি নহে । একটু যেন ম্লান দরিদ্র নিভৃত ; একটি আধটি চর্কের চূড়া আছে মাত্র কিন্তু কলকারখানার ধূমোদগারী বৃংহিতধ্বনিত উর্দ্ধমুখী ইষ্টক-শুও নাই ।

অল্পে অল্পে পাহাড়ের উপরে গাড়ি উঠিতেছে । পার্বত্যপথ অজগর সাপের মত বক্রগতিতে চলিয়াছে । ঢালু পাহাড়ের গাত্রে চবা ক্ষেত সোপানশ্রেণীর মত স্তরে স্তরে উঠিয়াছে । একটি গিরিনদী স্বচ্ছ সফেন জলরাশি লইয়া উপলসঙ্কুল সঙ্কীর্ণ পথ দিয়া ঝরিয়া পড়িতেছে ।

এইবার ক্রান্তে প্রবেশ করা গেল । দক্ষিণে এক জলস্রোত অজস্র ফেনপুঞ্জ বিকীর্ণ করিয়া চলিয়াছে । সে যেন ফরাসি জাতির মতই দ্রুত চঞ্চল উচ্ছ্বসিত হাস্যপ্রিয় কলভাবী । এই লীলাময়ী নির্ঝরিকী ঝাঁকিয়া চুরিয়া ফেনাইয়া ফুলিয়া নাচিয়া কলরব করিয়া পাথরগুলোকে সর্কাসদিয়া ঠেলিয়া রেলগাড়ির সঙ্গে সমান দৌড়িবার চেষ্টা করিতেছে । মাঝে মাঝে এক একটা লোহার সাঁকো মুষ্টি দিয়া তাহার স্কীণ কটিদেশ পরিমাপ করিতেছে । জলধারা

যেখানে সঙ্কীর্ণ সেখানে দুই তীরের বৃক্ষশ্রেণী শাখায় শাখায় মিলাইয়া এই চঞ্চলাকে অন্তঃপুরে বন্দী করিবার জন্ত বৃথা চেষ্টা পাইতেছে। আমাদের এই পথসহচরীর সঙ্গে এক জায়গায় আমাদের বিচ্ছেদ হইল। হঠাৎ সে দক্ষিণ হইতে বামে এক অজ্ঞাত শৈলান্তরালে অন্তর্হিত হইয়া গেল।]

সেই জলপাই এবং দ্রাক্ষাকুঞ্জ অনেক কমিয়া গিয়াছে। এখন বিবিধ শস্তের ক্ষেত্র এবং দীর্ঘ সরল পল্লার গাছের-শ্রেণী। মনে হয় কেবলি বাগানের পর বাগান আসিতেছে। এই কঠিন পর্বতের মধ্যে মানুষ বহুদিন হইতে বহুযত্নে দ্রুত প্রকৃতিকে বশ করিয়া তাহার উচ্ছৃঙ্খলতা হরণ করিয়াছে। প্রত্যেক ভূমিখণ্ডের উপরে বংশানুক্রমে মানুষের কতকালের প্রয়াস প্রকাশ পাইতেছে। এদেশের লোকেরা যে আপনার দেশকে প্রাণপণে ভালবাসিবে তাহাতে আশ্চর্য্য কিছুই নাই। ইহারা যে আপনার দেশকে আপনার যত্নে আপন করিয়া লইয়াছে। এখানে প্রকৃতির সঙ্গে মানুষের বহুকাল আদান প্রদান চলিয়া আসিতেছে—ইহারা পরস্পর সুপরিচিত এবং ঘনিষ্ঠ সম্পর্কে আবদ্ধ। নিষ্কণ্টক নিরাপদ নিরাময় প্রকৃতি প্রতিক্ষণেই মানুষের সেবা পাইতেছে এবং মানুষের সেবা করিতেছে। মানুষের মত জীবের এই ত যোগ্য আবাসস্থান।

লাইব্রেরি

মহাসমুদ্রের শত বৎসরের কল্লোল কেহ যদি এমন করিয়া বাঁধিয়া রাখিতে পারিত যে সে ঘুমাইয়া পড়া শিশুটির মত চুপ করিয়া থাকিত, তবে সেই নীরব মহাশব্দের সহিত এই লাইব্রেরির তুলনা হইত। এখানে ভাষা চুপ করিয়া আছে, প্রবাহ স্থির হইয়া আছে, মানবাত্মার অমর আলোক কালো অক্ষরের শৃঙ্খলে কাগজের কাগাগাবে বাঁধা পড়িয়া আছে। ইহারা সহসা যদি বিদ্রোহী হইয়া উঠে, নিপুঙ্কতা ভাঙিয়া ফেলে, অক্ষরের বেড়া দগ্ধ করিয়া একেবারে বাহির হইয়া আসে! হিমালয়ের মাথার উপরে কঠিন বরফের মধ্যে যেমন কত কত বন্যা বাঁধা আছে, তেমনি এই লাইব্রেরির মধ্যে মানবহৃদয়ের বন্যা কে বাঁধিয়া রাখিয়াছে!]

বিদ্যাৎকে মানুষ লোহার তার দিয়া বাঁধিয়াছে, কিন্তু কে জামিত মানুষ শব্দকে নিঃশব্দের মধ্যে বাঁধিতে পারিবে! কে জানিত সঙ্গীতকে, হৃদয়ের আশাকে, জাগ্রত আত্মার আনন্দ-ধ্বনিকে, আকাশের দৈববাণীকে সে কাগজে মুড়িয়া রাখিবে? কে জানিত মানুষ অতীতকে বর্তমানে বন্দী করিবে! অতলম্পর্শ কাল-সমুদ্রের উপর কেবল এক একখানি বই দিয়া সাঁকো বাঁধিয়া দিবে!

লাইব্রেরির মধ্যে আমরা সহস্র পথের চোমাথার উপরে ঝাঁড়াইয়া আছি। কোনো পথ অনন্ত সমুদ্রে গিয়াছে, কোনো

পথ অনন্ত শিখরে উঠিয়াছে, কোনো পথ মানব হৃদয়ের অতলস্পর্শে নামিয়াছে। যে যে দিকে ইচ্ছা ধাবমান হও, কোথাও বাধা পাইবে না। মানুষ আপনার পরিত্রাণকে এতটুকু জায়গার মধ্যে বাঁধাইয়া রাখিয়াছে।

শব্দের মধ্যে যেমন সমুদ্রের শব্দ শুনা যায়, তেমনি এই লাইব্রেরির মধ্যে কি হৃদয়ের উত্থান পতনের শব্দ শুনিতেছ? এখানে জীবিত ও মৃত ব্যক্তির হৃদয় পাশাপাশি একপাড়ায় বাস করিতেছে। বাদ ও প্রতিবাদ এখানে ছই ভাইয়ের মত এক সঙ্গে থাকে। সংশয় ও বিশ্বাস, সন্ধান ও আবিষ্কার এখানে দেহে দেহে লগ্ন হইয়া বাস করে। এখানে দীর্ঘ প্রাণ ও স্বল্প প্রাণ পরম ধৈর্য্য ও শাস্তির সহিত জীবন যাত্রা নির্বাহ করিতেছে, কেহ কাহাকেও উপেক্ষা কবিতেছে না।

কত নদী সমুদ্র পর্কত উল্লঙ্ঘন করিয়া মানবের কণ্ঠ এখানে আসিয়া পৌঁছিয়াছে—কত শত-বৎসরের প্রাপ্ত হইতে এই স্বর আসিতেছে। এস এখানে এস, এখানে আলোকের জন্মসঙ্গীত গান হইতেছে।

অমৃত লোক প্রথম আবিষ্কার করিয়া যে যে মহাপুরুষ যে-কোনো দিন আপনার চারিদিকে মানুষকে ডাক দিয়া বলিয়াছিলেন—তোমরা সকলে অমৃতের পুত্র, তোমরা দিব্যধামে বাস করিতেছ—সেই মহাপুরুষদের কণ্ঠই সহস্র ভাবায় সহস্র বৎসরের মধ্য দিয়া এই লাইব্রেরির মধ্যে প্রতিধ্বনিত হইতেছে।

এই বঙ্গের প্রাপ্ত হইতে আমাদের কি কিছু বলিবার নাই?

মানবসমাজকে আমাদের কি কোনো সংবাদ দিবার নাই? জগতের একতান সঙ্গীতের মধ্যে বঙ্গদেশই কেবল নিস্তব্ধ হইয়া থাকিবে!

আমাদের পদপ্রান্তস্থিত সমুদ্র কি আমাদের কাছে কিছু বলিতেছে না? আমাদের গঙ্গা কি হিমালয়ের শিখর হইতে কৈলাসের কোন গান বহন করিয়া আনিতেছে না? আমাদের মাথার উপরে কি তবে অনন্ত নীলাকাশ নাই? সেখান হইতে অনন্তকালের চিরজ্যোতির্ময়ী নক্ষত্রলিপি কি কেহ মুছিয়া ফেলিয়াছে?

বহুকাল নীরব থাকিয়া বঙ্গদেশের চিত্ত ভরিয়া উঠিয়াছে। তাহাকে আপনার ভাষায় একবার আপনার কথাটি বলিতে দাও। বাঙালী কণ্ঠের সহিত মিলিত হইয়া বিশ্বসঙ্গীত মধুরতর হইয়া উঠিবে।

প্রার্থনা

সকলেই জানেন একটা গল্প আছে—দেবতা একজনকে তিনটে বর দিতে চাহিয়াছিলেন। এত-বড় সুযোগটাতে হতভাগ্য কি যে চাহিবে, ভাবিয়া বিহ্বল হইল—শেষকালে উদ্ভ্রান্তচিত্তে যে তিনটে প্রার্থনা জানাইল, তাহা এমনি অকিঞ্চিৎকর যে, তাহার পরে চিরজীবন অনুতাপ করিয়া তাহার দিন কাটিল।

এই গল্পের তাৎপর্য এই যে, আমরা মনে করি, পৃথিবীতে আর কিছু জানি বা না জানি, ইচ্ছাটাই বুঝি আমাদের কাছে সব চেয়ে জাজ্জল্যমান—আমি সব চেয়ে কি চাই, তাহাই বুঝি সব চেয়ে আমার কাছে সুস্পষ্ট—কিন্তু সেটা ভ্রম। আমার যথার্থ ইচ্ছা আমার অগোচর।

অগোচরে থাকিবার একটা কারণ আছে—সেই ইচ্ছাই আমাকে নানা অনুকূল ও প্রতিকূল অবস্থার ভিতর দিয়া গড়িয়া তুলিবার ভার লইয়াছে। যে বিরূপ ইচ্ছা সমস্ত মানুষকে মানুষ করিয়া তুলিতে উদ্দেশ্যী, সেই ইচ্ছাই আমার অন্তরে থাকিয়া কাজ করিতেছে। ততক্ষণ পর্য্যন্ত সেই ইচ্ছা লুকাইয়া কাজ করে,—যতক্ষণ পর্য্যন্ত আমি আপনাকে সার্বাংশে তাহার অনুকূল করিয়া তুলিতে না পারি। তাহার উপরে হস্তক্ষেপ করিবার অধিকার আমরা লাভ করি নাই বলিয়াই সে আমাদের কাছে ধরা দেয় না।

আমার সব চেয়ে সত্য ইচ্ছা, নিত্য ইচ্ছা কোন্টা? যে ইচ্ছা আমার সার্থকতাসাধনে নিরত। আমার সার্থকতা আমার কাছে যতদিন পর্য্যন্ত রহন্ত, সেই ইচ্ছাও ততদিন আমার কাছে গুপ্ত।

কিসে আমার পেট ভরিবে, আমার নাম হইবে, তাহা বলা শব্দ নয়—কিন্তু কিসে আমি সম্পূর্ণ হইব, তাহা পৃথিবীতে কয়জন লোক আবিষ্কার করিতে পারিয়াছে? আমি কি, আমার মধ্যে যে একটা প্রকাশচেষ্টা চলিতেছে তাহার পরিণাম কি, তাহার গতি কোন্ দিকে, তাহা স্পষ্ট করিয়া কে জানে?

অতএব দেবতা যদি ষর দিতে আসেন, তবে হঠাৎ দেখি, প্রার্থনা জানাইবার জন্তও প্রস্তুত নই। তখন এই বলিতে হয়, আমার ষথার্থ প্রার্থনা কি, তাহা জানিবার জন্ত আমাকে সুদীর্ঘ সময় দাও! নহিলে উপস্থিতমত হঠাৎ একটা-কিছু চাহিতে গিয়া হয় ত ভয়ানক ফাঁকিতে পড়িতে হইবে।

বস্তুত আমরা সেই সময় লইয়াছি—আমাদের জীবনটা এই কাজেই আছে। আমরা কি প্রার্থনা করিব, তাহাই অহরহ পরীক্ষা করিতেছি। আজ বলিতেছি খেলা, কাল বলিতেছি ধন, পরদিন বলিতেছি মান—এমনি করিয়া সংসারকে অবিশ্রাম মগ্ন করিতেছি,—আলোড়ন করিতেছি। কিসের জন্ত? আমি ষথার্থ কি চাই, তাহারই সন্ধান পাইবার জন্ত। মনে করিতেছি—টাকা খুঁজিতেছি, বন্ধু খুঁজিতেছি, মান খুঁজিতেছি; কিন্তু আসলে আর-কিছু নয়, কাহাকে যে খুঁজিতেছি, তাহাই নানাভাবে খুঁজিয়া বেড়াইতেছি—আমার প্রার্থনা কি, তাহাই জানি না।

যাহারা আপনাদের অন্তরের প্রার্থনা খুঁজিয়া পাইয়াছেন বলেন,—শোনা গিয়াছে তাঁহারা কি বলেন। তাঁহারা বলেন, একটিমাত্র প্রার্থনা আছে তাহা এই—

অসতো মা সদৃগময়, তমসো মা জ্যোতির্গময়, মূর্ধ্যোর্মিমৃতং গময় ।

অসত্য হইতে আমাকে সত্যে লইয়া যাও, অন্ধকার হইতে আমাকে জ্যোতিতে লইয়া যাও, মৃত্যু হইতে আমাকে অমৃতে লইয়া যাও !

কিন্তু কানে শুনিয়া কোনো ফল নাই এবং মুখে উচ্চারণ করিয়া যাওয়া আরো বৃথা । আমরা যখন সত্যকে, আলোককে, অমৃতকে যথার্থ চাহিব, সমস্ত জীবনে তাহার পরিচয় দিব, তখনি এ প্রার্থনা সার্থক হইবে । যে প্রার্থনা আমি নিজে মনের মধ্যে পাই নাই, তাহা পূর্ণ হইবার কোনো পথ আমার সম্মুখে নাই । অতএব, সবই শুনিলাম বটে, মন্ত্রও কর্ণগোচর হইল—কিন্তু তবু এখনো প্রার্থনা করিবার পূর্বে প্রার্থনাটিকে সমস্ত জীবন দিয়া খুঁজিয়া পাইতে হইবে ।

বনস্পতি হইয়া উঠিবার একমাত্র প্রার্থনা বীজের শস্তাংশের মধ্যে সংহতভাবে, নিগূঢ়ভাবে নিহিত হইয়া আছে—কিন্তু যতক্ষণ তাহা অঙ্কুরিত হইয়া আকাশে, আলোকে মাথা না তুলিয়াছে, ততক্ষণ তাহা না থাকারই তুল্য হইয়া আছে । সত্যের আকাজক্ষা, অমৃতের আকাজক্ষা আমাদের সকল আকাজক্ষার অন্তর্নিহিত, কিন্তু ততক্ষণ আমরা তাহাকে জানিই না,—যতক্ষণ না সে আমাদের সমস্ত ধূলিস্তর বিদীর্ণ করিয়া মুক্ত আকাশে পাতা মেলিতে পারে ।

আমাদের এই যথার্থ প্রার্থনাটি কি, তাহা অনেক সময় অন্বেষিত করিয়া আমাদের জানিতে হয় । জগতের মহাপুরুষেরা আমাদের নিজের অন্তর্গত ইচ্ছাটিকে জানিবার সক্ষমতা করেন ।

আমরা চিরকাল মনে করিয়া আসিতেছি, আমরা বুঝি পেট ভরাইতেই চাই, আরাম করিতেই চাই—কিন্তু যখন দেখি, কেহ ধন-মান-আরামকে উপেক্ষা করিয়া সত্য, আলোক ও অমৃতের জগৎ জীবন উৎসর্গ করিতেছেন, তখন হঠাৎ একরকম কারিয়া বুঝিতে পারি যে, আমার অন্তরাত্মার মধ্যে যে ইচ্ছা আমার অগোচরে কাজ করিতেছে, তাহাকেই তিনি তাঁহার জীবনের মধ্যে উপলব্ধি করিয়াছেন। আমার ইচ্ছাকে যখন তাঁহার মধ্যে প্রত্যক্ষ দেখিতে পাই, তখন অনন্ত ক্ষণকালের জগৎও জানিতে পারি—কিসের প্রতি আমার যথার্থ ভক্তি, কি আমার অন্তরের আকাঙ্ক্ষা!

তখন আরো একটা কথা বোঝা যায়। ইহা বুঝিতে পারি যে, যে সমস্ত ইচ্ছা প্রতিক্ষণে আমার স্নগোচর, যাহারা কেবলি আমাকে তাড়না করে, তাহারাই আমার অন্তরতম ইচ্ছাকে, আমার সার্থকতালাভের প্রার্থনাকে বাধা দিতেছে, ক্ষুণ্ণিত্ব দিতেছে না, তাহাকে কেবলি আমার চেতনার অন্তরালবর্তী, আমার চেষ্টার বহির্গত করিয়া রাখিয়াছে।

আর, যাহার কথা বলিতেছি, তাঁহার পক্ষে ঠিক ইহার বিপরীত যে মঙ্গল-ইচ্ছা, যে সার্থকতার ইচ্ছা বিশ্বমানবের মজ্জাস্বরূপ, যাহা মানবসমাজের মধ্যে চিরদিনই অকথিত বাণীতে এই মন্ত্র গান করিতেছে—অসতো মা সন্দময়, তমসো মা জ্যোতির্গময়, মৃত্যোর্মামৃতং গময়—এই ইচ্ছাই তাঁহার কাছে সর্বাধিক প্রত্যক্ষ, আর সমস্ত ইচ্ছা ছাড়ার মত তাহার পশ্চাৎবর্তী, তাহার পদতলগত। তিনি জানেন—সত্য, আলোক, অমৃতই চাই, মাহুষের ইহা না

হইলেই নয়—অন্নবস্ত্রধনমানকে তিনি ক্ষণিক ও আংশিক আবশ্যক বলিয়াই জানেন। বিশ্বমানবের অন্তর্নিহিত এই ইচ্ছাশক্তি তাঁহার ভিতর দিয়া জগতে প্রত্যক্ষ হয় বলিয়া, প্রমাণিত হয় বলিয়াই তিনি চিরকালের জন্ত মানবের সামগ্রী হইয়া উঠেন। আর আমরা খাই পরি, টাকা করি, নাম করি, মরি ও পুড়িয়া ছাই হইয়া যাই—মানবের চিরন্তন সত্য ইচ্ছাকে আমাদের যে জীবনের মধ্যে প্রতিফলিত করিতে পারি না, মানবসমাজে সে জীবনের ক্ষণিক মূল্য ক্ষণকালের মধ্যেই নিঃশেষ হইয়া যায়।

কিন্তু মহাপুরুষদের দৃষ্টান্তানিলে একটা ভুল বুঝিবার সম্ভাবনা থাকে। মনে হইতে পারে যে, ক্ষমতাসাধ্য, প্রতিভাসাধ্য কৰ্ম্মের দ্বারাতেই বুঝি মানুষ সত্য, আলোক ও অমৃতানুসন্ধানের পরিচয় দেয়।

তাহা কোনোমতেই নহে। তাহা যদি হইত, তবে পৃথিবীর অধিকাংশ লোক অমৃতের আশামাত্র করিতে পারিত না। যাহা সাধারণ বুদ্ধিবল-বাহুবলের পক্ষে দুঃসাধ্য, তাহাতেই প্রতিভা বা অসামান্য শারীরিক শক্তির প্রয়োজন, কিন্তু সত্যকে অবলম্বন করা, আলোককে গ্রহণ করা, অমৃতকে বরণ করিয়া লওয়া, ইহা কেবল একান্তভাবে, যথার্থভাবে ইচ্ছার কৰ্ম্ম। ইহা আর-কিছু নয়—যাহা কাছেই আছে তাহাকেই পাওয়া।

ইহা মনে রাখিতে হইবে, আমাদের কাছে যাহা-কিছু দিবার, তাহা আমাদের প্রার্থনার বহুপূর্বেই দেওয়া হইয়া গেছে। আমাদের যথার্থ ঈশ্বিত্বধনের দ্বারা আমরা পরিবেষ্টিত। বাকি আছে কেবল লইবার চেষ্টা—তাহাই যথার্থ প্রার্থনা।

অতএব দেখা যাইতেছে—আমরা যে কি চাই, তাহা যথার্থ-ভাবে জানিতে পারাই প্রার্থনার আরম্ভ। যখন তাহা জানিতে পারিলাম, তখন সিদ্ধির আর বড় বিলম্ব থাকে না, তখন দূরে যাইবার প্রয়োজন হয় না। তখন বুঝিতে পারা যায়, সমস্ত মানবের নিত্য আকাঙ্ক্ষা আমার মধ্যে জাগ্রত হইয়াছে—এই সুমহৎ-আকাঙ্ক্ষাই আপনার মধ্যে আপনার সফলতা অতি সুন্দর-ভাবে, অতি সহজ-ভাবে বহন করিয়া আনে।

আমাদের ছোট-বড় সকল ইচ্ছাকেই মানবের এই বড় ইচ্ছা, এই মর্শ্বগত প্রার্থনা দিয়া যাচাই করিয়া লইতে হইবে। নিশ্চয় বুঝিতে হইবে, আমাদের যেকোনো ইচ্ছা এই সত্য-আলোক-অমৃতের ইচ্ছাকে অতিক্রম করে, তাহাই আমাদের পক্ষে খর্ব্ব করে, তাহাই কেবল আমাদের নহে, সমস্ত মানবকে পশ্চাতের দিকে টানিতে থাকে।



বিলাসের ফাঁস

আড়ম্বরের একটা উদ্দেশ্য লোকের কাছে বাহবা পাওয়া। এই বাহবা পাইবার প্রযুক্তি এখনকার চেয়ে পূর্বকালে অল্প ছিল, সে কথা মানিতে পারি না। তখনও লোকসমাজে খ্যাত হইবার ইচ্ছা নিঃসন্দেহ এখনকার মতই প্রবল ছিল। তবে প্রভেদ এই—তখন খ্যাতির পথ একদিকে ছিল, এখন খ্যাতির পথ অগুদিকে হইয়াছে।

তখনকার দিনে দানধান, ক্রিয়াকৰ্ম, পূজাপার্বণ ও পূৰ্ত্তকার্যে ধনী ব্যক্তিরা খ্যাতিলাভ করিতেন। এই খ্যাতির প্রলোভনে নিজের সাধ্যাতিরিক্ত কৰ্ম্মাধুষ্ঠানে অনেক সম্পন্ন গৃহস্থ নিঃশ্ব হইয়াছেন এমন ঘটনা শুনা গেছে।

কিন্তু, একথা স্বীকার করিতে হইবে যে, যে আড়ম্বরের গতি নিজের ভোগলালসা তৃপ্তির দিকে নহে, তাহা সাধারণত নিতান্ত অসংযত হইয়া উঠে না, এবং তাহাতে জনসাধারণের মধ্যে ভোগের আদর্শকে বাড়াইয়া তুলিয়া চতুর্দিকে বিলাসের মহামারী সৃষ্টি করে না। মনে কর, যে ধনীর গৃহে নিত্য অতিথিসেবা ছিল, তাঁহার এই সেবার ব্যয় যতই বেশী হউক না অতিথিরা যে আহার পাইতেন তাহাতে বিলাসিতার চৰ্কা হইত না। বিবাহাদি কৰ্ম্মে রবাহৃত অনাহৃতদের নিষেধ ছিল না বটে, কিন্তু তাহার ফলে যজ্ঞের আয়োজন বৃহৎ হইলেও যথেষ্ট সরল হইত। ইহাতে সাধারণ লোকের চাল চলন বাড়িয়া যাইত না।

এখনকার দিনে ব্যক্তিগত ভোগের আদর্শ বাড়িয়া উঠিয়াছে, এই জন্ত বাহবার স্রোত সেই মুখেই ফিরিয়াছে। এখন আহাৰ পরিচ্ছদ, বাড়ি গাড়ি জুড়ি, আসবাবপত্র দ্বারা লোকে আপন মাহাত্ম্য ঘোষণা করিতেছে। ধনীতে ধনীতে এখন এই লইয়া প্রতিযোগিতা। ইহাতে যে কেবল তাহাদের চাল বাড়িয়া যাইতেছে তাহা নহে, যাহারা অশক্ত তাহাদেরও বাড়িতেছে। আমাদের দেশে ইহাতে যে কতদূর পর্য্যন্ত দুঃখ সৃষ্টি করিতেছে, তাহা আলোচনা করিলেই বুঝা যাইবে। কারণ, আমাদের সমাজের গঠন এখনো বদলায় নাই। এ সমাজ বহুসম্বন্ধবিশিষ্ট। দূর নিকট, স্বজন পরজন, অল্পচর পরিচর, কাহাকেও এ সমাজ অস্বীকার করে না। অতএব এ সমাজের ক্রিয়াকর্ম্য বৃহৎ হইতে গেলেই সরল হওয়া অত্যাবশ্যক। না হইলে মানুষের পক্ষে অসাধ্য হইয়া পড়ে। পূর্বেই বলিয়াছি এ পর্য্যন্ত আমাদের সামাজিক কর্ম্মে এই সরলতা ও বিপুলতার সামঞ্জস্য ছিল, এখন সাধারণের চাল চলন বাড়িয়া গেছে অথচ এখন আমাদের সমাজের পরিধি সে পরিমাণে সঙ্কুচিত হয় নাই, এই জন্ত সাধারণ লোকের সমাজরূপ দুঃসাধ্য হইয়া পড়িয়াছে।

আমি জানি, এক ব্যক্তি ত্রিশ টাকা বেতনে কর্ম্ম করে; তাহার পিতার মৃত্যু হইলে পর পিতৃবিয়োগের অপেক্ষা শ্রাদ্ধের ভাবনা তাহাকে অধিক পীড়িত করিতে লাগিল। আমি তাহাকে বলিলাম, তোমার আয়ের অনুপাতে তোমার সাধ্য অনুসারে কর্ম্ম নির্ব্বাচ কর না কেন? সে বলিল, তাহার কোন উপায় নাই—গ্রামের লোক ও আত্মীয় কুটুম্বগুলিকে না খাওয়াইলে তাহার বিপদ ঘটবে।

এই দরিদ্রের প্রতি সমাজের দাবী সম্পূর্ণই রহিয়াছে অথচ সমাজের ক্ষুধা বাড়িয়া গেছে। পূর্বে যেরূপ আয়োজনে সাধারণের তৃপ্তি হইত এখন আর তাহা হয় না। যাহারা ক্ষমতামালী ধনী লোক, তাঁহারা সমাজকে উপেক্ষা করিতে পারেন, তাঁহারা সহরে আসিয়া কেবলমাত্র বন্ধুগণকে লইয়া সামাজিক ক্রিয়া সম্পন্ন করিতে পারেন, কিন্তু যাহারা সঙ্গতিপন্ন নহেন, তাঁহাদের পলাইবার পথ নাই।

আমরা বীরভূম জেলায় একজন কৃষী গৃহস্থের বাড়ি বেড়াইতে গিয়াছিলাম। গৃহস্থামী তাহার ছেলেকে চাকরী দিবার জন্ত আমাকে অনুরোধ করিতে আমি বলিলাম—কেনরে ছেলেকে চাকরাস ছাড়াইয়া পরের অধীন করিবাব চেষ্টা করিস্ কেন? সে কহিল—বাবু, একদিন ছিল যখন জমী জমা লইয়া আমরা সুখেই ছিলাম। এখন শুধু জমী জমা হইতে আর দিন চলিবার উপায় নাই। আমি জিজ্ঞাসা করিলাম—কেন বলত? সে উত্তর করিল,—আমাদের চাল বাড়িয়া গেছে। পূর্বে বাড়িতে কুটুম্ব আসিলে চিঁড়া গুড়েই সন্তুষ্ট হইত, এখন সন্দেশ না পাইলে নিন্দা করে। আমরা শীতের দিনে দোলাই গায়ে দিয়া কাটাইয়াছি, এখন ছেলেরা বিলাতি র্যাপার না পাইলে মুখ ভারি করে। আমরা জুতা পায়ে না দিয়াই শ্বস্তুর বাড়ি গেছি। ছেলেরা বিলাতী জুতা না পরিলে লজ্জায় মাথা হেঁট করে। তাই চাকরিয়্যা আর চাকর চলে না।

কেহ কেহ বলিবেন, এ সমস্ত ভাল লক্ষণ; অভাবের তাড়নায়

মানুষকে সচেতন করিয়া তোলে। ইহাতে তাহার সম্পূর্ণ ক্ষমতা বিকাশের উদ্ভেজনা জন্মে। কেহ কেহ এমনও বলিবেন, বহু-সম্বন্ধবিশিষ্ট সমাজ ব্যক্তিকে চাপিয়া নষ্ট করে। অভাবের দায়ে এই সমাজের বহুবন্ধনপাশ শিথিল হইয়া গেলে মানুষ স্বাধীন হইবে। ইহাতে দেশের মঙ্গল।

এসমন্ত তর্কের মীমাংসা সংক্ষেপে হইবার নহে। যুরোপে ভোগের তাগিদ দিয়া অনেকগুলি লোককে মারিয়া কতকগুলি লোককে ক্ষমতাশালী করিয়া তোলে। প্রাচ্য সমাজতন্ত্রে কতকগুলি লোককে অনেকগুলি লোকের জ্ঞাত ত্যাগ করিতে বাধ্য করিয়া সমাজকে ক্ষমতাশালী করিয়া রাখে। এই উভয় পন্থাতেই ভাল মন্দ দুইই আছে। যুরোপীয় পন্থাই যদি একমাত্র শ্রেয় বলিয়া সপ্রমাণ হইত, তাহা হইলে এ বিষয়ে কোন কথাই ছিল না। যুরোপের মনীষিগণের কথায় অবধান করিলে জানা যায় যে, এ সম্বন্ধে তাঁহাদের মধ্যেও মতভেদ আছে।

যেমন করিয়া হোক, আমাদের প্রাচ্যসমাজের সমস্ত গ্রন্থি যদি শিথিল হইয়া যায়, তবে ইহা নিশ্চয় যে, বহু সহস্র বৎসর যে অটল আশ্রয়ে আমরা বহু ঝড় ঝঞ্ঝা কাটাইয়া আসিয়াছি, তাহা নষ্ট হইয়া যাইবে। ইহার স্থানে নূতন আর কিছু গড়িয়া উঠিবে কি না, উঠিলেও তাহা আমাদের কল্পে নির্ভর দিতে পারিবে, তাহা আমরা জানি না। এমন স্থলে, আমাদের বাহা আছে নিশ্চিতমনে তাহার বিনাশদশা দেখিতে পারিব না।

এখন টাকাসম্বন্ধে সমাজস্থ সকলেই অত্যন্ত বেশি সচেতন হইয়া

উঠিয়াছে। সেই জন্ত আমাদের সমাজেও এমন একটা দীনতা আসিয়াছে যে, টাকা নাই ইহাই স্বীকার করা আমাদের পক্ষে সকলের চেয়ে লজ্জাকর হইয়া উঠিতেছে। ইহাতে পনাড়ব্বরের প্রবৃত্তি বাড়িয়া উঠে, লোকে ক্ষমতার অতিরিক্ত ব্যয় করে, সকলেই প্রমাণ করিতে বসে যে, আমি ধনী।

মুসলমানসমাজে বিলাসিতা যথেষ্ট ছিল এবং তাহা হিন্দুসমাজকে যে একেবারে স্পর্শ করে নাই তাহা বলিতে পারি না। কিন্তু বিলাসিতা কি হিন্দু কি মুসলমান মণ্ডলীর সাধারণের মধ্যে ব্যাপ্ত হয় নাই। তখনকার দিনে বিলাসিতাকে নবাবী বলিত। অল্প লোকেরই সেই নবাবী চাল ছিল। এখনকার দিনে বিলাসিতাকে বাবুগিরি বলে ; দেশে বাবুর অভাব নাই।

এই বাবুমানার প্রতিযোগিতা উত্তরোত্তর বাড়িয়া উঠায় আমবা যে কতদিক ইহাতে কত দুঃখ পাইতেছি, তাহার সীমা নাই। ইহার একটা দৃষ্টান্ত দেখ। একদিকে আমাদের সমাজবিধানে কন্যাকে একটা বিশেষ বয়সে বিবাহ দিতে সকলে বাধ্য, অত্ৰদিকে পূর্বের জায় নিশ্চিস্তচিত্তে বিবাহ করা চলে না। গৃহস্থজীবনের ভারবহন করিতে যুবকগণ সহজেই শঙ্কা বোধ করে। এমন অবস্থায় কন্যার বিবাহ দিতে হইলে পাত্রকে যে পণ দিয়া ভুলাইতে হইবে, ইহাতে আশ্চর্য্য কি আছে ! পণের পরিমাণও জীবনযাত্রার বর্তমান আদর্শ অনুসারে যে বাড়িয়া যাইবে, ইহাতেও আশ্চর্য্য নাই। এই পণ লওয়া প্রথার বিরুদ্ধে আজকাল অনেক আলোচনা চলিতেছে ; বস্তুত ইহাতে বাঙালী গৃহস্থের দুঃখ যে অত্যন্ত বাড়িয়াছে তাহাতে

সন্দেহ মাত্র নাই—কল্যাব বিবাহ লইয়া উষ্ণ হইয়া নাই এমন কল্যাব পিতা আজ বাংলাদেশে অল্পই আছে। অণচ, এজন্ত আমাদের বর্তমান সাধারণ অবস্থা ছাড়া ব্যক্তিবিশেষকে দোষ দেওয়া যায় না! এক-দিকে ভোগের আদর্শ উচ্চ হইয়া সংসারযাত্রা বহুবায়সাধ্য, অপর দিকে কল্যামাত্রকেই নির্দিষ্ট বয়সের মধ্যে বিবাহ দিতে বাধ্য হইলে পাত্রের আর্থিক মূল্য না বাড়িয়া গিয়া থাকিতে পারে না। অথচ এমন লজ্জাকর ও অপমানকর প্রথা আর নাই। জীবনের সর্বাপেক্ষা বনিষ্ঠ সম্বন্ধ দোকানদারী দিয়া আরম্ভ করা, যাহারা আজ বাদে কাল আমার আত্মীয় শ্রেণীতে গণ্য হইবে আত্মীয়তার অধিকার স্থাপন লইয়া তাহাদের সঙ্গে নিলজ্জভাবে নির্মমভাবে দরদাম করিতে থাকা—এমন দুঃসহ নীচতা যে সমাজে প্রবেশ করিয়াছে, সে সমাজের কল্যাণ নাই, সে সমাজ নিশ্চয়ই নষ্ট হইতে আরম্ভ করিয়াছে। যাহারা এই অমঙ্গল দূর করিতে চান তাঁহারা ইহার মূলে কুঠারাঘাত না করিয়া যদি ডাল ছাঁটিবার চেষ্টা করেন তবে লাভ কি? প্রত্যেকে জীবনযাত্রাকে সরল করুন, সংসার-ভারকে লঘু করুন, ভোগের আড়ম্বরকে খর্ব করুন, তবেই লোকের পক্ষে গৃহী হওয়া সহজ হইবে, টাকার অভাব ও টাকার আকাঙ্ক্ষাই সর্বোচ্চ হইয়া উঠিয়া মানুষকে এতদূর পর্য্যন্ত নিলজ্জ করিবে না। গৃহই আমাদের দেশের সমাজের ভিত্তি, সেই গৃহকে যদি আমরা সহজ না করি, মঙ্গল না করি, তাহাকে ত্যাগের দ্বারা নির্মল না করি, তবে অর্থোপার্জনের সহস্র নূতন পথ আবিষ্কৃত হইলেও দুর্গতি হইতে আমাদের নিষ্কৃতি নাই।

আমাদের মধ্যে বিলাসিতা বাড়িয়াছে বলিয়া অনেকে কল্পনা করেন যে ইহা আমাদের ধনবৃদ্ধির লক্ষণ। কিন্তু একথা বিচার করিয়া দেখিতে হইবে যে, পূর্বে যে অর্থ সাধারণের কার্যে ব্যয়িত হইত, এখন তাহা ব্যক্তিগত ভোগে ব্যয়িত হইতেছে। ইহাতে ফল হইতেছে দেশের ভোগবিলাসের স্থানগুলি সমৃদ্ধিশালী হইয়া উঠিতেছে—সহরগুলি ফাঁপিয়া উঠিতেছে—কিন্তু পল্লীগুলিতে দারিদ্র্যের অবধি নাই। সমস্ত বাংলাদেশে পল্লীতে দেবমন্দির ভাঙিয়া পড়িতেছে, পুষ্করিণীর জল স্থান-পানের অযোগ্য হইতেছে, গ্রামগুলি জঙ্গলে ভরিয়া উঠিয়াছে, এবং যে দেশ বারো মাসে তেরো পার্শ্বণে মুখরিত হইয়া থাকিত, সে দেশ নিরানন্দ নিস্তব্ধ হইয়া গেছে। দেশের অধিকাংশ অর্থ সহরে আকৃষ্ট হইয়া কোঠাবাড়ি, গাড়িখোড়া, সাজসরঞ্জাম, আহারবিহারেই উড়িয়া যাইতেছে। অথচ যাহারা এইরূপ ভোগবিলাসে ও আড়ম্বরে আত্মসমর্পণ করিয়াছেন তাহারা প্রায় কেহই স্বখে স্বচ্ছন্দে নাই;—তাহাদের অনেকেরই টানাটানি, অনেকেরই ঋণ, অনেকেরই পৈতৃক সম্পত্তিকে মহাজনের দায়মুক্ত করিবার জন্ত চিরজীবন নষ্ট হইতেছে—কন্ডার বিবাহ দেওয়া, পুত্রকে মানুষ করিয়া তোলা, পৈত্রিক কীর্তি রক্ষা করিয়া চলা, অনেকেরই পক্ষে বিশেষ কষ্টসাধ্য হইয়াছে। যে ধন সমস্ত দেশের বিচিত্র অভাব মোচনের জন্ত চারিদিকে ব্যাপ্ত হইত, সেই ধন সঙ্কীর্ণ স্থানে আবদ্ধ হইয়া যে ঐশ্বর্যের মায়ী সৃজন করিতেছে তাহা বিশ্বাসযোগ্য নহে। সমস্ত শরীরকে প্রভারণা করিয়া কেবল মুখেই যদি রক্ত

সঞ্চার হয়, তবে তাহাকে স্বাস্থ্য বলা যায় না। দেশের ধর্মস্থানকে, বন্ধুস্থানকে, জন্মস্থানকে ক্লেশ করিয়া কেবল ভোগস্থানকে স্কীত করিয়া তুলিলে, বাহির হইতে মনে হয় যেন দেশের ত্রীবৃদ্ধি হইতে চলিল। সেই জন্তই এই ছদ্মবেশী সর্বনাশই আমাদের পক্ষে অতিশয় ভয়াবহ। মঙ্গল করিবার শক্তিই ধন, বিলাস ধন নহে।

ছোটনাগপুর

রাত্রে হাবড়ায় রেলগাড়িতে চড়িলাম। গাড়ির ঝাঁকানিতে নাড়া খাইয়া ঘুমটা যেন ঘোলাইয়া যায়। চেতনায় ঘুমে, স্বপ্নে জাগরণে, থিচুড়ি পাকাইয়া যায়। মাঝে মাঝে আলোর শ্রেণী, ঘণ্টাধ্বনি, কোলাহল, বিচিত্র আওয়াজে ষ্টেশনের নাম হাঁকা, আবার ঠং ঠং ঠং তিনটে ঘণ্টার শব্দে মুহূর্তের মধ্যে সমস্ত অন্তর্হিত, সমস্ত অন্ধকার, সমস্ত নিস্তর, কেবল স্তিমিতারা নিশীথিনীর মধ্যে গাড়ির চাকার অবিশ্রাম শব্দ। সেই শব্দের তালে তালে মাথার ভিতরে সৃষ্টিছাড়া স্বপ্নের দল সমস্ত রাত্রি ধরিয়া নৃত্য করিতে থাকে। রাত চারটের সময় মধুপুর ষ্টেশনে গাড়ি বদল করিতে হইল। অন্ধকার মিলাইয়া আসিলে পর প্রভাতের আলোকে গাড়ির জানলায় বসিয়া বাহিরে চাহিয়া দেখিলাম।

গাড়ি অবিশ্রাম অগ্রসর হইতে লাগিল। ভাঙা মাঠের এক-এক জায়গায় শুষ্ক নদীর বালুকা-রেখা দেখা যায়; সেই নদীর পথে বড় বড় কালো কালো পাথর পৃথিবীর কঙ্কালের মত বাহির হইয়া পড়িয়াছে। মাঝে মাঝে একেকটা মুণ্ডের মত পাহাড় দেখা যাইতেছে। দূরের পাহাড়গুলি ঘন নীল, যেন আকাশের নীল মেঘ খেলা করিতে আসিয়া পৃথিবীতে ধরা পড়িয়াছে; আকাশে উড়িবার জন্ত যেন পাখা তুলিয়াছে কিন্তু

বাধা আছে বলিয়া উড়িতে পারিতেছে না ; আকাশ হইতে তাহার স্বকীয় মেঘেরা আসিয়া তাহার সঙ্গে কোলাকুলি করিয়া যাইতেছে। ঐ দেখ, পাথরের মত কালো, ঝাঁকড়া চুলের ঝুঁটি বাধা মানুষ হাতে একগাছা লাটি লইয়া দাঁড়াইয়া। ছোটো মহিষের ঘাড়ের একটা লাঙল বোড়া, এখনো চাষ আরম্ভ হয় নাই, তাহারা দ্বিঃ হইয়া রেলগাড়ির দিকে তাকাইয়া আছে। মাঝে মাঝে এক একটা জায়গা স্মৃতকুমাৰীর বেড়া দিয়া বেরা, পরিষ্কার তকৃতক করিতেছে, মাঝখানে বাধান ইদারা। চারিদিক বড় শুষ্ক দেখাইতেছে। পাতলা লম্বা শুকনো শাদা বাসগুলো কেমন যেন পাকাচুলের মত দেখাইতেছে। বেঁটে বেঁটে পত্রহীন গুল্মগুলি শুকাইয়া থাকিয়া কালো হইয়া গেছে। দূরে দূরে এক একটা তালগাছ ছোট মাথা ও একখানি দীর্ঘ পা লইয়া দাঁড়াইয়া আছে। মাঝে মাঝে একেকটা অশথ গাছ আমগাছও দেখা যায়। শুষ্কক্ষেত্রের মধ্যে একটিমাত্র পুরাতন কুটারের চালশূন্য ভাঙা ভিত্তি নিজের ছায়ার দিকে চাহিয়া দাঁড়াইয়া আছে। কাছে একটা মস্ত গাছের দল্ল গুঁড়ির থানিকটা।

সকালে ছয়টার সময় গিরিডি ষ্টেশনে গিয়া পৌছলাম। আর রেলগাড়ি নাই। এখান হইতে ডাকগাড়িতে যাইতে হইবে। ডাকগাড়ি মানুষে টানিয়া লইয়া যায়! এ'কে কি আর গাড়ি বলে? চারটে চাকার উপর একটা ছোট খাঁচা মাত্র।

সর্বপ্রথমে গিরিডি ডাকবাংলায় গিয়া স্নানাহার করিয়া লণ্ডা গেল। ডাকবাংলার যতদূরে চাই ঘাসের চিহ্ন নাই। মাঝে

মাঝে গোটাকত গাছ আছে। চারিদিকে যেন রাজামাটির ঢেউ উঠিয়াছে। একটা রোগা টাটু ষোড়া গাছের তলায় বাধা, চারিদিকে চাহিয়া কি যে খাইবে তাহা ভাবিয়া পাইতেছে না, কোন কাজ না থাকাতে গাছের গুঁড়িতে গা ঘষিয়া গা চুল্কাইতেছে। আরেকটা গাছে একটা ছাগল লম্বা দড়িতে বাঁধা, সে বিস্তর গবেষণায় শাকের মত একটু একটু সবুজ উদ্ভিদ-পদার্থ পটু পটু করিয়া ছিঁড়িতেছে। এখান হইতে যাত্রা করা গেল। পাহাড়ের রাস্তা। সম্মুখে পশ্চাতে চাহিয়া দেখিলে অনেক দূর পর্যন্ত দেখা যায়। শুষ্ক শূন্য সুবিস্তৃত প্রান্তরের মধ্যে সাপের মত আঁকিয়া বাকিয়া ছায়াহীন সূর্যদীর্ঘ পথ রোদ্রে শুইয়া আছে। একবার কষ্টে কষ্টে টানিয়া ঠেলিয়া গাড়ি চড়াও রাস্তার উপর তুলিতেছে, একবার গাড়ি গড়্ গড়্ করিয়া দ্রুতবেগে ঢালু রাস্তায় নামিয়া যাইতেছে। ক্রমে চলিতে চলিতে আশে-পাশে পাহাড় দেখা দিতে লাগিল। লম্বা লম্বা সরু সরু শালগাছ। উইয়ের চিবি। কাটা গাছের গুঁড়ি। স্থানে স্থানে একেকটা পাহাড় আগাগোড়া কেবল দীর্ঘ সরু পত্রলেশশূন্য গাছে আচ্ছন্ন। উপবাসী গাছগুলো তাহাদের শুষ্ক শীর্ণ অস্থিময় দীর্ঘ আঙুল আকাশের দিকে তুলিয়া আছে; এই পাহাড়গুলোকে দেখিলে মন হয় যেন ইহারা সহস্র তীরে বিদ্ধ হইয়াছে, যেন ভীষ্মের শরশয্যা হইয়াছে। আকাশে মেঘ করিয়া আসিয়া অল্প অল্প বৃষ্টি আরম্ভ হইয়াছে। কুলিরা গাড়ি টানিতে টানিতে মাঝে মাঝে বিকট চীৎকার করিয়া উঠিতেছে। মাঝে মাঝে

পথের হুড়িতে হুঁচট খাইয়া অত্যন্ত চমকিয়া উঠিতেছে। মাঝের এক জায়গায় পথ অবসান হইয়া বিস্তৃত বাগুকাশ্যায় একটি ক্ষীণ নদীর রেখা দেখা দিল। নদীর নাম জিত্রাসা করাতে কুলিরা কহিল “বড়াকর নদী।” টানাটানি করিয়া গাড়ি এই নদীর উপর দিয়া পার করিয়া আবার রাস্তায় তুলিল। রাস্তার দুই পাশে ডোবাতে জল দাঁড়াইয়াছে; তাহাতে চার পাঁচটা মহিষ পরস্পরের গায়ে মাথা রাখিয়া অর্ধেক শরীর ডুবাইয়া আছে, পরম আলস্যভরে আমাদের দিকে এক একবার কটাক্ষপাত করিতেছে মাত্র।

যখন সন্ধ্যা আসিল, আমরা গাড়ি হইতে নামিয়া হাঁটিয়া চলিলাম। অদূরে দুইটি পাহাড় দেখা যাইতেছে, তাহার মধ্য দিয়া উঠিয়া নামিয়া পথ গিয়াছে। যেখানেই চাহি চারিদিকে লোক নাই, লোকালয় নাই, শস্য নাই, চষা মাঠ নাই; চারিদিকে ঊঁচুনীচু পৃথিবী নিস্তক নিঃশব্দ কঠিন সমুদ্রের মত ধুধু করিতেছে। দিক্ দিগন্তরের উপরে গোধূলির চিক্‌চিকে সোনালি আধারের ছায়া আসিয়া পড়িয়াছে। কোথাও জনমানব জীবজন্তু নাই বটে, তবু মনে হয় এই সুবিস্তীর্ণ ভূমিশ্যায় যেন কোন্ এক বিরাট পুরুষের জন্তু নিদ্রার আয়োজন হইতেছে। কে যেন প্রহরীর স্থায় মুখে আঙুল দিয়া দাঁড়াইয়া, তাই সকলে ভয়ে নিঃশ্বাস রোধ করিয়া আছে। দূর হইতে উপছায়ার মত একটি পশ্চিক ঝোড়ার পিঠে বোঝা দিয়া আমাদের পাশ দিয়া ধীরে ধীরে চলিয়া গেল।

রাত্রিটা কোনমতে জাগিয়া ঘুমাইয়া পাশ ফিরিয়া কাটিয়া গেল। জাগিয়া উঠিয়া দেখি বামে ঘনপত্রময় বন। গাছে গাছে লতা, ভূমি নানাবিধ গুল্মে আচ্ছন্ন। বনের মাথার উপর দিয়া দূর পাহাড়ের নীল শিখর দেখা যাইতেছে। মস্ত মস্ত পাথর। পাথরের ফাটালে এক একটা গাছ; তাহাদের ক্ষুধিত শিকড়গুলো দীর্ঘ হইয়া চারিদিক হইতে বাহির হইয়া পড়িয়াছে, পাথরখানাকে বিদীর্ণ করিয়া তাহার কঠিন মুঠি দিয়া খাজ আঁকড়িয়া ধরিতে চায়। সহসা বামে জঙ্গল কোথায় গেল! সুদূর বিস্তৃত মাঠ। দূরে গরু চরিতেছে, তাহাদিগকে ছাগলের মত ছোট ছোট দেখাইতেছে। মহিব কিম্বা গরুর কাঁধে লাঙল দিয়া পশুর লাঙ্গুল মলিয়া চাষারা চাষ করিতেছে। চবা মাঠ বামে পাহাড়ের উপর সোপানে সোপানে থাকে থাকে উঠিয়াছে।

বেলা তিনটার সময় হাজারিবাগের ডাকবাংলায় আসিয়া পৌছিলাম। প্রশস্ত প্রান্তরের মধ্যে হাজারিবাগ সহরটি অতি পরিষ্কার দেখা যাইতেছে। সাহরিক ভাব বড় নাই। গলি খুঁজি, আবর্জনা, নর্দামা, ঘেঁসাঘেঁসি, গোলমাল, গাড়ি ঘোড়া, শূলা কাদা, মাছি মশা, এ সকলের প্রাদুর্ভাব বড় নাই। মাঠ পাহাড় গাছপালার মধ্যে সহরটি তক্তক্ত করিতেছে।

একদিন কাটিয়া গেল। এখন হুপুর বেলা। ডাকবাংলার বারান্দার সম্মুখে কেদারায় একলা চুপ করিয়া বসিয়া আছি। আকাশ সুনীল। দুই খণ্ড শীর্ণ মেঘ শাদা পাল ভুলিয়া চলিয়াছে। অন্ন অন্ন বাতাস আসিতেছে। একরকম মেঠো মেঠো

ঘেসো ঘেসো গরু পাওয়া যাইতেছে। বারান্দার চালের উপর একটা কাঠরিড়ালি। দুই শালিখ বারান্দায় আসিয়া চকিতভাবে পুচ্ছ নাচাইয়া লাফাইতেছে। পাশের রাস্তা দিয়া গরু লইয়া যাইতেছে। তাহাদের গলায় ঘণ্টার ঠুং ঠুং শব্দ শুনিতেছি। লোকজনেরা কেউ ছাতা মাথায় দিয়া, কেউ কাঁধে মোট লইয়া, কেউ দুয়েকটা গরু তাড়াইয়া, কেউ একটা ছোট টাটুর উপর চড়িয়া রাস্তা দিয়া অতি ধীরেস্থে চলিতেছে; কোলাহল নাই, ব্যস্ততা নাই, মুখে ভাবনার চিহ্ন পর্য্যন্ত নাই। দেখিলে মনে হয় এখানকার মানবজীবন দ্রুত এঞ্জিনের মত হাঁসফাঁস করিয়া অথবা গুরুভারাক্রান্ত গরুর গাড়ির চাকার মত আর্ন্তনাদ করিতে করিতে চলিতেছে না। গাছের তলা দিয়া দিয়া একটুখানি শীতল নিঝর যেমন ছায়ায় ছায়ায় কুলুকুলু করিয়া যায়, জীবন তেমনি করিয়া যাইতেছে। স্নমুখেঐ আদালত। কিন্তু এখানকার আদালতও তেমন কঠোরমুর্ত্তি নয়। তিতরে যখন উকিলে উকিলে শামলায় শামলায় লড়াই বাধিয়াছে তখন বাহিরের অশথগাছ হইতে দুই পাপিয়ার অবিশ্রাম উত্তর প্রত্যুত্তর চলিতেছে। বিচারপ্রার্থী লোকেরা আমগাছের ছায়ায় বসিয়া জটলা করিয়া হা হা করিয়া হাসিতেছে, এখান হইতে শুনিতেছি। মাঝে মাঝে আদালত হইতে মধ্যাহ্নের ঘণ্টা বাজিতেছে। চারিদিকে যখন জীবনের মৃদুন্দ গতি, তখন এই ঘণ্টার শব্দ শুনিলে টের পাওয়া যায় যে শৈথিল্যের স্রোতে সময় ভাসিয়া যায় নাই, সময় মাঝখানে দাঁড়াইয়া প্রতিঘণ্টায় লৌহকর্থে বলিতেছে “আর

কেহ জাণুক না জাণুক আমি জাগিয়া আছি !” কিন্তু লেখকের
 অবস্থা ঠিক সেকল্প নয়। আমার চোখে তন্দ্রা আসিতেছে।

উৎসবের দিন

সকালবেলায় অঙ্ককার ছিন্ন করিয়া ফেলিয়া আলোক যেমনি ফুটিয়া বাহির হয়, অমনি বনে-উপবনে পাখীদের উৎসব পড়িয়া যায়। সে উৎসব কিসের উৎসব? কেন এই সমস্ত বিহঙ্গের দল নাচিয়া-কুঁদিয়া গান গাহিয়া এমন অস্থির হইয়া উঠে? তাহার কারণ এই, প্রতিদিন প্রভাতে আলোকের স্পর্শে পাখী নূতন করিয়া আপনার প্রাণশক্তি অনুভব করে। দেখিবার শক্তি, উড়িবার শক্তি, খাওয়াসন্ধান করিবার শক্তি তাহার মধ্যে জাগ্রত হইয়া তাহাকে গৌরবান্বিত করিয়া তোলে—আলোকে উদ্ভাসিত এই বিচিত্র বিশ্বের মধ্যে সে আপনার প্রাণবান, গতিবান, চেতনাবান্ পক্ষিজন্য সম্পূর্ণভাবে উপলব্ধি করিয়া অন্তরের আনন্দকে সঙ্গীতের উৎসে উৎসারিত করিয়া দেয়।

জগতের যেখানে অব্যাহতশক্তির প্রচুর প্রকাশ, সেইখানেই যেন মুর্তিমান উৎসব। সেইজন্ত হেমন্তের সূর্য্যাকিরণে অগ্রহায়ণের পঞ্চশস্তসমুদ্রে সোনার উৎসব হিল্লোলিত হইতে থাকে—সেইজন্ত আশ্বিনমাসের নিবিড় গন্ধে ব্যাকুল-নববসন্তে পুষ্পবিচিত্র কুঞ্জবনে উৎসবের উৎসাহ উদ্দাম হইয়া উঠে। প্রকৃতির মধ্যে এইরূপে আমরা নানাস্থানে নানাভাবে শক্তির জ্যোৎসব দেখিতে পাই।

মানুষের উৎসব কবে? মানুষ যেদিন আপনার মনুষ্যত্বের শক্তি বিশেষভাবে স্মরণ করে—বিশেষভাবে উপলব্ধি করে, সেইদিন। যেদিন আমরা আপনাদিগকে প্রাত্যহিক প্রয়োজনের দ্বারা চালিত

করি, সেদিন না—যেদিন আমরা আপনাদিগকে সাংসারিক সুখ-
 হুঃখের দ্বারা ক্ষুব্ধ করি, সেদিন না—যেদিন প্রাকৃতিক নিয়ম-
 পরম্পরার হস্তে আপনাদিগকে ক্রীড়াপুতলীর মত ক্ষুদ্র ও জড়ভাবে
 অনুভব করি, সেদিন আমাদের উৎসবের দিন নহে ;—সেদিন ত
 আমরা জড়ের মত, উদ্ভিদের মত, সাধারণ জন্তুর মত—সেদিন ত
 আমরা আমাদের নিজের মধ্যে সর্বজয়ী মানবশক্তি উপলব্ধি করি
 না—সেদিন আমাদের আনন্দ কিসের ? সেদিন আমরা গৃহে
 অবরুদ্ধ, সেদিন আমরা কস্মে ক্লিষ্ট—সেদিন আমরা উজ্জলভাবে
 আপনাকে ভূষিত করি না—সেদিন আমরা উদারভাবে কাহাকেও
 আহ্বান করি না—সেদিন আমাদের ঘরে সংসারচক্রের ঘর্ষব-
 ধ্বনি শোনা যায়, কিন্তু সঙ্গীত শোনা যায় না ।

প্রতিদিন মানুষ ক্ষুদ্র, দীন, একাকী—কিন্তু উৎসবের দিনে
 . মানুষ বৃহৎ—সেদিন সে সমস্ত মানুষের সঙ্গে একত্র হইয়া বৃহৎ
 —সেদিন সে সমস্ত মনুষ্যত্বের শক্তি অনুভব করিয়া মহৎ ।

মানুষের মধ্যে কি আশ্চর্য্য শক্তি আশ্চর্য্যরূপে প্রকাশ পাই-
 তেছে ! আপনার সমস্ত ক্ষুদ্র প্রয়োজনকে অতিক্রম করিয়া
 মানুষ কোন্ উর্দে, গিয়া দাঁড়াইয়াছে ! জ্ঞানী জ্ঞানের কোন্
 তুল্য্য দুর্গমতার মধ্যে ধাবমান হইয়াছে, প্রেমিক প্রেমের
 কোন্ পরিপূর্ণ আত্মবিসর্জনের মধ্যে গিয়া উত্তীর্ণ হইয়াছে,
 কর্ম্মী কর্ম্মের কোন্ অশ্রান্ত হুঃসাধ্য সাধনের মধ্যে অকুতোভয়ে
 প্রবেশ করিয়াছে ? জ্ঞানে, প্রেমে, কর্ম্মে মানুষ যে অপরিমেয়
 শক্তিকে প্রকাশ করিয়াছে, আজ আমরা সে শক্তির গৌরব

স্বরণ করিয়া উৎসব করিব। আজ আমরা আপনাকে, ব্যক্তি-বিশেষ নহে, কিন্তু মানুষ বলিয়া জানিয়া ধন্ত হইব।

মানুষের সমস্ত প্রয়োজনকে দূরহ করিয়া-দিয়া জীৱন মানুষের গৌরব বাড়াইয়াছেন। পশুর জন্ত মাঠ ভরিয়া তৃণ পড়িয়া আছে, মানুষকে অন্যের জন্ত প্রাণপণ করিয়া মরিতে হয়! প্রতিদিন আমরা যে অন্ন গ্রহণ করিতেছি, তাহার পশ্চাতে মানুষের বুদ্ধি, মানুষের উত্তম, মানুষের উদ্যোগের হিয়াছে—আমাদের অন্নমুষ্টি আমাদের গৌরব। পশুর গাত্রবস্ত্রের অভাব একদিনের জন্তও নাই, মানুষ উলঙ্গ হইয়া জন্মগ্রহণ করে। শক্তির দ্বারা আপন অভাবকে জয় করিয়া মানুষকে আপন অঙ্গ আচ্ছাদন করিতে হইয়াছে—গাত্রবস্ত্র মনুষ্যত্বের গৌরব। আত্মরক্ষার উপায় সঙ্গে লইয়া মানুষ ভূমিষ্ঠ হয় নাই, আপন শক্তির দ্বারা তাহাকে আপন অন্ত্র নির্মাণ করিতে হইয়াছে—কোমল ত্বক্ এবং দুর্বল শরীর লইয়া মানুষ যে আজ সমস্ত প্রাণিসমাজের মধ্যে আপনাকে জয়ী করিয়াছে, ইহা মানব-শক্তির গৌরব। মানুষকে দুঃখ দিয়া জীৱন মানুষকে সার্থক করিয়াছেন,—তাহাকে নিজের পূর্ণ শক্তি অনুভব করিবার অধিকারী করিয়াছেন।

মানুষের এই শক্তি যদি নিজের প্রয়োজন সাধনের সীমার মধ্যেই সার্থকতা লাভ করিত, তাহা হইলেও আমাদের পক্ষে যথেষ্ট হইত, তাহা হইলেও আমরা জগতের সমস্ত জীবের উপরে আপনার শ্রেষ্ঠত্ব স্থাপন করিতে পারিতাম। কিন্তু আমাদের শক্তির মধ্যে কোন্ মহাসমুদ্র হইতে একি জোয়ার আসিয়াছে

—সে আমাদের সমস্ত অভাবের কুল ছাপাইয়া, সমস্ত প্রয়োজনকে লঙ্ঘন করিয়া অহর্নিশি অক্লান্ত উদ্যমের সহিত এ কোন্ অসীমের রাজ্যে, কোন্ অনির্বচনীয় আনন্দের অভিমুখে ধাবমান হইয়াছে! বাহ্যকে জানিবার জন্ত সমস্ত পরিত্যাগ করিলে, তাহাকে জানিবার ইহার কি প্রয়োজন! যাহার নিকট আত্মসমর্পণ করিবার জন্ত ইহার সমস্ত অন্তরাখ্যা ব্যাকুল হইয়া উঠিয়াছে, তাহার সহিত ইহার আবশ্যকের সম্বন্ধ কোথায়? যাহার কর্ম করিবার জন্ত এ আপনার আরাম, স্বার্থ, এমন কি, প্রাণকে পর্যন্ত তুচ্ছ করিতেছে, তাহার সঙ্গে ইহার দেনাপাওনার হিসাব লেখা থাকিতেছে কই? আশ্চর্য্য! ইহাই আশ্চর্য্য! আনন্দ! ইহাই আনন্দ! যেখানটা মানুষের সমস্ত আবশ্যক সীমার বাহিরে চলিয়া গেছে, সেইখানেই মানুষের গভীরতম, সর্বোচ্চতম শক্তি সর্বদাই আপনাকে স্বাধীন আনন্দে উধাও করিয়া দিবার চেষ্টা করিতেছে। জগতের আর কোথাও ইহার কোনো তুলনা দেখি না। মনুষ্যশক্তির এই প্রয়োজনাভীত পরম গৌরব অঙ্কার উৎসবে আনন্দসঙ্গীতে ধ্বনিত হইতেছে। এই শক্তি অভাবের উপরে জয়ী, ভয়শোকের উপরে জয়ী, মৃত্যুর উপরে জয়ী। আজ অতীত-ভবিষ্যতের স্মহান্ মানবলোকের দিকে দৃষ্টিস্থাপনপূর্বক মানবাত্মার মধ্যে এই অদ্রভেদী চিরন্তনশক্তিকে প্রত্যক্ষ করিয়া আপনাকে সার্থক করিব।

সন্তানের জন্ত আমরা মানুষকে দুঃসাধ্যকর্মে প্রবৃত্ত হইতে দেখিয়াছি, অনেক জন্তকেও সেরূপ দেখিয়াছি—স্বদেশীয়-স্বদেশের

জহাও আমরা মানুষকে হুকুম চেষ্টা প্রয়োগ করিতে দেখিয়াছি—
 পিপীলিকাকেও, মধুমক্ষিকাকেও সেরূপ দেখিয়াছি। কিন্তু মানুষের
 কর্ম যেখানে আপনাকে, আপনার সন্তানকে এবং আপনার দলকেও
 অতিক্রম করিয়া গেছে, সেইখানেই আমরা মনুষ্যত্বের পূর্ণশক্তির
 বিকাশে পরম গৌরব লাভ করিয়াছি। বুদ্ধদেবের করুণা সন্তান-
 বাৎসল্য নহে, দেশানুরাগও নহে—বৎস যেমন গাভী-মাতার পূর্ণস্তন
 হইতে দুগ্ধ আকর্ষণ করিয়া লয়, সেইরূপ ক্ষুদ্র অথবা মহৎ কোনো-
 শ্রেণীর স্বার্থপ্রবৃত্তি সেই করুণাকে আকর্ষণ করিয়া লইতেছে না।
 তাহা জলভারাক্রান্ত নিবিড় মেঘের স্থায় আপনার প্রভূত প্রাচুর্য্যে
 আপনাকে নির্বিশেষে সর্বলোকের উপর বর্ষণ করিতেছে। ইহাই
 পরিপূর্ণতার চিত্র, ইহাই ঐশ্বর্য্য। ঈশ্বর প্রয়োজনবশত নহে, শক্তির
 অপরিমিত প্রাচুর্য্যবশতই আপনাকে নির্বিশেষে নিয়তই বিশ্বরূপে
 দান করিতেছেন। মানুষের মধ্যেও যখন আমরা সেইরূপ শক্তির
 প্রয়োজনাতীত প্রাচুর্য্য ও স্বতঃপ্রবৃত্ত উৎসর্জন দেখিতে পাই,
 তখনই মানুষের মধ্যে ঈশ্বরের প্রকাশ বিশেষভাবে অনুভব করি।
 বুদ্ধদেব বলিয়াছেন :—

মাতা যথা নিয়ং পুত্রং আয়ুসা একপুত্রমম্বরক্ণে ।

এবম্পি সর্বভূতেষু মানসস্তাববে অপরিমাণং ।

মেতন্মহা সর্বলোকস্বিং মানসস্তাববে অপরিমাণং ।

উক্তঃ অথো চ তিরিষক্ অসম্বাধং অবেরমসপত্তং ॥

তিষ্ঠত্বয়ঃ নিসিন্ধো বা সন্নানো বা যাবতস্ স বিগতমিচ্ছো

এতঃ নতিঃ অধিষ্ঠেয়ং ব্রহ্মমেতং বিহারমিচ্ছামাহ ॥

মাতা যেমন প্রাণ দিয়াও নিজের পুত্রকে রক্ষা করেন, এইরূপ সকল প্রাণীর প্রতি অপরিমাণ দয়াভাব জন্মাইবে। উর্দ্ধদিকে, অধোদিকে, চতুর্দিকে সমস্ত জগতের প্রতি বাধাশূন্য, হিংসাশূন্য, শত্রুতাশূন্য মানসে অপরিমাণ দয়াভাব জন্মাইবে। কি দাঁড়াইতে, কি চলিতে, কি বসিতে, কি শুইতে, যাবৎ নিদ্রিত না হইবে, এই মৈত্র্যভাবে অধিষ্ঠিত থাকিবে—ইহাকেই ব্রহ্মবিহার বলে।

এই যে ব্রহ্মবিহারের কথা ভগবান্ বুদ্ধ বলিয়াছেন, ইহা মুখের কথা নহে, ইহা অভ্যস্ত নীতিকথা নহে—আমরা জানি, ইহা তাঁহার জীবনের মধ্য হইতে সত্য হইয়া উদ্ভূত হইয়াছে। ইহা লইয়া অশ্রু আমরা গোরব করিব। এই বিশ্বব্যাপী চিরজাগ্রত করুণা, এই ব্রহ্মবিহার—এই সমস্ত-আবশ্যকের অতীত অহেতুক অপরিমেয় মৈত্রীশক্তি, মানুষের মধ্যে কেবল কথার কথা হইয়া থাকে নাই, ইহা কোনো-না-কোনো স্থানে সত্য হইয়া উঠিয়াছিল। এই শক্তিকে আর আমরা অবিশ্বাস করিতে পারি না—এই শক্তি মনুষ্যত্বের ভাণ্ডারে চিরদিনের মত সঞ্চিত হইয়া গেল। যে মানুষের মধ্যে ঈশ্বরের অপরিপূর্ণ দয়াশক্তির এমন সত্যরূপে বিকাশ হইয়াছে, আপনাকে সেই মানুষ জানিয়া উৎসব করিতেছি।

এই ভারতবর্ষে একদিন মহাসম্রাট অশোক তাঁহার রাজশক্তিকে ধর্মবিস্তারকার্যে, মঙ্গলসাধনকার্যে নিযুক্ত করিয়াছিলেন। রাজ-শক্তির মাদকতা যে কি স্রুতীত্র, তাহা আমরা সকলেই জানি। সেই শক্তি ক্ষুধিত অগ্নির মত গৃহ হইতে গৃহান্তরে, গ্রাম হইতে গ্রামান্তরে, দেশ হইতে দেশান্তরে আপনার জালাময়ী লোলুপ রসনাকে

প্রেরণ করিবার জন্ত ব্যগ্র। সেই বিশ্বলুপ্ত রাজশক্তিকে মহারাজ অশোক মঙ্গলের দাসত্বে নিবৃত্ত করিয়াছিলেন—তৃপ্তিহীন ভোগকে বিসর্জন দিয়া তিনি শাস্তিহীন সেবাকে গ্রহণ করিয়াছিলেন। রাজত্বের পক্ষে ইহা প্রয়োজনীয় ছিল না—ইহা যুদ্ধসজ্জা নহে, দেশ-জয় নহে, বাণিজ্যবিস্তার নহে—ইহা মঙ্গলশক্তির অপঘ্যাণ্ড প্রাচুর্য—ইহা সহসা চক্রবর্তী রাজাকে আশ্রয় করিয়া তাঁহার সমস্ত রাজাডম্বরকে একমুহূর্তে হীনপ্রভ করিয়া-দিয়া সমস্ত মনুষ্যত্বকে সগুজ্জল করিয়া তুলিয়াছে। কত বড় বড় রাজার বড় বড় সাম্রাজ্য বিধ্বস্ত, বিনষ্ট, ধূলিসাৎ হইয়া গিয়াছে—কিন্তু অশোকের মধ্যে এই মঙ্গলশক্তির মহান্ আবির্ভাব, ইহা আমাদের গৌরবের ধন হইয়া আজও আমাদের মধ্যে শক্তিসঞ্চার করিতেছে। মানুষের মধ্যে যাহা কিছু সত্য হইয়া উঠিয়াছে, তাহার গৌরব হইতে, তাহার সহায়তা হইতে মানুষ আর কোনোদিন বঞ্চিত হইবে না। আজ মানুষের মধ্যে, সমস্ত-স্বার্থজয়ী এই অদ্ভুত মঙ্গলশক্তির মহিমা স্মরণ করিয়া আমরা পরিচিত-অপরিচিত সকলে মিলিয়া উৎসব করিতে প্রবৃত্ত হইয়াছি। মানুষের এই সকল মহত্ত্ব আজ আমাদের দীনতমকে আমাদের শ্রেষ্ঠতমের সহিত এক গৌরবের বন্ধনে মিলিত করিয়াছে। আজ আমরা মানুষের এই সকল অব্যবহিত সাধারণসম্পদের সমান অধিকারের সূত্রে ভাই হইয়াছি—আজ মনুষ্যত্বের মাতৃশালায় আমাদের ভ্রাতৃসম্মিলন।

ঈশ্বরের শক্তিবিকাশকে আমরা প্রভাতের জ্যোতিরক্সেপের মধ্যে দেখিয়াছি—ফাল্গুনের পুষ্পপর্ঘ্যাণ্ডির মধ্যে দেখিয়াছি—মহা-

সমুদ্রের নীলাবৃত্তের মধ্যে দেখিয়াছি—কিন্তু সমগ্র মানবের মধ্যে যেদিন তাহার বিরাট বিকাশ দেখিতে সমাগত হই, সেইদিন আমাদের মহামহোৎসব। মনুষ্যত্বের মধ্যে ঈশ্বরের মহিমা যে শত শত অভ্রভেদী শিখরমালায় আগ্রত-বিরাজিত সেখানে সেই উত্তুঙ্গ শৈলাশ্রমে আমরা মানবমাহাত্ম্যের ঈশ্বরকে মানবসজ্জ্বের মধ্যে বসিয়া পূজা করিতে আসিয়াছি।

আমাদের ভারতবর্ষে সমস্ত উৎসবই এই মহান্ ভাবের উপর প্রতিষ্ঠিত, এ কথা আমরা প্রতিদিন ভুলিতে বসিয়াছি। আমাদের জীবনের যে সমস্ত ঘটনাকে উৎসবের ঘটনা করিয়াছি, তাহার প্রত্যেকটাতোই আমরা বিশ্বমানবের গৌরব অর্পণ করিতে চেষ্টা করিয়াছি। জন্মোৎসব হইতে শ্রাদ্ধান্তান পর্য্যন্ত কোনটাকেই আমরা ব্যক্তিগত ঘটনার ক্ষুদ্রতার মধ্যে বদ্ধ করিয়া রাখি নাই। এই সকল উৎসবে আমরা সঙ্গীর্ণতা বিসর্জন দিই—সেদিন আমাদের গৃহের দ্বার একেবারে উন্মুক্ত হইয়া যায়, কেবল আত্মীয়স্বজনের জগ্ন নহে, কেবল বন্ধুবান্ধবের জগ্ন নহে, রবাহৃত-অনাহুতের জগ্ন। পুত্র যে জন্মগ্রহণ করে, সে আমার ঘরে নহে, সমস্ত মানুষের ঘরে। সমস্ত মানুষের গৌরবের অধিকারী হইয়া সে জন্মগ্রহণ করে। তাহার জন্ম-মঙ্গলের আনন্দে সমস্ত মানুষকে আহ্বান করিব না? সে যদি শুদ্ধমাত্র আমার ঘরে ভূমিষ্ঠ হইত, তবে তাহার মত দীনহীন জগতে কে আর থাকিত! সমস্ত মানুষ যে তাহার জগ্ন অন্ন, বস্ত্র, আবাস, ভাষা, জ্ঞান, ধর্ম প্রস্তুত করিয়া রাখিয়াছে। মানুষের অন্তরস্থিত সেই নিত্যচেতন মঙ্গলশক্তির ক্রোড়ে জন্মগ্রহণ করিয়া সে যে

একমুহূর্তে ধষ্ট হইয়াছে! তাহার জন্ম উপলক্ষে একদিন গৃহের সমস্ত দ্বার খুলিয়া-দিয়া যদি সমস্ত মানুষকে স্বাগত না করি, তবে কবে করিব! অতঃ সমাজ যাহাকে গৃহের ঘটনা করিয়াছে, ভারতসমাজ তাহাকে জগতের ঘটনা করিয়াছে; এবং এই জগতের ঘটনাই জগদীশ্বরের পূর্ণমঙ্গল আবির্ভাব প্রত্যক্ষ করিবার যথার্থ অবকাশ। বিবাহব্যাপারকেও ভারতবর্ষ কেবলমাত্র পতিপত্নীর আনন্দমিলনের ঘটনা বলিয়া জানে না। প্রত্যেক মঙ্গলবিবাহকে মানবসমাজের এক-একটি স্তম্ভস্বরূপ জানিয়া ভারতবর্ষ তাহা সমস্ত মানবের ব্যাপার করিয়া তুলিয়াছে—এই উৎসবেও ভারতের গৃহস্থ সমস্ত মানুষকে অতিথিরূপে গৃহে অভ্যর্থনা করে—তাহা করিলেই যথার্থ-ভাবে ঈশ্বরকে গৃহে আবাহন করা হয়—শুদ্ধমাত্র ঈশ্বরের নাম উচ্চারণ করিলেই হয় না। এইরূপে গৃহের প্রত্যেক বিশেষ ঘটনায় আমরা এক-একদিন গৃহকে ভুলিয়া সমস্ত মানবের সহিত মিলিত হই এবং সেইদিন সমস্ত মানবের মধ্যে ঈশ্বরের সহিত আমাদের মিলনের দিন।

হায়, এখন আমরা আমাদের উৎসবকে প্রতিদিন সঙ্কীর্ণ করিয়া আনিতেছি। এতকালে যাহা বিনয়রসাপ্লুত মঙ্গলের ব্যাপার ছিল, এখন তাহা ঐশ্বর্য্যমদোদ্ধত আড়ম্বরে পরিণত হইয়াছে। এখন আমাদের হৃদয় সঙ্কুচিত, আমাদের দ্বার রুদ্ধ। এখন কেবল বন্ধুবান্ধব এবং ধনিমানী ছাড়া মঙ্গলকর্ম্মের দিনে আমাদের ঘরে আর কাহারো স্থান হয় না। আজ আমরা মানবসাধারণকে দূর করিয়া, নিজেকে বিচ্ছিন্ন-স্কুদ্র করিয়া, ঈশ্বরের বাধাহীন পবিত্র প্রকাশ হইতে

বঞ্চিত করিয়া বড় হইলাম বলিয়া কল্পনা করি। আজ আমাদের দীপালোক উজ্জলতর, খাদ্য প্রচুরতর, আয়োজন বিচিত্রতর হইয়াছে — কিন্তু মঙ্গলময় অন্তর্যামী দেখিতেছেন আমাদের গুরুত্ব, আমাদের দীনতা, আমাদের নির্লজ্জ রূপগত। আড়ম্বর দিনে দিনে যতই বাড়িতেছে, ততই এই দীপালোকে, এই গৃহসজ্জায়, এই রসলেশশূন্য কৃত্রিমতার মধ্যে সেই শাস্তমঙ্গলস্বরূপের প্রশান্ত-প্রসন্ন মুখচ্ছবি আমাদের মদাক্ষ দৃষ্টিপথ হইতে আচ্ছন্ন হইয়া যাইতেছে। এখন আমরা কেবল আপনাকেই দেখিতেছি, আপনার অর্গরোপের চাকচিক্য দেখাইতেছি, আপনার নাম শুনিতেছি ও গুনাইতেছি।

আমেরিকার একটি বিদ্যালয় ।

লোকহিতকর কাজে অল্প অল্প করিয়া আমাদের প্রবৃত্তি হইতেছে। কিন্তু এই প্রবৃত্তি যথেষ্ট ব্যাপক হয় নাই এবং তাহার মধ্যে প্রাণশক্তিও অল্প। অল্প কাজই আরম্ভ হয় এবং তাহা অল্পদূর পর্য্যন্ত অগ্রসর হয়। সফলতার মূর্তি আমরা প্রায়ই সুস্পষ্টরূপে দেখিতে পাই না বলিয়া দেশের চিত্তে উৎসাহের সঞ্চার হয় না।

কোনো অমুঠান যে ভাল করিয়া শেষ পর্য্যন্ত গড়িয়া উঠিতে চায় না তাহার প্রধান কারণ আমরা দুর্বল চেষ্টা লইয়া কাজ করি। আমরা অল্পই খরচ করিয়া হাতে হাতে বেশী লাভ করিবার প্রত্যাশা করি। নিষ্ফলতার জন্ত আমরা অদৃষ্টকে, অবস্থাকে এবং কল্মষত্রুকেই দায়ী করি এবং নিজেকে নিকৃতি দিই।

আমাদের সঙ্গের মধ্যে, চেষ্টার মধ্যে, ত্যাগের মধ্যে এই যে একটা বলহীনতা আছে সেদিকে আমাদের বিশেষভাবে মনোযোগ করিবার সময় আসিয়াছে। আমাদের নিজের মধ্যে যে অপরাধ ও অসম্পূর্ণতা আছে তাহাকে অস্বীকার করিয়া অহঙ্কার করিলে আমরা বড় হইব না।

অন্যদেশে প্রতিকূল অবস্থায় সামান্য ব্যক্তিদের দ্বারা কাজ কেমন করিয়া সার্থক হইয়া উঠে তাহার দৃষ্টান্ত আমাদের পক্ষে বড় আবশ্যক। সেই জন্তই আমরা একখানি আমেরিকান পত্র হইতে নিম্নলিখিত ইতিহাসটি সংকলন করিয়া দিলাম।

জর্জিয়া যুনাইটেড্ স্টেট্‌সেব একটি দাক্ষিণাত্য প্রদেশ। সেই

জর্জিয়ার পার্শ্বত অংশে যাহারা বাস করে তাহাদের পড়াশুনা একেবারে নাই বলিলেই হয়। তাহাদের কুটারগুলি দূরে দূরে স্থাপিত, অবস্থা অত্যন্ত হীন। ছেলেরা লেখাপড়া শিখিয়া বাপপিতামহের চেয়ে কোনা অংশে বড় হইয়া উঠিবে ইহা তাহারা শ্রেয় বলিয়া মনে করে না।

এইরূপ নিভৃত একটি পার্শ্বত্যাগ্রামের কুটারে কোনো একটি নগরবাসিনীর চিত্ত আকর্ষণ করিয়াছিল। তাঁহার নাম কুমারী মার্থা বেরি (Miss Martha Berry)। গ্রামটির নাম 'পোসাম ট্রট' (Possum Trot)। এই কুটারটিকে বেশ মনের মত করিয়া বাড়াইয়া লইয়া এইখানে শৈলাশ্রমের আরণ্য শোভা ভোগ করিবেন এই তাঁহার অভিপ্রায় ছিল।

বিলাসী সমাজের উপযুক্ত বেশভূষা করিয়া নিমন্ত্রণ আমন্ত্রণে, আমোদ আহ্লাদে, স্বচ্ছন্দে দিন কাটাইবার পক্ষে তাঁহার আয় যথেষ্ট ছিল। ঘরের কাজ সমস্তই কাফ্রি দাসদাসীর দ্বারাই সম্পন্ন হইত। সমাজে আদর পাইবার ও সংপাত্রে বিবাহ হইবার মত বুদ্ধি বিদ্যা ও সৌন্দর্যের অভাব তাঁহার ছিল না। ইনি যে অশিক্ষিত গিরিবাসীদের উন্নতি সাধনের জন্ত নিজের জীবন উৎসর্গ করিবেন ইহা তাঁহার স্বপ্নেরও অগোচর ছিল।

একদিন অপরাহ্নে মার্থা বেরি তাঁহার কুটারে বসিয়া আছেন এমন সময় বনপথ দিয়া গুটি কয়েক ছোট ছোট ছেলে সঙ্কুচিত কোতূহলে তাঁহার কুটারের মধ্যে উকি মারিতে লাগিল। মার্থা বেরি তাহাদিগকে ডাকিয়া প্রণয় করিয়া জানিলেন তাহারা

কোনো কালে বিদ্যালয়ে যায় নাই। তিনি তাহাদিগকে ঘরে লইয়া বই পড়িয়া শুনাইলেন, গল্প বলিলেন; তাহারা মুগ্ধ হইয়া শুনিতে লাগিল। তাহার পরের রবিবারে তাহারা তাহাদের ভাই বোনদের সঙ্গে লইয়া আসিয়া উপস্থিত হইল। এমনি করিয়া কয়েক সপ্তাহ না যাইতেই মিস্ বেরি স্বয়ং একটি ঘোড়া গাড়ি লইয়া গিরিবাসীদের ঘরে ঘরে বালকবালিকা এবং তাহাদের অভিভাবকদিগকে বিদ্যাশিক্ষায় উৎসাহ দিয়া ফিরিতে লাগিলেন।

প্রথমে তিনি প্রতি রবিবারে বাইবেলের গল্প প্রভৃতি পড়িয়া শুনাইয়া কাজ আরম্ভ করিয়াছিলেন। ক্রমে সেই রবিবারীয় পাঠ-সভার সঙ্গে দৈনিক বিদ্যালয় যোগ করিলেন। সামান্য বেতন যাহা জুটিত তাহাতে উপযুক্ত শিক্ষয়িত্রী পাওয়া কঠিন হইল। মিস্ বেরি নিজের আয় হইতে খরচ জোগাইতে লাগিলেন।

কিন্তু ছেলে পাওয়াই শক্ত। পড়া শুনা করিয়া কোন লাভ নাই বরঞ্চ তাহাতে ছেলে মাটি হইবে ইহাই লোকের ধারণা। সেই জন্য সামান্য কোনো ছুতাতেই বিদ্যালয়ে ছেলে পাঠানো বন্ধ হইত।

এইরূপে কোনো মতে বিদ্যালয়কে খাড়া করিয়া তুলিবার জন্য বখন তিনি চেষ্টা করিতেছেন তখন আব একটি চিন্তা তাঁহার মনে উদ্ভিত হইল। তিনি ভাবিয়া দেখিলেন, হাতের কাজ করিয়া খাটিয়া খাওয়া যে হয় নহে, এবং নিজের চেষ্টায় নিজের উন্নতি সাধন করা যে সকলেরই লক্ষ্য হওয়া উচিত, ইহাই এখানকার নিশ্চেষ্ট উদাসীন লোকদিগকে ভাল করিয়া বুঝাইয়া দেওয়া চাই।

নিজের দারিদ্র্য ও বিচ্ছিন্নতার মধ্যে প্রত্যেকে স্বতন্ত্র হইয়া জীবন না কাটাইয়া যাহাতে তাহারা একটা জনসমাজ গড়িয়া তোলে এবং নিজের উত্তমে রাস্তা ঘাট তৈরি ও স্কুল স্থাপন করিয়া নিজের শক্তিতেই সকলে সমবেত ভাবে বড় হইবার জন্য প্রস্তুত হইতে পারে সেই দিকে দৃষ্টি দিতে হইবে। এখন তাহারা যেক্ষেপে ক্ষেত্র চাষ করে তাহাতে ফসল ভাল হয় না এবং যে দুই তিনটি ফসল তাহারা বরাবর আবাদ করিয়া আসিতেছে তাহা ছাড়া আর কিছুই করিতে চায় না ইহার প্রতিকার করিতে হইবে। ইহার নির্বীচারে বন কাটিয়া জঙ্গল পোড়াইয়া কৃষিক্ষেত্রের সর্বনাশ করিতেছে, এ সম্বন্ধে তাহাদিগকে সতর্ক করিয়া দেওয়া চাই।

সাশ্রম বিদ্যালয় (Boarding School) ব্যতীত এ সমস্ত শিক্ষা দিবার অন্য উপায় নাই। মিস বেরি তাঁহার সম্পত্তি দিয়া একটি দশকুঠরিওয়ালা বাড়ি তৈরি করাইয়া তাহার সঙ্গে খানিকটা বনভূমি যোগ করিয়া লইলেন। বিশ্ববিদ্যালয়ের পরীক্ষায় উত্তীর্ণা একজন শিক্ষিতা মহিলা তাঁহার সহিত যোগ দিলেন।

আশ্রমে ছাত্র পাওয়া আরও কঠিন। দুটি একটি করিয়া অবশেষে পাঁচটি ছেলে ও দুইটি শিক্ষক লইয়া স্কুল আরম্ভ হইল। নিভৃত পাহাড়ের মধ্যে পাঁচটি গ্রাম্য ছেলেকে পড়াইবার কাজে জীবন উৎসর্গ করিতে উৎসাহ কত অল্প লোকের হইতে পারে সে কথা আমরা সহজেই বুঝিতে পারি। কারণ আড়ম্বর একটা মন্ত বেতন—সেটুকু হইতেও বঞ্চিত হইলে ত্যাগমাহাত্ম্যের আকর্ষণ চলিয়া যায়।

বিদ্যালয় খোলা হইলে পরদিন প্রাতঃকালে বিরূপ ক্লাস আরম্ভ হইল দেখা যাক্। একটা জলের বড় হাঁড়ি উনানে চড়ানো আছে। কাছে বড় বড় দুইটা গাম্‌লা। একরাশ ময়লা কাপড় একধারে জমা করা রহিয়াছে।

শিক্ষয়িত্রী তাঁহার পাঁচটি ছাত্রকে বলিলেন,—“কাপড় কেমন করিয়া কাঁচিতে হয় দেখাইয়া দিতেছি। তাহার পরে তোমাদের নিজের কাপড় কাচিতে হইবে।”

ছেলেরা বলিল—“না ঠাকরুণ, সে হইবে না। পুরুষমানুষে আবার কবে কাপড় কাচে?”

শিক্ষয়িত্রী কহিলেন,—“আচ্ছা বেশ, আমি কাচি, তোমরা দাঁড়াইয়া দেখ।”

অবশেষে লজ্জা পাইয়া একজন ছেলে আরম্ভ করিল। ক্রমে সকলেই যোগ দিল। এখন ঝাঁট দেওয়া হইতে রান্না পর্য্যন্ত সমস্তই বিদ্যালয়ের ছেলেরা অসঙ্কোচে সম্পন্ন করে।

একজন শিক্ষিত রূষক ছাত্রদিগকে প্রত্যহ দুইঘণ্টা করিয়া চাষের কাজ শিখাইতে লাগিল এবং মিস্ বেরি ও মিস্ ক্রিষ্টার তাহাদিগকে দুইঘণ্টা লেখাপড়া শিখাইতে লাগিলেন।

ছাত্র অল্পে অল্পে বাড়িতে লাগিল। উপযুক্ত ছুতারের নির্দেশমত ছাত্ররাই নিজেদের বাসের ঘর তৈরি করিয়া তুলিল।

এক্ষণে ছয় বৎসর হইয়া গেছে। ছাত্র এখন দেড়শত। দশটি ভাল ভাল কুটার প্রস্তুত হইয়াছে। তাহার প্রায় সমস্তই ছেলেদের তৈরি। বহুশত বিধা ক্ষেত্র লইয়া চাষ চলিতেছে। তাহার মাঝখান

দিয়া একটি পাকা রাস্তা গিয়াছে, তাহাও ছেলেরা তৈরি করিয়াছে। বিদ্যালয়ের সংলগ্ন একটি বড় গোয়াল আছে। কোন্ জাতের গোরুর কি গুণ তাহা ছেলেরা নিজেরা দেখিয়া শিখিয়া লয়। ইহা ছাড়া ফলের বাগান আছে এবং এই ফল টিনের কোটায় ভরিয়া বিক্রয় করিবার জন্ত কারখানা ঘর স্থাপিত হইয়াছে।

এতবড় একটি কাণ্ড করিয়া তুলিবার জন্ত ছেলোদের যেমন খাটিতে হইয়াছে শিক্ষকদিগকেও সেইরূপ ত্যাগস্বীকার করিতে হইয়াছে। যাহারা দেড়শত ডলার বেতনের যোগ্য তাঁহারা ত্রিশ ডলার মাত্র অর্থাৎ কেবল গ্রাসাচ্ছাদনের মত বেতন লইয়া কাজ করিয়াছেন। মিস্ বেরির পরিদেয় বস্ত্র যখন একটিতে আসিয়া ঠেকিয়াছিল তখন ছেলেরা নূতন কাপড় কিনিবার জন্ত তাঁহাকে সাড়ে চার ডলার চাঁদা নিজেদের মধ্য হইতে তুলিয়া দিয়াছিল। বিদ্যালয়ের পঞ্চম বৎসবে ছাত্রেরা নিজে খাটিয়া উপার্জন করিয়া প্রায় আটশত টাকা বিদ্যালয়কে দান করিয়াছিল। এই বিদ্যালয়ের ছাত্রেরা যেখানেই গেছে সেখানেই শ্রমশীলতা ও ত্যাগশীলতার দৃষ্টান্ত দেখাইয়াছে।

ভোরবাত্রে চারিটার সময় বিদ্যালয়ের প্রথম কাজ চুলায় আগুন ধরান। অনতিকাল পরে ছাত্রেরা আসিয়া রান্না চড়াইয়া দেয়। ছয়টার মধ্যেই আহাৰ প্রস্তুত হইয়া যায়। তাহার পরে প্রত্যেক ছাত্রকে অস্ত্রত দুইঘণ্টা মাঠে ও চারঘণ্টা ক্লাসে শিক্ষালাভ করিতে হয়। বিদ্যালয়ের এমন কোনো কাজই নাই যাহা ছেলেরা নিজের হাতে না করে। একথা মনে রাখিতে হইবে, য়ুনাইটেড্‌ স্টেট্‌সের

দক্ষিণাত্যে কাম্ব্রিদাসেরাই সমস্ত হাতের কাজ করে বলিয়া এই সমস্ত কাজ সেখানে খেতকায়দের পক্ষে বিশেষ দ্ব্যর্থ ও লজ্জাকর বলিয়া প্রচলিত। এরূপ সংস্কার কাটাইয়া ওঠা যে কিরূপ কঠিন তাহা সহজেই বুঝা যাইবে।

অনধিকার প্রবেশ

একদা প্রাতঃকালে পথের ধারে দাঁড়াইয়া এক বালক আর-
এক বালকের সহিত একটি অসমসাহসিক অমুষ্ঠান সম্বন্ধে বাজি
মাধিয়াছিল। ঠাকুরবাড়ির মাধবী-বিতান হইতে ফুল তুলিয়া
আনিতে পারিবে কি না তাহাই লইয়া তর্ক। একটি বালক
বলিল পারিব, আর একটি বালক বলিল কখনই পারিবে না !

কাজটি শুনিতে সহজ অথচ করিতে কেন সহজ নহে তাহার
বুজান্ত আর একটু বিস্তারিত করিয়া বলা আবশ্যক।

পরলোকগত মাধবচন্দ্র তর্কবাচস্পতির বিধবা স্ত্রী জয়কালী
দেবী এই রাধানাথ জীউর মন্দিরের অধিকারিণী।

জয়কালী দীর্ঘাকার, দৃঢ়শরীর, তীক্ষ্ণনাসা, প্রথরবুদ্ধি
স্ত্রীলোক। তাঁহার স্বামী বর্তমানে তাঁহাদের দেবত্র সম্পত্তি নষ্ট
হইবার জো হইয়াছিল। বিধবা তাহার সমস্ত বাকী বকেয়া
আদায়, সীমা সরহন্দ স্থির এবং বহুকালের বেদখল উদ্ধার করিয়া
সমস্ত পরিষ্কার করিয়াছিলেন। তাঁহার প্রাপ্য হইতে কেহ
তাঁহাকে এক কড়ি বঞ্চিত করিতে পারিত না।

এই স্ত্রীলোকটির প্রকৃতির মধ্যে বহুল পরিমাণে পৌরুষের
অংশ থাকাতে তাঁহার যথার্থ সঙ্গী কেহ ছিল না। স্ত্রীলোকে
তাঁহাকে ভয় করিত। পরনিম্না, ছোট কথা বা নাকীকান্না
তাঁহার অসহ্য ছিল। পুরুষেরাও তাঁহাকে ভয় করিত ; কারণ,
পল্লীবাসী ভদ্রপুরুষদের চণ্ডীমণ্ডপগত অগাধ আলমকে তিনি

এক প্রকার নীরব ঘৃণাপূর্ণ তীক্ষ্ণ কটাক্ষের দ্বারা বিচার করিয়া যাইতে পারিতেন যাহা তাঁহাদের দুঃখ জড়িত্ত ভেদ করিয়াও অন্তরে প্রবেশ করিত।

প্রবলরূপে ঘৃণা করিবার এবং সে ঘৃণা প্রবলরূপে প্রকাশ করিবার অসাধারণ ক্ষমতা এই প্রৌঢ়া বিধবাটির ছিল। বিচারে যাহাকে অপরাধী করিতেন তাহাকে তিনি কথার এবং বিনা কথার, ভাবে এবং ভঙ্গীতে একেবারে দণ্ড করিয়া যাইতে পারিতেন।

পল্লীর সমস্ত ক্রিয়াকর্মে বিপদে সম্পদে তাঁহার নিয়ন্ত হস্ত ছিল। সর্বত্রই তিনি নিজের একটি গোরবের স্থান বিনা চেষ্টায় অতি সহজেই অধিকার করিয়া লইতেন। যেখানে তিনি উপস্থিত থাকিতেন সেখানে তিনিই যে, সকলের প্রধানপদে, সে সম্বন্ধে তাঁহার নিজের অথবা উপস্থিত কোন ব্যক্তির মনে কিছুমাত্র সন্দেহ থাকিত না।

রোগীর সেবায় তিনি সিদ্ধহস্ত ছিলেন, কিন্তু রোগী তাঁহাকে যমের মত ভয় করিত। পথ্য বা নিয়মের লেশমাত্র সত্ত্বন হইলে তাঁহার ক্রোধানল রোগের তাপ অপেক্ষা রোগীকে অধিক উত্তপ্ত করিয়া তুলিত।

এই দীর্ঘাকার কঠিন বিধবাটি বিধাতার কঠোর নিয়মদণ্ডের দ্বারা পল্লীর মন্তকের উপর উত্তত ছিলেন; কেহ তাঁহাকে ভালবাসিতে অথবা অবহেলা করিতে সাহস করিত না। পল্লীর সকলের সঙ্গেই তাঁহার যোগ ছিল অথচ তাঁহার মত অভ্যস্ত একাকিনী কেহ ছিল না।

অনধিকার প্রবেশ

একদা প্রাতঃকালে পথের ধারে দাঁড়াইয়া এক বালক আর-
এক বালকের সহিত একটি অসমসাহসিক অতুষ্ণান সম্বন্ধে বাজি
রাখিয়াছিল। ঠাকুরবাড়ির মাধবো-বিতান হইতে ফুল তুলিয়া
আনিতে পারিবে কি না তাহাই লইয়া তর্ক। একটি বালক
বলিল পারিব, আর একটি বালক বলিল কখনই পারিবে না !

কাজটি শুনিতে সহজ অথচ করিতে কেন সহজ নহে তাহার
বৃত্তান্ত আর একটু বিস্তারিত করিয়া বলা আবশ্যক।

পরলোকগত মাধবচন্দ্র তর্কবাচস্পতির বিধবা স্ত্রী জয়কালী
দেবী এই রাধানাথ জীউর মন্দিরের অধিকারিণী।

জয়কালী দীর্ঘাকার, দৃঢ়শরীর, তীক্ষ্ণনাসা, প্রখরবুদ্ধি
স্ত্রীলোক। তাঁহার স্বামী বর্তমানে তাঁহাদের দেবত্র সম্পত্তি নষ্ট
হইবার জো হইয়াছিল। বিধবা তাহার সমস্ত বাকী বকেয়া
আদায়, সীমা সরহদ্দ স্থির এবং বহুকালের বেদখল উদ্ধার করিয়া
সমস্ত পরিষ্কার করিয়াছিলেন। তাঁহার প্রাপ্য হইতে কেহ
তাঁহাকে এক কড়ি বঞ্চিত করিতে পারিত না।

এই স্ত্রীলোকটির প্রকৃতির মধ্যে বহুল পরিমাণে পৌরুষের
অংশ থাকাতে তাঁহার যথার্থ সঙ্গী কেহ ছিল না। স্ত্রীলোকেরা
তাঁহাকে ভয় করিত। পরনিন্দা, ছোট কথা বা নাকীকান্না
তাঁহার অসহ ছিল। পুরুষেরাও তাঁহাকে ভয় করিত; কারণ,
পল্লীবাসী ভদ্রপুরুষদের চণ্ডীমণ্ডপগত অগাধ আলম্বকে তিনি

এক প্রকার নীরব ঘৃণাপূর্ণ তীক্ষ্ণ কটাক্ষের দ্বারা বিচার করিয়া যাইতে পারিতেন যাহা তাঁহাদের স্থূল জড়ত্ব ভেদ করিয়াও অন্তরে প্রবেশ করিত।

প্রবলরূপে ঘৃণা করিবার এবং সে ঘৃণা প্রবলরূপে প্রকাশ করিবার অসাধারণ ক্ষমতা এই প্রৌঢ়া বিধবাটির ছিল। বিচারে যাহাকে অপরাধী করিতেন তাহাকে তিনি কথায় এবং বিনা কথায়, ভাবে এবং ভঙ্গীতে একেবারে দগ্ধ করিয়া যাইতে পারিতেন।

পল্লীর সমস্ত ক্রিয়াকর্মে বিপদে সম্পদে তাঁহার নিয়ন্ত্রণ হস্ত ছিল। সর্বত্রই তিনি নিজের একটি গৌরবের স্থান বিনা চেষ্টায় অতি সহজেই অধিকার করিয়া লইতেন। যেখানে তিনি উপস্থিত থাকিতেন সেখানে তিনিই যে, সকলের প্রধানপদে, সে সম্বন্ধে তাঁহার নিজের অথবা উপস্থিত কোন ব্যক্তির মনে কিছুমাত্র সন্দেহ থাকিত না।

রোগীর সেবায় তিনি সিক্তহস্ত ছিলেন, কিন্তু রোগী তাঁহাকে যমের মত ভয় করিত। পথ্য বা নিয়মের লেশমাত্র লঙ্ঘন হইলে তাঁহার ক্রোধানল রোগের তাপ অপেক্ষা রোগীকে অধিক উত্তপ্ত করিয়া তুলিত।

এই দীর্ঘাকার কঠিন বিধবাটি বিধাতার কঠোর নিয়মদণ্ডের জায় পল্লীর মস্তকের উপর উত্তত ছিলেন; কেহ তাঁহাকে ভালবাসিতে অথবা অবহেলা করিতে সাহস করিত না। পল্লীর সকলের সঙ্গেই তাঁহার যোগ ছিল অথচ তাঁহার মত অত্যন্ত একাকিনী কেহ ছিল না।

বিধবা নিঃসন্তান ছিলেন। পিতৃমাতৃহীন ছইটি ভ্রাতৃপুত্র তাঁহার গৃহে-মাহুষ হইত। পুরুষ অর্জিবাবক অভাবে তাহাদের যে কোন প্রকার শাসন ছিল না এবং স্নেহান্ন পিসিমার আদরে তাহারা যে মষ্ট হইয়া যাইতেছিল এমন কথা কেহ বলিতে পারিত না। তাহাদের মধ্যে বড়টির বয়স আঠারো হইয়াছিল। মাঝে মাঝে তাহার বিবাহের প্রস্তাবও আসিত এবং পরিণয়বন্ধন সম্বন্ধে বালকটির চিন্তাও উদাসীন ছিল না। কিন্তু পিসিমা তাহার সেই সুখবাসনার একদিনের জন্তও প্রশ্রয় দেন নাই। তিনি কঠিন ভাবে বলিতেন, পুলিন আগে উপার্জন করিতে আরম্ভ করুক তার পরে বধু ঘরে আনিবে। পিসিমার মুখেই সেই কঠোর বাক্যে প্রতিবেশিনীদের হৃদয়-বিদীর্ণ হইয়া যাইত।

ঠাকুরবাড়িটি জয়কালীর সর্বাপেক্ষা যত্নের ধন ছিল। ঠাকুরের শয়ন বসন স্নানাহারের তিলমাত্র ভ্রুটি হইতে পারিত না। পূজক ব্রাহ্মণ ছটি দেবতার অপেক্ষা এই একটি মানবীকে অনেক বেশী ভয় করিত। পূর্বে এক সময় ছিল যখন দেবতার বরাদ্দ ক্ষেবতা পূরা পাইতেন না। কিন্তু আজ-কাল জয়কালীর শাসনে পূজার ষোলআনা অংশই ঠাকুরের ভোগে আসিতেছে।

বিধবার যত্নে ঠাকুরবাড়ির প্রাঙ্গণটি পরিষ্কার তত্ত্বক্ করিতেছে—কোথাও একটি ভৃগমাত্র নাই। একপার্শ্বে মঞ্চ অবলম্বন করিয়া মাধবীলতা উঠিয়াছে, তাহার শুকপত্র পড়িবামাত্র জয়কালী তাহা তুলিয়া লইয়া বাহিরে ফেলিয়া দেন। ঠাকুরবাড়িতে পারিপাট্য পরিচ্ছন্নতা ও পবিত্রতার কিছুমাত্র ব্যাঘাত হইলে

বিধবা তাহা সহ্য করিতে পারিতেন না। পাড়ার ছেলেরা পূর্বে লুকোচুরি খেলা উপলক্ষে এই প্রাঙ্গণের প্রান্তে আসিয়া আশ্রয় গ্রহণ করিত এবং মধ্যে মধ্যে পাড়ার ছাগশিশু আসিয়া মাধবীলতার বন্ধলাংশ কিছু কিছু ভক্ষণ করিয়া যাইত। এখন আর সে স্মরণ নাই। পর্ষকাল ব্যতীত অল্প দিনে ছেলেরা প্রাঙ্গণে প্রবেশ করিতে পারিত না এবং ক্ষুধাতুর ছাগশিশুকে দণ্ডাঘাত খাইয়াই দ্বারের নিকট হইতে তাবস্থরে আপন অঙ্গ-জননীকে আহ্বান করিতে করিতে ফিরিতে হইত।

অনাচারী ব্যক্তি পরমাঙ্গীয় হইলেও দেবালয়ের প্রাঙ্গণে প্রবেশ করিতে পারিত না। জয়কালীর একটি বাবুর্জিকরপক-কুকুটমাংসলোলুপ ভগিনীপতি আঙ্গীয়সন্দর্শনউপলক্ষে গ্রামে উপস্থিত হইয়া মন্দির-অঙ্গণে প্রবেশ করিবার উপক্রম করিয়াছিলেন, জয়কালী তাহাতে হরিত ও তীব্র আপত্তি প্রকাশ করিতে সহোদরা ভগিনীর সহিত তাঁহার বিচ্ছেদ-সম্ভাবনা ঘটয়াছিল। এই দেবালয় সম্বন্ধে বিধবার এতই অতিরিক্ত অনাবশ্যক সতর্কতা ছিল যে, সাধারণের নিকট তাহা অনেকটা বাতুলতাক্রমে প্রতীয়মান হইত।

জয়কালী আর সর্বত্রই কঠিন উন্নত স্বতন্ত্র, কেবল এই মন্দিরের সম্মুখে তিনি পরিপূর্ণভাবে আত্মসমর্পণ করিয়াছিলেন। এই বিগ্রহটির নিকট তিনি একান্তরূপে জননী পত্নী দাসী—ইহার কাছে তিনি সতর্ক, স্বকোমল, স্বন্দর এবং সম্পূর্ণ অবনত। এই প্রস্তরের মন্দির এবং প্রস্তরের মূর্তিটি তাঁহার নিগূঢ় নারীস্বভাবের

একমাত্র চরিতার্থতার বিষয় ছিল। ইহাই তাঁহার স্বামী পুত্র, তাঁহার সমস্ত সংসার।

ইহা হইতেই পাঠকেরা বুঝিবেন যে, যে বালকটি মন্দিরপ্রাঙ্গণ হইতে মাধবীমঞ্জরী আহরণ করিবার প্রতিজ্ঞা করিয়াছিল তাহার সাহসের সীমা ছিল না। সে জয়কালীর কনিষ্ঠ ভ্রাতৃপুত্র নলিন। সে তাহার পিসিমাকে ভাল করিয়াই জানিত তথাপি তাহার হৃদ্যন্ত প্রকৃতি শাসনের বশ হয় নাই। যেখানে বিপদ সেইখানেই তাহার একটা আকর্ষণ ছিল, এবং যেখানে শাসন সেইখানেই লঙ্ঘন করিবার জ্ঞাত তাহার চিত্ত চঞ্চল হইয়া থাকিত! জনশ্রুতি আছে বাল্যকালে তাহার পিসিমার স্বভাবটিও এইরূপ ছিল।

জয়কালী তখন মাতৃস্নেহমিশ্রিত ভক্তির সহিত ঠাকুরের দিকে দৃষ্টি নিবদ্ধ করিয়া দালানে বসিয়া একমনে মালা জপিতেছিলেন।

বালকটি নিঃশব্দপদে পশ্চাৎ হইতে আসিয়া মাধবীতলায় দাঁড়াইল। দেখিল নিম্নশাখার ফুলগুলি পূজার জন্ত নিঃশেষিত হইয়াছে। তখন অতি ধীরে ধীরে সাবধানে মঞ্চ আরোহণ করিল। উচ্চশাখায় দুটি একটি বিকচোন্মুখ কুঁড়ি দেখিয়া যেমন সে শরীর এবং বাহু প্রসারিত করিয়া তুলিতে যাইবে অমনি সেই প্রবল চেষ্টার ভরে জীর্ণ মঞ্চ সশব্দে ভাঙ্গিয়া পড়িল। আশ্রিত লতা এবং বালক একত্রে ভূমিসাৎ হইল।

জয়কালী তাড়াতাড়ি ছুটিয়া আসিয়া তাঁহার ভ্রাতৃপুত্রটির কীৰ্ত্তি দেখিলেন। সবলে বাহু ধরিয়া তাহাকে মাটি হইতে তুলিলেন। আঘাত তাহার যথেষ্ট লাগিয়াছিল—কিন্তু সে আঘাতকে শাস্তি

বলা যায় না, কারণ, তাহা অজ্ঞান জড়ের আঘাত। সেই জন্ত পতিত বালকের ব্যথিত দেহে জয়কালীর সজ্ঞান শান্তি বৃহমুহু সবলে বর্ধিত হইতে লাগিল। বালক একবিন্দু অশ্রুপাত না করিয়া নীরবে সঙ্ক করিল। তখন তাহার পিসিমা তাহাকে টানিয়া লইয়া ঘরের মধ্যে রুদ্ধ করিলেন। তাহার সেদিনকার বৈকালিক আহার নিষিদ্ধ হইল।

আহার বন্ধ হইল শুনিয়া দাসী মোক্ষদা কাতরকণ্ঠে ছলছল-নেত্রে বালককে ক্ষমা করিতে অনুরোধ করিল। জয়কালীর হৃদয় গলিল না। ঠাকুরালীর অজ্ঞাতসারে গোপনে ক্ষুধিত বালককে যে কেহ খাওয়া দিবে বাড়িতে এমন দুঃসাহসিক কেহ ছিল না।

বিধবা মঞ্চসংস্কারকের জন্ত লোক ডাকিতে পাঠাইয়া পুনর্ব্বার মালা হস্তে দালানে আসিয়া বসিলেন। মোক্ষদা কিছুক্ষণ পরে সভয়ে নিকটে আসিয়া কহিল, ঠাকুরমা, কাকাবাবু ক্ষুধায় কাঁদিতেছেন তাঁহাকে কিছু দুধ আনিয়া দিব কি ?

জয়কালী অবিচলিত মুখে কহিলেন, “না।” মোক্ষদা ফিরিয়া গেল। অদূরবর্ত্তী কুটারের গৃহ হইতে নলিনের করুণ ক্রন্দন ক্রমে ক্রোধের গর্জনে পরিণত হইয়া উঠিল—অবশেষে অনেকক্ষণ পরে তাহার কাতরতার শ্রাস্ত উচ্ছ্বাস থাকিয়া থাকিয়া জপনিবতা পিসিমার কানে আসিয়া ধ্বনিত হইতে লাগিল।

নলিনের আর্তকণ্ঠ যখন পরিশ্রাস্ত ও মৌনপ্রাণ হইয়া আসিয়াছে এমন সময়ে আর একটি জীবের ভীত কাতরধ্বনি নিকটে ধ্বনিত হইতে লাগিল এবং সেই সঙ্গে ধাবমান মল্লঘোর

দূষকর্তী চীৎকারশব্দ মিশ্রিত হইয়া মন্দিরের সম্মুখস্থ পথে একটা তুমুল কলরব উত্থিত হইল।

সহসা প্রাক্‌শের মধ্যে একটা পদশব্দ শোনা গেল। জয়কালী পশ্চাতে ফিরিয়া দেখিলেন ভূপৰ্য্যন্ত মাধবীলতা আন্দোলিত হইতেছে।

সরোবকণ্ঠে ডাকিলেন, “নলিন্ !”

কেহ উত্তর দিল না। বুঝিলেন অবাধ্য নলিন বন্দিশালা হইতে কোন ক্রমে পলায়ন করিয়া পুনরায় তাঁহাকে রাগাইতে আসিয়াছে !

তখন অত্যন্ত কঠিনভাবে অধরের উপর ওষ্ঠ চাপিয়া বিধবা প্রাক্‌শে নামিয়া আসিলেন।

লতাকুঞ্জের নিকট পুনরায় ডাকিলেন—নলিন্ !

উত্তর পাইলেন না। শাখা তুলিয়া দেখিলেন, একটা অত্যন্ত মলিন শূকর প্রাণভয়ে ঘন পল্লবের মধ্যে আশ্রয় লইয়াছে।

যে লতাবিতান এই ইষ্টক প্রাচীরের মধ্যে বৃন্দাবিপিনের সংক্ষিপ্ত প্রতিকল্প ; যাহার বিকসিত কুসুমমঞ্জরীর সৌরভ গোপীবৃন্দের সুগন্ধি নিখাস স্রবণ করাইয়া দেয় এবং কালিন্দীতীরবর্তী সুখবিহারের সৌন্দর্য্যস্থপ জাগ্রত করিয়া তোলে—বিধবার সেই প্রাণাধিক যত্নের সুপবিত্র নন্দনভূমিতে অকস্মাৎ এই বীভৎস দৃশ্যপার ঘটিল।

পূজারি ব্রাহ্মণ লাঠিহস্তে তাড়া করিয়া আসিল।

জয়কালী তৎক্ষণাৎ নামিয়া আসিয়া তাহাকে নিবেদন করিলেন। এবং দ্রুতবেগে ভিতর হইতে মন্দিরের দ্বার রুদ্ধ করিয়া দিলেন।

অনতিকাল পরেই সুরাপানে উন্মত্ত ডোমের দল মন্দিরের দ্বারে উপস্থিত হইয়া তাহাদের বলির পশুর জন্ত চীৎকার করিতে লাগিল।

জয়কালী রুদ্ধদ্বারের পশ্চাতে দাঁড়াইয়া কহিলেন, যা বেটারা ফিরে যা ! আমার মন্দির অপবিত্র করিস্নে।

ডোমের দল ফিরিয়া গেল। জয়কালী ঠাকুরাণী যে তাঁহার রাধানাথ জীউর মন্দিরের মধ্যে অশুচি জন্তুকে আশ্রয় দিবেন ইহা তাহারা প্রায় প্রত্যক্ষ দেখিয়াও বিশ্বাস করিতে পারিল না।

লামার প্রাণদণ্ড ।

তিব্বতে অবস্থিতিকালে রায় শরচ্চন্দ্র দাস বাহাদুর যে লামার নিকট শিক্ষালাভ করিয়াছিলেন তিব্বত গবর্ণমেন্ট তাঁহাকে কিরূপ দণ্ড দিয়াছিল তাহার বিবরণ জাপানী বৌদ্ধ পুরোহিত একাই কাওয়াগুচির “তিব্বতে তিন বৎসর” নামক ভ্রমণ পুস্তকে বাহির হইয়াছে ।

এই লামার নাম সেঙ্চেন দরজেচান্ । ইনি মহাজ্ঞানী ও ধার্মিক বলিয়া বিখ্যাত ছিলেন । রায় শরচ্চন্দ্র তিব্বত হইতে চলিয়া আসার পরে যখন তাঁহার সম্বন্ধে নানা প্রকার সম্মোহের রটনা হইতে লাগিল তখনই লামা বুঝিয়াছিলেন মৃত্যুর হাত হইতে তাঁহার আর অব্যাহতি নাই । শরতের সহিত সংশ্রব বশত তাঁহার বিপদের সম্ভাবনা আছে এই কথা বন্ধুদের মুখ হইতে শুনিয়া লামা কহিলেন, কেবলমাত্র স্বদেশীর কাছে নহে বিদেশীর কাছেও বৌদ্ধধর্ম প্রচার করা তাঁহার কর্তব্য । শরচ্চন্দ্র দাস তিব্বতে ইংরাজের গুপ্তচর হইয়া আসিয়াছেন কিনা সে কথা তাঁহার বিচার করিবার নহে এবং সে কথা তিনি চিন্তাও করেন নাই । তিনি তাঁহার কর্তব্য পালন করিয়াছেন । সে জন্ত যদি তাঁহাকে মৃত্যু স্বীকার করিতে হয় তাহাতে তিনি কুণ্ঠিত হইবেন না ।

এই লামা বৌদ্ধ ধর্ম প্রচারের জন্ত বিশেষ উৎসাহশীল ছিলেন । ইনি অনেক বৌদ্ধ মূর্তি ও পূজাপাত্র ভায়তবর্ষে পাঠাইয়াছেন এবং

অনেকগুলি প্রচারককেও সেখানে প্রেরণ করিয়াছিলেন তাঁহার চেষ্টার কোনো ফল হয় নাই। তথাপি একথা স্বীকার করিতে হইবে তাঁহার চরিত্র অতি মহৎ ছিল—তিনি সৰ্ব্বপ্রকার সাম্প্রদায়িক সঙ্কীর্ণতা ও পরজাতিবিদ্বেষের অতীত ছিলেন এবং বৌদ্ধপন্থা অনুসরণ করিয়া সকল দেশের মানবের মধ্যে ভ্রাতৃত্বের ঐক্যবন্ধন বিস্তার করা তাঁহার জীবনের সাধনা ছিল। একগুপ উদারবুদ্ধি সাধুকে সঙ্কীর্ণমনা রাজকর্মচারীরা ভাল বাসিতে পারে না—এই কারণে উচ্চপদস্থ অনেক শত্রু তাঁহার পতনের সুযোগ খুঁজিতেছিল। রায় শরৎদাস সম্বন্ধীয় জনশ্রুতিকে তাহারা বৈর সাধনের উপায় করিয়া তুলিল। তাহারা দার্জিলিঙে লোক পাঠাইয়া খবর লইল যে শরৎদাস যথার্থই ইংরাজ গবর্মেণ্টের অনুরোধে ছদ্মভাবে তিব্বতে প্রবেশ করিয়াছেন। রায় শরচ্চন্দ্রের সহিত তিব্বতবাসী যে কেহ লিপ্ত ছিল সকলেরই কারাদণ্ড হইল এবং লামা সেঙ্‌চেন দর্জেকান বিপক্ষ গবর্মেণ্টের গুপ্তচরকে ধর্ম-মন্দিরে আশ্রয় দিয়া তাঁহার নিকট রাষ্ট্রসম্বন্ধীয় গুহ্য বিষয় প্রকাশ করিয়াছেন এই অপরাধে তাঁহার প্রতি মৃত্যুদণ্ডের আদেশ হইল। কন্বো নদীতে তাঁহাকে ডুবাইয়া মারা স্থির হইল। এই কন্বো নদী ব্রহ্মপুত্রের নামান্তর। ১৮৮৭ খৃষ্টাব্দের জ্যৈষ্ঠ মাসে এই দণ্ড কার্যো পরিণত হয়। নির্দিষ্ট সময়ের পূর্বে নদীতীরে একটি শিলা-খণ্ডের উপর বসিয়া লামা সমাহিত চিন্তে ধর্মশাস্ত্র পাঠ করিতেছেন। তাঁহার চারিদিকে লোকের ভিড়, তাহারা সকলেই শোকে বিহ্বল হইয়া কাঁদিতেছে। যে মোটা দড়ি দিয়া তাঁহাকে জলে নামাইতে

হইবে তদ্বারা তাঁহার দেহ বেঁটন করিবার সময় ঘাতক তাঁহাকে জিজ্ঞাসা করিল মৃত্যুর পূর্বে তিনি কি ইচ্ছা করেন। তদন্তরে লামা কহিলেন, গ্রন্থপাঠ সমাধা করিয়া যখন তিনি তিনবার অঙ্গুলির দ্বারা সঙ্কেত করিবেন তখনই যেন তাঁহাকে জলে নিক্ষেপ করা হয়। ইতিমধ্যে সমাগত জনবৃন্দের হৃদয় ব্যাকুল হইতে লাগিল ;— তাহারা ব্রহ্মপুত্রের নির্ভর খরস্রোতের দিকে তাকাইয়া আছে এবং উচ্ছ্বসিত হইয়া বিলাপ করিয়া উঠিতেছে। সেদিন মেঘাচ্ছন্ন ছিল। বৃষ্টি পড়িতে আরম্ভ হইল। লামা তাঁহার হাত একবার তুলিলেন। এই সঙ্কেতের নিদারুণ অর্থ বুঝিয়া লোকেরা উচ্চৈশ্বরে কাদিয়া উঠিল। লামা একবার, দুইবার, তিনবার সঙ্কেত করিলেন। কিন্তু কেহই নিকটে আসে না—ঘাতকেরাও তখন কাদিতেছে। লামা কহিলেন, আমার সময় আসিয়াছে, তোমরা আর বিলম্ব করিও না। তখন তাঁহার কটিদেশে ভারি পাথর বাধিয়া দিয়া ঘাতকেরা তাঁহাকে ধীরে ধীরে উন্নত জলরাশির মধ্যে নামাইয়া দিল। এতক্ষণে মৃত্যু হইয়াছে স্থির করিয়া যখন তাঁহাকে টানিয়া তুলিল, দেখিল তখনো তাঁহার প্রাণ যায় নাই। পুনরবার তাঁহাকে জলে নামাইতে হইল। দ্বিতীয়বার যখন তুলিল তখনো তাঁহার প্রাণ আছে। ইহা দেখিয়া তাঁহার প্রাণরক্ষা করিবার জন্য সকলেই একবাক্যে অনুরোধ করিতে লাগিল— ঘাতকেরাও দ্বিধাগ্রস্ত হইয়া কি করিবে ভাবিয়া পাইতেছিল না। এমন সময়ে আশ্চর্যের বিষয় এই যে, লামা সংজ্ঞা লাভ করিলেন এবং কহিলেন, “শোক করিও না, আমার সময় উত্তীর্ণ হইয়াছে,

আমি আনন্দেই মরিতেছি ; তোমরা আমাকে মরিতেছ না ।
 এখন আমার কামনা এই যে আমার মৃত্যুর পরে তিব্বতে ধর্ম্ম যেন
 উন্নতি লাভ করে । স্বরা কর, আমাকে জলে নামাইয়া দাও ।”

তৃতীয়বার যখন তাঁহাকে জল হইতে তোলা হইল তখন তাঁহার
 মৃত্যু হইয়াছে ।

গুপ্তধন

১

অমাবস্তার নিশীথ রাত্রি। মৃত্যুঞ্জয় তান্ত্রিক মতে তাহাদের বহুকালের গৃহদেবতা জয়কালীর পূজায় বসিয়াছে। পূজা সমাধা করিয়া যখন উঠিল, তখন নিকটস্থ আমবাগান হইতে প্রত্যাগের প্রথম কাক ডাকিল।

মৃত্যুঞ্জয় পশ্চাতে ফিরিয়া চাহিয়া দেখিল মন্দিরের দ্বার বন্ধ রহিয়াছে। তখন সে একবার দেবীর চরণতলে মন্তক ঠেকাইয়া তাঁহার আসন সরাইয়া দিল। সেই আসনের নীচে হইতে এক কাঁঠাল কাঠের বায় বাহির করিল। পৈতায় চাবি বাঁধা ছিল। সেই চাবি লাগাইয়া মৃত্যুঞ্জয় বাজাট খুলিল। খুলিবামাত্রই চমকিয়া উঠিয়া মাথায় করাঘাত করিল।

মৃত্যুঞ্জয়ের অন্তরের বাগান প্রাচীর দিয়া ঘেরা। সেই বাগানের এক প্রান্তে বড় বড় গাছের ছায়ায় অন্ধকারে এই ছোট মন্দিরটি। মন্দিরে জয়কালীর মূর্তি ছাড়া আর কিছুই নাই, তাহার প্রবেশদ্বার একটিমাত্র। মৃত্যুঞ্জয় বাজাট লইয়া অনেকক্ষণ নাড়াচাড়া করিয়া দেখিল। মৃত্যুঞ্জয় বাজাট খুলিবার পূর্বে তাহা বন্ধই ছিল—কেহ তাহা ভাঙ্গে নাই। মৃত্যুঞ্জয় দশ বার করিয়া প্রতিমার চারিদিকে ঘুরিয়া হাতড়াইয়া দেখিল—কিছুই পাইল না। পাগলের মত হইয়া মন্দিরের দ্বার খুলিয়া ফেলিল—তখন ভোরের আলো

কুটিয়া উঠিতেছে। মন্দিরের চারিদিকে ঘুরিয়া ঘুরিয়া বৃথা আশ্বাসে খুঁজিয়া বেড়াইতে লাগিল।

সকালবেলায় আলোক যখন পরিষ্কৃত হইয়া উঠিল, তখন সে বাহিরে চণ্ডীমণ্ডপে আসিয়া মাথায় হাত দিয়া বসিয়া ভাবিতে লাগিল। সমস্ত রাত্রি অনিদ্রার পর ক্লান্ত শরীরে একটু তন্দ্রা আসিয়াছে এমন সময়ে হঠাৎ চমকিয়া উঠিয়া গুনিল, জয় হোক বাবা।

সম্মুখে প্রাক্‌গে এক জটাকুটধারী সন্ন্যাসী। মৃত্যুঞ্জয় ভক্তিতরে তাঁহাকে প্রণাম করিল। সন্ন্যাসী তাঁহার মাথায় হাত দিয়া আশীর্বাদ করিয়া কহিলেন—বাবা, তুমি মনের মধ্যে বৃথা শোক করিতেছ।

শুনিয়া মৃত্যুঞ্জয় আশ্চর্য্য হইয়া উঠিল—কহিল,—আপনি অসুস্থ্যামী, নহিলে আমার শোক কেমন করিয়া বুঝিলেন? আমি ত কাহাকেও কিছু বলি নাই।

সন্ন্যাসী কহিলেন—বৎস, আমি বলিতেছি, তোমার যাহা হারাইয়াছে সেজন্ত তুমি আনন্দ কর শোক করিয়ো না।

মৃত্যুঞ্জয় তাঁহার দুই পা জড়াইয়া ধরিয়া কহিল—আপনি তবে ত সমস্তই জানিয়াছেন—কেমন করিয়া হারাইয়াছে, কোথায় গেলে ফিরিয়া পাইব তাহা না বলিলে আমি আপনার চরণ ছাড়িব না।

সন্ন্যাসী কহিলেন,—আমি যদি তোমার অমঙ্গল কামনা করিতাম তবে বলিতাম। কিন্তু ভগবতী দয়া করিয়া যাহা হরণ করিয়াছেন সেজন্ত শোক করিয়ো না।

মৃত্যুঞ্জয়, সন্ন্যাসীকে প্রসন্ন করিবার জন্য সমস্ত দিন বিবিধ উপচারে তাঁহার সেবা করিল। পর দিন প্রত্যুষে নিজেই গোহাল হইতে লোটা ভরিয়া, সাফল্য লব্ধ হইয়া লইয়া আসিয়া দেখিল সন্ন্যাসী নাই।

২

মৃত্যুঞ্জয় যখন শিশু ছিল, যখন তাহার পিতামহ হরিহর এক দিন এই চণ্ডীমণ্ডপে বসিয়া তামাক খাইতেছিল, তখন এমন করিয়াই একটি সন্ন্যাসী “জয় হোক বাবা” বলিয়া এই প্রাঙ্গণে আসিয়া দাঁড়াইয়াছিলেন। হরিহর সেই সন্ন্যাসীকে কয়েকদিন বাড়িতে রাখিয়া বিধিমেতে সেবার দ্বারা সন্তুষ্ট করিল।

বিদায়কালে সন্ন্যাসী যখন জিজ্ঞাসা করিলেন, বৎস, তুমি কি চাও—হরিহর কহিল, বাবা যদি সন্তুষ্ট হইয়া থাকেন তবে আমার অবস্থাটা একবার শুনুন। এককালে এই গ্রামে আমরা সকলের চেয়ে বর্দ্ধিশু ছিলাম। আমার প্রপিতামহ দূর হইতে কুলীন আনাইয়া তাঁহার এক কন্যার বিবাহ দিয়াছিলেন। তাঁহার সেই দৌহিত্রবংশ আমাদেরই ফাঁকি দিয়া আজকাল এই গ্রামে বড় লোক হইয়া উঠিয়াছে। আমাদের এখন অবস্থা ভাল নয়, কাজেই ইহাদের অহঙ্কার সহ্য করিয়া থাকি। কিন্তু আর সহ্য হয় না। কি করিলে আবার আমাদের বংশ বড় হইয়া উঠিবে সেই উপায় বলিয়া দিন, সেই আশীর্বাদ করুন।

সন্ন্যাসী ঈষৎ হাসিয়া কহিলেন, বাবা, ছোট হইয়া স্বখে থাক। বড় হইবার চেষ্টায় শ্রেয় দেখি না।

কিন্তু হরিহর তবু ছাড়িল না, বংশকে বড় করিবার জন্ত সে সমস্ত স্বীকার করিতে রাজি আছে।

তখন সন্ন্যাসী তাঁহার ঝুলি হইতে কাপড়ে মোড়া একটি তুলট কাগজের লিখন বাহির করিলেন। কাগজখানি দীর্ঘ, কোষ্ঠীপত্রের মত গুটানো। সন্ন্যাসী সেটি মেজের উপরে খুলিয়া ধরিলেন। হরিহর দেখিল, তাহাতে নানাপ্রকার চক্রে নানা সাঙ্কেতিক চিহ্ন আঁকা, আর সকলের নিম্নে একটি প্রকাণ্ড ছড়া লেখা আছে তাহার আরম্ভটা এইরূপ :—

পায়ে ধরে সাধা,
রা নাহি দেয় রাধা ॥
শেষে দিল রা,
পাগোল ছাড় পা ॥
তুঁতুল বটের কোলে,
দক্ষিণে যাও চলে ॥
ঈশান কোণে ঈশানী,
কহে দিলাম নিশানী ॥ ইত্যাদি।

হরিহর কহিল,—বাবা, কিছুই ত বুঝিলাম না !

সন্ন্যাসী কহিলেন—কাছে রাখিয়া দাও, দেবীর পূজা কর।
তাঁহার প্রসাদে তোমার বংশে কেহ না কেহ এই লিখন অনুসারে
ঐশ্বর্য্য পাইবে জগতে যাহার তুলনা নাই।

হরিহর মিনতি করিয়া কহিল,—বাবা কি বুঝাইয়া দিবেন না ?
সন্ন্যাসী কহিলেন—না। সাধনা দ্বারা বুঝিতে হইবে !

এমন সময় হরিহরের ছোট ভাই শঙ্কর আসিয়া উপস্থিত হইল তাহাকে দেখিয়া হরিহর তাড়াতাড়ি লিখনটি লইবার চেষ্টা করিল সন্ন্যাসী হাসিয়া কহিলেন,—বড় হইবার পথের দুঃখ এখন হইতেই স্মরক হইল। কিন্তু গোপন করিবার দরকার নাই। কারণ, ইহার রহস্য কেবল একজন মাত্রই ভেদ করিতে পারিবে, হাজার চেষ্টা করিলেও আর কেহ তাহা পারিবে না। তোমাদের মধ্যে সেই লোকটি যে কে তাহা কেহ জানে না। অতএব ইহা সকলের সম্মুখেই নির্ভয়ে খুলিয়া রাখিতে পার।

সন্ন্যাসী চলিয়া গেলেন। কিন্তু হরিহর এ কাগজটি লুকাইয়া না রাখিয়া থাকিতে পারিল না। পাছে আর কেহ ইহা হইতে লাভবান হয়, পাছে তাহার ছোট ভাই শঙ্কর ইহার ফলভোগ করিতে পারে, এই আশঙ্কায় হরিহর এই কাগজটি কাঁঠালকাঠের বাস্কে বন্ধ করিয়া তাহাদের গৃহদেবতা জয়কালীর আসনতলে লুকাইয়া রাখিল। প্রত্যেক অমাবস্যায় নিশীথ রাত্রে দেবীর পূজা সারিয়া সে একবার করিয়া সেই কাগজটি খুলিয়া দর্শিত, যদি দেবী প্রসন্ন হইয়া তাহাকে অর্থ বুঝিবার শক্তি দেন।

শঙ্কর কিছুদিন হইতে হরিহরকে মিনতি করিতে লাগিল,—দাদা, আমাকে সেই কাগজটা একবার ভাল করিয়া দেখিতে দাও না।

হরিহর কহিল—দূর পাগল! সে কাগজ কি আছে! বেটা ভগ্নসন্ন্যাসী কাগজে কতকগুলো হিজিবিজি কাটিয়া আমাকে ফাঁকি দিয়া গেল—আমি সে পুড়াইয়া ফেলিয়াছি।

শঙ্কর চুপ করিয়া রহিল। ইঠাৎ একদিন শঙ্করকে ঘরে দেখিতে পাওয়া গেল না। তাহার পর হইতে সে নিরুদ্দেশ।

হরিহরের অত্র সমস্ত কাজকর্ম নষ্ট হইল—গুপ্ত ঐশ্বর্যের ধ্যান এক মুহূর্ত্ত সে ছাড়িতে পারিল না।

মৃত্যুকাল উপস্থিত হইলে সে তাহার বড় ছেলে শ্রামাপদকে সেই সন্ন্যাসীদত্ত কাগজখানি দিয়া গেল।

এই কাগজ পাইয়া শ্রামাপদ চাকুরি ছাড়িয়া দিল। জয়কালীর পূজায়, আর একান্ত মনে এই লিখন পাঠের চর্চায় তাহার জীবনটা যে কৌনদিক দিয়া কাটিয়া গেল তাহা বুঝিতে পারিল না।

মৃত্যুঞ্জয় শ্রামাপদের বড় ছেলে। পিতার মৃত্যুর পরে সে এই সন্ন্যাসীদত্ত গুপ্তলিখনের অধিকারী হইয়াছে। তাহার অবস্থা উত্তরোত্তর যতই হীন হইয়া আসিতে লাগিল, ততই অধিকতর আগ্রহের সহিত ঐ কাগজখানির প্রতি তাহার সমস্ত চিত্ত নিবিষ্ট হইল। এমন সময় গত অমাবস্তারাত্রে পূজার পর লিখনখানি আর দেখিতে পাইল না—সন্ন্যাসীও কোথায় অন্তর্দ্বান করিল।

মৃত্যুঞ্জয় কহিল এই সন্ন্যাসীকে ছাড়া হইবে না। সমস্ত সন্ধান ইহার কাছ হইতেই মিলিবে।

এই বলিয়া সে ঘর ছাড়িয়া সন্ন্যাসীকে খুঁজিতে বাহির হইল। এক বৎসর পথে পথে কাটিয়া গেল।

৩

গ্রামের নাম ধারাগোল। সেখানে মৃত্যুঞ্জয় মুদির দোকানে বসিয়া তামাক খাইতেছিল আর অশ্রুমনস্ক হইয়া নানা কথা

ভাবিতেছিল। কিছু দূরে মাঠের ধার দিয়া একজন সন্ন্যাসী চলিয়া গেল। প্রথমটা মৃত্যুঞ্জয়ের মনোযোগ আকৃষ্ট হইল না। একটু পরে হঠাৎ তাহার মনে হইল, যে লোকটা চলিয়া গেল এই ত সেই সন্ন্যাসী! তাড়াতাড়ি হঁকাটা রাখিয়া মুদিকে সচকিত করিয়া একদোড়ে সে দোকান হইতে বাহির হইয়া গেল। কিন্তু সে সন্ন্যাসীকে দেখা গেল না।

তখন সন্ধ্যা অন্ধকার হইয়া আসিয়াছে। অপরিচিত স্থানে কোথায় সে সন্ন্যাসীর সন্ধান করিতে যাইবে তাহা সে ঠিক করিতে পারিল না। দোকানে ফিরিয়া আসিয়া মুদিকে জিজ্ঞাসা করিল—ঐ যে মস্ত বন দেখা যাইতেছে ওখানে কি আছে?

মুদি কহিল,—এককালে ঐ বন সহর ছিল কিন্তু অগস্ত্য মুনির শাপে ওখানকার রাজা প্রজা সমস্তই মড়কে মরিয়াছে। লোকে বলে ওখানে অনেক ধনরত্ন আজও খুঁজিলে পাওয়া যায় কিন্তু দিনহুপরেও ঐ বনে সাহস করিয়া কেহ যাইতে পারে না। যে গেছে সে আর ফেরে নাই।

মৃত্যুঞ্জয়ের মন চঞ্চল হইয়া উঠিল। সমস্ত রাত্রি মুদির দোকানে মাতুরের উপর পড়িয়া মশার জ্বালায় সর্ব্বাস্ব চাপড়াইতে লাগিল আর ঐ বনের কথা, সন্ন্যাসীর কথা, সেই হারানো লিখনের কথা ভাবিতে থাকিল। বার বার পড়িয়া সেই লিখনটি মৃত্যুঞ্জয়ের প্রায় কণ্ঠস্থ হইয়া গিয়াছিল—তাই এই অনিদ্রাবস্থায় কেবলি তাহার মাথায় ঘুরিতে লাগিল—

পায়ে ধরে সাধা,
রা নাহি দেয় সাধা ॥
শেষে দিল রা,
পাগোল ছাড় পা ॥

মাথা গরম হইয়া উঠিল—কোনমতেই এই ক'টা ছত্র সে মন হইতে দূর করিতে পারিল না। অবশেষে ভোরের বেলায় যখন তাহার তন্দ্রা আসিল, তখন স্বপ্নে এই চারি ছত্রের অর্থ অতি সহজে তাহার নিকট প্রকাশ পাইল। “রা নাহি দেয় সাধা” অতএব “সাধা”র “রা” না থাকিলে “ধা” রহিল—“শেষে দিল রা” অতএব হইল “ধা” —“পাগোল ছাড় পা” —“পাগোলে”র “পা” ছাড়িলে “গোল” বাকি রহিল—অতএব সমস্তটা মিলিয়া হইল “ধা-গোল”—এই জায়গাটার নামত “ধাগোল”ই বটে।

স্বপ্ন ভাঙিয়া মৃত্যুঞ্জয় লাফাইয়া উঠিল।



সমস্ত দিন বনের মধ্যে ফিরিয়া সন্ধ্যাবেলায় বহুকষ্টে পথ খুঁজিয়া অনাহারে মৃতপ্রায় অবস্থায় মৃত্যুঞ্জয় গ্রামে ফিরিল।

পরদিন চাদরে চিড়া বাঁধিয়া পুনরায় সে বনের মধ্যে বাত্রা করিল। অপরাহ্নে একটা দিঘির ধারে আসিয়া উপস্থিত হইল। দিঘির মাঝখানটায় পরিষ্কার জল আর পাড়ের গায়ে গায়ে চারিদিকে পদ্ম আর কুমুদের বন। পাথরে বাঁধান ঘাট ভাঙিয়া চুরিয়া পড়িয়াছে। সেইখানে জলে চিড়া ভিজাইয়া খাইয়া দিঘির চারিদিক প্রদক্ষিণ করিয়া দেখিতে লাগিল।

দ্বিধির পশ্চিম পাড়ের প্রান্তে হঠাৎ মৃত্যুঞ্জয় থমকিয়া দাঁড়াইল।
দেখিল একটা তেঁতুলগাছকে বেঁঠন করিয়া প্রকাণ্ড বটগাছ
উঠিয়াছে। তৎক্ষণাৎ তাহার মনে পড়িল—

তেঁতুল বটের কোলে,

দক্ষিণে যাও চলে ॥

দক্ষিণে কিছুদূর যাইতেই ঘন জঙ্গলের মধ্যে আসিয়া পড়িল।
সেখানে সে বেতঝাড় ভেদ করিয়া চলা একেবারে অসাধ্য। যাহা
হউক, মৃত্যুঞ্জয় ঠিক করিল এই গাছটাকে কোনো মতে হারাইলে
চলিবে না।

এই গাছের কাছে ফিরিয়া আসিবার সময় গাছের অন্তরাল
দিয়া অনতিদূরে একটা মন্দিরের চূড়া দেখা গেল। সেই দিকের
প্রতি লক্ষ্য করিয়া মৃত্যুঞ্জয় এক ভাঙা মন্দিরের কাছে আসিয়া
উপস্থিত হইল। দেখিল নিকটে একটা চুল্লি, পোড়াকাঠ আর
ছাই পড়িয়া আছে। অতি সাবধানে মৃত্যুঞ্জয় ভগ্নদ্বার মন্দিরের
মধ্যে উকি মারিল। সেখানে কোনো লোক নাই, প্রতিমা নাই,
কেবল একটি কঞ্চল, কমণ্ডলু আর গেরুয়া উত্তরীয় পড়িয়া আছে।

তখন সন্ধ্যা আসন্ন হইয়া আসিয়াছে, গ্রাম দূরে; অন্ধকারে
বনের মধ্যে পথ সন্ধান করিয়া যাইতে পারিবে কি না সন্দেহ; তাই
এই মন্দিরে মনুষ্যবসতির লক্ষণ দেখিয়া মৃত্যুঞ্জয় খুসি হইল! মন্দির
হইতে একটি বৃহৎ প্রস্তরখণ্ড ভাঙিয়া দ্বারের কাছে পড়িয়া ছিল;
সেই পাথরের উপরে বসিয়া নতশিরে ভাবিতে ভাবিতে মৃত্যুঞ্জয়
হঠাৎ পাথরের গায়ে কি যেন লেখা দেখিতে পাইল। ঝুঁকিয়া

পড়িয়া দেখিল একটি চক্র আঁকা, তাহার মধ্যে কতক স্পষ্ট কতক লুপ্তপ্রায় ভাবে নিম্নলিখিত সাঙ্কেতিক অক্ষর লেখা আছে :—



এই চক্রটি মৃত্যুঞ্জয়ের রূপরিচিত। কত অমাবস্তা রাত্রে পূজাগৃহে স্নগন্ধ ধূপের ধূমে ঘৃতদীপালোকে তুলট কাগজে অঙ্কিত এই চক্রচিহ্নের উপর খুঁকিয়া পড়িয়া রহস্তভেদ করিবার জন্ত একাগ্রমনে সে দেবীর প্রসাদ যাক্কা করিয়াছে। আজ অতীষ্ট সিদ্ধির অত্যন্ত সন্নিকটে আসিয়া তাহার সর্বোচ্চ যেন কাঁপিতে লাগিল। পাছে তীরে আসিয়া তরী ডোবে, পাছে সামান্য একটা ভুলে তাহার সমস্ত নষ্ট হইয়া যায়, পাছে সেই সন্ন্যাসী পূর্বে আসিয়া সমস্ত উদ্ধার করিয়া লইয়া গিয়া থাকে এই আশঙ্কায় তাহার বুকের মধ্যে তোলপাড় করিতে লাগিল। এখন যে তাহার কি কর্তব্য তাহা সে ভাবিয়া পাইল না। তাহার মনে হইল-সে হয় ত তাহার ঐশ্বর্যভাণ্ডারের ঠিক উপরেই বসিয়া আছে অথচ কিছুই জানিতে পাইতেছে না!

বসিয়া বসিয়া সে কালীনাম জপ করিতে লাগিল, সন্ধ্যার অন্ধকার নিবিড় হইয়া আসিল; বিঘ্নিত ধ্বনিতে বনভূমি মুখর হইয়া উঠিল।

এমন সময় কিছু দূরে ঘনবনের মধ্যে অগ্নির দীপ্তি দেখা গেল। মৃত্যুঞ্জয় তাহার প্রস্তরাসন ছাড়িয়া উঠিয়া পড়িল আর সেই শিখা লক্ষ্য করিয়া চলিতে লাগিল।

বহুকষ্টে কিছুদূর গিয়া একটা অশথগাছের গুঁড়ির অন্তরাল হইতে স্পষ্ট দেখিতে পাইল তাহার সেই পরিচিত সন্ন্যাসী অগ্নির আলোকে সেই তুলটের লিখন মেলিয়া একটা কাঠি দিয়া ছাইরের উপরে এক মনে অঙ্ক কসিতেছে।

মৃত্যুঞ্জয়ের ঘরের সেই পৈতৃক তুলটের লিখন! আরে ভণ্ড, চোর! এইজন্তই সে মৃত্যুঞ্জয়কে শোক করিতে নিষেধ করিয়াছিল বটে!

সন্ন্যাসী একবার করিয়া অঙ্ক কসিতেছে, আর একটা মাপ-কাঠি লইয়া জমি মাপিতেছে,—কিয়দূর মাপিয়া হতশ হইয়া ঘাড় নাড়িয়া পুনর্ব্বার আসিয়া অঙ্ক কসিতে প্রবৃত্ত হইতেছে।

এমন করিয়া রাত্রি যখন অবসানপ্রায়—যখন নিশান্তের শীত-বায়ুতে বনস্পতির অগ্রশাখার পল্লবগুলি মর্মরিত হইয়া উঠিল, তখন সন্ন্যাসী সেই লিখনপত্র গুটাইয়া লইয়া চলিয়া গেল।

মৃত্যুঞ্জয় কি করিবে ভাবিয়া পাইল না। ইহা সে নিশ্চয় বুঝিতে পারিল যে, সন্ন্যাসীর সাহায্য ব্যতীত এই লিখনের রহস্ত-ভেদ করা তাহার সাধ্য হইবে না। লুক্ক সন্ন্যাসী যে মৃত্যুঞ্জয়কে সাহায্য করিবে না তাহাও নিশ্চিত। অতএব গোপনে সন্ন্যাসীর প্রতি দৃষ্টি রাখা ছাড়া অন্য উপায় নাই, কিন্তু দিনের বেলায় গ্রামে

না গেলে তাহার আহাৰ মিলিবে না ; অতএব অন্ততঃ কাল সকালে একবার গ্রামে যাওয়া আবশ্যিক ।

ভোরের দিকে অন্ধকার একটু ফিকা হইবামাত্র সে গাছ হইতে নামিয়া পড়িল । যেখানে সন্ন্যাসী ছাইয়ের মধ্যে আঁক কসিতেছিল সেখানে ভাল করিয়া দেখিল, কিছুই বুঝিল না । চতুর্দিকে ঘুরিয়া দেখিল, অল্প বনখণ্ডের সঙ্গে কোনও প্রভেদ নাই ।

বনতলের অন্ধকার ক্রমে যখন ক্ষীণ হইয়া আসিল তখন মৃত্যুঞ্জয় অতি সাবধানে চারিদিক দেখিতে দেখিতে গ্রামের উদ্দেশে চলিল । তাহার ভয় ছিল পাছে সন্ন্যাসী তাহাকে দেখিতে পায় ।

যে দোকানে মৃত্যুঞ্জয় আশ্রয়গ্রহণ করিয়াছিল তাহার নিকটে একটি কায়স্থগৃহিণী ব্রতউদ্‌যাপন করিয়া সেদিন ব্রাহ্মণভোজন করাইতে প্রবৃত্ত ছিল । সেইখানে মৃত্যুঞ্জয়ের আজ আহাৰ জুটিয়া গেল । কয়দিন আহাৰের কষ্টের পর আজ তাহার ভোজনটি গুরুতর হইয়া উঠিল । সেই গুরু ভোজনের পর যেমন তামাকটি খাইয়া দোকানের মাতুরটিতে একবার গড়াইয়া লইবার ইচ্ছা করিল, অমনি গত রাত্রির অনিদ্রাকাতর মৃত্যুঞ্জয় ঘুমে আচ্ছন্ন হইয়া পড়িল ।

মৃত্যুঞ্জয় স্থির করিয়াছিল, আজ সকাল সকাল আহাৰাদি করিয়া যথেষ্ট বেলা থাকিতে বাহির হইবে । ঠিক তাহার উন্টা হইল । যখন তাহার নিদ্রাভঙ্গ হইল তখন সূর্য্য অস্ত গিয়াছে । তবু মৃত্যুঞ্জয় দমিল না । অন্ধকারেই বনের মধ্যে সে প্রবেশ করিল ।

দেখিতে দেখিতে রাত্রি ঘনীভূত হইয়া আসিল। গাছের ছায়ার মধ্যে দৃষ্টি আর চলে না, জঙ্গলের মধ্যে পথ অবরুদ্ধ হইয়া যায়। যত্নাঞ্জয় যে কোনদিকে কোথায় যাইতেছে তাহা কিছুই ঠাহর পাইল না। রাত্রি যখন অবসান হইল তখন দেখিল সমস্ত রাত্রি সে বনের প্রান্তে একই জায়গায় ঘুরিয়া ঘুরিয়া বেড়াইয়াছে।

কাকের দল কা কা শব্দে গ্রামের দিকে উড়িল। এই শব্দ যত্নাঞ্জয়ের কানে ব্যঙ্গপূর্ণ ধিক্কারবাক্যের মত শুনাইল।

৬

গণনায় বার বার ভুল আর সেই ভুল সংশোধন করিতে করিতে অবশেষে সন্ন্যাসী স্তম্ভের পথ আবিষ্কার করিয়াছেন। স্তম্ভের মধ্যে মশাল লইয়া তিনি প্রবেশ করিলেন। বাঁধানো ভিত্তির গায়ে শ্রীংলা পড়িয়াছে—মাঝে মাঝে এক এক জায়গায় জল চুষিয়া পড়িতেছে। স্থানে স্থানে কতকগুলো ভেক গায়ে গায়ে স্তূপাকার হইয়া নিদ্রা দিতেছে। এই পিছল পথ দিয়া কিছুদূর যাইতেই সন্ন্যাসী দেখিলেন সম্মুখে দেয়াল উঠিয়াছে, পথ অবরুদ্ধ। কিছুই বুঝিতে পারিলেন না। দেয়ালের সর্বত্র লৌহদণ্ড দিয়া সবলে আঘাত করিয়া দেখিলেন কোথাও ফাঁকা আওয়াজ দিতেছে না—কোথাও রক্ত নাই—এই পথটার যে এইখানেই শেষ তাহা নিঃসন্দেহ।

আবার সেই কাগজ খুলিয়া মাথায় হাত দিয়া বসিয়া ভাবিতে লাগিলেন। সে রাত্রি এমনি করিয়া কাটিয়া গেল।

পরদিন পুনর্বার গণনা সারিয়া স্তম্ভে প্রবেশ করিলেন।

সেদিন গুপ্তসঙ্কেত অনুসরণে পূর্বক একটা বিশেষ স্থান হইতে পাথর খসাইয়া এক শাখাপথ আবিষ্কার করিলেন। সেই পথে চলিতে চলিতে আবার এক জায়গায় পথ অবরুদ্ধ হইয়া গেল।

অবশেষে পঞ্চম রাত্রে স্নুড়ঙ্গের মধ্যে প্রবেশ করিয়া সন্ন্যাসী বলিয়া উঠিলেন—আজ আমি পথ পাইয়াছি, আজ আর আমার কোন মতেই ভুল হইবে না।

পথ অত্যন্ত জটিল ; তাহার শাখা প্রশাখার অন্ত নাই—কোথাও এত সঙ্কীর্ণ যে গুঁড়ি মারিয়া যাইতে হয়। বহুযত্নে মশাল ধরিয়া চলিতে চলিতে সন্ন্যাসী একটা গোলাকার ঘরের মত জায়গায় আসিয়া পৌঁছিলেন। সেই ঘরের মাঝখানে একটা বৃহৎ ইদার। মশালের আলোকে সন্ন্যাসী তাহার তল দেখিতে পাইলেন না। ঘরের ছাদ হইতে একটা নোটা প্রকাণ্ড লৌহশৃঙ্গল ইদারার মধ্যে নামিয়া গেছে। সন্ন্যাসী প্রাণপণ বলে ঠেলিয়া এই শৃঙ্গলটাকে অল্প একটুখানি নাড়াইবামাত্র ঠং করিয়া একটা শব্দ ইদারার গহ্বর হইতে উথিত হইয়া ঘরময় প্রতিধ্বনিত হইতে লাগিল ! সন্ন্যাসী উচ্চৈঃস্বরে বলিয়া উঠিলেন, পাইয়াছি !

যেমন বলা অমনি সেই ঘরের ভাঙা ভিত্তি হইতে একটা পাথর গড়াইয়া পড়িল আর সেই সঙ্গে আর একটি কি সচেতন পদার্থ ধপ্ করিয়া পড়িয়া চাঁৎকার করিয়া উঠিল। সন্ন্যাসী এই অকস্মাৎ শব্দে চমকিয়া উঠিতেই তাহার হাত হইতে মশাল পড়িয়া নিবিয়া গেল।

সন্ন্যাসী জিজ্ঞাসা করিলেন, তুমি কে ? কোন উত্তর পাইলেন না ।
তখন অন্ধকারে হাতড়াইতে গিয়া তাঁহার হাতে একটি মাছধের
দেহ ঠেকিল । তাহাকে নাড়া দিয়া জিজ্ঞাসা করিলেন—কে তুমি ?

কোনও উত্তর পাইলেন না । লোকটা অচেতন হইয়া গেছে ।

তখন চক্ৰমকি ঠুকিয়া ঠুকিয়া সন্ন্যাসী অনেক কষ্টে মশাল
ধরাইলেন । ইতিমধ্যে সেই লোকটা সংজ্ঞা প্রাপ্ত হইল আর
উঠিবার চেষ্টা করিয়া বেদনায় আর্তনাদ করিয়া উঠিল ।

সন্ন্যাসী কহিলেন,—একি মৃত্যুঞ্জয় যে ! তোমার এ মতি হইল
কেন ?

মৃত্যুঞ্জয় কহিল,—বাবা মাপ কর । ভগবান আমাকে শাস্তি
দিয়াছেন । তোমাকে পাথর ছুঁড়িয়া মারিতে গিয়া সামলাইতে
পারি নাই—পিছলে পাথর স্ফুট আমি পড়িয়া গেছি । পাটা
নিশ্চয় ভাঙিয়া গেছে ।

সন্ন্যাসী কহিলেন,—আমাকে মারিয়া তোমার কি লাভ হইত ?

মৃত্যুঞ্জয় কহিল—লাভের কথা তুমি জিজ্ঞাসা করিতেছ ! তুমি
কিসের লোভে আমার পূজাঘর হইতে লিখনখানি চুরি করিয়া এই
স্ফুটের মধ্যে ঘুরিয়া বেড়াইতেছ ! তুমি চোর, তুমি ভণ্ড !
আমার পিতামহকে যে সন্ন্যাসী ঐ লিখনখানি দিয়াছিলেন তিনি
বলিয়াছিলেন আমাদেরই বংশের কেহ এই লিখনের সঙ্কেত
বুঝিতে পারিবে । এই গুপ্ত ঐশ্বর্য্য আমাদেরই বংশের প্রাপ্য ।
তাই আমি এ কয়দিন না খাইয়া না ঘুমাইয়া ছায়ার মত তোমার

পশ্চাতে ফিরিতেছি। আজ তুমি যখন বলিয়া উঠিলে “পাইয়াছি” তখন আমি আর থাকিতে পারিলাম না। আমি তোমার পশ্চাতে আসিয়া ঐ গর্তটার ভিতরে লুকাইয়া বসিয়া ছিলাম। ওখান হইতে একটা পাথর খসাইয়া তোমাকে মারিতে গেলাম কিন্তু শরীর দুর্বল, জায়গাটাও অত্যন্ত পিছল—তাই পড়িয়া গেছি—এখন তুমি আমাকে মারিয়া ফেল সেও ভাল— আমি যক্ষ হইয়া এই ধন আগ্‌লাইব—কিন্তু তুমি ইহা লইতে পারিবে না—কোন মতেই না! যদি লইতে চেষ্টা কর, আমি ব্রাহ্মণ তোমাকে অভিশাপ দিয়া এই কূপের মধ্যে ঝাঁপ দিয়া পড়িয়া আত্মহত্যা করিব! এ ধন তোমার ব্রহ্মরক্ত গোরস্তকুল্য হইবে—এ ধন তুমি কোনও দিন স্নুখে ভোগ করিতে পারিবে না। আমাদের পিতা পিতামহ এই ধনের উপরে সমস্ত মন রাখিয়া মরিয়াছেন—এই ধনের ধ্যান করিতে করিতে আমরা দরিদ্র হইয়াছি—এই ধনের সন্ধানে আমি বাড়িতে অনাথা স্ত্রী ও শিশুসন্তান ফেলিয়া আহাৰ-নিদ্রা ছাড়িয়া লক্ষীছাড়া পাগলের মত মাঠে ঘাটে ঘুরিয়া বেড়াইতেছি—এ ধন তুমি আমার চোখের সন্মুখে কখনও লইতে পারিবে না।

৮

সন্ন্যাসী কহিলেন—মৃত্যুঞ্জয়, তবে শোন! সমস্ত কথা তোমাকে বলি! তুমি জান, তোমার পিতামহের এক কনিষ্ঠ সহোদর ছিল, তাহার নাম ছিল শঙ্কর।

মৃত্যুঞ্জয় কহিল—হাঁ, তিনি নিরুদ্দেশ হইয়া বাহির হইয়া গিয়াছেন।

সন্ন্যাসী কহিলেন—আমি সেই শঙ্কর।—

মৃত্যুঞ্জয় হতাশ হইয়া দীর্ঘনিশ্বাস ফেলিল। এতক্ষণ এই গুপ্তধনের উপর তাহার যে একমাত্র দাবী সে সাব্যস্ত করিয়া বসিয়া ছিল তাহারই বংশের আত্মীয় আসিয়া সে দাবী নষ্ট করিয়া দিল।

শঙ্কর কহিলেন—দাদা সন্ন্যাসীর নিকট হইতে লিখন পাইয়া অবধি আমার কাছে তাহা বিধিমতে লুকাইবার চেষ্টা করিতেছিলেন কিন্তু তিনি যতই গোপন করিতে লাগিলেন, আমার ওৎসুক্য ততই বাড়িয়া উঠিল। তিনি দেবীর আসনের নীচে বাক্সের মধ্যে ঐ লিখনখানি লুকাইয়া রাখিয়াছিলেন। আমি তাহার সন্ধান পাইলাম আর দ্বিতীয় চাবি বানাইয়া প্রতিদিন অল্প অল্প করিয়া সমস্ত কাগজখানা নকল করিতে লাগিলাম। যেদিন নকল শেষ হইল সেই দিনই আমি এই ধনের সন্ধান ঘর ছাড়িয়া বাহির হইলাম। আমারও ঘরে অনাথা স্ত্রী এবং একটি শিশুসন্তান ছিল। আজ তাহারা কেহ বাঁচিয়া নাই।

কত দেশ দেশান্তরে ভ্রমণ করিয়াছি তাহার বিস্তারিত বর্ণনার প্রয়োজন নাই। সন্ন্যাসীদত্ত এই লিখন নিশ্চয় কোন সন্ন্যাসী আমাকে বুঝাইয়া দিতে পারিবেন এই মনে করিয়া অনেক সন্ন্যাসীর আমি সেবা করিয়াছি। অনেক ভগ্ন সন্ন্যাসী আমার ঐ কাগজের সন্ধান পাইয়া তাহা হরণ করিবারও চেষ্টা করিয়াছে।

এইরূপে কত বৎসরের পর বৎসর কাটিয়াছে, আমার মনে এক মুহূর্তের জ্ঞাপ্তও স্থখ ছিল না, শান্তি ছিল না।

অবশেষে পূর্বজন্মার্জিত পুণ্যের বলে কুমায়ুন পর্বতে বাবা স্বরূপানন্দ স্বামীর সঙ্গ পাইলাম। তিনি আমাকে কহিলেন, বাবা, তৃষ্ণা দূর কর তাহা হইলেই বিশ্বব্যাপী অক্লয় সম্পদ আপনি তোমাকে ধরা দিবে!

তিনি আমার মনের দাহ জুড়াইয়া দিলেন। তাঁহার প্রসাদে আকাশের আলোক আর ধরণীর শ্রামলতা আমার কাছে রাজসম্পদ হইয়া উঠিল। একদিন পর্বতের শিলাতলে শীতের সায়াকে পরম-হংস বাবার ধুনীতে আগুন জ্বলিতেছিল—সেই আগুনে আমার কাগজখানা সমর্পণ করিলাম। বাবা ঈষৎ একটু হাসিলেন। সে হাসির অর্থ তখন বুঝি নাই আজ বুঝিয়াছি। তিনি নিশ্চয় মনে করিয়াছিলেন, কাগজখানা ছাই করিয়া ফেলা সহজ কিন্তু বাসনা এত সহজে ভস্মসাৎ হয় না।

কাগজখানার যখন কোন চিহ্ন রহিল না তখন আমার মনের চারিদিক হইতে একটা নাগপাশ বন্ধন যেন সম্পূর্ণরূপে খুলিয়া গেল। মুক্তির অপূর্ব আনন্দে আমার চিত্ত পরিপূর্ণ হইয়া উঠিল। আমি মনে করিলাম এখন হইতে আমার আর কোনও ভয় নাই—আমি জগতে কিছুই চাহি না।

ইহার অনতিকাল পরে পরমহংস বাবার সঙ্গ হইতে চ্যুত হইলাম। তাঁহাকে অনেক খুঁজিলাম, কোথাও তাঁহার দেখা পাইলাম না।

আমি তখন সন্ন্যাসী হইয়া নিরাসক্তচিত্তে ঘুরিয়া বেড়াইতে লাগিলাম। অনেক বৎসর কাটিয়া গেল—সেই লিখনের কথা প্রায় ভুলিয়াই গেলাম।

এমন সময় একদিন এই ধারাগোলের বনের মধ্যে প্রবেশ করিয়া একটি ভাঙা মন্দিরের মধ্যে আশ্রয় লইলাম। দুই এক দিন থাকিতে থাকিতে দেখিলাম, মন্দিরের ভিত্তে স্থানে স্থানে নানা প্রকার চিহ্ন আঁকা আছে। এই চিহ্নগুলি আমার পূর্ব-পরিচিত।

এককালে বহুদিন যাহার সন্ধানে ফিরিয়াছিলাম তাহার যে নাগাল পাওয়া যাইতেছে তাহাতে আমার সন্দেহ রহিল না। আমি কহিলাম, এখানে আর থাকা হইবে না। এ বন ছাড়িয়া চলিলাম।

কিন্তু ছাড়িয়া যাওয়া ঘটিল না। মনে হইল, দেখাই যাক না, কি আছে! কোতূহল একেবারে নিবৃত্ত করিয়া যাওয়াই ভাল। চিহ্নগুলো লইয়া অনেক আলোচনা করিলাম কোনও ফল হইল না। বারবার মনে হইতে লাগিল কেন সে কাগজখানা পুড়াইয়া ফেলিলাম! সেখানা রাখিলেই বা কি ক্ষতি ছিল।

তখন আবার আমার সেই জন্মগ্রামে গেলাম। আমাদের পৈতৃক ভিটার নিতান্ত হ্রবস্থা দেখিয়া মনে করিলাম, আমি সন্ন্যাসী, আমার ধনরত্নে কোনও প্রয়োজন নাই, কিন্তু এই গরীবরা ত গৃহী, সেই গুপ্তসম্পদ ইহাদের জগু উদ্ধার করিয়া দিলে তাহাতে দোষ নাই।

সেই লিখন কোথায় আছে জানিতাম, তাহা সংগ্রহ করা আমার পক্ষে কিছুমাত্র কঠিন হইল না।

তাহার পরে একটি বৎসর ধরিয়া এই কাগজখানা লইয়া এই নির্জন বনের মধ্যে গণনা করিয়াছি আর সন্ধান করিয়াছি। মনে আর কোনও চিন্তা ছিল না। যত বারম্বার বাধা পাইতে লাগিলাম ততই উত্তরোত্তর আগ্রহ বাড়িয়া চলিল—উন্মত্তের মত অহোমাত্র এই এক অধ্যবসায়ে নিবিষ্ট রহিলাম।

ঈতিমধ্যে কখন তুমি আমার অনুসরণ করিতেছ তাহা জানিতে পারি নাই। আমি সহজ অবস্থায় থাকিলে তুমি কখনই নিজেকে আমার কাছে গোপন রাখিতে পারিতে না। কিন্তু আমি তন্ময় হইয়াছিলাম, বাহিরের ঘটনা আমার দৃষ্টি আকর্ষণ করিত না।

তাহার পরে, যাহা খুঁজিতেছিলাম আজ এইমাত্র তাহা আবিষ্কার করিয়াছি। এখানে যাহা আছে পৃথিবীতে কোনও রাজরাজেশ্বরের ভাণ্ডারেও এত ধন নাই। আর একটিমাত্র সংকেত ভেদ করিলেই সেই ধন পাওয়া যাইবে।

এই সংকেতটিই সর্বাপেক্ষা দুর্লভ। কিন্তু এই সংকেতও আমি মনে মনে ভেদ করিয়াছি। সেইজন্তই “পাইয়াছি” বলিয়া মনের উল্লাসে চীৎকার করিয়া উঠিয়াছিলাম। যদি ইচ্ছা করি তবে আর এক দণ্ডের মধ্যে সেই স্বর্ণমাণিক্যের ভাণ্ডারের নান্যখানে গিয়া দাঁড়াইতে পারি !

মৃত্যুঞ্জয় শব্দের পা জড়াইয়া ধরিয়া কহিল, তুমি সন্ন্যাসী,

তোমার ত ধনের কোনও প্রয়োজন নাই—আমাকে সেই ভাণ্ডারের মধ্যে লইয়া যাও ! আমাকে বঞ্চিত করিও না ।

শঙ্কর কহিলেন—আজ আমার শেষ বন্ধন ছিন্ন হইয়াছে ! তুমি ঐ যে পাথর ফেলিয়া আমাকে মারিবার জন্ত উদ্যত হইয়াছিলে তাহার আঘাত আমার শরীরে লাগে নাই কিন্তু তাহা আমার মোহাবরণকে ভেদ করিয়াছে । তৃষ্ণার করালমূর্তি আজ আমি দেখিলাম ! আমার গুরু পরমহংসদেবের নিগূঢ় প্রশান্ত হস্ত এতদিন পরে আমার অন্তরের কল্যাণদীপে অনির্ব্যাক্ত আলোকশিখা আলাইয়া তুলিল ।

মৃত্যুঞ্জয় শঙ্করের পা ধরিয়া পুনরায় কাতরস্বরে কহিল,—তুমি মুক্ত পুরুষ, আমি মুক্ত নহি, আমি মুক্তি চাহিনা, আমাকে এই ঐশ্বর্য্য হইতে বঞ্চিত করিতে পারিবে না ।

সন্ন্যাসী কহিলেন,—বৎস, তবে তুমি তোমার এই লিখনটি লও । যদি ধন খুজিয়া লইতে পার তবে লইও ।

এই বলিয়া তাঁহার ষষ্টি ও লিখনপত্র মৃত্যুঞ্জয়ের কাছে রাখিয়া সন্ন্যাসী চলিয়া গেলেন । মৃত্যুঞ্জয় কহিল, আমাকে দয়া কর, আমাকে ফেলিয়া যাইও না—আমাকে দেখাইয়া দাও !

কোনো উত্তর পাইল না ।

তখন মৃত্যুঞ্জয় ষষ্টির উপর ভর করিয়া হাতড়াইয়া স্ফুট হইতে বাহির হইবার চেষ্টা করিল কিন্তু পথ অত্যন্ত জটিল, গোলক ঘাঁথার মত বারবার বাধা পাইতে লাগিল । অবশেষে ঘুরিয়া

যুঁরিয়া ক্লাস্ত হইয়া এক জায়গায় শুইয়া পড়িল এবং নিদ্রা আসিতে বিলম্ব হইল না।

ঘুম হইতে যখন জাগিল তখন রাত্রি, কি দিন, কি কত বেলা তাহা জানিবার কোনও উপায় ছিল না। অত্যন্ত ক্ষুধা বোধ হইলে মৃত্যুঞ্জয় চাদরের প্রান্ত হইতে চিড়া খুলিয়া লইয়া খাইল। তাহার পর আর একবার হাতড়াইয়া স্নুড়ঙ্গ হইতে বাহির হইবার পথ খুজিতে লাগিল। নানাস্থানে বাধা পাইয়া বসিয়া পড়িল। তখন চীৎকার করিয়া ডাকিল, ওগো সন্ন্যাসী, তুমি কোথায় ?

তাহার সেই ডাক স্নুড়ঙ্গের সমস্ত শাখা প্রশাখা হইতে বারম্বার প্রতিধ্বনিত হইতে লাগিল। অনতিদূর হইতে উত্তর আসিল, আমি তোমার নিকটেই আছি—কি চাও বল !

মৃত্যুঞ্জয় কাতরস্বরে কহিল,—কোথায় ধন আছে আমাকে দয়া করিয়া দেখাইয়া দাও !

তখন আর কোনও সাড়া পাওয়া গেল না। মৃত্যুঞ্জয় বারম্বার ডাকিল, কোনও সাড়া পাইল না।

দণ্ডপ্রহরের দ্বারা অবিভক্ত এই ভূতলগত চিররাত্রির মধ্যে মৃত্যুঞ্জয় আর একবার ঘুমাইয়া লইল। ঘুম হইতে আবার সেই অন্ধকারের মধ্যে জাগিয়া উঠিল। চীৎকার করিয়া ডাকিল—ওগো আছ কি ?

নিকট হইতেই উত্তর পাইল—এইখানেই আছি। কি চাও ?

মৃত্যুঞ্জয় কহিল, আমি আর কিছু চাই না—আমাকে এই স্নুড়ঙ্গ হইতে উদ্ধার করিয়া লইয়া যাও।

সন্ন্যাসী জিজ্ঞাসা করিলেন—তুমি ধন চাও না ?

মৃত্যুঞ্জয় কহিল—না, চাহি না।

তখন চক্ষু মকি ঠোকার শব্দ উঠিল এবং কিছুক্ষণ পরে আলো জ্বলিল। সন্ন্যাসী কহিলেন,—তবে এস মৃত্যুঞ্জয়, এই সুড়ঙ্গ হইতে বাহিরে যাই।

মৃত্যুঞ্জয় কাতর স্বরে কহিল,—বাবা, নিতান্তই কি সমস্ত ব্যর্থ হইবে ? এত কষ্টের পরেও ধন কি পাইব না ?

তৎক্ষণাৎ মশাল নিবিয়া গেল। মৃত্যুঞ্জয় কহিল, কি নির্ভর !—বলিয়া সেইখানে বসিয়া পড়িয়া ভাবিতে লাগিল। সময়ের কোনও পরিমাণ নাই, অন্ধকারের কোন অন্ত নাই। মৃত্যুঞ্জয়ের ইচ্ছা করিতে লাগিল, তাহার সমস্ত শরীর-মনেব বলে এই অন্ধকারটাকে ভাঙিয়া চূর্ণ করিয়া ফেলে। আলোক, আকাশ আর বিশ্বচ্ছবির বৈচিত্র্যের জন্ত তাহার প্রাণ ব্যাকুল হইয়া উঠিল। কহিল, ওগো সন্ন্যাসী, ওগো নির্ভুব সন্ন্যাসী, আমি ধন চাই না আমাকে উদ্ধার কর।

সন্ন্যাসী কহিলেন,—ধন চাও না ? তবে আমার হাত ধর। আমার সঙ্গে চল।

এবারে আর আলো জ্বলিল না। এক হাতে বটি ও এক হাতে সন্ন্যাসীর উত্তরীয় ধরিয়া মৃত্যুঞ্জয় ধীরে ধীরে চলিতে লাগিল। বহুক্ষণ ধরিয়া অনেক আঁকাবাঁকা পথ দিয়া অনেক ঘুরিয়া ফিরিয়া এক জায়গায় আসিয়া সন্ন্যাসী কহিলেন,—দাঁড়াও।

মৃত্যুঞ্জয় দাঁড়াইল। তাহার পরে একটা মরিচা-পড়া লোহার

হার খোলার উৎকট শব্দ শোনা গেল। সন্ন্যাসী মৃত্যুঞ্জয়ের হাত ধরিয়ে কহিলেন—এস।

মৃত্যুঞ্জয় অগ্রসর হইয়া যেন একটা ঘরে প্রবেশ করিল। তখন আবার চক্ৰমকি ঠোকার শব্দ শোনা গেল। কিছুক্ষণ পরে যখন মশাল জলিয়া উঠিল তখন একি আশ্চর্য্য দৃশ্য! চারিদিকে দেয়ালের গায়ে মোটা মোটা সোনার পাত ভূগর্ভরুদ্ধ কঠিন সূর্যালোকপুঞ্জের মত স্তরে স্তরে সজ্জিত। মৃত্যুঞ্জয়ের চোক ছুটা জ্বলিতে লাগিল। সে পাগলের মত বলিয়া উঠিল—এ সোনা আমার—এ আমি কোন মতেই ফেলিয়া যাইতে পারিব না।

সন্ন্যাসী কহিলেন, আচ্ছা ফেলিয়া যাইও না; এই মশাল রহিল—আর এই ছাতু, চিড়া আর বড় এক ঘটি জল রাখিয়া গেলাম।

দেখিতে দেখিতে সন্ন্যাসী বাহির হইয়া আসিলেন আর এই স্বর্ণভাণ্ডারের লৌহদ্বারে কপাট পড়িল।

মৃত্যুঞ্জয় বার বার করিয়া এই স্বর্ণপুঞ্জ স্পর্শ করিয়া ঘরময় ঘুরিয়া ঘুরিয়া বেড়াইতে লাগিল। ছোট ছোট স্বর্ণখণ্ড টানিয়া মেজের উপরে ফেলিতে লাগিল, কোলের উপর তুলিতে লাগিল; একটার উপর আর একটা আঘাত করিয়া শব্দ করিতে লাগিল, সর্কাসের উপর বুলাইয়া তাহার স্পর্শ লইতে লাগিল। অবশেষে প্রাপ্ত হইয়া সোনার পাত বিছাইয়া তাহার উপরে শয়ন করিয়া বুলাইয়া পড়িল।

জাগিয়া উঠিয়া দেখিল, চারিদিকে সোনা ঝক্‌ঝক্ করিতেছে। সোনা ছাড়া আর কিছুই নাই। মৃত্যুঞ্জয় ভাবিতে লাগিল—পৃথি-

বীর উপরে হস্ত এতক্ষণে প্রভাত হইয়াছে—সমস্ত জীবজন্তু আনন্দে জাগিয়া উঠিয়াছে।—তাহাদের বাড়ীতে পুকুরের ধারের বাগান হইতে প্রভাতে যে একটি শিখ গন্ধ উঠিত তাহাই কলনায় তাহার নাসিকায় যেন প্রবেশ করিতে লাগিল। সে যেন স্পষ্ট চোখে দেখিতে পাইল, পাতি হাঁসগুলি ছলিতে ছলিতে কলরব করিতে করিতে সকাল বেলায় পুকুরের জলের মধ্যে আসিয়া পড়িতেছে, আর বাড়ির ঝি বামা কোমরে কাপড় জড়াইয়া উদ্ধোখিত দক্ষিণ হস্তের উপর এক রাশি পিতল কাঁসার থালা বাটি লইয়া ঘাটে আনিয়া উপস্থিত করিতেছে।

মৃত্যুঞ্জয় দ্বারে আঘাত করিয়া ডাকিতে লাগিল—ওগো সন্ন্যাসী ঠাকুর, আছ কি ?

দ্বার খুলিয়া গেল। সন্ন্যাসী কহিলেন—কি চাও ?

মৃত্যুঞ্জয় কহিলেন—আমি বাহিরে যাইতেই চাই—কিন্তু সঙ্গে এই সোনার দুটো একটা পাতও লইয়া যাইতে পারিব না ?

সন্ন্যাসী তাহার কোনও উত্তর না দিয়া নূতন মশাল জ্বালাইলেন পূর্ণ কমণ্ডলু একট বাধিলেন আর উত্তবায় হইতে কয়েক মুষ্টি চিঁড়া মেজের উপর রাখিয়া বাহির হইয়া গেলেন। দ্বার বন্ধ হইয়া গেল।

মৃত্যুঞ্জয় পাত্ৰা একটা সোনার পাত লইয়া তাহা দোন্ডাইয়া খণ্ড খণ্ড করিয়া ভাঙিয়া ফেলিল। সেই খণ্ড সোনাগুলাকে লইয়া ঘরের চারিদিকে লোষ্ট্রখণ্ডের মত ছড়াইতে লাগিল। কখনও বা দাঁত দিয়া দংশন করিয়া সোনার পাতের উপর দাগ করিয়া দিল।

কখনও বা একটা সোনার পাত মাটিতে ফেলিয়া তাহার উপরে ধারণার পদাঘাত করিতে লাগিল। মনে মনে বলিতে লাগিল, পৃথিবীতে এমন সত্রাট কয়জন আছে যাহারা সোনা লইয়া এমন করিয়া ফেলাছড়া করিতে পারে। মৃত্যুঞ্জয়ের যেন একটা প্রলয়ের রোখ চাপিয়া গেল। তাহার ইচ্ছা করিতে লাগিল, এই রাশীকৃত সোনাকে চূর্ণ করিয়া ধুলির মত সে ঝাঁটা দিয়া উড়াইয়া ফেলে—আর এইরূপে পৃথিবীর সমস্ত স্ববর্ণলুপ্ত রাজা মহারাজাকে সে অবজ্ঞা করিতে পারে।

এমনি করিয়া যতক্ষণ পারিল মৃত্যুঞ্জয় সোনাগুলাকে লইয়া টানাটানি করিয়া শ্রান্তদেহে ঘুমাইয়া পড়িল। ঘুম হইতে উঠিয়া সে আবার তাহার চারিদিকে সেই সোনার স্তূপ দেখিতে লাগিল। সে তখন দ্বারে আঘাত করিয়া চীৎকার করিয়া বলিয়া উঠিল—ওগো সন্ন্যাসী; আমি এ সোনা চাই না—সোনা চাই না!

কিন্তু দ্বার খুলিল না। ডাকিতে ডাকিতে মৃত্যুঞ্জয়ের গলা ভাঙিয়া গেল কিন্তু দ্বার খুলিল না—এক একটা সোনার পিণ্ড লইয়া দ্বারের উপর ছুড়িয়া মারিতে লাগিল, কোনও ফল হইল না। মৃত্যুঞ্জয়ের বুক দমিয়া গেল—তবে আর কি সন্ন্যাসী আসিবে না! এই স্বর্ণকারাগারের মধ্যে তিলে তিলে পলে পলে শুকাইয়া মরিতে হইবে।

তখন সোনাগুলাকে দেখিয়া তাহার আতঙ্ক হইতে লাগিল। বিভীষিকার নিঃশব্দ কঠিন হস্তের মত ঐ সোনার স্তূপ চারিদিকে স্থির হইয়া রহিয়াছে—তাহার মধ্যে স্পন্দন নাই, পরিবর্তন নাই—

মৃত্যুঞ্জয়ের যে হৃদয় এখন কাঁপিতেছে, ব্যাকুল হইতেছে, তাহার সঙ্গে উহাদের কোন সম্পর্ক নাই, বেদনার কোন সম্বন্ধ নাই। এই সোনার পিণ্ডগুলি আলোক চায় না, আকাশ চায় না, বাতাস চায় না, প্রাণ চায় না, মুক্তি চায় না। ইহারা এই চির অন্ধকারের মধ্যে চিরদিন উজ্জল হইয়া কঠিন হইয়া রহিয়াছে!

পৃথিবীতে এখন গোধূলি আসিয়াছে? আহা, সেই গোধূলির স্বর্ণ! যে স্বর্ণ কেবল ক্ষণকালের জন্ত চোখ জুড়াইয়া অন্ধকারের প্রান্তে কাঁদিয়া বিদায় লইয়া যায়। তাহার পরে কুটারের প্রাঙ্গণতলে সন্ধ্যাতারা একদৃষ্টে চাহিয়া থাকে। গোয়ালে প্রদীপ জ্বলাইয়া বহু ঘরের কোণে সন্ধ্যাদীপ স্থাপন করে। মন্দিরে আরতির ঘণ্টা বাজিয়া উঠে।

গ্রামের, ঘরের, অতি ক্ষুদ্রতম, তুচ্ছতম ব্যাপার আজ মৃত্যুঞ্জয়ের করুণাদৃষ্টির কাছে উজ্জল হইয়া উঠিল। তাহাদের সেই যে ভোলা কুকুরটা ল্যাজে মাথায় এক হইয়া উঠানের প্রান্তে সন্ধ্যার পর ঘুমাইতে থাকিত সে করুণাও তাহাকে যেন ব্যথিত করিতে লাগিল। ধারাগোল গ্রামে কয়দিন সে যে মুদির দোকানে আশ্রয় লইয়াছিল, সেই মুদি এতক্ষণ রাত্রে প্রদীপ নিবাইয়া, দোকানের ঝাঁপ বন্ধ করিয়া ধারে ধারে গ্রামে বাড়িমুখে আহার করিতে চলিয়াছে, এই কথা শ্রবণ করিয়া তাহার মনে হইতে লাগিল মুদি কি স্নেহেই আছে! আজ কি বার কে জানে! যদি রবিবার হয় তবে এতক্ষণ হাটের লোক যে বার আপন আপন বাড়ি ফিরিতেছে, সঙ্গত্য সাথীকে উচ্চৈঃস্বরে ডাক পাড়িতেছে, দল বাধিয়া খেয়া

নৌকায় পার হইতেছে ; মেঠো রাস্তা ধরিয়া, শতক্ষেত্রের আল বাহিয়া, পল্লীর শুষ্ক বংশপত্রখচিত অঙ্গন-পার্শ্ব দিয়া চাৰীলোক হাতে দুটো একটা মাছ বুলাইয়া মাথায় একটা চুপড়ি লইয়া অন্ধকারে আকাশভরা তারার ক্ষীণলোকে গ্রামে গ্রামান্তরে চলিয়াছে।

ধরণীর উপরিতলে এই বিচিত্র বৃহৎ চিরচঞ্চল জীবনযাত্রার মধ্যে তুচ্ছতম দীনতম হইয়া নিজের জীবন মিশাইবার জন্ত শত স্তর মৃত্তিকা ভেদ করিয়া তাহার কাছে লোকালয়ের আহ্বান আসিয়া পৌছিতে লাগিল। সেই জীবন, সেই আকাশ, সেই আলোক, পৃথিবীর সমস্ত মণিমাণিক্যের চেয়ে তাহার কাছে দুর্গুণ্য বোধ হইতে লাগিল। তাহার মনে হইতে লাগিল কেবল ক্ষণকালের জন্ত একবার যদি আমার সেই শ্রামা জননী ধরিত্রীর ধূলিক্রোড়ে সেই উন্মুক্ত আলোকিত নীলাম্বরের তলে, সেই তৃণপত্রের গন্ধ-বাসিত বাতাস বুক ভরিয়া একটি মাত্র শেষ নিশ্বাসে গ্রহণ করিয়া মরিতে পারি তাহা হইলেও জীবন সার্থক হয়।

এমন সময় দ্বার খুলিয়া গেল ! সন্ন্যাসী ঘরে প্রবেশ করিয়া কহিলেন,—মৃত্যুঞ্জয়, কি চাও !

সে বলিয়া উঠিল আমি আর কিছু চাই না—আমি এই সূড়ঙ্গ হইতে, অন্ধকার হইতে, গোলকধাঁদা হইতে, এই সোনার গারদ হইতে বাহির হইতে চাই ! আমি আলোক চাই ! আকাশ চাই, মুক্তি চাই !

সন্ন্যাসী কহিলেন—এই সোনার ভাণ্ডারের চেয়ে মূল্যবান রত্ন-ভাণ্ডার এখানে আছে। একবার ঘাইবে না ?

মৃত্যুঞ্জয় কহিল—না, যাইব না।

সন্ন্যাসী কহিলেন—একবার দেখিয়া আসিবার কৌতুহলও
নাই ?

মৃত্যুঞ্জয় কহিল—না, আমি দেখিতেও চাই না। আমাকে যদি
কোপীন পরিয়া ভিক্ষা করিয়া বেড়াইতে হয় তবু আমি এখানে এক
মূর্ত্তও কাটাইতে ইচ্ছা করি না।

সন্ন্যাসী কহিলেন—আচ্ছা তবে এস।

মৃত্যুঞ্জয়ের হাত ধরিয়া সন্ন্যাসী তাহাকে সেই গভীর কূপেব
সম্মুখে লইয়া গেলেন। তাহার হাতে সেই লিখনপত্র দিয়া কহিলেন
—এখানি লইয়া তুমি কি করিবে ?

মৃত্যুঞ্জয় সে পত্রখানি টুকরা টুকরা করিয়া ছিড়িয়া কূপের মধ্যে
নিষ্ক্ষেপ করিল।

পরিবারাশ্রম ।

ফ্রান্সে ওয়াজ্ নদীর ধারে গীজ্ নামক একটি ক্ষুদ্র সহর আছে । সেখানে আজ অনেক বৎসর হইল গোড়্যা সাহেব নূতন ধরণে এক বৃহৎ কারখানা খুলিয়াছেন, তাঁহার নাম দিয়াছেন, পরিবারাশ্রম সভা ।

লোকটি তালাচাবি-নির্মাতা একটি কর্মকারের পুত্র । নিজের যত্নে ধন উপার্জন করিয়া তিনি সমাজ হইতে কিসে দৈন্ত্র ভ্রুংখ দূর হয় এবং কি উপায়ে শ্রমজীবী লোকেরা রোগ, বান্ধক্য প্রভৃতি অনিবার্য কারণজনিত অর্থক্লেশ হইতে রক্ষিত হইতে পারে সেই চিন্তা ও চেষ্টায় প্রবৃত্ত হইলেন ।

তাঁহার সেই আমরণ চেষ্টার ফল এই পারিবারিক সমাজ । ইহা একটি কারখানা । এখানে প্রধানতঃ লোহার উনান, অগ্নিকুণ্ড, ইমারৎ প্রস্তুতের সরঞ্জাম প্রভৃতি তৈয়ারী হয় ।

এখানকার কর্মপ্রণালী অস্বাভাবিক কারখানা হইতে অনেক স্বতন্ত্র । সংক্ষেপে এখানকার নিয়ম এই, কারবারের স্মৃদ খরচা বাদে মোট যে লাভ হয়, তাহা হইতে শতকরা পঁচিশ অংশ বুদ্ধি অনুসারে এবং পঁচাত্তর অংশ পরিশ্রম অনুসারে কর্মচারীদের মধ্যে বণ্টন করিয়া দেওয়া হয় । ইহা ব্যতীত তাহাদের যথানিয়মিত বেতন আছে । ত্রিশ বৎসর কাজের পর পেনশন্ নির্দিষ্ট হয়, কিন্তু বিশেষ কারণে অক্ষম

হইয়া পড়িলে পনেরো বৎসরের পরেই একটা মাসহারার অধিকারী হওয়া যায়। ছুঃখুদ্দিনের জন্ত একটা বিশেষ বন্দোবস্ত আছে, এবং এই সভাভুক্ত যে কেহ ইচ্ছা করিলে সন্তানদিগকে চৌদ্দ বৎসর বয়স পর্য্যন্ত সরকারী ব্যয়ে বিদ্যাশিক্ষা দিতে পারে।

১৮৮৮ খৃষ্টাব্দে গোড্যা সাহেবের মৃত্যুকালে তিনি তাঁহার উপার্জিত ধনের অর্দ্ধেক, অর্থাৎ, একলক্ষ চল্লিশ হাজার পোণ্ড, এই কারখানায় দান করিয়া যান। সৰ্ত্ত এই থাকে যে, নির্দিষ্ট সংখ্যক পরিবার যেখানে সুখে স্বচ্ছন্দে জীবনযাত্রার সামান্য অভাব সকল অনুভব না করিয়া কালযাপন করিতে পারে, এমন বাসস্থানের বন্দোবস্ত করা হইবে।

পীড়িত, অক্ষম, বৃদ্ধ, বিধবা, পিতৃমাতৃহীন বালক বালিকা, এমন কি, সর্বপ্রকার অশক্ত লোকদিগের জন্ত ইন্সটিটিউশনের ব্যবস্থা করিতে হইবে।

আশ্রমবাসীদের আহাৰ্য্য যোগাইতে হইবে।

তাহাদের শারীরিক মানসিক ও নৈতিক উন্নতির জন্ত যে সকল আমোদ আহ্লাদের আবশ্যক, তাহার উপায় করিতে হইবে।

বালকবালিকারা যে পর্য্যন্ত না কাজে নিযুক্ত হয় সে পর্য্যন্ত তাহাদিগকে পালন করিতে ও শিক্ষা দিতে হইবে।

কৰ্ম্মশালার নিকটেই মজুরদের বাসা ঠিক করিয়া দিতে হইবে।

এক কথায়, এমন বন্দোবস্ত করিতে হইবে, যাহাতে কারখানার

শ্রমজীবীরা সুখে একত্র বাস করিতে পারে ; যাহাতে কারখানা ও ব্যবসায়ের লাভ কর্মকারদের মধ্যে স্থায়িনিয়মে ভাগ হইতে পারে এবং যাহাতে ক্রমে ক্রমে এই সমাজের সমুদয় সম্পত্তি অল্পে অল্পে তাহাদেরই হস্তগত হয়।

ছয় কারণে সভ্যগণ সমাজ হইতে দূরীভূত হইতে পারেন। (১) পানদোষ, (২) বাসস্থানের বায়ু দূষিত করা, (৩) গর্হিত আচরণ ; (৪) শ্রমবিমুখতা, (৫) নিয়মের অবাধ্যতা অথবা উপদ্রব করা, (৬) সম্মানদিগকে উপযুক্ত শিক্ষাদানে শৈথিল্য-চরণ।

কেহ না মনে করেন, এই সমাজে পদে পদে নিয়মের কড়া-কড়ি। প্রত্যেককে যথাসম্ভব স্বাধীনতা দেওয়া হইয়াছে। ফর্ট-নাইটলি রিভিযু পত্রে যে লেখক এই বিষয়ে প্রবন্ধ লিখিয়াছেন, তিনি স্বয়ং সেখানে গিয়া দেখিয়া আসিয়াছেন। তিনি বলেন, সকলেই বেশ প্রফুল্লমুখে সন্তুষ্টভাবে কাজকর্মে প্রবৃত্ত আছে। জ্বালোকেরা স্ব স্ব পরিবারের জন্ত কাপড় কাচিতেছে, এবং কাজ করিতে করিতে গুণগুণস্বরে গান ও গল্প করিতেছে, কেহ বা বাগানে মধ্যাহ্নরোদ্রে বসিয়া বসিয়া শেলাই করিতেছে। ছেলেদের থাকিবার ঘর ভিন্ন ভিন্ন ভাগে বিভক্ত এবং তাহার সমস্ত বন্দোবস্ত অতি চমৎকার। সাধারণের জন্ত কুটি তৈয়ারির ঘর, কসাইখানা, সস্তরণ-শিক্ষার উপযোগী স্নানগৃহ, খেলা ও আমোদের জায়গা, নাট্যশালা, ভাণ্ডার প্রভৃতি নির্দিষ্ট আছে। ঘরদ্বার সমস্তই বহু-যত্নে পরিষ্কার পরিচ্ছন্ন রাখা হয়। এ সমাজের একটি বিশেষ

নিয়ম এই যে, ধর্ম সঙ্কে প্রত্যেকের স্বাধীনতা সম্পূর্ণ অক্ষুণ্ণ থাকিবে :

একান্নবর্তী পরিবার প্রথার সহিত পরিবারাশ্রমের ঐক্য নিঃ-
সন্দেহ পাঠকদের মনে উদয় হইয়াছে। কিন্তু আমাদের পরিবার-
তন্ত্রের যে সকল কুপ্রথা হইতে সমাজে বিস্তারিত অমঙ্গলের উদ্ভব
হয় সেগুলি উক্ত বাণিজ্য-সমাজে নাই। প্রথমতঃ সকলকেই কাজ
করিতে হয়, এবং প্রত্যেকে আপন কার্য ও যোগ্যতা অনুসারেই
অংশ পাইয়া থাকে। দ্বিতীয়তঃ ধর্ম ও কর্তব্য পালন সঙ্কে
প্রত্যেকের পরিপূর্ণ স্বাধীনতা। তৃতীয়তঃ একান্নবর্তী পরিবারের
মধ্যে একজনের চরিত্র দূষিত হইলে তাহার দৃষ্টান্ত ও ব্যবহারে
গুরুতর অহিত ও অশুখের কারণ হইয়া দাঁড়ায়, কিন্তু পরিবারা-
শ্রমের সভ্যগণ চরিত্র দোষ ও গর্হিতাচরণের জন্ত সমাজ হইতে
বহিষ্কৃত হইবার যোগ্য। এমন কি আলস্য ও অপরিচ্ছন্নতাবশতঃ
বাসস্থানের স্বাস্থ্যহানি করিয়া কেহ নিজের ও অত্নের অশুবিধা
ঘটাইতে পারে না। এক কথায়, ইহাতে একত্র বাসের সমুদয়
শুবিধা রক্ষা করিয়া অশুবিধাগুলি দূর করা হইয়াছে।

সাক্ষী ।

ডাক্তার যখন জবাব দিয়া গেল তখন গুরুচরণের ভাই রামকানাই রোগীর পার্শ্বে বসিয়া ধীরে ধীরে কহিলেন, “দাদা, যদি তোমার উইল করিবার ইচ্ছা থাকে ত বল।” গুরুচরণ ক্ষীণস্বরে বলিলেন, “আমি বলি, তুমি লিখিয়া লও।” রামকানাই কাগজ কলম লইয়া প্রস্তুত হইলেন। গুরুচরণ বলিয়া গেলেন, “আমার স্থাবর অস্থাবর সমস্ত বিষয় সম্পত্তি আমার ধর্মপত্নী শ্রীমতী বরদাসুন্দরীকে দান করিলাম।” রামকানাই লিখিলেন—কিন্তু লিখিতে তাঁহার কলম সরিতেছিল না। তাঁহার বড় আশা ছিল, তাঁহার একমাত্র পুত্র নবদ্বীপ অপুত্রক জ্যাঠামহাশয়ের সমস্ত বিষয় সম্পত্তির উত্তরাধিকারী হইবে। যদিও দুই ভাইয়ে পৃথগ্ন ছিলেন, তথাপি এই আশায় নবদ্বীপকে কিছুতেই তিনি চাক্রি করিতে দেন নাই—এবং সকাল সকাল বিবাহ দিয়াছিলেন, এবং শত্রুর মুখে ভয় নিক্ষেপ করিয়া বিবাহ নিষ্ফল হয় নাই। তথাপি রামকানাই লিখিলেন এবং সই করিবার জন্ত কলমটা দাদার হাতে দিলেন। গুরুচরণ নিজ্জীবহস্তে যাহা সই করিলেন, তাহা কতক-গুলি কল্পিত বক্তরেখা কি তাঁহার নাম, বুঝা দুঃসাধ্য।

উইলের বৃত্তান্ত শুনিয়া নবদ্বীপের মা ছুটিয়া আসিয়া বিষম গোল বাধাইয়া দিল—বলিল—“মরণকালে বুদ্ধিনাশ হয়। এমন সোনারচাঁদ ভাইপো থাকিতে”—

রামকানাই ছুটিয়া আসিয়া বলিলেন, “মেজ বোঁ, তোমার ত

বুদ্ধিনাশের সময় হয় নাই, তবে তোমার এমন ব্যবহার কেন ? দাদা গেলেন, এখন আমি ত রহিয়া গেলাম। তোমার যা কিছু বক্তব্য আছে, অবসরমত আমাকে বলিয়ো, এখন ঠিক সময় নয়।—”

নবদ্বীপ সংবাদ পাইয়া যখন আসিল, তখন তাহার জ্যাঠামহাশয়ের কাল ভইয়াছে। নবদ্বীপ মৃত ব্যক্তিকে শাসাইয়া কহিল, “দেখিব মুখায়ি কে করে—এবং শ্রাদ্ধশাস্তি যদি করি ত আমার নাম নবদ্বীপ নয়।” গুরুচরণ লোকটা কিছুই মানিত না। সে ডক্ সাহেবের ছাত্র ছিল। শাস্ত্রমতে যেটা সৰ্ব্বাপেক্ষা অথাৎ সেইটাতে তার বিশেষ পরিতৃপ্তি। লোকে যদি তাহাকে ক্রীষ্টান বলিত, সে জিভ কাটিয়া বলিত, “রাম, আমি যদি ক্রীষ্টান হই ত গোমাংস খাই!” জীবিত অবস্থায় যাহার এই দশা, সন্তোমৃত অবস্থায় সে যে পিওনাশ আশঙ্কায় কিছুমাত্র বিচলিত হইবে, এমন সম্ভাবনা নাই। কিন্তু উপস্থিত মত ইহা ছাড়া আর কোন প্রতি শোধের পথ ছিল না। নবদ্বীপ একটা সাঙ্ঘনা পাইল যে লোকটা পরকালে গিয়া মরিয়া থাকিবে। বতদিন ইহলোকে থাকা যায়, জ্যাঠামহাশয়ের বিষয় না পাইলেও কোনক্রমে পেট চলিয়া যায়, কিন্তু জ্যাঠামহাশয় যে লোকে গেলেন সেখানে ভিক্ষা করিয়া পিণ্ড মেলে না। বাঁচিয়া থাকিবার অনেক স্রবিধা আছে।

রামকানাই বরদাসুন্দরীর নিকট গিয়া বলিলেন, “বৌ ঠাকুরাণি, দাদা তোমাকেই সমস্ত বিষয় দিয়া গিয়াছেন। এই তাহার উইল। লোহার সিদ্ধকে যত্নপূর্বক রাখিয়া দিয়ো।”

বাড়ি ফিরিয়া গিয়া নবদ্বীপের মা রামকানাইকে লইয়া পড়িলেন। বোঝাই গাড়ি সমেত খাদের মধ্যে পড়িয়া হতভাগ্য বলদ গাড়োয়ানের সহস্র গুণে থাইয়াও অনেকক্ষণ যেমন নিরুপায় নিশ্চলভাবে দাঁড়াইয়া থাকে, রামকানাই তেমনি অনেকক্ষণ চুপ করিয়া সহ্য করিলেন—অবশেষে কাতরস্বরে কহিলেন, “আমার অপরাধ কি! আমি ত দাদা নই!”

নবদ্বীপের মা ফোঁস করিয়া উঠিয়া বলিলেন—“না, তুমি বড় ভাল মানুষ, তুমি কিছু বোঝো না, ; দাদা বলেন লেখ, ভাই অমনি লিখে গেলেন। তোমরা সবাই সমান।”

এদিকে নবদ্বীপ তাহার বুদ্ধিমান বন্ধুদের সহিত অনেক পরামর্শ করিয়া মাকে আসিয়া বলিল, “কোন ভাবনা নাই। এ বিষয় আমিই পাইব। কিছুদিনের মত বাবাকে এখান হইতে স্থানান্তরিত করা চাই। তিনি থাকিলে সমস্ত ভণ্ডুল হইয়া যাইবে।” নবদ্বীপের বাবার বুদ্ধিগুঞ্জির প্রতি নবদ্বীপের মার কিছুমাত্র শ্রদ্ধা ছিল না, স্তবরাং কথাটা তাঁরও যুক্তিবৃত্ত মনে হইল। অবশেষে মার তাড়নায় এই নিতান্ত অনাবশ্যক নির্বোধ কৰ্ম্মনাশা বাবা একটা যেমন-তেমন ছল করিয়া কিছুদিনের মত কাশীতে গিয়া আশ্রয় লইলেন।

অল্পদিনের মধ্যেই বরদাসুন্দরী এবং নবদ্বীপচন্দ্র পরস্পরের নামে উইল জালের অভিযোগ করিয়া আদালতে গিয়া উপস্থিত হইল। নবদ্বীপ তাহার নিজের নামে যে উইলখানি বাহির করিয়াছে তাহার নাম সহি দেখিবে গুরুচরণের হস্তাক্ষর স্পষ্ট প্রমাণ হয় ;

উইলের ছই একজন নিঃস্বার্থ সাক্ষাও পাওয়া গিয়াছে। বরদা-
সুন্দরীর পক্ষে নবদ্বীপের বাপ একমাত্র সাক্ষী এবং সর্হি কারো
বুঝিবার সাধ্য নাই। তাঁহার গৃহপোষ্য একটী মামাতো ভাই
ছিল, সে বলিল, “দিদি তোমার ভাবনা নাই, আমি সাক্ষ্য দিব এবং
আরও সাক্ষ্য জুটাইব।”

ব্যাপারটা যখন সম্পূর্ণ পাকিয়া উঠিল, তখন নবদ্বীপের মা নবদ্বী-
পের বাপকে কাশী হইতে ডাকিয়া পাঠাইলেন। অনুগত ভদ্র-
লোকটী ব্যাগ ও ছাতা হাতে যথাসময়ে আসিয়া উপস্থিত হইলেন।

একদিন না যাইতেই রামকানাই সহসা অদালত হইতে এক
সাক্ষীর সপিনা পাইলেন। অবাক হইয়া যখন তাহার মর্শ্বগ্রহণের
চেষ্টা করিতেছেন, তখন নবদ্বীপের মা আসিয়া কাঁদিয়া ভাসাইয়া
দিলেন। বলিলেন, “হাড়জালানী ডাকিনী কেবল যে বাছা নবদ্বীপকে
তাহার স্নেহশীল জ্যাঠার ঋণ্য উত্তরাধিকার হইতে বঞ্চিত করিতে
চায় তাহা নহে, আবার সোনার ছেলেকে জেলে পাঠাবাব
আয়োজন করিতেছে।”

অবশেষে ক্রমে ক্রমে সমস্ত ব্যাপারটা অনুমান করিয়া লইয়া
রামকানাইয়ের চক্ষু স্থির হইয়া গেল। উচ্চৈঃস্বরে বলিয়া উঠিলেন,
“তোরা এ কি সর্বনাশ করিয়াছিস্!” গৃহিণী ক্রমে নিজমূর্ত্তি
ধারণ করিয়া বলিলেন—“কেন, এতে নবদ্বীপের দোষ হয়েছে
কি? সে তার জ্যাঠার বিষয় নেবে না! অমনি এক কথায়
ছেড়ে দেবে!”

হতবুদ্ধি রামকানাই যখন দেখিলেন, তাঁহার স্ত্রীপুত্র উভয়ে

মিলিয়া কখন বা তর্জ্জন গর্জ্জন কখন বা অশ্রু বিসর্জন করিতে লাগিলেন, তখন ললাটে করাঘাত করিয়া চুপ করিয়া বসিয়া, রহিলেন—আহার ত্যাগ করিলেন, জল পর্যাস্ত স্পর্শ করিলেন না।

এইরূপ দুই দিন নীরবে অনাহারে কাটিয়া গেল, মকন্দমার দিন উপস্থিত হইল। ইতিমধ্যে নবদ্বীপ বরদাসুন্দরীর মামাতো ভাইটিকে ভয় প্রলোভন দেখাইয়া এমনি বশ করিয়া লইয়াছে যে, সে অনাক্লাসে নবদ্বীপের পক্ষে সাক্ষ্য দিল। জয়শ্রী যখন বরদাসুন্দরীকে ত্যাগ করিয়া অত্র পক্ষে যাইবার আয়োজন করিতেছে, তখন রামকানাইকে ডাক পড়িল।

অনাহারে মৃতপ্রায় গুরুকণ্ঠ গুরুসনা বৃদ্ধ কম্পিত শীর্ণ অঙ্গুলি দিয়া সাক্ষ্যক্ষেত্রের কাঠগড়া চাপিয়া ধরিলেন। চতুর ব্যারিষ্টার অত্যন্ত কৌশলে কথা বাহির করিয়া লইবার জন্ত জেরা করিতে আরম্ভ করিলেন—বহুদূর হইতে আরম্ভ করিয়া সাবধানে অতি ধীরে বক্রগাততে প্রসঙ্গের নিকটবর্তী হইবার উদ্যোগ করিতে লাগিলেন।

তখন রামকানাই জজের দিকে ফিরিয়া জোড়হস্তে কহিলেন, “হজুর, আমি বৃদ্ধ, অত্যন্ত দুর্বল। অধিক কথা কহিবার সামর্থ্য নাই। আমার যা বলিবার সংক্ষেপে বলিয়া লই। আমার দাদা স্বর্গীয় গুরুচরণ চক্রবর্তী মৃত্যুকালে সমস্ত বিষয় সম্পত্তি তাঁহার পত্নী শ্রীমতী বরদাসুন্দরীকে উইল করিয়া দিয়া যান। সে উইল আমি নিজহস্তে লিখিয়াছি এবং দাদা নিজহস্তে স্বাক্ষর করিয়াছেন। আমার পুত্র নবদ্বীপচন্দ্র যে উইল দাখিল করিয়াছেন তাহা

মিথ্যা।” এই বলিয়া রামকানাই কাঁপিতে কাঁপিতে মূর্ছিত হইয়া পড়িলেন।

চতুর ব্যারিষ্টার সকোতুকে পার্শ্ববর্তী আর্টগিকে বলিলেন,
“বাই জোভ্! লোকটাকে কেমন ঠেসে ধরেছিলুম?”

মামাতো ভাই ছুটিয়া গিয়া দিদিকে বলিল—“বুড়ো সমস্ত মাটা
করিয়াছিল—আমার সাক্ষ্য মকদ্দমা রক্ষা পায়।”

দিদি বলিলেন, “বটে, বটে? লোক কে চিন্তে পারে! আমি
বুড়োকে ভাল বলে জানতুম!”

কারাবরুদ্ধ নবদ্বীপের বুদ্ধিমান বন্ধুরা অনেক ভাবিয়া স্থির
করিল নিশ্চয়ই বৃদ্ধ ভয়ে এই কাজ করিয়া ফেলিয়াছে। সাক্ষীব
বাক্সের মধ্যে উঠিয়া বুড়া বুদ্ধি ঠিক রাখিতে পারে নাই। এমনতর
আন্ত নিকোঁধ সমস্ত সহর খুঁজিলে মিলে না।



রোগশত্রু ।

জল যেমন মৎশে, স্থল যেমন জীবজন্তুতে, বায়ু তেমনি অসংখ্য জীবাণু-বীজে পরিপূর্ণ একথা আজকালকার দিনে নূতন নহে। সকলেই জানেন গুড় এবং মধুতে যে গাঁজ উৎপন্ন হয়, জিনিষ-পত্রে ছাতা পড়ে, মৃতদেহ পচিয়া যায়, এই জীবাণুই তাহার কারণ। এই জীবাণুবীজ উপযুক্ত ক্ষেত্রে পড়িলে অবিলম্বে পরিণতি লাভ করিয়া বংশ বৃদ্ধি করিতে থাকে। ইহারা যে কত ক্ষুদ্র, ভাল করিয়া তাহা ধারণা করা অসম্ভব। কোন লেখক বলেন এক-বর্গ ইঞ্চি স্থানে এক থাক করিয়া সাজাইলে তাহাতে ব্যাক্টেরিয়া নামক জীবাণু লগুনের জনসংখ্যার একশত গুণ ধরান যাইতে পারে।

বিখ্যাত ফরাসিস্ পণ্ডিত প্যাষ্টর এই জীবাণুকে দুই শ্রেণীতে ভাগ করিয়াছেন। একদলের নাম দিয়াছেন এরোবি, অগ্নি দলের নাম অ্যানেরোবি। এরোবিগণ মৃতদেহের উপরিভাগে জন্মলাভ করিয়া তাহাকে পচাইয়া অগ্নে অগ্নে জ্বালাইয়া ধ্বংস করিয়া ফেলে, অ্যানেরোবিগণ গলিত পদার্থের নিম্নভাগে উৎপন্ন হইয়া তাহার ক্ষয় সাধন করিতে থাকে; বিগুজ বায়ুর অক্সিজেন বাষ্প লাগিলেই তাহারা মরিয়া যায় এবং উপরিতলস্থ এরোবিগণ তাহা-দিগকে নষ্ট করিয়া ফেলে। এইরূপে দুইদলে মিলিয়া পৃথিবীর সমস্ত মৃত পদার্থ অপস্থত করিতে থাকে। ইহারা না থাকিলে মৃত্যু অমর হইয়া থাকিত এবং অবিকৃত মৃতদেহরূপে ধরাতলে

পা ফেলিবার স্থান থাকিত না। পৃথিবীর যে অংশে এই জীবাণু-দের গতিবিধি নাই সেখানে জীবজন্তু উদ্ভিদ কিছুই নাই। সেখানে বালুকাময় মরুভূমি, নয় অনন্ত তুষারক্ষেত্র। সেখানে মৃতদেহ কিছুতেই পচিতে চায় না ; শকুনি গৃধ্রিনী ও দৈবাগত কোন মাংসাদ জীবের সাহায্য ব্যত। সেখানকার মৃতদেহ অপসারণের অথ কোন উপায় নাই।

ফ্রান্সে যখন এক সময়ে গুটিপোকাকার মধ্যে এক প্রকার মড়ক উপস্থিত হইয়া রেশমের চাষের বড়ই ব্যাঘাত করিতে লাগিল তখন বিশেষ অল্পরুদ্ধ হইয়া প্যাষ্টর অথ কন্স ফেলিয়া সেই গুটিপোকাকার রোগত্যা অব্যবহাে প্রবৃত্ত হইলেন। প্যাষ্টর ডাক্তার নহেন, জীবতত্ত্ববিৎ নহেন, রসায়ন শাস্ত্রেই তাঁহার বিশেষ ব্যুৎপত্তি—মদ কি করিয়া গাঁজিয়া বিরূত হইয়া উঠে সেই অনুসন্ধানেই তিনি অধিকাংশ সময়ক্ষেপ করিয়াছেন ; সহসা গুটিপোকাকার রোগ নির্ণয় করিতে বস। তাঁহার পক্ষে এক প্রকার অনধিকারচর্চা বলিয়া মনে হইতে পারে। এবং প্যাষ্টরও এই কার্য্যভার গ্রহণ করিতে প্রথমে কিছু ইতস্ততঃ করিয়াছিলেন। কিন্তু কি আশ্চর্য্য, অণুবীক্ষণের সাহায্যে কিছুদিন সন্ধান করিতে করিতে পণ্ডিতবর দেখিতে পাইলেন, জীবাণুতে যেমন মদ গাঁজিয়া উঠে, জীবাণুই তেমনি গুটিপোকাকার রোগের কারণ। মদের রোগ এবং প্রাণীর রোগের মধ্যে ঐক্য বাহির হইয়া পড়িল, এবং পূর্বে তিনি যে সন্ধান প্রবৃত্ত ছিলেন এখানেও তাহার অনুবৃত্তি ধরিতে পারিলেন। অবশেষে ঐই সূত্র অবলম্বন করিয়া ক্রমে ক্রমে দেখ

গেল, জীবশরীরের অনেক রোগ এই জীবাণুদের দ্বারাই সংঘটিত হইয়া থাকে। ইহারা অম্লক্ষণ শনি ও কলির জ্বায় শরীরে প্রবেশ করিবার ছিদ্র অন্বেষণ করিতেছে; স্বাস্থ্যরক্ষার নিয়ম লঙ্ঘন করিলেই ইহারা সেই অবসরে দেহ আশ্রয় করিয়া বসে এবং শরীরের রসকে বিকৃত করিতে থাকে।

বাহিরে যখন আমাদের এত অদৃশ্য শত্রু অন্তরে অবস্থ্য তাহার কতকটা প্রতিবিধান আছে সন্দেহ নাই। সম্প্রতি আবিষ্কৃত হইয়াছে শত্রুও যেমন, আমাদের অন্তর্কর্ত্তী রক্ষকও সেইরূপ। কুকুরের অম্লরূপ মুণ্ডর। ছুইই নিরতিশয় ক্ষুদ্র। ডাক্তার উইলসন্ সাহেব তৎসম্বন্ধে যেরূপ বর্ণনা করিয়াছেন আমরা তাহারই কতক কতক সংকলন করিয়া দিলাম।

ভাল অণুবীক্ষণ দিয়া দেখিতে গেলে রক্তকণা জলের মত বর্ণহীন দেখায়। তাহার কারণ এই, আসলে, বর্ণহীন রসের উপর অসংখ্য লোহিত কণা ভাসিতেছে; খালি চোখে সেই লোহিত বর্ণের কণাগুলিই আমাদের নিকট রক্তকে লাল বলিয়া প্রতিভাত করে—অণুবীক্ষণের সাহায্য ব্যতীত সেই বর্ণহীন রস আমরা দেখিতে পাই না। রক্তের এই লোহিত কণাগুলির বিশেষ কাজ আছে। আমরা নিশ্বাসের সহিত যে বায়ু গ্রহণ করি ঐ লোহিত কণাগুলি তাহার মধ্য হইতে অক্সিজেন সংগ্রহ করিয়া লয় এবং শরীরের কার্বনিক অ্যাসিড বাষ্প নামক বিষবায়ু ফুঁফুঁসের নিকট বহন করিয়া আনে এবং আমরা তাহা প্রশ্বাসের সহিত নিক্রান্ত করিয়া দিই।

রক্তবহু শ্বেতকণার কার্য্য অন্তরূপ। তাহারা প্রত্যেকে অতিশয় ক্ষুদ্র জীবনবিশিষ্ট কোষ। ইহাদের আয়তন এক ইঞ্চির পঁচিশ শত ভাগের একভাগ। প্রটোপ্লাস্ম সর্ব্বাপেক্ষা আদিম প্রাণীপিণ্ড। রক্তের এই শ্বেতকণাগুলি সেই প্রটোপ্লাস্মের কোষ। আমাদের শরীরে বাস করে বটে তথাপি ইহারা স্বাধীন জীব। এই লক্ষ লক্ষ প্রাণিপ্রবাহ আমাদের শরীরে যথেষ্ট চলাফেরা করিয়া বেড়ায়; ইহাদের গতিবিধির উপরে আমাদের কোন হাত নাই। ইহারা অনেক সময় যেন ঘৃচ্ছাক্রমে রক্তবহু নাড়ী ভেদ করিয়া আমাদের শরীরতন্তুর মধ্যে প্রবেশ করে, এবং দেহের নানা স্থানে ভ্রমণ করিতে বাহির হয়।

অণুবীক্ষণযোগে পরীক্ষা করিয়া দেখিলে দেখা যায় অ্যামীবা প্রভৃতি জীবাণুদের গ্ৰায় ইহারা অমুক্ষণ আকার পরিবর্তন করিতে থাকে। এবং ইহাও দেখা গিয়াছে খাত্তকণা পাইলে ইহারা তাহাকে আক্রমণ করিয়া রীতিমত পরিপাক করিতে প্রবৃত্ত হয়। এই আহারের ক্ষমতা দেখিয়াই পণ্ডিতগণ ইহার নাম “ফ্যাগোসাইট” অর্থাৎ ভক্ষককোষ রাখিয়াছেন। ইহার অপর নাম “লিউকোসাইট” বা শ্বেতকোষ।

ইহারা যে কিকপ আহারপটু তাহার একটা দৃষ্টান্ত দেওয়া যাইতে পারে। সকলেই জানেন ব্যাঙাচি ব্যাং হইয়া দাঁড়াইলে তাহার ল্যাজ অন্তর্হিত হইয়া যায়। অণুবীক্ষণিক পরীক্ষায় দেখা গিয়াছে ব্যাঙাচির রক্তবহু নাড়ী ত্যাগ করিয়া বিস্তর শ্বেতকোষ দলে দলে তাহার ল্যাজটুকু অধিকার করিয়া আহারে প্রবৃত্ত

হইয়াছে। সেখানকার ঝায়ু এবং মাংসপেশী ছিঁড়িয়া ছিঁড়িয়া থাইতেছে। শরীরের অধিবাসীরা এমনতর মনঃসংযোগ পূর্বক লাগিলে তুচ্ছ পুচ্ছটুকু আর কতক্ষণ টিকিতে পারে! বয়ঃপ্রাপ্তি হইলে ব্যাঙাচিব কান্ধকো লোপ পায়, সেও এইরূপ কারণে।

কেবল যে শরীরের অনাবশ্যক ভার মোচন ইহাদের কাজ তাহা নহে। রোগস্বরূপে বাহিরের যে সকল জীবাণু আমাদের শরীরে প্রবেশ করে ইহারা তাহাদিগকে আক্রমণ করিয়া রীতিমত হাতাহাতি যুদ্ধে প্রবৃত্ত হয়। বাহিরের আক্রমণকারিগণ যদি যুদ্ধে জয়ী হয় তবে আমরা জ্বর প্রভৃতি বিবিধ ব্যাধি দ্বারা অভিভূত হই, আর যদি আমাদের শরীরের রক্ষক সৈন্যদল জয়ী হয় তবে আমরা রোগ হইতে নিষ্কৃতি পাই।

কেবল রোগ কেন, পীড়াজনক যে কোন পদার্থ আমাদের শরীরে নিবিষ্ট হয় এই সর্বভুক্গণ তাহাকে আক্রমণ করিয়া ধ্বংস করিতে চেষ্টা পায়। চোখে একটুকরা বালি পড়িলে সেটাকে লোপ করিবার জন্ত ইহারা তাড়াতাড়ি ছুটিয়া আসে—চক্ষু সেই সংগ্রামচক্রে রক্তবর্ণ হইয়া উঠে। শরীরে কিছু বিদ্ধ হইলে এই সৈনিক কণিকাগুলি ভীড় করিয়া আসিয়া সে স্থান লাল করিয়া তোলে। ক্ষত স্থানের পুঁথ পরীক্ষা করিয়া দেখা যায়, ব্যাধিবীজগুলিকে ইহারা চারিদিক হইতে আক্রমণ করিয়া থাইবার চেষ্টা করিতেছে।

শরীরের সবল অবস্থায় বোধ করি এই শ্বেতকোষগুলি স্বভাবতঃ তেজস্বী থাকে এবং ব্যাধিবীজকে সহজে পরাহত করিতে পারে। অনাহার, অতিশ্রম, অজীর্ণ প্রভৃতি কারণে শরীরের দুর্বল

অবস্থায় যখন ইহারা হীনতেজ থাকে তখন ম্যালেরিয়া ওলাউঠা প্রভৃতি ব্যাধিবীজগণ অকস্মাৎ আমাদেরকে আক্রমণ করিয়া পরাভূত করে।

যাহা হউক, বায়ুবিহারী জীববীজাণুগণ ব্যাধিশস্ত্র উৎপাদনেব জন্ত সর্বদা উপযুক্ত ক্ষেত্র অনুসন্ধান করিতেছে এই কথা স্মরণ করিয়া রাখিলে আহাৰ, পানীয় ও বাসস্থান পরিষ্কার রাখা আমাদের নিজের ও প্রতিবেশীদের হিতের পক্ষে কত আবশ্যক তাহা কাহারো অবিদিত থাকিবে না।

কাবুলি ওয়ানা।

আমার পাঁচ বছর বয়সের ছোট মেয়ে মিনি এক দণ্ড কথা না কহিয়া থাকিতে পারে না। পৃথিবীতে জন্মগ্রহণ করিয়া ভাষা শিক্ষা করিতে সে কেবল একটি বৎসর কাল ব্যয় করিয়াছিল, তাহার পর হইতে যতক্ষণ সে জাগিয়া থাকে এক মুহূর্ত্ত মৌনভাবে নষ্ট করে না। তাহার মা অনেক সময় ধমক দিয়া তাহার মুখ বন্ধ করিয়া দেয়, কিন্তু আমি তাহা পারি না। মিনি চুপ করিয়া থাকিলে এমনি অস্বাভাবিক দেখিতে হয় যে সে আমার বেশিক্ষণ সহ্য হয় না। এই জন্ত আমার সঙ্গে তাহার কথোপকথনটা কিছু উৎসাহের সহিত চলে।

সকাল বেলায় আমার নভেলের সপ্তদশ পরিচ্ছেদে হাত দিয়াছি এমন সময় মিনি আসিয়াই আরম্ভ করিয়া দিল, “বাবা, রামদয়াল দরওয়ান কাককে কোয়া বলছিল, সে কিছু জানে না। না?”

আমি, পৃথিবীতে ভাষার বিভিন্নতা সৰ্ব্বদে তাহাকে জানদান করিতে প্রবৃত্ত হইবার পূর্বেই সে দ্বিতীয় প্রসঙ্গে উপনীত হইল। “দেখ বাবা, ভোলা বলছিল আকাশে হাতি শুঁড় দিয়ে জল ফেলে তাই বৃষ্টি হয়। মাগো, ভোলা এত মিছিমিছি বক্তে পারে? কেবলি বকে, দিনরাত বকে!”

সে পরক্ষণেই আমার লিখিবার টেবিলের পার্শ্বে আমার পায়ের কাছে বসিয়া নিজের দুই হাঁটু এবং হাত লইয়া অতি দ্রুত উচ্চারণে আগুডুম্ বাগুডুম্ খেলিতে আরম্ভ করিয়া দিল।

আমার ঘর পথের ধারে। হঠাৎ মিনি আগুন্ম বাগডুম খেলা রাখিয়া জানালার ধারে ছুটিয়া গেল এবং চীৎকার করিয়া ডাকিতে লাগিল, “কাবুলিওয়ালা, ও কাবুলিওয়ালা!”

ময়লা ঢিলা কাপড় পরা, পাগড়ি মাথায়, ঝুলি ঘাড়ে, হাতে গোটা দুইচার আঙুরের বাস্ক, এক লম্বা কাবুলিওয়ালা মুহুম্মদ গমনে পথ দিয়া যাইতেছিল, তাহাকে দেখিয়া আমার কণ্ঠারত্বের কিরূপ ভাবোদয় হইল বলা শক্ত, তাহাকে উচ্চৈঃস্বরে ডাকাডাকি আরম্ভ করিয়া দিল। আমি ভাবিলাম, এখনি ঝুলি ঘাড়ে একটা আপদ আসিয়া উপস্থিত হইবে, আমার সপ্তদশ পরিচ্ছেদ আর শেষ হইবে না।

কিন্তু মিনির চীৎকারে যেমনি কাবুলিওয়ালা হাসিয়া মুখ ফিরাইল এবং আমাদের বাড়ির দিকে আসিতে লাগিল, অমনি সে উদ্ধৃষ্ণাসে অন্তঃপুরে দৌড় দিল, তাহার আর চিহ্ন দেখিতে পাওয়া গেল না। তাহার মনের মধ্যে একটা অন্ধ বিশ্বাসের মত ছিল যে, ঐ ঝুলিটার ভিতরে সন্ধান করিলে তাহার মত দুটো চারটে জীবিত মানবসন্তান পাওয়া যাইতে পারে।

এদিকে কাবুলিওয়ালা আসিয়া সহাস্তে আমাকে সেলাম করিয়া দাঁড়াইল—আমি ভাবিলাম, (যদিচ প্রতাপ সিংহ এবং কাঞ্চনমালার অবস্থা অত্যন্ত সঙ্কটাপন্ন, তথাপি লোকটাকে ঘরে ডাকিয়া আনিয়া তাহার কাছ হইতে কিছু না কেনাটা ভাল হয় না।)

কিছু কেনা গেল। তাহার পর পাঁচটা কথা আসিয়া পড়িল।

আবদর রহমান, রুধ, ইংরাজ প্রভৃতিকে লইয়া সীমান্তরক্ষানীতি সম্বন্ধে গল্প চলিতে লাগিল।

অবশেষে উঠিয়া যাইবার সময় সে জিজ্ঞাসা করিল, “বাবু, তোমার লড় কী কোথা গেল?”

আমি মিনির অমূলক ভয় ভাঙাইয়া দিবার অভিপ্রায়ে তাহাকে অন্তঃপুর হইতে ডাকাইয়া আনিলাম—সে আমার গা ঘঁসিয়া কাবুলীর মুখ এবং ঝুলির দিকে সন্দিগ্ধদৃষ্টিক্ষেপ করিয়া দাঁড়াইয়া রহিল। কাবুলী ঝুলির মধ্য হইতে কিম্মিস্ খোবানি বাহির করিয়া তাহাকে দিতে গেল, সে কিছুতেই লইল না, দ্বিগুণ সন্দেহের সহিত আমার হাঁটুর কাছে সংলগ্ন হইয়া রহিল। প্রথম পরিচয়টা এমনি ভাবে গেল।

কিছুদিন পরে একদিন সকাল বেলায় আবশ্যকবশত বাড়ি হইতে বাহির হইবার সময় দেখি, আমার ছহিতাটি দ্বারের সমীপস্থ বেঞ্চির উপর বসিয়া অনর্গল কথা কহিয়া যাইতেছে, কাবুলিওয়াল তাহার পদতলে বসিয়া সহাস্রমুখে শুনিতোছে এবং মধ্যে মধ্যে প্রসঙ্গক্রমে নিজের মতামতও দো-আস্লা বাঙ্গালায় ব্যক্ত করিতেছে। মিনির পঞ্চমবর্ষীয় জীবনের অভিজ্ঞতায় বাবা ছাড়া এমন ধৈর্য্যবান শ্রোতা সে কখনো পায় নাই। আবার দেখি, তাহার ক্ষুদ্র আঁচল বাদাম কিম্মিসে পরিপূর্ণ। আমি কাবুলিওয়ালাকে কহিলাম, “উহাকে এ সব কেন দিয়াছ? অমন আর দিওনা।” বলিয়া পকেট হইতে একটা আধুলি লইয়া তাহাকে দিলাম। সে অসঙ্কোচে আধুলি গ্রহণ করিয়া ঝুলিতে পুরিল।

বাড়িতে ফিরিয়া আসিয়া দেখি, সেই অধূলিটি লইয়া ষোল আনা গোলযোগ বাধিয়া গেছে।

মিনির মা একটা খেত চক্চকে গোলাকার পদার্থ লইয়া ভৎসনার স্বরে মিনিকে জিজ্ঞাসা করিতেছেন, “তুই এ অধূলি কোথায় পেলি?”

মিনি বলিতেছে, “কাবুলিওয়ালা দিয়েচে।”

তাহার মা বলিতেছেন, “কাবুলিওয়ালার কাছ হইতে অধূলি তুই কেন নিতে গেলি!”

মিনি ক্রন্দনের উপক্রম করিয়া কহিল, “আমি চাইনি, সে আপনি দিল!”

আমি আসিয়া মিনিকে তাহার আসন্ন বিপদ হইতে উদ্ধার করিয়া বাহিরে লইয়া গেলাম।

সংবাদ পাইলাম, কাবুলিওয়ালার সহিত মিনির এই যে দ্বিতীয় সাক্ষাৎ তাহা নহে, ইতিমধ্যে সে প্রায় প্রত্যহ আসিয়া পেজা বাদাম ঘুস দিয়া মিনির ক্ষুদ্র হৃদয়টুকু অনেকটা অধিকার করিয়া লইয়াছে।

দেখিলাম, এই ছটি বন্ধুর মধ্যে গুটিকতক বাঁধা কথা এবং ঠাট্টা প্রচলিত আছে—যথা, রহমৎকে দেখিবামাত্র আমার কণ্ঠা হাসিতে হাসিতে জিজ্ঞাসা করিত, “কাবুলিওয়ালা, ও কাবুলিওয়ালা, তোমার ও বুলির ভিতর কি?”

রহমৎ একটা স্নানাবস্ত্রক চন্দ্রবিন্দু যোগ করিয়া হাসিতে হাসিতে উত্তর করিত, “হাঁ, হ্যাঁ।”

অর্থাৎ তাহার ঝুলির ভিতরে যে একটা হস্তী আছে এইটেই তাহার পরিহাসের সূক্ষ্ম মর্ম্ম।—থুব যে বেশি সূক্ষ্ম তাহা বলা যায় না, তথাপি এই পরিহাসে উভয়েই বেশ একটু কৌতুক অনুভব করিত—এবং শরৎকালের প্রভাতে একটি বয়স্ক এবং একটি অপ্রাপ্তবয়স্ক শিশুর সরল হাস্য দেখিয়া আমারও বেশ লাগিত।

উহাদের মধ্যে আরো একটা কথা প্রচলিত ছিল। রহমৎ মিনিকে বলিত, “খোঁখো, তোমি শগুর-বাড়ি কখুয়ু যাবে না।”

বাঙালীর ঘরের মেয়ে আজন্মকাল “শগুর-বাড়ি” শব্দটার সহিত পরিচিত, কিন্তু আমরা কিছু এ-কেলে ধরনের লোক হওয়াতে শিশু মেয়েকে শগুর-বাড়ি সম্বন্ধে সজ্ঞান করিয়া তোলা হয় নাই। এই জন্ত রহমতের অনুরোধটা সে পরিস্কার বুঝিতে পারিত না, অথচ কথাটার একটা কোন জবাব না দিয়া চুপ করিয়া থাকা নিতান্ত তাহার স্বভাববিরুদ্ধ। সে উন্টিয়া জিজ্ঞাসা করিত, “তুমি শগুর-বাড়ি যাবে?”

রহমৎ কাল্পনিক শগুরের প্রতি প্রকাণ্ড মোটা মুষ্টি আশ্ফালন করিয়া বলিত, “হামি শগুরকে মারবে।”

শুনিয়া মিনি শগুর নামক কোন এক অপরিচিত জীবের ছুরবস্থা করিয়া অত্যন্ত হাসিত।

এখন শুভ্র শরৎকাল। প্রাচীনকালে এই সময়েই রাজারা দিথিজয়ে বাহির হইতেন। আমি কলিকাতা ছাড়িয়া কখন কোথাও যাই নাই, কিন্তু সেই জন্তই আমার মনটা পৃথিবীময়

ঘুরিয়া বেড়ায়। আমি যেন আমার ঘরের কোণে চিরপ্রবাসী, বাহিরের পৃথিবীর জন্ত আমার সর্বদা মন-কেমন করে। একটা বিদেশের নাম শুনিলেই অমনি আমার চিত্ত ছুটিয়া যায়, তেমন বিদেশী লোক দেখিলেই অমনি নদী পর্বত অরণ্যের মধ্যে একটা কুটারের দৃশ্য মনে উদয় হয়, এবং একটা উল্লাসপূর্ণ স্বাধীন জীবনযাত্রার কথা কল্পনায় জাগিয়া উঠে।

এদিকে আবার আমি এমনি উদ্ভিজ্জপ্রকৃতি যে আমার কোণটুকু ছাড়িয়া একবার বাহির হইতে গেলে মাথায় বজ্রাঘাত হয়। এই জন্ত সকালবেলায় আমার ছোট ঘরে টেবিলের সামনে বসিয়া এই কাবুলির সঙ্গে গল্প করিয়া আমার অনেকটা ভ্রমণের কাজ হইত। দুইধারে বন্ধুর দুর্গম দণ্ড রক্তবর্ণ উচ্চ গিরিশ্রেণী, মধ্যে সঙ্কীর্ণ মরুপথ, বোঝাই করা উষ্ট্রের শ্রেণী চলিয়াছে; পাগ্‌ড়ি-পরা বণিক ও পথিকেরা কেহ বা উটের পরে, কেহ বা পদব্রজে, কাহারো হাতে বর্ষা, কাহারো হাতে সেকেলে চক্‌মকি-ঠোকা বন্দুক; কাবুলি মেঘমল্লস্থরে ভাঙা বাংলায় স্বদেশের গল্প করিত, আর এই ছবি আমার চোখের সম্মুখ দিয়া চলিয়া যাইত।

মিনির মা অত্যন্ত শক্তিত স্বভাবের লোক। রাস্তায় একটা শব্দ শুনিলেই তাঁহার মনে হয় পৃথিবীর সমস্ত মাতাল আমাদের বাড়িটাই বিশেষ লক্ষ্য করিয়া ছুটিয়া আসিতেছে। এই পৃথিবীটা যে সর্বত্রই চোর ডাকাত মাতাল সাপ বাঘ ম্যালেরিয়া গুঁয়াপোকা আক্সোলা এবং গোয়ার দ্বারা পরিপূর্ণ, এত দিন (খুব বেশী

দিন নহে) পৃথিবীতে বাস করিয়াও সে বিজীবিলা তাঁহার মন হইতে দূর হইয়া যায় নাই।

রহমৎ কাবুলিওয়াল সন্ধ্যাে তিনি সম্পূর্ণ নিঃসংশয় ছিলেন না। তাহার প্রতি বিশেষ দৃষ্টি রাখিবার জন্ত তিনি আমাকে বারবার অনুরোধ করিয়াছেন। আমি তাঁহার সন্দেশ হাসিয়া উড়াইয়া দিবার চেষ্টা করিলে তিনি পর্যায়ক্রমে আমাকে গুটিকতক প্রশ্ন করিলেন—“কখনো কি কাহারো ছেলে চুরি যায় না? কাবুলদেশে কি দাস-ব্যবসায় প্রচলিত নাই? এক জন প্রকাণ্ড কাবুলীর পক্ষে একটি ছোট ছেলে চুরি করিয়া লইয়া যাওয়া কি একেবারেই অসম্ভব?”

আমাকে মানিতে হইল ব্যাপারটা যে অসম্ভব তাহা নহে, কিন্তু অবিদ্বান। বিশ্বাস করিবার শক্তি সকলের সমান নহে, এই জন্ত আমার জ্বীর মনে ভয় রহিয়া গেল। কিন্তু তাই বলিয়া বিনা দোষে রহমৎকে আমাদের বাড়িতে আসিতে নিবেদন করিতে পারিলাম না।

প্রতি বৎসর মাঘ মাসের মাঝামাঝি রহমৎ দেশে চলিয়া যায়। এই সময়টা সমস্ত পাওনার টাকা আদায় করিবার জন্ত সে বড় ব্যস্ত থাকে। বাড়ি বাড়ি ফিরিতে হয় কিন্তু তবু একবার মিনিকে দর্শন দিয়া যায়। দেখিলে বাস্তবিক মনে হয় উভয়ের মধ্যে যেন একটা বড়যন্ত্র চলিতেছে। সকালে যেদিন আসিতে পারে না, সেদিন দেখি সন্ধ্যার সময় আসিয়াছে; অঙ্ককারে ঘরের কোণে সেই ডিলেঢালা জামা-পায়জামা-পরা

সেই কোলা-ঝুলিওয়ালা লম্বা লোকটাকে দেখিলে বাস্তবিক হঠাৎ মনের ভিতর একটা আশঙ্কা উপস্থিত হয়।

কিন্তু যখন দেখি মিনি “কাবুলিওয়ালা, ও কাবুলিওয়ালা” করিয়া হাসিতে হাসিতে ছুটিয়া আসে এবং দুই অসমবয়সী বন্ধুর মধ্যে পুরাতন সরল পরিহাস চলিতে থাকে তখন সমস্ত হৃদয় প্রসন্ন হইয়া উঠে।

একদিন সকালে আমার ছোট ঘরে বসিয়া প্রফেশীট সংশোধন করিতেছি। বিদায় লইবার পূর্বে আজ দুই তিন দিন হইতে শীতটা খুব কনকনে হইয়া উঠিয়াছে, চারিদিকে একেবারে হীহীকার পড়িয়া গেছে। জানালা ভেদ করিয়া সকালের রৌদ্রটা টেবিলের নীচে আমার পায়ের উপর আসিয়া পড়িয়াছে, সেই উত্তাপটুকু বেশ মধুর বোধ হইতেছে। বেলা বোধ করি আটটা হইবে—মাথায় গলাবন্দ জড়ানো উষাচরণ প্রাতঃস্নান সমাধা করিয়া প্রায় সকলে ঘরে ফিরিয়া আসিয়াছে। এমন সময় রাস্তায় ভারি একটা গোল গুনা গেল।

চাহিয়া দেখি, আমাদের রহমৎকে দুই পাহারাওয়ালা বাধিয়া লইয়া আসিতেছে—তাহার পশ্চাতে কোতূহলী ছেলের দল চলিয়াছে। রহমতের গাত্রবস্ত্রে রক্তচিহ্ন, এবং একজন পাহারা-ওয়ালার হাতে রক্তাক্ত ছোরা। আমি দ্বারের বাহিরে গিয়া পাহারাওয়ালাকে দাঁড় করাইলাম, জিজ্ঞাসা করিলাম, “ব্যাপারটা কি?”

কিয়দংশ তাহার কাছে কিয়দংশ রহমতের কাছে গুনায়

জানিলাম যে আমাদের প্রতিবেশী একজন লোক রামপুরী চাদরের জুতা রহমতের কাছে কিঞ্চিৎ ধারিত—মিথ্যাপূর্বক সেই দেনা সে অস্বীকার কবে, এবং তাহাই লইয়া বচসা করিতে করিতে রহমৎ তাহাকে এক ছুরি বসাইয়া দিয়াছে।

রহমৎ সেই মিথ্যাবাদীর উদ্দেশে নানা রূপ অশ্রাব্য গালি দিতেছে, এমন সময়ে “কাবুলিওয়াল, ও কাবুলিওয়াল” করিয়া ডাকিতে ডাকিতে মিনি ঘর হইতে বাহির হইয়া আসিল।

রহমতের মুখ মুহূর্তের মধ্যে কৌতুক-হাস্তে প্রফুল্ল হইয়া উঠিল। তাহার স্বন্ধে আজ বুলা ছিল না স্তরাং বুলা সম্বন্ধে তাহাদের অভ্যস্ত আলোচনা হইতে পারিল না। মিনি একেবারেই তাহাকে জিজ্ঞাসা করিল, “তুমি ষণ্ডর-বাড়ি যাবে?”

রহমৎ হাসিয়া কহিল, “সেখানেই যাচ্ছে!”

দেখিল উত্তরটা মিনির হাশুজনক হইল না, তখন হাত দেখাইয়া বলিল—“সম্মুখকে মারিতাম কিন্তু কি করিব হাত বাধা!”

সাংঘাতিক আঘাত করা অপরাধে কয়েক বৎসর রহমতের কারাদণ্ড হইল।

তাহার কথা এক প্রকার ভুলিয়া গেলাম। আমরা যখন ঘরে বসিয়া চিরাভ্যন্তরিত নিত্য কাজের মধ্যে দিনের পর দিন কাটাই-তাম তখন একজন স্বাধীন পর্বতচারী পুরুষ কারা-প্রাচীরের মধ্যে যে কেমন করিয়া বর্ষাপন করিতেছে তাহা আমাদের মনেও উদয় হইত না।

আর, চঞ্চল-হৃদয়া মিনির আচরণ যে অত্যন্ত লজ্জাজনক তাহা

তাহার বাপকেও স্বীকার করিতে হয়। সে স্বচ্ছন্দে তাহার পুরাতন বন্ধুকে বিদ্যুত হইয়া প্রথমে নবী সহিসের সহিত সখ্য স্থাপন করিল। পরে ক্রমে যত তাহার বয়স বাড়িয়া উঠিতে লাগিল, ততই সখ্যার পরিবর্তে একটি একটি করিয়া সখী জুটিতে লাগিল, এমন কি এখন তাহার বাবার লিখিবার ঘরেও তাহাকে আর দেখিতে পাওয়া যায় না। আমি ত তাহার সহিত এক প্রকার আঁড়ি করিয়াছি।

কত বৎসর কাটিয়া গেল! আর একটি শরৎকাল আসিয়াছে। আমার মিনির বিবাহের সম্বন্ধ স্থির হইয়াছে। পূজার ছুটির মধ্যেই তাহার বিবাহ হইবে। কৈলাসবাসিনীর সঙ্গে সঙ্গে আমার ঘরের আনন্দময়ী পিতৃভবন অন্ধকার করিয়া পতিগৃহে যাত্রা করিবে।

প্রভাতটি অতি সুন্দর হইয়া উদয় হইয়াছে। বর্গাব পরে এই শরতের নূতনধৌত রৌদ্রে যেন সোহাগায়-গলানো নিশ্চল সৌনার মত রং ধরিয়াছে। এমন কি, কলিকাতার গলির ভিতরকার ইষ্টকজর্জর অপরিচ্ছন্ন ঘেঁষাবেঁষি বাড়িগুলার উপরেও এই রৌদ্রের আভা একটি অপক্লপ লাবণ্য বিস্তার করিয়াছে।

আমার ঘরে আজ রাত্রিশেষ হইতে না হইতে সানাই বাজিতেছে। সে বাশি যেন আমার বুকের পঞ্জরের হাড়ের মধ্যে হইতে কাঁদিয়া কাঁদিয়া বাজিয়া উঠিতেছে। করুণ ভৈরবী রাগিনীতে আমার আসন্ন বিচ্ছেদব্যথাকে শরতের রৌদ্রের সহিত সমস্ত

বিশ্বজগৎময় ব্যাপ্ত করিয়া দিতেছে। আজ আমার মিনির বিবাহ।

সকাল হইতে ভারি গোলমাল, লোকজনের আনাগোনা। উঠানে বাঁশ বাধিয়া পাল খাটানো হইতেছে; বাড়ির ঘরে ঘরে এবং বারান্দায় ঝাড় টাঙাইবার ঠুংঠাং শব্দ উঠিতেছে, হাঁকডাকের সীমা নাই।

আমি আমার লিখিবার ঘরে বসিয়া হিসাব দেখিতেছি, এমন সময় রহমৎ আসিয়া সেলাম করিয়া দাঁড়াইল।

আমি প্রথমে তাহাকে চিনিতে পারিলাম না। তাহার সে ঝুলি নাই, তাহার সে লম্বা চুল নাই, তাহার শরীরে পূর্বের মত সে তেজ নাই। অবশেষে তাহার হাসি দেখিয়া তাহাকে চিনিলাম।

কহিলাম, “কিরে রহমৎ, কবে আসিলি?”

সে কহিল, “কাল সন্ধ্যাবেলা জেল হইতে খালাস পাইরাছি।”

কথাটা শুনিয়া কেমন কানে খট করিয়া উঠিল। কোন খুনীকে কখন প্রত্যক্ষ দেখি নাই, ইহাকে দেখিয়া সমস্ত অন্তঃকরণ যেন সঙ্কুচিত হইয়া গেল। আমার ইচ্ছা করিতে লাগিল, আজিকার এই শুভদিনে এ লোকটা এখান হইতে গেলেই ভাল হয়।

আমি তাহাকে কহিলাম “আজ আমাদের বাড়িতে একটা কাজ আছে, আমি কিছু ব্যস্ত আছি, তুমি আজ যাও।—”

কথাটা শুনিয়াই সে তৎক্ষণাৎ চলিয়া যাইতে উত্তত হইল,

অবশেষে দরজার কাছে গিয়া একটু ইতস্তত করিয়া কহিল,
“খোঁখীকে একবার দেখিতে পাইব না?”

তাহার মনে বুঝি বিশ্বাস ছিল, মিনি সেই ভাবেই আছে।
সে যেন মনে করিয়াছিল, মিনি আবার সেই পূর্বের মত “কাবুলি-
ওয়াল, ও কাবুলিওয়াল” করিয়া ছুটিয়া আসিবে, তাহাদের সেই
অত্যন্ত কোতুকাবহ পুরাতন হাঙ্গালাপের কোনরূপ ব্যত্যয় হইবে
না। এমন কি, পূর্ববন্ধুত্ব স্মরণ করিয়া সে একবাক্স আঙুর
এবং কাগজের মোড়কে কিস্মিস্ কিস্মিস্ বাদাম বোধ
করি কোন স্বদেশীয় বন্ধুর নিকট হইতে চাহিয়া চিন্তিয়া
সংগ্রহ করিয়া আনিয়াছিল—তাহার সে নিজের ঝুলিটি আর
ছিল না।

আমি কহিলাম—“আজ বাড়িতে কাজ আছে, আজ আর
কাহারো সহিত দেখা হইতে পারিবে না।” *

সে যেন কিছু ক্লম্ব হইল। স্তব্ধভাবে দাঁড়াইয়া একবার স্থির
দৃষ্টিতে আমার মুখের দিকে চাহিল, তার পরে—“বাবু সেলাম”
বলিয়া দ্বারের বাহির হইয়া গেল।

আমার মনে কেমন একটু ব্যথা বোধ হইল। মনে করিতেছি
তাহাকে ফিরিয়া ডাকিব, এমন সময়ে দেখি সে আপনি ফিরিয়া
আসিতেছে।

কাছে আসিয়া কহিল, “এই আঙুর এবং কিস্মিস্ বাদাম
খোঁখীর জন্ত আনিয়াছিলাম, তাহাকে দিবেন।”

আমি সেগুলি লইয়া দাম দিতে উজ্জত হইলে সে হঠাৎ আমার

হাত চাপিয়া ধরিল,—কহিল—“আপনার বহুত দয়া আমার চিরকাল স্মরণ থাকিবে—আমাকে পরস দিবেন না।

“বাবু, তোমার যেমন একটি লড়কী আছে, তেমনি দেশে আমারও একটি লড়কী আছে। আমি তাহার মুখখানি স্মরণ করিয়া তোমার খোঁখীর জন্ত কিছু কিছু মেওয়া হাতে লষ্টয়া আসি, আমি ত সওদা করিতে আসি না।—”

এই বলিয়া সে আপনার মস্ত ডিলা জামাটার ভিতর হাত ঢালাইয়া দিয়া বুকের কাছে কোথা হইতে এক টুকরা ময়লা কাগজ বাহির করিল। বহু যত্নে ভাঁজ খুলিয়া দুই হস্তে আমার টেবিলের উপর মেলিয়া ধরিল।

দেখিলাম কাগজের উপর একটি ছোট হাতের ছাপ। ফোটগ্রাফ নহে, তেলের ছবি নহে, হাতে খানিকটা ভূষা মাথাইয়া কাগজের উপরে তাহারই চিহ্ন ধরিয়া লইয়াছে। কতবার এই স্মরণ-চিহ্নটুকু বুকের কাছে লইয়া রহমৎ প্রতিবৎসর কলিকাতার রাস্তায় মেওয়া বেচিতে আসে—যেন সেই সুকোমল ক্ষুদ্র শিশুহস্ত-টুকুর স্পর্শখানি তাহার বিরাট বিরহী বুকের মধ্যে সুখাসঞ্চার করিয়া রাখে।

দেখিয়া আমার চোখ ছল্‌ছল করিয়া আসিল। তখন, সে যে একজন কাবুলী মেওয়াওয়াল, আর আমি যে একজন বাঙালী সম্রাজ্যবংশীয় তাহা ভুলিয়া গেলাম—তখন বুঝিতে পারিলাম সেও যে আমিও সে ; সেও পিতা আমিও পিতা। তাহার পর্ত্ত-গৃহবাসিনী ক্ষুদ্র পর্ত্ততীর সেই হস্তচিহ্ন আমারই মিনিকে স্মরণ

করাইয়া দিল। আমি তৎক্ষণাৎ তাহাকে অন্তঃপুর হইতে ডাকাইয়া পাঠাইলাম। অন্তঃপুরে ইহাতে অনেক আপত্তি উঠিয়াছিল। কিন্তু আমি কিছুতেই কণপাত করিলাম না। রাঙা চেলিপরা কপালে চন্দন আঁকা বধূবেশিনী মিনি সলজ্জভাবে আমার কাছে আসিয়া দাঁড়াইল।

তাহাকে দেখিয়া কাবুলিওয়াল প্রথম ধতমত খাইয়া গেল, তাহাদের পুৰাতন আলাপ জমাইতে পারিল না। অবশেষে হাসিয়া কহিল—“খোঁখী, তোমি সম্বর-বারি যাবিস্?”

মিনি এখন ঋগুর-অর্থ বোঝে, এখন আর পূর্বের মত উত্তর দিতে পারিল না—রহমতের প্রশ্ন শুনিয়া লজ্জায় আরক্ত হইয়া মুখ ফিরাইয়া দাঁড়াইল। কাবুলিওয়ালার সহিত মিনির যেদিন প্রথম সাক্ষাৎ হইয়াছিল, আমার সেই দিনের কথা মনে পড়িল। মনটা কেমন ব্যথিত হইয়া উঠিল।

মিনি চলিয়া গেলে একটা গভীর দীর্ঘনিশ্বাস ফেলিয়া রহমৎ মাটিতে বসিয়া পড়িল। সে হঠাৎ স্পষ্ট বৃত্তিতে পারিল তাহার মেয়েটিও ইতিমধ্যে এইরূপ বড় হইয়াছে, তাহার সঙ্গেও আবার নূতন আলাপ করিতে হইবে—তাহাকে ঠিক পূর্বের মত তেমনটি আর পাইবে না। এ আট বৎসরে তাহার কি হইয়াছে তাই বা কে জানে। সকাল বেলায় শরতের স্নিগ্ধ রৌদ্রকিরণের মধ্যে সানাই বাজিতে লাগিল, রহমৎ কলিকাতার এক গলির ভিতরে বসিয়া আফগানিস্থানের এক মরুপর্বতের দৃশ্য দেখিতে লাগিল।

আমি একখানি নোট লইয়া তাহাকে দিলাম। বলিলাম, বহুমৎ তুমি দেশে তোমার মেয়ের কাছে ফিরিয়া যাও ; তোমাদের মিলনস্থখে আমার মিনির কল্যাণ হোক।

এই টাকাটা দান করিয়া, হিসাব হইতে উৎসব-সমারোহের ছুটো একটা অঙ্গ ছাঁটিয়া দিতে হইল। যেমন মনে করিয়াছিলাম তেমন করিয়া ইলেক্ট্রিক আলো জ্বলাইতে পারিলাম না, গড়ের বাদ্যও বাদ পড়িল, অন্তঃপুরে মেয়েরা অত্যন্ত অসন্তোষ প্রকাশ করিতে লাগিলেন, কিন্তু মঙ্গল-আলোকে আমার শুভ উৎসব উজ্জ্বল হইয়া উঠিল।

উন্নতি ।

যে সকল জীবের চিত্তবৃত্তি নিতান্ত আদিম অবস্থায় আছে তাহাদের পরিবর্তন সহজে ঘটে না। তাহাদের জীবনধারণের সামান্য অভাবগুলি যতদিন পূরণ হইতে থাকে ততদিন তাহারা একভাবেই থাকে। ইনফাসোরিয়া, রিজোপড প্রভৃতি নিম্নতম শ্রেণীর জন্তুগণের আজও যে দশা, যুগযুগান্তর পূর্বেও অবিকল সেই দশা ছিল। তাহাদের আভ্যন্তরিক অবস্থার সহিত বাহ্য অবস্থার এমন সম্পূর্ণ সামঞ্জস্য যে, কোনরূপ পরিবর্তনের কোন কারণ ঘটে না। মনুষ্যের মধ্যেও ইহার উদাহরণ পাওয়া যায়। যাহাদের অভাববোধ অল্প, যাহারা আপনার চারিদিকের অবস্থার সহিত, সম্পূর্ণ বনিবনাও করিয়া থাকিতে পারে, তাহাদিগকে পরিবর্তন এবং উন্নতির দিকে প্রবর্তিত করিবার কোনরূপ উদ্ভেজনা থাকে না। সন্ধীর্ণ সীমার মধ্যে সন্ধীর্ণ মনোবৃত্তি লইয়া তাহারা নিশ্চিন্তে কাল-যাপন করিতে থাকে। জটিল এবং বিচিত্র অবস্থাপন্ন মানবদের অপেক্ষা ইহাদের সুখ সন্তোষ অনেকটা সম্পূর্ণ এবং অবিমিশ্র তাহাতে আর সন্দেহ নাই। ছোট পাত্র বড় পাত্র অপেক্ষা ঢের কম জলে ঢের বেশী পরিপূর্ণতা লাভ করিতে পারে।

তবে ত সেই ছোট পাত্র হওয়াই সুবিধা। জীবনের কেবল কতকগুলি একান্ত আবশ্যক পূরণ করিয়া হৃদয়ের কেবল কতকগুলি আদিম প্রবৃত্তি চরিতার্থ করিয়া নির্বিকার শান্তিলাভ করাই ত ভাল। ফ্রাজিরাপবাসীরা ত বেশ আছে—দক্ষিণ আমেরিকার

আদিম নিবাসীরা কদলীবনের মধ্যে ত 'চিরকাল সমভাবেই কাটাওয়াছিল, সভ্যতার নব নব অশান্তি এবং বিপ্লবের কোন ধার তাহারা ধারে নাই।

কিন্তু সে আক্ষেপ এখন করা বৃথা। সভ্য জাতিদের পক্ষে এরূপ জীবনযাত্রা নিতান্ত অসহ্য। তাহার কারণ, সভ্যতা বিকাশের সঙ্গে সঙ্গে একটি নূতন মনোবৃত্তির উদ্ভব হইয়াছে, তাহার নাম কাজ করিবার ইচ্ছা। এক কথায়, তাহাকে অসন্তোষ বলা যাইতে পারে। এ মনোবৃত্তি সকল জাতির সকল অবস্থায় থাকে না।

প্রথম প্রথম বাহিরের তাড়ায় মানুষ দায়ে পড়িয়া উন্নতির পথে অগ্রসর হইতে থাকে। ক্রমে, কাজ করিতে কবিতা অন্তরের মধ্যে কন্সামুরাগ নামক একটা স্বতন্ত্র শক্তির সঞ্চার হয়; তখন বাহিরের উত্তেজনার অভাব সত্ত্বেও সে ভিতর হইতে আমাদের অহর্নিশি কাজে প্রবৃত্ত করাইতে থাকে। তখন মানুষ বাহিরের শাসন হইতে অনেকটা মুক্তি লাভ করে; বাহ্য অভাব মোচন হইলেও অন্তরের সেই নবজাগৃত শক্তি বিশ্রাম করিতে চাহে না, তখন নব নব উন্নত আদর্শের সৃষ্টি হইতে থাকে; তখন হইতে আমাদের পক্ষে নিজের নিষ্পন্নভাবে থাকা অসাধ্য হইয়া উঠে, এবং তাহাতে আমরা যথার্থ সুখও পাই না।

জাতীয় আত্মরক্ষার পক্ষে এই প্রবৃত্তির একটা উপযোগিতা আছে, তাহা বিচার করিয়া দেখা কর্তব্য। প্রকৃতিতে সম্পূর্ণ স্থায়িত্ব কোথাও নাই। তোমার অব্যবহিত চতুর্পার্শ্বে যদি ব-

পরিবর্তন তেমন খরস্রোতে প্রবাহিত না হয় তথাপি অনতিদূরে কোন না কোন জাতির মধ্যে পরিবর্তন ঘটিতেছেই, সুতরাং কোন না কোন সময়ে তাহাদের সহিত জীবিকায়ুদ্ধের সংঘর্ষ অনিবার্য। সে সময়ে, যাহারা বহুকাল স্থিরভাবে সম্ভটচিত্তে আছে তাহাদের পক্ষে নূতন আপৎপাতের বিরুদ্ধে নূতন পরিবর্তন সহজসাধ্য হয় না; যাহারা কর্ম্মমুগ্ধাঙ্গী উদ্যোগী জাতি তাহারাই পরিবর্তনে অভ্যস্ত এবং সকল সময়েই প্রস্তুত, সুতরাং এই চঞ্চল সংসারে টিকিবার সম্ভাবনা তাহাদেরই সব চেয়ে বেশি।

কেবল জাতি নহে ব্যক্তিবিশেষের পক্ষেও সঙ্কীর্ণ সীমাব মধ্যে আপনাকে সম্পূর্ণ নিহিত করিয়া সুখী হওয়ার অনেক বিপদ আছে। দৃষ্টান্তস্বরূপে দেখা যায়, ঘরের আত্মরে ছেলে হইয়া চিরকাল থোকা হইয়া থাকার অনেক সুবিধা থাকিতে পারে; কিন্তু চিরাদন ঘরেব মধ্যে কাটাইয়া চলে না, এক সময়ে কঠিন সংসারের সংশ্রবে আসিতে হয়; তখন নিতান্ত নিঃসহায় হইয়া পড়িতে হয়। সঙ্কীর্ণ সম্পূর্ণতা লাভ অপেক্ষা বৃহৎ বিকাশের উত্তম ভাল।

উন্নতি বলিতে সর্বকামনার পর্য্যবসানুসঙ্গীর্ণা একটা নির্বিকার নিরুত্তম অবস্থা বুঝায় না। ভবিষ্যতের নব নব মঙ্গল সম্ভাবনার জ্ঞান নব নব শক্তি সঞ্চয় করিয়া চলাই উন্নতি। সেই সমস্ত শক্তির উত্তেজনায় ক্রমাগত নূতন নূতন উদ্দেশ্যের পশ্চাতে নূতন নূতন চেষ্টা ধাবিত হইতে থাকে। সেই সঙ্গে কেবল উত্তমের কার্য্যে বিকাশেই একটা সুখ জাগ্রত হইয়া উঠে, সমগ্র প্রকৃতির পরিচালনাতেই একটা গভীর আনন্দ লাভ হয়। সেই আনন্দে সভ্য জাতিরা

এমন সকল দুঃসহ কষ্ট সহ্য করিতে পারে বাহার পেষণে অসভ্য জাতিরা নারা পড়ে। এই যে একটি স্বতন্ত্র উন্নতির প্রবৃত্তি, এই যে কর্মের প্রতিই একটা স্বতন্ত্র অহুৰাগ, ইহা লইয়াই সভ্য ও অসভ্য জাতির মধ্যে প্রধান প্রভেদ ।

বাগান ।

ভদ্রতার ভাষা, পরিচ্ছদ এবং আচরণের একটু বিশেষত্ব আছে। কুৎসিৎ শব্দ ভদ্রলোকের মুখ দিয়া বাহির হইতে চায়না, এবং যাহার মনে আত্মসম্মান বোধ আছে সে কখনও হাঁটুর উপরে একখানা ময়লা গামছা পরিয়া সমাজে সঞ্চরণ করিতে পারে না। তেমনি ভদ্রলোকের বাসস্থানেরও একটা পরিচ্ছদ এবং ভাষা আছে, নিদেন, থাকা উচিত। ভদ্রলোকের কুলে শীলে ঘরে বাইরে সর্বত্রই একটা উজ্জলতা থাকা চাই—যেখানে তাঁহার আবির্ভাব সেখানে পৃথিবী আদৃত শোভিত এবং স্বাস্থ্যময় যদি না হয়, যদি তাহার চারিদিকে আগাছা, জঙ্গল, বাঁশঝাড়, পানাপুকুর এবং আবর্জনাকুণ্ড থাকে তবে সেটা যে অত্যন্ত লজ্জার বিষয় হয় একথা আমরা সকল সময় মনে করি না। কেবল লোক দেখাইবার কথা হইতেছে না। অশোভনতার মধ্যে বাস করিলে আপনার প্রতি তেমন শ্রদ্ধা থাকে না, নিজের চতুর্দিক নিজেকে অপমান করিতে থাকে, আর সুখ স্বাস্থ্যের ত কথাই নাই। আমরা যেমন স্নান করি এবং শুভ্র বস্ত্র পরি তেমনি বাড়ির চারিদিকে যত্নপূর্ব্বক এক খানি বাগান করিয়া রাখা ভদ্রপ্রথাই একটি অবশ্য কর্তব্য অঙ্গ হওয়া উচিত।

রসিক লোকেরা পরিহাস করিয়া বলিবেন, ঊনবিংশ শতাব্দীর আর একটা নূতন বাবুমানার অবতারণা হইতেছে, অল্পচিন্তায় রাত্রে ঘুম হয় না বাগান করিবার অবসর কোথায়! একথাটা একটা

ওজরমাত্র। কাজের ত আর সীমা নাই! বঙ্গদেশে এমন কোন্ পঞ্জী আছে যেখানে প্রায় ঘরে ঘরে দুই চারটি অকস্মিক ভদ্রলোক পরমালস্ত্রে কালযাপন না করেন! সহরের কথা স্বতন্ত্র, কিন্তু পাড়াগাঁয়ে অবসর নাই এমন ব্যক্তি লোক অতি বিরল। তাহা ছাড়া বাঙ্গলা দেশের মৃত্তিকায় একখানি বাগান করিয়া রাখা যে মধ্যবিত্ত ভদ্রলোকের সাধ্যাতীত তাহাও নহে। তবে আলস্ত্র একটা অন্তরায় এবং ঘরের চারিদিক স্ত্রী এবং স্বাস্থ্যজনক করিয়া রাখা তেমন আবশ্যক বলিয়া ধারণা না হওয়ায় তাহার জন্ত দুই পয়সা ব্যয় করিতে আমরা কাতর বোধ করি এবং যেমন-তেমন করিয়া ষোপঝাড় ও কচুবনের মধ্যে জীবন যাপন করিতে থাকি। এই জন্ত বাঙ্গালার বসতি-গ্রামে মনুষ্যযজ্ঞকৃত সৌন্দর্যের কোন চিহ্ন দেখা যায় না, কেবল পদে পদে অযত্ন অনাদর ও আলস্ত্রের পরিচয় পাওয়া যায়।

মানুষের ভিতরে বাহিরে একটা ঘনিষ্ঠ যোগ আছে সে কথা বলাই বাহুল্য। অন্তর বাহিরকে আকার দেয় এবং বাহিরও অন্তরকে গড়িতে থাকে। বাহিরে চতুর্দিক যদি অযত্ন-সন্তুণ্ড শ্রীহীনতায় আচ্ছন্ন হইয়া থাকে তবে অন্তরের স্বাভাবিক নির্মল পারিপাট্যপ্রিয়তাও অভ্যাসক্রমে জড়ত্ব পাইতে থাকে। অতএব চারিদিকে একখানি বাগান তৈরি করা একটা মানসিক শিক্ষার অঙ্গ বলিলেই হয়। ওটা কিছুতেই অবহেলার যোগ্য নহে। সন্তানদিগকে সৌন্দর্য, নির্মলতা এবং যত্নসাধ্য নিয়মস পারিপাট্যের মধ্যে মানুষ করিয়া তুলিয়া অলক্ষ্যে তাহাদিগের হৃদয়ে উচ্চ আত্ম-

গৌরব সঞ্চার করা পিতামাতার একটা প্রধান কর্তব্য। চারিদিকে অবহেলা, অমনোযোগ, আলস্য এবং যথেষ্ট কদর্যতার মত কুশিক্ষা আর কি আছে বলিতে পারি না। বাহিরের ভূখণ্ড হইতে আরম্ভ করিয়া অন্তঃকরণ পর্য্যন্ত সর্বত্রই নিয়তজাগ্রত চেষ্টা এবং উন্নতি-ইচ্ছা সর্বদা প্রত্যক্ষ করিলে ছেলেরা মানুষ হইয়া উঠিতে পারে। বাসস্থানের বাহিরে যেখানে অবহেলায় জঙ্গল জন্মিতেছে, অথবা সৌন্দর্য্য দূষিত হইতেছে, সেখানে ঘরের মধ্যে মনের ভিতরেও আগাছা জন্মিতেছে এবং সর্বাঙ্গীন উন্নতির প্রতি ঔদাসীন্ধ্য মজ্জার মধ্যে প্রবেশ করিতেছে।

মানুষ সৃষ্টি ।

বিখ্যাত পর্যটক ষ্ট্যান্‌লি সাহেব মধ্য-আফ্রিকাবাসীদের মধ্যে প্রচলিত যে সকল গল্প প্রকাশ করিয়াছেন, তাহার মধ্যে মানুষসৃষ্টির গল্প পাঠকদের কোতুকাবহ মনে হইতে পারে ।

প্রাচীনকালে এক সময় পৃথিবীতে কোন জীবজন্তু ছিল না, কেবল একটি পুষ্করিণীতে একটি বড় গোছের ব্যাং ছিল । আর আকাশে ছিল চাঁদ ; উভয়ের মধ্যে কথাবার্তা চলিত ।

একদিন চাঁদ বলিল, দেখ ব্যাং, মনে করিতেছি পৃথিবীর ফলশস্ত ভোগ করিবার জন্ত আমি একটি পুরুষ এবং একটি স্ত্রী নির্মাণ করিব ।

ব্যাং কহিল, আমি পৃথিবীতে থাকি, পৃথিবীর প্রাণী আমিই ভালরূপ গড়িতে পারিব, অতএব সে ভার আমি লইলাম ।

চাঁদ কহিল, আমি যাহাদের সৃজন করিব তাহারা অমব হইবে, তোমার সে ক্ষমতা নাই ।

ব্যাং কহিল, ভাই, তোমার আকাশ লইয়া তুমি থাক না, এ পৃথিবীর জীবসৃষ্টি আমারই কর্তব্য কার্য ।

অতঃপর ব্যাং ভাবাবেশে ক্রমশঃ স্ফীত হইয়া একযোড়া পূর্ণতাপ্রাপ্ত নরনারীর জন্মদান করিল ।

চাঁদ অত্যন্ত ক্রুদ্ধ হইয়া কহিল, এ কি কাণ্ড করিয়াছ ! এই যে দুটা জীবকে জন্ম দিয়াছ ইহাদের না আছে বুদ্ধি,

না আছে আশ্চর্য্যকার ক্ষমতা, না আছে দীর্ঘজীবন। বেচারাদের প্রতি দয়া করিয়া আমি যতটা পারি সংশোধন করিয়া লইব। উহাদিগকে কিছু বুদ্ধি দিব এবং আয়ুও বাড়াইয়া দিব, কিন্তু তোমাকে আর রাখিতেছি না।

এই বলিয়া অত্যন্ত গরম হইয়া উঠিয়া ব্যাংটাকে চাঁদ দগ্ধ করিয়া ফেলিল।

অতঃপর ভীত লুক্কায়িত মানুষ ছটাকে ধরিয়া তাহাদিগকে স্নান করাইয়া দিয়া ইতস্ততঃ টিপিয়া টুপিয়া তাহাদের শরীরের গড়ন কতকটা ছরস্তু করিয়া লইল। এবং পুরুষের নাম দিল বাটেটা এবং মেয়ের নাম দিল হানা। অবশেষে তাহাদিগকে সম্বোধন করিয়া কহিল, দেখ, তৃণলতা গুল্ম সবই তোমাদের এবং তোমাদের সন্তানদের জন্ত। তোমাদিগকে বুদ্ধি দিয়াছি, অতএব ইহার মধ্য হইতে তোমরা নিজের ভালমন্দ বাছিয়া লইবে। এই লও একটি কুঠার। এবং তোমাদের জন্ত আমি এই আগুন করিয়া দিলাম, ইহাকে রক্ষা করিবে এবং কেমন করিয়া আহারের পাত্র গড়িতে হয় দেখাইয়া দিতেছি, শিখিয়া লও।

এই শিক্ষা দিয়া রাখিয়া খাইবার উপদেশ দিয়া চাঁদ আকাশে চড়িলেন এবং প্রসন্ন হাতের সহিত ইহাদের প্রতি দৃষ্টিপাত করিলেন।

তখন এই নরনারী চন্দ্রালোকে ভ্রমণ করিতে করিতে একটি তরুণকোটর দেখিয়া তাহার মধ্যে আশ্রয় লইল।

মাসথানেকের মধ্যেই হানা একটি ঘমজ পুত্রকণ্ঠাকে জন্ম দিল। বাটেটা বড় খুসী হইয়া তাহার জ্বর সেবা করিতে লাগিল এবং তাহার জ্ঞান উত্তম সুখাদ্য সন্ধান করিয়া ফিরিতে লাগিল; কিন্তু কিছুই প্রসূতির রুচিকর বোধ হয় না। তখন চাঁদের দিকে হাত তুলিয়া কহিল,—হে চাঁদ, আমি ত আমার জ্বর পছন্দমত কোন খাওয়া খুঁজিয়া পাই না। একটা উপায় বলিয়া দাও!

চাঁদ নামিয়া আসিয়া বাটেটার হাতে একছড়া কলা দিয়া কহিল, দেখ দেখি, ইহার গন্ধটা কেমন লাগে?

বাটেটা কহিল, বাঃ! অতি চমৎকার!

তখন চাঁদ একটির খোসা ছাড়াইয়া তাহার হাতে দিয়া কহিল, খাইয়া দেখ দেখি, কেমন বোধ হয়?

সে খাইয়া মহাখুসী হইয়া জ্বর জ্ঞান লইয়া গেল। জ্বরও বড় পরিতোষ লাভ করিল। কহিল, জিনিষটি অতি উত্তম, কিন্তু ইহাতে শরীরের বল পাইতেছি না।

বাটেটা চাঁদকে সে কথা জানাইল। চাঁদ কহিল, দেখ দেখি, ঐ কি যায়?

বাটেটা কহিল, ও ত মহিষ।

চাঁদ বলিল,—ঠিক বলিয়াছ। উহার পশ্চাতে কি যায়?

বাটেটা কহিল,—ছাগল।

চাঁদ কহিল,—আচ্ছা। তাহার পশ্চাতে কি বল দেখি?

বাটেটা কহিল,—হরিণ।

চাঁদ কহিল,—অতি উত্তম, তাহার পরে ?

বাটেটা—ভেড়া ।

চাঁদ—ভেড়াই বটে । এখন আকাশে কি উড়িতেছে দেখে দেখি !

বাটেটা । মুরগী এবং পায়রা ।

চাঁদ কহিল,—বেশ বলিয়াছ । তা এই সমস্ত তোমাদিগকে দেওয়া গেল । ইহারই মাংস রাখিয়া খাওয়াও ।

এই ভাবে সময় যায় । আদি-দম্পতি হঠাৎ একদিন সকালে উঠিয়া দেখে মস্ত একটা আগুনের চাকার মত আকাশে উঠিয়া আলোকে চতুর্দিক্ উজ্জ্বল করিয়াছে । হানা কহিল, বাটেটা এ কি হইল ?

বাটেটা কহিল, চাঁদকে না জিজ্ঞাসা করিয়া ত বলিতে পারিনা ।

এই বলিয়া চাঁদকে ডাকাডাকি করিতে লাগিল । একটা বজ্রতুল্য স্বর আকাশ হইতে কহিল,—রোস, আগে এই নূতন আলোটা নিবিয়া যাক্, তার পরে কথাবার্ত্তা হইবে ।

অন্ধকার হইলে চাঁদ উঠিয়া কহিল, এখন হইতে সময় দিন এবং রাত্রে ভাগ হইবে । সকালে সূর্য্য এবং রাত্রে আমি ও আমার সন্তান নক্ষত্রগণ আলো দিব । এ নিয়মের কোন কালে লঙ্ঘন হইবে না । এবং যেহেতু তোমরা সর্ব্ব-প্রথম প্রাণী, তোমাদের সন্তানেরা জীবরাজ্যে সর্ব্বশ্রেষ্ঠ হইবে । তোমাদিগকে আমি পরিপূর্ণতা এবং অনন্ত জীবন দান করিয়াছিলাম, কিন্তু সেই ব্যাটার জন্মদোষ তোমাদের শরীরে

রহিয়া গেছে ; অতএব মৃত্যুর হাত হইতে রক্ষা পাইবে না। অবশেষে কহিল, যে পর্য্যন্ত তুমি এবং হানা পৃথিবীতে থাকিবে আমি আবশ্যকমত তোমাদের সাহায্য ও পরামর্শ দিতে ক্রটি করিব না, কিন্তু তোমাদের অবর্তমানে মানুষের সহিত আলাপ পরিচয় আর চলবে না। অতএব তোমরা যাহা কিছু শিখিবে ছেলেদের শিখাইয়া দিয়ো।

মানুষের উৎপত্তির এই ইতিহাস। ডারুয়িনের এভোল্যুশন্ থিওরি যে বহুপূর্বে আফ্রিকা দেশে আবিস্কৃত হইয়াছিল এই ভেদে হইতে মনুষ্যোৎপত্তির গল্প তাহার প্রমাণ ; কিন্তু উক্ত জাতির মধ্যে এখনো তেমন স্মৃষ্কবুদ্ধি কেহ জন্মগ্রহণ করে নাই যে এই অকাট্য প্রমাণ অবলম্বন করিয়া যুরোপের দর্প চূর্ণ করে।

ভূগর্ভস্থ জল ও বায়ুপ্রবাহ।

বুটির জল ভূতলে আসিয়া পড়িলে তাহার কিয়দংশ মাটিতে শুষিয়া লয়, কিয়দংশ বাতাসে উড়িয়া যায় এবং অবশিষ্ট অংশ জল-শ্রোত এবং নদী আকারে ভূমিতল হইতে গড়াইয়া পড়ে।

মাটি যদি তেমন কঠিন হয়, তবে অনেকটা জল উপরে থাকিয়া গিয়া বিল, জলা প্রভৃতি সৃষ্টি করে।

যে জল মাটির মধ্যে গিয়া প্রবেশ করে বর্তমান প্রবন্ধে তাহারই আলোচনা করা যাইতেছে।

এই মৃত্তিকাকোষিত জলের কিছু অংশ ঘাস এবং গাছের শিকড় টানিয়া লয় এবং সেই রস পাতার মধ্য দিয়া বাষ্প আকারে উবিয়া যায়। কিন্তু বেশীর ভাগ জল ছিদ্র এবং ফাটলের মধ্য দিয়া নিম্নস্তরে সঞ্চিত হয় এবং স্তর যদি ঢালু হয় তবে সেই ভূমধ্যস্থ জলও তদনুসারে গড়াইয়া পড়িতে থাকে।

মৃত্তিকাস্তর ছিদ্রবহুল হইলে উপরিস্থ জলশ্রোত ক্রমশঃ অস্ত-ক্ৰান করে তাহা ফল্গু প্রভৃতি অস্তঃসলিলা নদীর দৃষ্টান্তে বুঝিতে পারা যায়। পৃথিবীর উপরকার জল মাটির ভিতরে কত নীচে পর্য্যন্ত চুইয়া পড়ে এবং কেন বা একস্থানে আসিয়া বাধা পায় এখনও তাহার ভালরূপ তথ্যনির্ণয় হয় নাই। কিন্তু ইহা দেখা গিয়াছে যে, ভূতলের নিম্নস্তরে কিছুদূর নামিয়া আসিলেই একটি সম্পূর্ণ জলসিক্ত স্থানে আসিয়া পৌঁছান যায় সেখানে মৃত্তিকার প্রত্যেক ছিদ্র বায়ুর পরিবর্তে কেবলমাত্র জলে পরিপূর্ণ।

যেমন সমুদ্রের জল সর্বত্রই সমতল তেমনি মাটির নীচের জলেরও একটা সমতলতা আছে। কোন বিশেষ প্রদেশের ভূগর্ভস্থ জলের তলোচ্চতা কি, তাহা, সে দেশের কূপের জলতল দেখিলেই বুঝা যাইতে পারে।

এই জল অবিশ্রাম মন্দগতিতে সমুদ্র অথবা নিকটবর্তী জলাশয়ের দিকে প্রবাহিত হইতে থাকে, এবং ঋতুবিশেষে এই জলতল কখন উপরে উঠে, কখন নীচে নামিয়া যায়।

ভিন্ন ভিন্ন প্রদেশে মাটির প্রকৃতি অনুসারে এই ভূগর্ভস্থ জল-তলের উচ্চতা পরিমিত হয়। জলা-জায়গায় হয় ত কয়েক ফুট নীচেই এই জলতল পাওয়া যায়, আবার কোন কোন জায়গায় বহুশত ফুট নিম্নে এই জলতল দৃষ্টিগোচর হয়। যে প্রদেশে ভূতলের যত নিম্নে জলধারণযোগ্য অভেদ্য স্থতিকান্তর আছে সে প্রদেশে ভূতলস্থ জল-তল সেই পরিমাণে নির্দিষ্ট হয়।

এই ভূতলস্থ সর্বব্যাপী জলপ্রবাহ মানুষের পক্ষে নিতান্ত সামান্য নহে। কূপ সরোবর উৎস প্রভৃতি আশ্রয় করিয়া এই জলই পৃথিবীর অধিকাংশ মানবের ভূষণ নিবারণ করে—এবং স্বাস্থ্যরক্ষার সহিতও ইহার ঘনিষ্ঠ যোগ আছে।

পূর্বেই বলা হইয়াছে, ঋতুবিশেষে এই ভূগর্ভস্থ জলের তলোচ্চতা উঠিয়া নামিয়া থাকে। এবং এই উঠানামার সহিত রোগবিশেষের হ্রাসবৃদ্ধির যোগ আছে। পেটেন্ কোফার সাহেব বলেন, জলতল যত উপরে উঠে টাইফয়েড্ জ্বর ততই বিস্তার লাভ করে। তাঁহার মতে ভূমির আর্দ্রতা রোগবীজপালনের সহায়তা করে বলিয়াই এক্ষণ ঘটে।

কোন কোন পণ্ডিত অশ্রু কারণ নির্দেশ করেন। তাঁহারা বলেন, ভূগর্ভস্থ জল ভূতলের অনতিনিম্ন পর্য্যন্ত যখন উঠে তখন পৃথিবীর অনেক আবর্জনার সহিত সহজে মিশ্রিত হইতে পারে।

কিরূপে মিশ্রিত হয় তাহার একটা দৃষ্টান্ত দিলে কথাটা স্পষ্ট হইবে। পল্লীগামে যেখানে সহরের মত পয়ঃপ্রণালীর পাকা বন্দোবস্ত নাই সেখানে অনেক স্থলে কুণ্ডের মধ্যে মলিন পদার্থ সঞ্চিত হইতে থাকে। ভূগর্ভস্থ জলতল যখন নামিয়া যায় তখন এই সকল দূষিত পদার্থের সহিত তাহার তেমন যোগ থাকে না—যখন উপরে উঠে তখন মলমিশ্রিত মৃত্তিকার সহিত জলের সংযোগ হইতে থাকে এবং সেই জল রোগবীজ ও দূষিত পদার্থ সকল বহন করিয়া কূপ ও সরোবরকে কলুষিত করিয়া ফেলে।

ইহা হইতে পাঠকেরা বুঝিতে পারিবেন, পানীয় জল বিশুদ্ধ রাখিতে হইলে বিস্তর সতর্কতার আবশ্যক। কাপড় কাচিয়া, স্নান করিয়া জলাশয়ের জল মলিন করিতে না দিলেও অদূরবর্তী আবর্জনা প্রভৃতির মলিনতা জলমধ্যে সঞ্চারিত হইবার সম্পূর্ণ সম্ভাবনা আছে।

এই মলিনতা অনেক সময় দূরের জলাশয়কে স্পর্শ করে, অথচ নিকটের জলাশয়কে অব্যাহতি দেয় এমন দেখা গিয়াছে। তাহার একটি কারণ আছে। পূর্বে বলা হইয়াছে ভূগর্ভস্থ জল সমুদ্র অথবা অশ্রু কোন নিকটবর্তী জলাশয়ের অভিমুখে ধীরে ধীরে প্রবাহিত হইতে থাকে। আবর্জনাকুণ্ডের উজানে যে কূপ প্রভৃতি থাকে তাহা নিকটবর্তী হইলেও, মলিন পদার্থ স্রোতের প্রতিকূলে

সে জলাশয়ে গমন করিতে পারে না, কিন্তু অল্পকূল শ্রোতে দূষিত পদার্থ অনেক দূরেও উপনীত হইতে পারে। ভূগর্ভস্থ জলপ্রবাহের অভিমুখ গতি কোন্ দিকে তাহা স্থির হইলে জলাশয়ের জলদোষ নিবারণ সম্বন্ধে ব্যবস্থা করা যাইতে পারে।

কূপ হইতে অধিক পরিমাণে জল তুলিয়া লওয়া হইলে সেই শূণ্যপ্রায় কূপ চতুর্দিক হইতে বলসহকারে জল আকর্ষণ করিতে থাকে, তখন উপর হইতে নিম্ন হইতে দূর দূরাস্থর হইতে জলধারা আকৃষ্ট হওয়াতে সেই সঙ্গে অনেক দূষিত পদার্থ সঞ্চারিত হইতে পারে। অচ্ছিন্ন জমির অপেক্ষা সচ্ছিন্ন বালুয় জমিতে এইরূপ আকর্ষণের সম্ভাবনা অনেক অধিক। ওলাউঠা প্রভৃতি সংক্রামক রোগের বীজ এইরূপ উপায়ে বালুজমিতে অতি শীঘ্র ব্যাপ্ত হইয়া পড়ে।

ভূতলের নিম্নে যেমন জলপ্রবাহ আছে, তেমনি বায়ুপ্রবাহও আছে। এঁটেল মাটিতে এই বায়ুপ্রবাহ কিছু কম এবং সচ্ছিন্ন আলগা মাটিতে কিছু বেশী।

আকাশে প্রবাহিত বায়ুশ্রোতে যে পরিমাণে কার্বনিক অ্যাসিড্ গ্যাস্ আছে ভূগর্ভস্থ বায়ুশ্রোতে তদপেক্ষা অনেক বেশী থাকিবার কথা; কারণ, মাটির সহিত নানাপ্রকার জাস্তব এবং উদ্ভিজ্জ পদার্থ মিশ্রিত থাকে; সেই সকল পদার্থজাত কার্বনের সহিত বাতাসের অক্সিজেন মিশ্রিত হইয়া কার্বনিক অ্যাসিডের উৎপত্তি হয়; ইহা ছাড়া মাটির নীচেকার অনেক পচা জিনিস হইতেও কার্বনিক অ্যাসিড্ গ্যাসের উদ্ভব হইয়া থাকে।

মাটির আদ্রতা এবং উত্তাপ অনুসারেও এই কার্বনিক অ্যাসিড্‌ গ্যাসের পরিমাণ বাড়িতে থাকে। ম্যুনিখ্‌ সহরে পরীক্ষাধারা দেখা গিয়াছে আষাঢ় শ্রাবণে ভূগর্ভস্থ বায়ুর কার্বনিক অ্যাসিডের পরিমাণ সর্বাপেক্ষা বাড়িয়া উঠে এবং মাঘ ফাল্গুনে সর্বাপেক্ষা কমিয়া যায়।

সাধারণতঃ ইহাও দেখা গিয়াছে যে, আল্‌গা ভাঙ্গা মাটিতে কার্বনিক অ্যাসিড অল্প এবং যে শক্ত মাটিতে সহজে বায়ুপ্রবেশ করিতে পারে না তাহাতে কার্বনিক অ্যাসিডের পরিমাণ অধিক। চষা জমি অপেক্ষা পতিত জমিতে কার্বনিক অ্যাসিড চতুর্গুণ অধিক; ইহার কারণ, যে মাটির মধ্যে বায়ু বদ্ধ হইয়া থাকে তাহাতে কার্বনিক অ্যাসিড্‌ অধিক সঞ্চিত হয়।

ভূগর্ভস্থ জলের দ্বারা ভূগর্ভস্থ বায়ুরও একটা শ্রোত আছে, তাহা পরীক্ষাধারা স্থির হইয়া গেছে। এই বায়ুচলাচলের উপর আমাদের স্বাস্থ্যের হ্রাসবৃদ্ধি অনেকটা নির্ভর করে; কারণ, দেখা গিয়াছে এই বায়ুতে বহুল পরিমাণে কার্বনিক এবং অন্তঃস্থ দূষিত গ্যাস আছে। তাহা ছাড়া, মাটির ভিতরকার রোগবীজ এই বায়ুপ্রবাহ অবলম্বন করিয়া চতুর্দিকে সঞ্চারিত হইতে পারে।

নানাকারণে ভূগর্ভস্থ বায়ু প্রবাহ বন্ধিত হইয়া থাকে। ভূতলের উপরিস্থ বায়ুচলাচল তাহার একটা কারণ।

আরও কারণ আছে। বহুকাল অনাবৃষ্টির পরে যখন মুষলধারে বৃষ্টি পতিত হয়, তখন সেই বৃষ্টিব জল ভূগর্ভস্থ বায়ুকে ঠেলিয়া অনেকটা নীচের দিকে লইয়া যায় এবং সিন্ধুভূমি হইতে তাড়িত

হইয়া শুষ্কভূমি দিয়া বায়ুপ্রবাহ উপরে উঠিতে থাকে। যে বাড়ীর মেজে ভাল করিয়া বাঁধান নহে বর্ষার সময় ভূগর্ভবায়ু সেই মেজে দিয়া বাহির হইবার সুবিধা পায়। কোন কোন স্থলে ডাক্তারেরা দেখিয়াছেন বহুকাল অনাবৃষ্টি অস্ত্রে রুষ্টিপতনের পর সহসা নিউ-মোনিয়া কাশের প্রাদুর্ভাব হইয়াছে। তাহার একটি কারণ এইরূপ অনুমান করা যায় যে, রুষ্টিত্যাগিত ভূগর্ভবায়ু রোগবীজ সঙ্গে লইয়া নানা শুষ্ক স্থান দিয়া উপরে উঠিতে থাকে।

পূর্বে বলিয়াছি, পেটেনকোফারের মত, যখন ভূগর্ভস্থ জলতল উপরে উঠিতে থাকে তখন সেই জলসংযোগে কোন কোন রোগের বৃদ্ধি হয়। রোগবীজের উপর জলের ক্রিয়াই যে তাহার একমাত্র কারণ তাহা নহে। জলতল যত উপরে উঠে ভূগর্ভের বায়ুকেও সে তত ঠেলিয়া তুলিতে থাকে এবং সেই বায়ুর সঙ্গে অনেক দূষিত বাষ্প এবং রোগবীজ উঠিয়া পড়ে।

ভূগর্ভে বায়ুচলাচলের আর একটি বৃহৎ কাৰণ আছে ; তাহা, আকাশ-বায়ু এবং ভূগর্ভবায়ুর উত্তাপের অসাম্য। তাহার বিস্তৃত আলোচনা আবশ্যক।

মাটি নানা প্রকৃতির আছে এবং সকল মাটি সমান সহজে উত্তপ্ত হয় না। কিন্তু জল সকল মাটি অপেক্ষাই বিলম্বে উত্তাপ গ্রহণ করে।

যে জিনিষ সহজে উত্তাপ গ্রহণ করে সে জিনিষ সহজে উত্তাপ ত্যাগও করে। এই কারণে, জল মাটি অপেক্ষা বিলম্বে উত্তপ্ত হয় এবং উত্তাপ ছাড়িতেও বিলম্ব করে। ভিজা সঁপাৎসেঁতে মাটি

রৌদ্রোত্তাপ সহজে গ্রহণ করে না, তেমনি, সহজে ত্যাগও করে না ;
শুষ্ক বেলেমাটি শীঘ্রই গরম হইয়া উঠে আবার শীঘ্রই জুড়াইয়া যায় ।

ভূমির উত্তাপের ফলের কেবল যে ভূমিতেই পর্যাবসান হয়, তাহা নহে । আকাশের বায়ুতাপের প্রতিও তাহাব প্রভাব আছে । সাধারণতঃ উক্ত হয় যে, শুষ্কবায়ু বিকীরিত উত্তাপকে সহজে পথ ছাড়িয়া দেয় এবং ভিজাবায়ু সেই উত্তাপ বহলপরিমাণে শোষণ করিয়া লয় । সম্পূর্ণ শুষ্ক বাতাস প্রকৃতির কোথাও দেখা যায় না, এই জন্ত সকল বায়ুই সূর্য্যোত্তাপ এবং পৃথিবী হইতে বিকীরিত উত্তাপের দ্বারা উত্তপ্ত হয় । পরীক্ষাধারা যতদূর দেখা গিয়াছে তাহাতে বোধ হয় বাতাসের তাপ অব্যবহিত সূর্য্যতাপের অপেক্ষা ভূমির তাপের দ্বারাই অধিক পরিমাণে নিয়মিত হয় । তপ্ত ভূমিব সংস্পর্শে প্রথমতঃ বায়ুর নিম্নতল স্তর উত্তপ্ত হইয়া বিস্তার লাভ করে এবং উপরে উঠিয়া যায়, উপরের অপেক্ষাকৃত শীতল বায়ু নীচে নামিয়া ভূমির তাপ গ্রহণ করে, এমনি করিয়া সমস্ত বায়ু গরম হইয়া উঠে । সকলেই জানেন বহু উচ্চ আকাশের বায়ু পৃথিবীর নিকটবর্তী বায়ু অপেক্ষা অনেক পরিমাণে শীতল ।

ইহা হইতে বুঝা যাইবে মাটির তাপ এবং বাতাসের তাপ সমান নহে । এবং সাধারণতঃ মাটির তাপই অধিক ।

মাটি ভাল তাপপরিচালক নহে, এইজন্ত মাটির উপরিতলের উত্তাপ নিম্নতলে পৌছিতে বিলম্ব হয় । এই কারণেই গ্রীষ্মকালে ভূতল যখন উষ্ণ হইয়া উঠে তখন নিম্নস্তর অপেক্ষাকৃত শীতল থাকে এবং শীতকালে যখন ভূতলের তাপ হ্রাস হয় তখন সেই শৈত্য নিম্ন-

স্তরে পৌঁছিতে বিলম্ব হয়; এইজন্য শীতকালে ভূমির উপরি তলের মাটির অপেক্ষা নিম্নতলের মাটি বেশী গরম থাকে। চাগক্য শ্লোকে আছে যে, কুপোদক শীতকালে উষ্ণ এবং গ্রীষ্মকালে শীতল, হইয়া থাকে। পূর্বেলিখিত নিয়মামুসারে ইহার কারণ নির্ণয় কর্তন নহে।

গ্রীষ্মকালে ভূতল ভূগর্ভ হইতে অধিকতর উত্তপ্ত হওয়াতে ভূমির উপরিস্তরবর্তী বায়ু নিম্নস্তরের অভিমুখে প্রবেশ করিতে থাকে এবং শীতকালে তাহার বিপরীত ঘটনা থাকে। ঘর যদি অগ্নির উত্তাপে অত্যন্ত গরম করা যায় এবং মেজে যদি উপযুক্ত রূপে বাঁধান না থাকে তবে স্থানীয় ভূগর্ভস্থ গ্যাস সেই গৃহে ভাসমান হইয়া উঠিতে থাকে, ইহার অনেক প্রমাণ পাওয়া গিয়াছে।

অল্পকাল হইল ডব্লিন সহরের রাস্তা পাথরে বাঁধান হইয়াছে। তাহার পর হইতেই সেখানে টাইফয়েড জ্বরের প্রাদুর্ভাব অনেক বাড়িয়াছে। তাহার কারণ, ভূগর্ভবায়ু এখন রাজপথে বাহির হইতে পায় না, কাঁচা মেজের ভিতর দিয়া বাহির হইতে থাকে। এইরূপে গৃহমধ্যে দূষিত বাষ্পের সঞ্চয় হয়।

এমনও দেখা গিয়াছে, খুব শীতের সময় যখন পথবাটে বরফ জমিয়া যায়; তখন রাজপথের নিম্নবর্তী গ্যাস পাইপের পলাতক গ্যাস রাস্তা দিয়া বাহির হইবার স্থান না পাইয়া ঘরের ভিতরে বাহিব হইতে থাকে এবং এইরূপে বিষাক্তবায়ু গ্রহণে অনেকে সঙ্কটাপন্ন অবস্থায় পতিত হইয়াছে।

যাহা হউক, এই প্রবন্ধ হইতে পাঠকেরা বুঝিতে পারিবেন

ভূগর্ভস্থ জল এবং বায়ুর উপর আমাদের স্বাস্থ্য বহুলপরিমাণে নির্ভর করে। যাহাতে জলাশয়ের নিকটবর্তী কোন স্থানে দূষিত পদার্থ না জমিতে পারে সে জন্ত সতর্ক হওয়া উচিত। এবং ঘরের মেজে ও বাড়ীর চারিদিকে কিছুদূর পর্য্যন্ত ভাল করিয়া বাধাইয়া দিয়া ভূগর্ভস্থ দূষিত বাষ্পমিশ্রিত বায়ুর পথ রোধ করা বিশেষ আবশ্যক।

অভ্যাসজনিত পরিবর্তন ।

অভ্যাসের দ্বারা আমাদের অঙ্গপ্রত্যঙ্গের পরিবর্তন সাধিত হইতে পারে । হলধারী চাষা এবং লেখনীধারী ভদ্রলোকের হাতের অনেক প্রভেদ । কৃত্রিম উপায়ে চীন-রমণীর পা কিরূপ ক্ষুদ্র ও বিকৃত হইয়া যান তাহা সকলেই অবগত আছেন ।

কিন্তু এইরূপ অভ্যাস ও কৃত্রিমকারণজনিত পরিবর্তন সকল পুরুষানুক্রমে সঞ্চারিত হয় কি না, ইহা লইয়া আজকাল বৈজ্ঞানিক-দের মধ্যে আলোচনা চলিতেছে ।

হার্কাট্ স্পেন্সার বলেন যে, এ কথা না মানিলে অভিব্যক্তিবাদ অসম্পূর্ণ থাকে । কিন্তু জর্মান্ পণ্ডিত বাইস্মান্ বহুল যুক্তি, দৃষ্টান্ত ও পরীক্ষার দ্বারা প্রমাণ করিয়াছেন যে, অভ্যাসজনিত নূতনসাধিত অঙ্গবৈচিত্র্য সন্ততিপরম্পরায় সঞ্চারিত হয় না । বিখ্যাত অভিব্যক্তিবাদী ওয়ালেস্ সাহেবও বাইসমানের পক্ষ সমর্থন করেন ।

তিনি বলেন, ভালজাতের যুবক ঘোড়া অথবা কুকুর যদি কোন কারণে পঙ্গু অথবা অঙ্গহীন হইয়া পড়ে, তবে পশুব্যবসায়ীরা তাহাকে সন্তান উৎপাদনের জন্ত স্বতন্ত্র করিয়া রাখিয়া দেয় । এবং তাহার সন্ততিবর্গ তাহার পূর্বপুরুষদের অপেক্ষা কোন অংশে হান হয় না ।

সাধারণের মধ্যেও একটা সংস্কার আছে যে, তন্তুবায় প্রভৃতি শিল্পিশ্রেণীদের মধ্যে পূর্বপুরুষদিগের অভ্যাসগ্রহৃত বিশেষ কার্য-

নৈপুণ্য উত্তরবংশীয়েরা বিনাশিক্ষাতেও প্রাপ্ত হয়। ওয়ালেস্ বলেন, ইহা ভ্রম ; কারণ, ইহা যদি সত্য হইত তবে পিতার অধিক বয়সের সন্তান অধিকতর স্বাভাবিক নিপুণতা লাভ করিত ; তাহা হইলে কনিষ্ঠ ছেলেরাই শ্রেষ্ঠ হইত ; কিন্তু তৎপক্ষে কোন প্রমাণ নাই। প্রতিভাসম্পন্ন ব্যক্তির সন্তানেরা প্রতিভাসম্পন্ন হয় না, বরং তাহার বিপরীত হয়, এরূপ দৃষ্টান্তই অধিক পাওয়া যায়। তাহা যদি না হইত তবে জগতে শিল্পনৈপুণ্য ও প্রতিভা উত্তরোত্তর বংশানুক্রমে অত্যন্ত বিকাশ লাভ করিয়াই চলিত।

কিন্তু কোন কোন লেখক বলেন যে, বিশেষ শ্রেণীর জন্তুদের মধ্যে যে বিশেষ নূতন প্রত্যঙ্গের উদ্ভব দেখা যায় তাহা বহুকালের ক্রমশঃ অভ্যাসজাত না মনে করিলে অল্প কারণ পাওয়া যায় না ; যেমন শৃঙ্গ। যে সমস্ত জন্তু মাথা দিয়া চুঁ মারিত তাহাদেরই কপালের চামড়া পুরু হইয়াছিল এবং হাড় ঠেলিয়া উঠিয়াছিল ; সেই পরিবর্তন সন্তানদের মধ্যে সঞ্চারিত হইয়া অভ্যাসে বৃদ্ধি পাইয়া বিচিত্রাকার শৃঙ্গে পরিণত হইয়াছে।

ওয়ালেস্ বলেন, এ কথাই কোন প্রমাণ নাই। ডারুয়িনের গ্রন্থে দেখা যায় কোন কোন দেশে ঘোড়ার কপালে ক্ষুদ্র শৃঙ্গের মত উচ্চতা দেখা গিয়াছে। কিন্তু ঘোড়ার প্রাচীন বংশের মধ্যে কোন জাতেরই শিং দেখা যায় নাই। যদি শিং থাকিত তবে প্রাকৃতিক নির্বাচনের নিয়মানুসারে এমন একটা আশ্চর্য্যকার অস্ত্র বিলুপ্ত না হইবারই সম্ভাবনা ছিল ; অতএব এই ঘোড়ার ছোট শিং নূতন উদ্ভব।

শজারুর কাঁটা, পাখীর পালক এ সমস্ত যে, বিশেষ অভ্যাসের দ্বারা উৎপন্ন হইয়াছে, এমন বলা যায় না।

পরীক্ষার দ্বারা জানা গিয়াছে আমাদের শরীরের সর্বাংশে স্পর্শশক্তি সমান নহে। আমাদের পিঠের মাঝখানে যে জিনিষ অনুভব করিতে পারি না, আমাদের আঙ্গুলের ডগায় তাহা অন্যসে অনুভূত হয়। হার্কট স্পেন্সার বলেন ইহার কারণ, প্রধানতঃ অঙ্গুলি দ্বারা আমরা সকল দ্রব্য স্পর্শ করিয়া দেখি বলিয়া অভ্যাসে তাহার স্পর্শশক্তি বাড়িয়া উঠিয়াছে এবং সেই শক্তি বংশানুক্রমে চলিয়া আসিয়াছে। কিন্তু পৃষ্ঠে তাহার বিপরীত।

ওয়ালেস বলেন, প্রাকৃতিক নির্বাচন ইহার কারণ। স্পর্শশক্তির উপরে আমাদের জীবনরক্ষা অনেকটা নির্ভর করিতেছে। শরীরের যে যে স্থানে আঘাত লাগিলে জীবনের অধিক ক্ষতি করে সেই সেই স্থানে স্পর্শশক্তি পরিমাণে অধিক। চক্ষুর স্পর্শশক্তি সর্বাপেক্ষা অধিক, অথচ এ কথা কেহ বলিতে পারেনা যে, চক্ষু দ্বারা দ্রব্যাদি স্পর্শকরা আমাদের সর্বাপেক্ষা অভ্যস্ত। কিন্তু চক্ষু গেলে জীবনধারণ করা দুঃস্বপ্ন; অতএব যে সকল প্রাণীর চক্ষু অত্যন্ত স্পর্শক্ষম, চক্ষে অতি অল্প আঘাত লাগিলেই জানিতে পারে ও চক্ষুরক্ষার জন্ত তৎক্ষণাৎ সচেতন হইতে পারে, তাহারাই প্রাকৃতিক নির্বাচনে টিকিয়া যায়। এরূপ আরো অনেক দৃষ্টান্ত দেখান হইয়াছে।

অতএব ওয়ালেসের মতে অভিবক্তির মধ্যে অভ্যাসের কোন কার্যকারিতা নাই। প্রাকৃতিক নির্বাচনই তাহার প্রধান অঙ্গ।

অর্থাৎ, যে সম্ভানগণ কোন কারণে অল্পদের অপেক্ষা একটা অতিরিক্ত সুবিধা লইয়া জন্মগ্রহণ করে তাহারাই জীবনযুদ্ধে জয়ী হইয়া টিকিয়া যায়, অথচ তাহাদের সহিত পারিয়া উঠে না ; সুতরাং মারা পড়ে । এইরূপে এই নূতন সুবিধা ও তৎসম্পন্ন জীব স্থায়ী হয় । শূঙ্গহীন হরিণদের মধ্যে যদি গৃঢ় কারণে একটা শূঙ্গী হরিণ জন্মগ্রহণ করে তবে তাহার শিংয়ের জোরে সেই বেশী আহার এবং মনোমত হরিণী সংগ্রহ করিতে সক্ষম হইবে । এবং তাহার বংশে যতই শূঙ্গী হরিণের জন্ম হইবে ততই শূঙ্গহীন হরিণের ধ্বংস অবশ্যস্বাভাবী হইয়া পড়িবে ।

অতএব বর্তমান অনেক অভিযান্ত্রিকবাদের মতে সহজাত সুবিধাগুলি জীবরাজ্যে স্থায়ী হয়, অভ্যাসজাত সুবিধাগুলি নহে ।

আদিম আৰ্য্যনিবাস ।

লেখাপড়া শিথিয়া আমাদের অনেকেই মা সরস্বতীর কাছে
আবেদন করিয়া থাকেন,—

যে বিত্তা দিয়েছ মা গো ফিরে তুমি লও,

কাগজ কলমের কড়ি আমায় ফিরে দাও ।

মা সরস্বতী অনেক সময়ে তাঁহাদের প্রার্থনানুসারে বিত্তা
ফিরাইরা লন, কিন্তু কড়ি ফিরাইয়া দেন না ।

অনেক বিত্তা যাহা মাথা খুঁড়িয়া মাথায় প্রবেশ করাইতে
হইয়াছিল হঠাৎ নোটিশ পাওয়া যায় সেগুলি মিথ্যা, মাথা
খুঁড়িয়া তাহাদিগকে বাহির করা দায় হইয়া উঠে । শতদল-
বাসিনী যদি ইংরাজ আইনের বাধ্য হইতেন তবে উকীলের
পরামর্শ লইয়া তাঁহার নিকট হইতে খেসারতের দাবী করা
বাইতে পারিত । জনসমাজে লক্ষ্মীরই চাঞ্চল্য অপবাদ প্রচার
হইয়াছে, কিন্তু তাঁহার সপত্নীর যে নিতান্ত অটলস্বভাব এমন
কোন লক্ষণ দেখা যায় না ।

বাল্যকালে শিক্ষা করিয়াছিলাম মধ্য এশিয়ার কোন এক
স্থানে আৰ্য্যদিগের আদিম বাসস্থান ছিল । সেখান হইতে
একদল যুরোপে এবং ভারতবর্ষে ও পারস্যে যাত্রা করে ।
কতকগুলি আসিয়াবাসী ও যুরোপীয় জাতির ভাষার সাদৃশ্য-
দ্বারা ইহার প্রমাণ হইয়াছে ।

কথাটা মনে রাখিবার একটা সুবিধা ছিল । স্থূ্য পুৰুষ

দিক্ হইতে পশ্চিমে যাত্রা করে। শ্বেতাঙ্গ আৰ্য্যগণও সেই পথ অনুসরণ করিয়াছেন এবং পূর্বাচলের কাছেও হই একটি মলিন জ্যোতিরেখা রাখিয়া গিয়াছেন।

কিন্তু উপমা যতই সুন্দর হউক তাহাকে যুক্তি বলিয়ায় গ্রহণ করা যায় না। আজকাল ইংলণ্ড ফ্রান্স ও জার্মানিতে বিস্তর পুরাতত্ত্ববিৎ উঠিয়াছেন; তাঁহারা বলেন, যুরোপই আৰ্য্যদেব আদিম বাসস্থান; কেবল একদল কোন বিশেষ কারণে এসিয়ায় আসিয়া পড়িয়াছিল।

ইহাদের দল প্রতিদিন যেরূপ পুষ্টিলাভ করিতেছে তাহাতে বেশ মনে হইতেছে আমাদের পুত্রপৌত্রগণ প্রাচীন আৰ্য্যদের সম্বন্ধে স্বতন্ত্র পাঠ মুখস্থ করিতে আরম্ভ করিবেন এবং আমা-
দের ধারণাকে একটা বহুকেলে ভ্রম বলিয়া অবজ্ঞা করিতে ছাড়িবেন না।

আৰ্য্যদিগের পশ্চিম যাত্রা সম্বন্ধে ইংলণ্ডে ল্যাথাম সাহেব সৰ্ব্বপ্রথমে আপত্তি উত্থাপন করেন।

তিনি বলেন, শাখা হইতে গুঁড়ি হয় না, গুঁড়ি হইতেই শাখা হয়। যুরোপেই যখন অধিকাংশ আৰ্য্যজাতির বাসস্থান দেখা যাইতেছে তখন সহজেই মনে হয় যুরোপেই মোট জাত-টার উদ্ভব হইয়াছে এবং পারস্ত ভারতবর্ষে তাহার একটা শাখা প্রসারিত হইয়াছে মাত্র।

মার্কিন ভাষাতত্ত্ববিৎ হুইটনি সাহেব বলেন,—আৰ্য্যদিগের আদিম নিবাস সম্বন্ধে পৌরাণিক উপাখ্যান, ইতিহাস অথবা

ভাষা আলোচনাধারা কোন সিদ্ধান্তে উপনীত হইবার কোন পথ নাই। অতএব মধ্য এশিয়ায় আৰ্য্যদের বাসস্থান নিরূপণ করা নিতান্তই কপোলকল্পিত অল্পমান।

জৰ্মান পণ্ডিত বেনফি সাহেব বলেন, এশিয়াই আৰ্য্যদিগের প্রথম জন্মভূমি বলিয়া স্থির করিবার একটি কারণ ছিল। বহুদিন হইতে একটা সংস্কার চলিয়া আসিতেছে যে, এশিয়াতেই মানবের প্রথম উৎপত্তি হয়; অতএব আৰ্য্যগণ যে সেইখান হইতেই অল্পত ছড়াইয়া পড়িয়াছে ইহার বিশেষ প্রমাণ লওয়া কেহ আবশ্যক মনে করিত না। কিন্তু ইতিমধ্যে যুরোপের ভূত্বের বহু প্রাচীন মানবের বাসস্থান আবিষ্কৃত হইয়াছে, এই ভাৱ সেই পূৰ্বসংস্কার এখন অমূলক হইয়া দাঁড়াইয়াছে। তাহা ছাড়া ভাষাতত্ত্ব হইতে তিনি একটা বিরোধী প্রমাণ সংগ্রহ করিয়াছেন। তাহার মন্ত এই,—সংস্কৃত ও পারসিকের সহিত গ্রীক্ লাটিন জৰ্মান্ প্রভৃতি যুরোপীয় ভাষায় গাঁহস্থ্য সম্পর্ক এবং অনেক পণ্ড ও প্রাকৃতিক বস্তুর নামের ঐক্য আছে। সেই ভাষাগণ ঐক্যের উপর নির্ভর করিয়াই এই ভিন্নভাষী-দিগের একজাতিত্ব স্থির হইয়াছে। কেবল তাহাই নহে: নানাস্থানে বিতৰ্ক হইবার পূৰ্বে আৰ্য্যগণ যখন একত্রে বাস করিতেন, তখন তাহাদের কিরূপ অবস্থা ছিল ভাষা তুলনা করিয়া তাহার আভাস পাওয়া যায়। যেমন, যদি দেখা যায় সংস্কৃত ও যুরোপীয় ভাষায় লাঙ্গলের নামের সাদৃশ্য আছে তবে স্থির করা যায় যে, আৰ্য্যগণ বিচ্ছিন্ন হইবার পূৰ্বেই চাষ

আরম্ভ করিয়াছিলেন; তেমনি যদি দেখা যায় কোম একটি বস্তুর নাম উভয় ভাষায় পৃথক্, তবে অনুমান করা যাইতে পারে যে, ভিন্ন হইবার পক্ষে তৎসম্বন্ধে তাহাদের পরিচয় ষটিয়াছে। সেই যুক্তি অবলম্বন করিয়া বেন্‌কি বলেন, সংস্কৃত ভাষায় সিংহশব্দ যে ধাতু হইতে উৎপন্ন হইয়াছে সে ধাতু য়ুরোপীয় কোন ভাষায় নাই। অপর পক্ষে গ্রীকগণ সিংহের নাম হিব্রু ভাষা হইতে ধার করিয়া লইয়াছেন (গ্রীক - লিস্, হিব্রু--লাইশ)। অতএব এ কথা বলা যাইতে পারে যে, আর্য্যগণ একত্র থাকিবার সময় সিংহের পরিচয় পান নাই। সম্ভবতঃ, গ্রীক 'লিস্' ও 'লিওন্' শব্দের ত্রায় সংস্কৃত সিংহ শব্দও তৎকালীন কোন অনার্য্য ভাষা হইতে সংগৃহীত; অথবা পশুরাজের গর্জনের অনুকরণেও নূতন নামকরণ অসম্ভব নহে। যাহাই হউক এসিয়াই যদি আর্য্যদিগের আদিম নিবাস হইত তবে সিংহ শব্দের ধাতু য়ুরোপীয় আর্য্যভাষাতেও পাওয়া যাইত। উষ্ট্র হস্তী এবং ব্যাঘ্র শব্দ সম্বন্ধেও এই কথা খাটে।

-এ দিকে আবার মানবতত্ত্ববিৎ পণ্ডিতেরা বলিয়াছেন, ষ্বেতবর্ণ মানবেরা একটি বিশেষ জাতীয় এবং এই জাতীয় মানব য়ুরোপেই দেখা যায়, এসিয়ায় নহে। প্রাচীন বর্ণনা এবং বর্তমান দৃষ্টান্তদ্বারা জানা যায় যে, আদিম আর্য্যগণ ষ্বেতাঙ্গ ছিলেন এবং বর্তমান আর্য্যদের অধিকাংশই ষ্বেতবর্ণ। অতএব য়ুরোপেই এই ষ্বেতজাতীয় মনুষ্যের উৎপত্তি অধিকতর সম্ভব বলিয়া বিবেচনা হয়।

লিওনমিট বলেন, ভাষার ঐক্য ধরিয়া যে সমস্ত জাতিকে

‘আৰ্য্য’ নামে অভিহিত করা হইতেছে মন্তকের গঠন ও শাৰীৰিক পৰিণতি অনুসারে তাহাদের আদিম আদৰ্শ য়ুরোপেই দেখা যায়। য়ুরোপীয়দের শাৰীৰিক প্রকৃতি, দীৰ্ঘজীবন এবং দুৰ্দ্ধৰ্ষ জীবনী-শক্তি পর্যালোচনা করিয়া দেখিলেই বুঝা যাইবে আৰ্য্যজাতির প্রবলতম প্রাচীনতম এবং গভীরতম মূল কোথায় পাওয়া যাইতে পারে। তাঁহার মতে ভারতবর্ষে ও এশিয়াব অল্পতম আৰ্য্যগণ তব্ৰহ্ম আদিম অধিবাসীদের সহিত অনেক পরিমাণে মিশ্রিত হইয়া সঙ্কর জাতিতে পরিণত হইয়াছে।

য়ুরোপেব উত্তরাঞ্চলবাসা ফিন্ জাতি আৰ্য্যজাতি নহে। ভাষা-তত্ত্ববিৎ কুনো সাহেব দেখাইয়াছেন, ফিন্ ভাষার বহুতর সংখ্যাবাচক শব্দ, সৰ্ব্বনাম শব্দ এবং পাণ্ডিত্যিক সম্পর্কের নাম ইণ্ডো-য়ুরোপীয় ধাতু হইতে উৎপন্ন। তাঁহার মতে এ সকল শব্দ যে ধার করিয়া লওয়া তাহা নহে; কোন এক সময়ে অতি প্রাচীনকালে উক্ত দুই জাতির পরস্পর সামীপ্যবশতঃ কতকগুলি শব্দ ও ধাতু উভয়েরই সরকারী দখলে ছিল। ইহা হইতেও প্রমাণ হয় য়ুরোপেই আৰ্য্যগণের আদিম বাসস্থান, সূতরাং ফিন্জাতি তাঁহাদের প্রতিবেশী ছিল।

ইতিমধ্যে আবার একটা নূতন কথা অগ্নে অগ্নে দেখা দিতেছে, সেটা যদি ক্রমে পাকিয়া দাঁড়ায় তবে আবার প্রাচীন মতই বাহাল থাকিবার সম্ভাবনা।

সেমিটিক্ জাতি (আরব্য যিহুদী প্রভৃতি জাতিরা যাহার অন্তর্গত) আৰ্য্যজাতির দলভুক্ত নয়, এককাল এই কথা শুনিয়া আসিতেছিলাম। কিন্তু আজকাল দুই একজন করিয়া পুরাতত্ত্ববিৎ

কোন কোন সেমেটিক শব্দের সহিত আৰ্য্য শব্দের সাদৃশ্য বাতর করিতেছেন এবং কেহ কেহ এরূপ অনুমান করিতেছেন যে, সেমেটিকগণ হয় ত এককালে আৰ্য্যজাতির অন্তর্ভুক্ত ছিল ; সর্ব্বাগ্রে তাহারা বিচ্ছিন্ন হইয়া গিয়াছিল, এইজন্য তাহাদের সহিত অবশিষ্ট আৰ্য্যগণের সাদৃশ্য ক্রমশই ক্ষীণতর হইয়া আসিয়াছে। আৰ্য্যদিগের সহিত সেমেটিকদের সম্পর্ক স্থির হইয়া গেলে আদিমকালে উভয়ের একত্র এসিয়াবাসই অপেক্ষাকৃত সঙ্গত বলিয়া মনে হইতে পারে। কিন্তু এমত এখনও পরিষ্কৃত হয় নাই, অনুমানের মধ্যেই আছে।

আমরা বলি, আদিম বাসস্থান যেখানেই থাক্ কুটুম্বিতা যতই বাড়ে ততই ভাল। এই এক আৰ্য্যসম্পর্কে পৃথিবীর অনেক বড় বড় জাতির সঙ্গে আমাদের সম্বন্ধ বাধিয়াছে। আরবিক ও যিহুদীরা কম লোক নহে। তাহারা যদি জাতভাই হইয়া দাঁড়ায় সে ত সুখের বিষয়। ইংরাজ ফরাসী গ্রীক্ লাটিন্ ইহারা আমাদের খুড়তুতো ভাই, এখন যিহুদী মুসলমানেরাও যদি আমাদের আপনার হইয়া যায় তাহা হইলে পৃথিবীতে আমাদের আত্মীয় গোরবের তুলনা মিলে না। তাহা হইলে আমাদের আৰ্য্যমাতার প্রথমজাত এই অজ্ঞাত পুত্র কর্ণও আমাদের চির-বৈরীশ্রেণী হইতে কুটুম্বশ্রেণীতে ভুক্ত হন।

দান প্রতিদান ।

বড় গিন্নি যে কথাগুলি বলিয়া গেলেন, তাহার ধার যেমন তাহার বিষও তেমনি। যে হতভাগিনীর উপর প্রয়োগ করিয়া গেলেন, তাহার চিন্তাপুত্তলী একেবারে জলিয়া জলিয়া লুটিতে লাগিল ।

বিশেষত কথাগুলি তাহার স্বামীর উপর লক্ষ্য করিয়া বলা—এবং স্বামী রাধামুকুন্দ তখন রাত্রের আহার সমাপন করিয়া অনতিদূরে বসিয়া তাম্বুলের সহিত তাম্রকূটধূমসংযোগ করিয়া খাদ্য-পরিপাকে প্রবৃত্ত ছিলেন। কথাগুলো শ্রুতিপথে প্রবেশ করিয়া তাঁহার পরিপাকের যে বিশেষ ব্যাঘাত করিল এমন বোধ হইল না। অবিচলিত গান্ধীর্যের সহিত তাম্র-কূট নিঃশেষ করিয়া অভ্যাসমত যথাকালে তিনি শয়ন করিতে গেলেন।

রাসমণি যখন আসিয়া ক্রন্দনাবেগে শয্যাতেল কম্পান্বিত করিয়া তুলিলেন তখন রাধামুকুন্দ জিজ্ঞাসা করিলেন, “কি হইয়াছে?”

রাসমণি উচ্ছ্বসিত স্বরে কহিলেন, “শোন নাই কি?”

রাধামুকুন্দ। শুনিয়াছি। কিন্তু বোঁঠাকরুণ একটা কথাও ত মিথ্যা বলেন নাই। আমি কি দাদার অন্তরেই প্রতিপালিত নহি? তোমার এই কাপড়চোপড় গহনাপত্র এ সমস্ত আমি কি আমার বাপের কড়ি হইতে আনিয়া দিয়াছি? যে খাইতে

পয়িতে দেয় সে যদি ছোটো কথা বলে, তাহাও খাওয়াপরাই সামিল করিয়া লইতে হয়।

“এমন খাওয়াপরাই কাজ কি?”

“বাচিতে ত হইবে।”

“মরণ হইলেই ভাল হয়।”

“যতক্ষণ না হয় ততক্ষণ একটু ঘুমাইবার চেষ্টা কর, আরাম বোধ করিবে।”

বলিয়া রাধামুকুন্দ উপদেশ ও দৃষ্টান্তের সামঞ্জস্য সাধনে প্রবৃত্ত হইলেন।

রাধামুকুন্দ ও শশিভূষণ সহোদর ভাই নহে, নিতান্ত নিকট-সম্পর্কও নয়; প্রায় গ্রাম-সম্পর্ক বলিলেই হয়। কিন্তু প্রীতিবন্ধন সহোদর ভাইয়ের চেয়ে কিছু কম নহে। বড় গিন্নি ব্রজসুন্দরীর সেটা কিছু অসহ্য বোধ হইত। বিশেষত শশিভূষণ দেওয়া-থোওয়া সম্বন্ধে ছোটবোয়ের অপেক্ষা নিজ জ্বীর প্রতি অধিক পক্ষপাত করিতেন না। বরঞ্চ যে জিনিষটা নিতান্ত একজোড়া না মিলিত, সেটা গৃহিণীকে বঞ্চিত করিয়া বোকেই দিতেন। তাহা ছাড়া অনেক সময়ে তিনি জ্বীর অনুরোধ অপেক্ষা রাধামুকুন্দের পরামর্শের প্রতি বেশি নির্ভর করিতেন তাহার পরিচয় পাওয়া যায়। শশিভূষণ লোকটা নিতান্ত ঢিলাঢালা রকমের, তাই ঘরের কাজ এবং বিষয়কর্মের সমস্ত ভার রাধামুকুন্দের উপরেই ছিল। বড় গিন্নির সর্বদাই সন্দেহ রাধামুকুন্দ তলে তলে তাঁহার স্বামীকে বঞ্চনা করিবার আয়োজন কারতেন্—তাহার

যতই প্রমাণ পাওয়া যাইত না, রাধার প্রতি তাঁহার বিদ্বেষ ততই বাড়িয়া উঠিত। মনে করিতেন, প্রমাণগুলোও অত্যাচার করিয়া তাঁহার বিরুদ্ধ পক্ষ অবলম্বন করিয়াছে। এইজন্ত তিনি আবার প্রমাণের উপর রাগ করিয়া তাহাদের প্রতি নিরতিশয় অবজ্ঞা প্রকাশপূর্বক নিজের সন্দেহকে ঘরে বসিয়া দ্বিগুণ দৃঢ় করিতেন। তাঁহার এই বহুঘটনাপোষিত মানসিক আশ্রয় আশ্রয়গিরির অধ্যুৎপাতের দ্বারা ভূমিকম্পসহকারে প্রায় মাঝে মাঝে উষ্ণ-ভাষায় উচ্ছৃঙ্খলিত হইত।

রাত্রি রাধামুকুন্দের ঘুমের ব্যাধাত হইয়াছিল কি না বলিতে পারি না—কিন্তু পরদিন সকালে উঠিয়া তিনি বিরস মুখে শশিভূষণের নিকট গিয়া দাঁড়াইলেন। শশিভূষণ ব্যস্তসমস্ত হইয়া জিজ্ঞাসা করিলেন, “রাধু, তোমার এমন দেখিতেছি কেন ? অসুখ হয় নাই ত।”

রাধামুকুন্দ মৃদুস্বরে ধীরে ধীরে কহিলেন, “দাদা, আর ত আমার এখানে থাকা হয় না।” এই বলিয়া গত সন্ধ্যাকালে বড় গৃহিণীর আক্রমণবৃত্তান্ত সংক্ষেপে এবং শাস্তভাবে বর্ণনা করিয়া গেলেন।

শশিভূষণ হাসিয়া কহিলেন, “এই ! এ ত নূতন কথা নহে। ও ত পরের ঘরের মেয়ে, স্মরণ পাউলেই ছোটো কথা বলিবে, তাই বলিয়া কি ঘরের লোককে ছাড়িয়া যাইতে হইবে ! কথা আমাকেও ত মাঝে মাঝে শুনিতে হয়, তাই বলিয়া ত সংসার ত্যাগ করিতে পারি না।”

রাধা কহিলেন, “মেয়েমানুষের কথা কি আর সহিতে পারি না, তবে পুরুষ হইয়া জন্মিলাম কি করিতে! কেবল ভয় হয়, তোমার সংসারে পাছে অশান্তি ঘটে।”

শশিভূষণ কহিলেন, “তুমি গেলে আমার কিসের শান্তি!”

আর অধিক কথা হইল না। রাধামুকুন্দ দীর্ঘনিশ্বাস ফেলিয়া চলিয়া গেলেন, তাঁহার হৃদয়ভার সমান রহিল।

এদিকে বড় গৃহিণীর আক্ৰোশ ক্রমশই বাড়িয়া উঠিতেছে। সহস্র উপলক্ষ্যে যখন-তখন তিনি রাধাকে খোঁটা দিতে পারিলে ছাড়েন না; মুহুমূহু বাক্যবাণে রাসমণির অন্তরাত্মাকে একপ্রকার শরশয্যাশায়ী করিয়া তুলিলেন। রাধা যদিও চূপচাপ করিয়া তামাক টানেন এবং স্ত্রীকে ক্রন্দনোন্মুখী দেখিবামাত্র চোখ বুজিয়া নাক ডাকাইতে আরম্ভ করেন, তবু ভাবে বোধ হয় তাঁহারও অসহ্য হইয়া আসিয়াছে।

কিন্তু শশিভূষণের সহিত তাঁহার সম্পর্ক ত আজিকার নহে—
হুই ভাই যখন প্রাতঃকালে পাস্তাভাত খাইয়া পাংতাড়ি কক্ষে একসঙ্গে পাঠশালায় যাইত, উভয়ে যখন একসঙ্গে পরামর্শ করিয়া গুরুমহাশয়কে ফাঁকি দিয়া পাঠশালা হইতে পালাইয়া রাখাল-ছেলেদের সঙ্গে মিশিয়া নানাবিধ খেলা ফাঁদিত, এক বিছানায় শুইয়া স্তিমিত আলোকে মাসির নিকট গল্প শুনিত, ঘরের লোককে লুকাইয়া রাত্রে দূর পল্লীতে যাত্রা শুনিতে যাইত এবং প্রাতঃকালে ধরা পড়িয়া অপরাধ এবং শাস্তি উভয়ে সমান ভাগ করিয়া লইত—তখন কোথায় ছিল ব্রজমুন্দরী, কোথায়

ছিল রাসমণি । জীবনের এতগুলো দিনকে কি একদিনে বিচ্ছিন্ন করিয়া চলিয়া যাওয়া যায় ? কিন্তু এই বন্ধন যে স্বার্থপরতার বন্ধন, এই প্রগাঢ় প্রীতি যে পরান-প্রত্যাশার সূচতুর ছদ্মবেশ, এরূপ সন্দেহ এরূপ আভাসমাত্র তাঁহার নিকট বিষতুল্য বোধ হইত, অতএব আর কিছুদিন এরূপ চলিলে কি হইত বলা যায় না । কিন্তু এমন সময়ে একটা গুরুতর ঘটনা ঘটিল ।

যে সময়ের কথা বলিতেছি সে আজ চল্লিশ পঞ্চাশ বৎসর পূর্বেকার কথা । তখন নির্দিষ্ট দিনে সূর্য্যাস্তের মধ্যে গবর্ণমেন্টের খাজনা শোধ না করিলে জমীদারী-সম্পত্তি নিলাম হইয়া যাইত ।

একদিন খবর আসিল, শশিভূষণের জমিদারী পরগণা এনাংসাহী লাটের খাজনার দায়ে নিলাম হইয়া গেছে ।

রাধামুকুন্দ তাঁহার স্বাভাবিক মৃদু প্রশান্তভাবে কহিলেন, “আমারই দোষ !” শশিভূষণ কহিলেন, “তোমার কিসের দোষ ! তুমি ত খাজনা চালান দিয়াছিলে, পথে যদি ডাকাতে পড়িয়া লুটিয়া লয়, তুমি তাহার কি করিতে পার ?”

দোষ কাহার এক্ষণে তাহা স্থির করিতে বসিয়া কোন ফল নাই —এখন সংসার চালাইতে হইবে । শশিভূষণ হঠাৎ যে কোন কাজকর্মে হাত দিবেন সেরূপ তাঁহার স্বভাব ও শিক্ষা নহে । তিনি যেন ঘাটের বাধা সোপান হইতে পিছলিয়া এক মুহূর্ত্তে ডুবজলে গিয়া পড়িলেন ।

প্রথমেই তিনি স্ত্রীর গহনা বন্ধক দিতে উদ্যত হইলেন । রাধা-

মুকুন্দ এক ধলে টাকা সম্মুখে ফেলিয়া তাহাতে বাধা দিলেন তিনি পূর্বেই নিজ জীর গহনা বন্ধক রাখিয়া যথোগযুক্ত অর্থ সংগ্রহ করিয়াছিলেন।

সংসাবে একটা মহৎ পরিবর্তন দেখা গেল; সম্পৎকালে গৃহিণী বাহাকে দূর করিবার সহস্র চেষ্টা করিয়াছিলেন, বিপৎকালে তাহাকে ব্যাকুলভাবে অবলম্বন করিয়া ধরিলেন। এই সময়ে দুই ভ্রাতার মধ্যে কাহার উপরে অধিক নির্ভর করা যাইতে পারে তাহা বুঝিয়া লইতে তাঁহার বিলম্ব হইল না। কখনো যে রাধামুকুন্দের প্রতি তাঁহার তিলমাত্র বিদ্বেষভাব ছিল এখন আর তাহা প্রকাশ পায় না।

রাধামুকুন্দ পূর্ব হইতেই স্বাধীন উপার্জনের জন্ত প্রস্তুত হইয়াছিল। নিকটবর্তী সহরে সে মোক্তারি আরম্ভ করিয়া দিল। তখন মোক্তারি-ব্যবসারে আয়ের পথ এখনকার অপেক্ষা বিস্তৃত ছিল, এবং তীক্ষ্ণবুদ্ধি সাবধানী রাধামুকুন্দ প্রথম হইতেই পসার জমাইয়া তুলিল। ক্রমে সে জিলার অধিকাংশ বড় বড় জমিদারের কার্য্যভার গ্রহণ করিল।

এক্ষণে রাসমণির অবস্থা পূর্বের ঠিক বিপরীত। এখন রাসমণির স্বামীর অগ্নেই শশিভূষণ ও ব্রজমুন্দরী প্রতিপালিত। সে কথা লইয়া সে স্পষ্ট কোন গৰ্ব্ব করিয়াছিল কি না জানি না, কিন্তু কোন একদিন বোধ করি আভাসে ইঙ্গিতে ব্যবহারে সেই ভাব ব্যক্ত করিয়াছিল; বোধ করি, দেমাকের সহিত পা ফেলিয়া এবং হাত ছুলাইয়া কোন একটা বিষয়ে বড় গিমির ইচ্ছার প্রতিকূলে

নিজের মনোমত কাজ করিয়াছিল—কিন্তু সে কেবল একটি দিন মাত্র—তাহার পরদিন হইতে সে যেন পূর্বের অপেক্ষাও নম্র হইয়া গেল। কারণ, কথটা তাহার স্বামীর কানে গিয়াছিল; এবং রাত্রে রাধামুকুন্দ কি কি যুক্তি প্রয়োগ করিয়াছিল ঠিক বলিতে পারি না, পবদিন হইতে তাহার মুখে আর বা রহিল না, বড় গিন্নির দাসীও মত হইয়া বহিল;—শুনা যায়, রাধামুকুন্দ সেই রাত্রেই স্ত্রীকে তাহার পিতৃভবনে পাঠাইবার উত্তোগ করিয়াছিল এবং সপ্তাহকাল তাহার মুখদর্শন করে নাই—অবশেষে ব্রজসুন্দরী ঠাকুবপোর হাতে, ধরিয়া অনেক মিনতি করিয়া দম্পতির মিলনসাধন করাইয়া দেন; এবং বলেন, “ছোটবৌ ত সেদিন আসিয়াছে, আর আমি কত কাল হইতে তোমাদের ঘরে আছি ভাই! তোমাতে আমাতে যে চিরকালের প্রিয়সম্পর্ক তাহার মর্যাদা ও কি বঝিতে শিখিয়াছে? ও ছেলেমানুষ, উহাকে মাপ কর।”

রাধামুকুন্দ সংসারখরচের সমস্ত টাকা ব্রজসুন্দরীর হাতে আনিয়া দিতেন। রাসমণি নিজের আবশ্যিক ব্যয় নিম্নম অনুসারে অথবা প্রার্থনা করিয়া ব্রজসুন্দরীর নিকট হইতে পাইতেন। গৃহমধ্যে বড় গিন্নির অবস্থা পূর্বাপেক্ষা ভাল বই মন্দ নহে, কারণ পূর্বেরই বলিয়াছি শশিভূষণ স্নেহবশে এবং নানা বিবেচনায় রাসমণিকে বরঞ্চ অনেক সময় অধিক পক্ষপাত দেখাইতেন।

শশিভূষণের মুখে যদিও তাহার সহজ প্রকৃতি হাতের বিরাম

ছিল না কিন্তু গোপন অস্থি তি নি প্রতিদিন ক্লশ হইয়া যাইতেছিলেন। আর কেহ ততটা লক্ষ্য করে নাই, কেবল দাদার মুখ দেখিয়া রাধার চক্ষে নিদ্রা ছিল না। অনেক সময়ে গভীর রাত্রে রাসমণি জাগ্রত হইয়া দেখিত, গভীর দীর্ঘনিশ্বাস ফেলিয়া অশান্তভাবে রাধা এপাশ ওপাশ করিতেছে।

রাধামুকুন্দ অনেক সময় শশিভূষণকে গিয়া আশ্বাস দিত—
“তোমার কোন ভাবনা নাই দাদা ! তোমার পৈতৃক বিষয় আমি ফিরাইয়া আনিব—কি ছুতেই ছাড়িয়া দিব না। বেশি দিন দেরীও নাই।”

বাস্তবিক বেশি দিন দেরীও হইল না। শশিভূষণের সম্পত্তি যে ব্যক্তি নিলামে খরিদ করিয়াছিল, সে ব্যবসায়ী লোক, জমিদারীর কাজে সম্পূর্ণ অনভিজ্ঞ। সম্মানের প্রত্যাশায় কিনিয়াছিল, কিন্তু ধর হইতে সদর খাজনা দিতে হইত—এক পয়সা মুনফা পাইত না ! রাধামুকুন্দ বৎসরের মধ্যে দুই একবার লাঠিয়াল লইয়া লুটপাট করিয়া খাজনা আদায় করিয়া আনিত। প্রজারাও তাহার বাধ্য ছিল। ব্যবসাজীবী জমিদারকে তাহার মনে মনে ঘৃণা করিত, এবং রাধামুকুন্দের পরামর্শে ও সাহায্যে সর্বপ্রকারেই তাহার বিরুদ্ধাচরণ করিতে লাগিল।

অবশেষে সে বেচারি বিস্তর মকদ্দমা-মামলা করিয়া বরাবর অকৃতকাৰ্য্য হইয়া এই ঝগড়া হাত হইতে ঝাড়িয়া ফেলিবার জন্ত উৎসুক হইয়া উঠিল। সামান্য মূল্যে রাধামুকুন্দ সেই পূর্ণ সম্পত্তি পুনর্ব্বার কিনিয়া লইলেন।

লেখায় যত অল্পদিন মনে হইল আসলে ততটা নয়। ইতিমধ্যে প্রায় দশ বৎসর উত্তীর্ণ হইয়া গিয়াছে। দশ বৎসর পূর্বে শশিভূষণ ঘোষনের সর্বপ্রাপ্তে প্রোট বয়সের আরম্ভভাগে ছিলেন কিন্তু এই আট দশ বৎসরের মধ্যেই তিনি যেন অস্তরূপে মানসিক উত্তাপের বাষ্পখানে চাড়িয়া একেবারে সবেগে বার্ককোল মাঝখানে আসিয়া পৌছিয়াছেন। পৈতৃক সম্পত্তি যখন ফিন্নয়া পাইলেন, তখন কি জানি কেন আর তেমন প্রফুল্ল হইতে পারিলেন না। বহুদিন অব্যবহারে হৃদয়ের নীণায়ন্ত্র বোধ করি বিকল হইয়া গিয়াছে, এখন সহস্র বার তার টানিয়া বাধিলেও চিলা হইয়া নামিয়া যায়—সে সুর আর কিছুতেই বাহির হয় না।

গ্রামের লোকেরা বিস্তর আনন্দ প্রকাশ করিল। তাহারা একটা ভোজের জন্ত শশিভূষণকে গিয়া ধরিল। শশিভূষণ রাধামুকুন্দকে জিজ্ঞাসা করিলেন, “কি বল ভাই?”

রাধামুকুন্দ বলিলেন, “অবশ্য, শুভদিনে আনন্দ করিতে হইবে বৈ কি!”

গ্রামে এমন ভোজ বহুকাল হয় নাই। গ্রামের ছোট বড় সকলেই থাইয়া গেল। ব্রাহ্মণেরা দক্ষিণা এবং হুঃখী-কাঙাল পরসী ও কাপড় পাইয়া আশীর্বাদ করিয়া চলিয়া গেল।

শীতের আরম্ভে গ্রামে তখন সময়টা খারাপ ছিল; তাহার উপরে শশিভূষণ পরিবেশনাদি বিবিধ কার্যে তিন চারিদিন বিস্তর পরিশ্রম এবং অনিয়ম করিয়াছিলেন, তাহার ভগ্ন শরীরে আর

সহিল না—তিনি একেবারে শয্যাশায়ী হইয়া পড়িলেন। অত্যাশ্চর্য্য উপসর্গের সহিত কম্প দিয়া জ্বর আসিল—বৈদ্য মাথা নাড়িয়া কহিল, “বড় শক্ত ব্যাধি।”

রাত্রি দুই তিন প্রহরের সময় রোগীর ঘর হইতে সকলকে বাহির করিয়া দিয়া রাধামুকুন্দ কহিলেন, “দাদা, তোমার অবর্ত্ত-
মানে বিষয়ের অংশ কাহাকে কিরূপ দিব সেই উপদেশ দিয়া
যাও।”

শশিভূষণ কহিলেন, “ভাই, আমার কি আছে যে কাহাকে
দিব।”

রাধামুকুন্দ কহিলেন, “সবই ত তোমার।”

শশিভূষণ উত্তর দিলেন, “এককালে আমার ছিল, এখন
আমার নহে।”

রাধামুকুন্দ অনেকক্ষণ চুপ করিয়া বসিয়া রহিল। বসিয়া
বসিয়া শয্যার এক অংশের চান্দর দুই হাত দিয়া বারবার সমান
কাঁবরা দিতে লাগিল। শশিভূষণের স্বাসক্রিয়া কষ্টসাধ্য হইয়া
উঠিল।

রাধামুকুন্দ তখন শয্যাপ্রান্তে উঠিয়া বসিয়া রোগীর পা দুটি
ধরিয়া কহিল, “দাদা, আমি যে মহাপাতকের কাজ করিয়াছি,
তাহা তোমাকে বলি, আর ত সময় নাই।”

শশিভূষণ কোন উত্তর করিলেন না—রাধামুকুন্দ বলিয়া
গেলেন—সেই স্বাভাবিক শাস্ত্যাব এবং ধীরে ধীরে কথা, কেবল
মাঝে মাঝে এক একটা দীর্ঘনিশ্বাস উঠিতে লাগিল। “দাদা,

‘আমার ভাল করিয়া বলিবার ক্ষমতা নাই। মনের যথার্থ যে ভাব সে অন্তর্ধানী জানেন, আর পৃথিবীতে যদি কেহ বুঝিতে পাবে ত, হয়ত, তুমি পারিবে! বালককাল হইতে তোমাতে আমাতে অন্তবে প্রভেদ ছিল না, কেবল বাহিরে প্রভেদ। কেবল এক প্রভেদ ছিল, তুমি ধনী আমি দরিদ্র। যখন দেখিলাম সেই সামান্য সূত্রে তোমাতে আমাতে বিচ্ছেদের সম্ভাবনা ক্রমশই গুরুতর হইয়া উঠিতেছে, তখন আমিই সে প্রভেদ গোপ করিয়াছিলাম। আমিই সদর খাজনা লুট কবাইয়া তোমার সম্পত্তি নিলাম করাইয়াছিলাম।’

শশিভূষণ তিলমাত্র বিষয়ের ভাব প্রকাশ না করিয়া ঈষৎ হাসিয়া মৃদুস্বরে কন্ধ উচ্চারণে কহিলেন, “ভাই, ভালই করিয়াছিলে। কিন্তু যেজন্ম এত করিলে তাহা কি সিদ্ধ হইল? কাছে কি রাখিতে পারিলে? দয়াময় হরি!”—বলিয়া প্রশান্ত মৃদু হাস্তের উপবে হুই চক্ষু হইতে দুই বিন্দু অশ্রু গড়াইয়া পড়িল।

রাধামুকুন্দ তাহার দুই পায়ের নীচে মাথা রাখিয়া কহিল, “দাদা, আমাকে মাপ করিলে ত।”

শশিভূষণ কাছে ডাকিয়া তাহার হাত ধরিয়া কহিলেন, ‘ভাই তবে শোন। একথা আমি প্রথম হইতেই জানিতাম। তুমি যাহাদের সহিত ষড়যন্ত্র করিয়াছিলে তাহারাই আমার নিকট প্রকাশ করিয়াছে। আমি তখন হইতে তোমাকে মাপ করিয়াছি।’

রাধামুকুন্দ হুই করতলে লজ্জিত মুখ লুকাইয়া কাঁদিতে লাগিল।

অনেকক্ষণ পরে কহিল—“দাদা মাপ যদি করিয়াছ তবে তোমার এই সম্পত্তি তুমি গ্রহণ কর। বাগ করিয়া ফিরাইয়া দিয়ো না।”

শশিভূষণ উত্তর দিতে পারিলেন না—তখন তাঁহার বাক্‌বোম্ব হইয়াছে—রাধামুকুন্দের মুখের দিকে অনিমেষ দৃষ্টি স্থাপিত করিয়া একবার দক্ষিণ হাত তুলিলেন। তাহাতে কি বুঝাইল বলিতে পারি না। বোধ কবি রাধামুকুন্দ বুঝিয়া থাকিবে।

গোটের উক্তি সংগ্রহ

যাহা কিছু জ্ঞানের কথা তাহা পূর্বেই চিন্তিত হইয়া গিয়াছে।
আমাদের কাজ, তাহাদিগকে পুনর্ব্বার চিন্তা করা।

যাহা আমাদের বুদ্ধিকে মুক্তিদান করে অথচ সেই সঙ্গে
আমাদের আত্মসংযমকে বলদান করে না, তাহা অত্যন্ত অনিষ্টকর।

ঝড়ের আরম্ভে ধূলা অত্যন্ত বেশি কবিয়া আলোড়িত হইয়া
উঠে—সেই ঝড়ট ধারাবর্ষণের দ্বারা তাহাকে সম্পূর্ণ শাস্ত
করিয়া দেয়।

আমরা পরস্পরকে অনেক বেশি ভাল করিয়া জানিতে
পারিতাম যদি না আমরা পরস্পরের সহিত আপনাকে সমতুল্য
করিয়া দোষবিরোধ চেষ্টা করিতাম। বড়লোকের মুক্তি সেই
খানে ;—লোকে নিজের সহিত তাহাদের তুলনা করিতে পারে
না, এই জন্য দোষ বাহির করিবার জন্য অত্যন্ত উৎসুক
হইয়া থাকে।

যাহা ভাল তাহাই করা কাজের লোকের পক্ষে উচিত বটে,
কিন্তু যাহা ভাল তাহা কৃত হইল কি না তাহা লইয়া নিজেকে
অত্যন্ত ক্ষুব্ধ করিয়া তোলার প্রয়োজন নাই।

অনেক লোকে দেয়ালের উপরে হাতুড়ি ঠুকিয়া বেড়ায় মনে
করে প্রত্যেক আঘাতটাই বৃষ্টি ঠিক পেরেকের উপর পড়িতেছে।

কোনো সত্য অনুষ্ঠানের বিরুদ্ধে যাহারা চেষ্টা করে তাহারা

অলস্তু অঙ্গারকে আঘাত করে—এমনি করিয়া যাহাকে আঘাত করে তাহাকেই চারিদিকে ছড়াইতে থাকে।

পৃথিবীতে মানুষ মহত্তম জীব হইত না, যদি তাহার মহত্ত্ব পৃথিবীর প্রয়োজনের অপেক্ষা অতিরিক্ত না হইত।

অতাস্ত সত্তাব ও সন্নিচ্ছা সত্ত্বেও প্রতিবেশীকে সহজে জানা যায় না, অসদ্ব্যব যদি আসিয়া পড়ে তবে ত সমস্ত বিরক্ত হইয়া যায়।

যে ব্যক্তি নিজের ভাষা ছাড়া আর কোনো ভাষা জানে না—সে নিজের ভাষাও ভাল করিয়া জানে না।

অল্প বয়সে ভুল চুকে বিশেষ ক্ষতি করে না, কিন্তু সাবধান হওয়া চাই অধিক বয়সে সেগুলিকে যেন টানিয়া আনা না হয়।

শূন্য আত্মপ্রশংসা সুগন্ধ না হইতে পারে মানি, কিন্তু অত্মের অত্মীয় নিন্দার দুর্গন্ধের বেলায় লোকের নাসিকার খোঁজ পাওয়া যায় না কেন ?

আমি বলি সকলের চেয়ে সুখী মানুষ সেই—যে জীবনের আরম্ভের সহিত জীবনের পরিণামকে সুগ্রাথিত করিতে পারে।

মানুষ এমনি একগুয়ে বিপরীত বুদ্ধির জীব, যে, জোর করিয়া তাহার ভাল করিতে গেলে, সে সহিতে পারে না, কিন্তু বাহাতে তাহার মন্দ করে এমন বহুতর বন্ধন সে স্বাকার করিয়া আসিতেছে।

সত্য মতকে সাহস করিয়া প্রকাশ করা কেমন, যেমন দাবা

বড়ে খেলার প্রথম বড়েকে ঠিক মত চালা, সে বড়ের গোড়াতেই
নারা যাইতে পারে কিন্তু পরিণামে খেলার জিত হইবে।

সত্য জিনিষটা মানুষের, আর ভ্রম জিনিষটা কালের।

বথার্থ যত বড় তিনি, তাহার চেয়ে নিজেকে যিনি বড় না
মনে করেন, তবে তাঁহাকে যত বড় মনে করা যায় তাহার চেয়ে
তিনি বড়।

ঈশ্বরদ্বারা পনেরো মিনিট কাল ধরিয়া টকিয়া থাকে তাহার
প্রতি কেহ তাকায় না।

যে ব্যক্তি নিজের কথা ঠিক মত করিয়া বলিতে পারে নাই
তাহার কথা ঠিক মত করিয়া ব্যাখ্যা করিতে না জানাতেই
অনেক বুদ্ধিমান লোকেব সুবুদ্ধির অভাব প্রকাশ পায়।

যে সত্যকে অশ্রদ্ধা স্বীকার করিয়াছে তাহাকে স্বীকার করিলে
পাছে স্বাভাব্যের ধর্মতা হয় এই আশঙ্কা করার মত প্রমাদ
বুদ্ধিমান যুবকের পক্ষে অল্পই আছে।

